



Addict. cubic. Profesp. High. Eul.

8

Ex Bibliotheca  
PP. Coll. Rom.  
Societ. Jesu




III  
2  
D

8.-3.C.13

A Buonasera

Questo esemplare appartenne  
al celebre P. Abbate Buonasera.  
E fu comprato all'asta  
Da me Tito Cicconi.









JOANNES CLERICUS,

*Orator Generis h. Martii S. V. 1657.*

..... Nil sine magno  
Vita labore dedit mortalibus ....

*Arland pinx.*

*Drum sculpsit.*

JOANNIS CLERICI  
A R S  
CRITICA,  
IN QUA AD STUDIA

Linguarum  
LATINÆ, GRÆCÆ, ET HEBRAICÆ,

Via munitur ; Veterumque emendando-  
rum, Spuriorum

S C R I P T O R U M

A Genuinis dignoscendorum, & judicandi  
de eorum

L I B R I S

Ratio traditur.

*Editio Quinta auctior & emendatior, ad cujus  
calcem quatuor Indices accesserunt.*

VOLUMEN PRIMUM.



AMSTELÆDAMI,  
Apud JANSSONIO-WAESBERGICIS.

---

M. DCC. XXX.



# M. ANT. TEUTONI

Suo S.P.D.

## JOANNES CLERICUS.

**C**RITICEN nostram, mi TEUTO,  
quam nosti dudum inchoatam, sed alio  
studiorum & laborum genere interruptam  
fuisse, ad umbilicum tandem perduci. Etiam ad te  
mitto. Nemo erat, cujus studiis consultum  
magis optarem, quàm tuis; nec amicorum  
quisquam, cui crederem utilius esse posse hoc  
Opus; si modò à scopo, quem mihi proposui,  
non prorsus aberrasse censi queam.

A puero tibi dux fui

— — per amœna vireta

Fortunatorum nemorum, sedésque bea-  
tas,

in quas se receperunt magnæ illæ animæ, quæ  
olim Græcis & Romanis præluxerunt. Opti-  
morum quorumque Scriptorum, Græcorum  
& Latinorum, intelligo libros; in quibus  
etiamnum videntur spirare, & quos tibi aut  
integros, aut ex parte olim interpretatus sum.  
Meâ haud multò minùs quàm tuâ interest,  
te nunc studiosè cùm vestigia tua relegentem,  
tum etiam in abditiores partes eorum nemo-  
rum penetrantem, à recta semita non aber-



rare , ut quò tendis pervenias. Quo enim uberiores fructus , ex rectè institutis studiis , capies ; eo major erit mea voluptas , cùm me frustra non fuisse intelligam. Tum demum mihi videbor optimo viro ; Patri tuo , beneficia , quibus me , ex quo in Hollandia pedem fixi , devinxit , posse rependere ; cùm sentiet operam meam tibi inutilem non fuisse. Patere ergo me ingenium , quod mihi tenellum commissum à viro amicissimo per aliquot annos non indiligenter excolui , etiamnum subinde monitis & consiliis firmare ; ut , quemadmodum facis , ad honestissima quæque pergas contendere.

Eam in rem , hoc Opusculo te donare volui , ut quod voce non possum , dum Oceano divisi sumus , nec etiam Epistolis , propter perpetua negotia , quibus me scis distineri , id libello hoc faciam. In eo multa distinctius , & copiosius leges exposita , quæ olim me obiter dicentem audivisti. Monita etiam hîc plurima , è media Philosophia petita , videbis , quæ , nisi fallor , humaniores , & sanctiores etiam litteras colentibus non nimium inculcari possunt ; cùm viri , non è vulgo , quod hæc satis non adtendissent , passim in Scriptis suis cespitarint.

Hîc Criticum , non pædagogico fastu tumulentum , aut farragine quadam jejunæ erudi-

ditionis onustum, formare adgressus sum; sed non minus iudicio, atque memoria sua, utentem, & qui probe calleat quam pauca penitus in Veterum monumentis intelligamus; ideoque modestè de aliis iudicet, & ab omnibus discere sit paratus. Volo eum ante omnia niti intelligere quid Veteres velint, & sibi diligenter cavere, ne opinetur se scire quod nescit. Sed dum hisce studiis operam dat, nolo eum Philosophicis & Mathematicis umquam ita valedicere, ut iudicii sui oblitus memoriam tantum excolat. Utraque perpetuo conjungenda sunt, ita ut dum Philologia nobis congerit materiem, è Græcis, Latinisque Scriptoribus, quâ, ubi necesse erit, utamur; Philosophia omnem illam materiem ordine certo digerat, & singula suis locis collocet. Nisi hoc fiat, moles quædam indigestæ eruditionis comparatur, aptior obruendis audientium animis, quam iis collustrandis.

Itaque utilissimum tibi erit Disciplinarum Mathematicarum studium, cui nunc incumbis, si Geometricum illum laudatissimum ordinem ad alia transferas, quoad per naturam rerum licebit; atque animum ordini ad-suetum instruas, lectione Veterum, iis cognitionibus, eâque facultate dicendi, quæ sunt litterarum studioso, quodcumque vitæ

*iter ingreditur, necessariae. Quamobrem,  
ut Ciceronis verba usurpem nonnihil immu-  
tata, disces quidem, mi MARCE, à  
principibus hujus ætatis Geometrarum,  
& disces quamdiu voles; tamdiu autem  
velle debebis, quoad te quantum proficias  
non pœnitebit. Sed tamen nostra leges,  
ut subactum, ope Geometriæ, judicium in-  
struere possis pulcherrimarum rerum, quæ in  
Veterum libris leguntur, cognitione. Quæ  
omnia studia tibi in dies facilia & utiliora  
fieri, corpusculumque tuum & valetudinem  
confirmari, Deum Opt. Max. ex animo oro.  
Vale.*

Dabam Amstelodami Calend.  
Decembribus.

cIo Ioc xcvi.

PRÆ-



# P R Æ F A T I O

ANNI MDCXCIX.

**A**LTERAM hîc habes, LECTOR, Editionem Criticæ nostræ, quam non modò diligenter emendavi, à capite ad calcem, sed & insignibus & magni momenti testimoniis Veterum passim auxi. Si prior Editio aut Amstelodamensis, aut Londinensis tibi non displicuit; hæc sine dubio propterea magis placebit, cùm multò adcuratior & auctior sit. Scio esse, qui querantur mutari vel augeri posteriores Editiones; quòd prioribus, quas sibi compararant, nullum postea sit pretium. Sed an ideò vetitum erit scribentibus emendare aut exornare Scripta sua, ut emtorum crumenæ parcatur? Non puto, cùm tantillæ pecuniæ jactura non sit æquiparanda cum fructu, qui ex meliore Editione colligi potest. Reputent secum se non aliter insumsisse pecuniam emendæ priori Editioni, quàm eam quam insumunt in coenulam familiari præben-

bendam ; quam non putant tamen  
prorsus sibi periisse. Pecuniam nu-  
meratam Bibliopolæ , prioris Edi-  
tionis causâ , existiment satis pen-  
satam fuisse fructu aut voluptate  
lectionis. Alteram verò iterum e-  
mant, ut Bibliothecam eâ exornent,  
cùm postea non sit mutanda, aut  
augenda. Mihi quidem certum est,  
si quid addendum aliquando judica-  
ro, in separatis Voluminibus addi-  
tamenta publici juris facere. Ter-  
tium addere jam coepi huic Operi  
Tomum , in quo non Ars quidem  
ipsa traditur , sed ejus usus , in  
gravissimis quæstionibus , ostendi-  
tur. Mistus est, fateor, Artis usus  
cum mei defensione contra nonnul-  
los, qui in me calamum strinxere ;  
at dedi operam ut pleraque omnia  
omitterem , quæ eos & me priva-  
tim spectant , argumentaque omni-  
bus utilia excuterem.

*Amstelodami Calendis Decembribus anni*

CIO IOC XCIX.

PRÆ-

# P R Æ F A T I O

A N N I M D C C X I I .

CUM primùm animum, ad hanc *Artem Criticam* scribendam, adpuli; non cogitaveram me tantum opus umquam ad umbilicum perducturum. Ideoque primum Volumen, aut potiùs partem ejus, in gratiam eorum, qui Humanioribus Literis operam nonnullam dare cupiunt, conscripseram, studiosisque Adolescentibus exscribendam dederam; ut veluti manu-ductionem ad majora studia haberent, quibus ipsi postea sibi *Criticæ* ampliorem peritiam compararent. Sed postquàm hoc opus aliquamdiu in schedis meis rude & inchoatum dumtaxat jacuisset; rogatus à Typographis, id perficere adgressus sum, & emisi quale primæ Editionis duobus voluminibus continebatur. Non sperabam equidem me Artis tam latè patentis, & cujus infinita propemodùm sunt præcepta, plenam ac perfectam delineationem dedisse, quod nec hodie existimo; sed ramen putabam me summa rerum fastigia sequutum ostendisse quâ viâ, & quo ordine hæc Ars tradi posset; si quis vellet Juventuti eam operam navare, quam ipse, aliis studiis distentus, suscipere in me non poteram. Pro-  
bè

bè noram nullum umquam, ex iis, qui primi Disciplinam quampiam in Artis formam redigere conati sunt, rem ita, primo conatu, expolire potuisse; quin posteris multa emendanda atque expolienda relinqueret. Sed propterea rem minimè à me tentandam fuisse judicare non poteram; nam si quæ laus, aut si quæ utilitas hinc speranda est, aliquam certè ejus partem ad primum inventorem spectare necesse est; vel hoc solo nomine, quòd aliis meliora atque adcuratiora præstandi viam & occasionem præbuit, suòque exemplo aliis ut rem utilem ac laudandam adgrederentur auctor fuit.

Re ipsâ multorum Eruditorum Virorum faventia expertus sum judicia, nec pauci gratum sibi hoc opus esse ostenderunt. Vix editum primùm erat, cùm in Anglia recusum est, nec multò pòst à me emendatum & auctum in lucem iterum hìc emissum est. Cùm verò Bibliopolæ, à quibus vendebatur, Apothecam Librariam clausserint paucis pòst annis, exemplariàque *Artis Criticæ* quotidie, in aliorum Officinis, quærerentur, nec inveniri possent; ii, apud quos nunc prostat, de quarta hac Editione emittenda consilium ceperunt; quod ego cùm probarem, diligenter antecedentis exemplar legi, emendavi & auxi,  
quò

quò magis Lectoribus prodessem. Aliud nihil spectavi, nec ulla ad me utilitas hinc rediit, nisi quòd mihi præstiti Reipublicæ Litterariæ officii, quà potui, conscius sum.

Ut verò, Lector, scias quæ emendata, quæ addita sint, ante omnia menda typographica, quæ plura irrepsent, sublata sunt. Si alia sint hîc admissa, ut fit, pauciora multò futura spero & confido. Deinde styllum meum passim emendavi, ubi opus esse videbatur; quamvis enim hîc res, potius quàm verba, quæri debeant, attamen in ejusmodi Opere sordes vitari oportere judicavi, nec adolescentes legendo & ipsi stylo nimium fortasse, nonnullis in locis, philosophico inficerentur. Accesserunt additiunculæ hîc illic, ad perspicuitatem styli, aut etiam ad rem ipsam pertinentes permultæ; quas enumerare minimè possim. Pauca tamen indicabo.

In Parte prima, ubi de ratione & ordine studiorum egimus, multa addidimus ad Editiones Veterum Scriptorum pertinentia, quæ in superioribus Editionibus non legebantur; seu quia in lucem postea prodierunt, quæ memoravimus, seu quia Studioforum causâ, nonnulla addenda censuimus. Potuissemus quidem, si ita visum fuisset, multò copiosiores ea in re esse, nec paucos etiam libros, Editionesque non  
ita

Ita vulgares adnotare. Sed duo obstitere-  
runt ne faceremus, quorum alterum est  
pleraque alicujus momenti facile Studiosis  
innotescere, ex quo semel optimos quos-  
que Scriptores diligenter lectitare cœpif-  
sent. Quare necessarium non erat ambi-  
tiosum omnium catalogum texere, cum  
præsertim initio paucos eosque præstantis-  
simos in succum convertere præstet, quàm  
per nimiam Scriptorum copiam temerè,  
ut sic loquar, volitare; quâ ratione pau-  
ciora multò memoriæ inhærent & turba-  
tur etiam judicium; ne jam dicam paucos  
esse, quibus per omnia vagari liceat. Al-  
terum est, quòd vulgatissimi quique sint  
optimi & utilissimi, in rarioribus verò pau-  
ca inveniantur, quæ tempus in iis legen-  
dis collocandum pensare possint. Rarissi-  
mi quique libri sunt minimè omnium, si  
rem probè pensites, utiles; quod vel ex  
ipsa eorum raritate intelligere est, neque  
enim aut numquam, aut tam rarò essent  
recusi, si quis fructus singularis ex iis capi  
posset. Satiùs est multò *Homerum* & *Xe-  
nophontem* in Græcis, *Ciceronem* & *Virgi-  
lium*, in Latinis, ut iis exemplis utar,  
sæpiùs legisse, etiam in vulgaribus Editio-  
nibus; quàm iis leviter delibatis, ut fit,  
per studiorum, ut sic dicam, diverticula  
temerè errare; quamvis ex iis nonnulla  
for-



egimus. Sed & hîc plura, si ita videatur, addere liceat, ex iis quæ adnotavit *Joan. Priceus* in Apuleianæ Metamorphoseos Lib. II. p. 24. ad hæc verba *retroſa reſpiciens*, ubi tamen nullum eſt exemplum ex iis, quæ protulimus. Sic & loquutionem *ſcribere in animo*, pro eo quod eſt memoriæ inferere, pluribus, quàm antea, ab aliis & à nobis factum fuerat, exemplis illustravimus, P. 2. S. 2. C. IV, 10. quia res agebatur, quæ nonnullis obſcurior videri poterat.

In eadem Parte II. multa paſſim reſinximus & addidimus, quæ memorare longum eſſet & inutile. Legatur vel Sectionis I. Caput IV, 15. & ſeqq. ubi de *Emphaſi* egi; & monita nonnulla, pluribus expoſita, occurrent, quæ maximi, Veteres intelligere cupientibus, momenti eſſe videbuntur; certè ejuſmodi mihi ſcribenti viſa ſunt, & certò ſcio multa eam in rem quotidie peccari. Integrum etiam, hac in Parte, Caput XIV. adjecimus, in quo rationibus ac exemplis confirmavimus regulam hanc *Criticam*, oportere Critico, qui Scriptorem interpretari adgreditur, notam eſſe rem de qua Scriptor agit. Eam quoque non exigui eſſe momenti cum omnes per ſe intelligant, tum præſertim animadvertent qui in manuſument Interpretem, qui, eâ re ignotâ, Scriptorem paul-



paullò graviozem illustrare adgressus sit; quales sunt nonnulli, qui in Novum Testamentum, non satis à Theologiæ Christianæ cognitione parati, scribere ausi, aut Historiæ Ecclesiasticæ Scriptores interpretari conati sunt. Quantacumque enim alioquin eorum eruditio sit, in Græcis, humanioribusque litteris; nisi Theologiæ & primævæ & sequentium aliquot sæculorum seriam & longam operam dederint, frustra passim erunt, nec intelligent quod sibi optimè intelligere videbuntur; quod exemplis magnorum virorum *Luce Holstenii* & *Henrici Valesii*, quibus ceteroqui summas laudes libentissimè tribuimus, satis, nisi fallimur, demonstravimus, & faciliè pluribus ostendere possemus, nisi tacere, acutioribusque quod superest investigandum relinquere præstaret.

Potuissemus & Partem III. multùm augere, si voluissemus vel solas emendandi leges novis exemplis illustratum ire; magnum enim emendationum, ad regulas exactarum, numerum edidimus & in scriniis etiamnum habemus; multas etiam παραδόσεις adjicere potuissemus, quarum magna seges è recentiorum quorundam Criticorum scriptis colligi nullo negotio queat. Sed satis exemplorum, ut quod demonstratum cupiebamus ostenderetur, adlatum erat; & major copia ostentationi

similis visa esset, aut etiam à carpendi libidine profecta, si delictorum numerum ampliorem addidissem.

Itaque, iis omiſſis, in Sectione I. Partis III. plura passim addidi loca *Galen*i, ex iis Libris, quibus *Hippocratis* opera illustravit, desumpta. Ex iis liquet quâ ratione corrupti jam olim fuerint antiquissimi Libri, idque eò clariùs quòd non ratiocinationibus nostris, sed *Galen*i, viri non tantùm Medicinæ, sed etiam elegantiorum Litterarum peritissimi, nitamur. Ea à Lectoribus, harum rerum amantibus, libenter lectum iri speramus. Nonnulla quidem, ante nos, protulerat *Joannes à Wower*, in erudito Opere de *Polymathia Veterum*; sed longè plura è *Galeno* depromsimus, nec quidquam fide alienâ laudavimus.

Sed & in eadem Sectione Caput XI. integrum concinnavimus, quod in prioribus Editionibus non erat. Inſcribitur. *De signis Parentheseos, Interrogationis, Admirationis, Exclamationis, Desiderii & Ironiæ, obscuritatéque & mendis inde ortis, deque Accentibus, Spiritibusque, distinctionis causâ, additis.* De quibus non frustra, in *Arte Critica*, agi agnoscent quicumque dicta paullò attentius legent & cum similibus, à se observatis, comparabunt. Capite sequente §. 10. sunt nonnulla de mendis in numerorum notas admissis, atque ex *Galen*o

*leno* probatis non indigna cognitu ; & quæ ostendunt quàm facilè in annorum, Olympiadúmque numeros, apud Græcos, menda irrepperint.

Legibus VII. de ratione emendationis, octavam addidimus, ad coërcendam Criticorum audaciam ac licentiam. Modestis ac severis ingeniis probatum eam iri non dubitamus ; sed non placebit sui nimio amore occæcatis *conjecturas omnes modeste proponi, fin minus, doctis ludibrium debere* ; quamvis ea sit æquissima mulcta, & quam sibi imponi nullo jure queri possunt. Sed quid agas ? Nonnulli sunt qui φιλαυτία usque adèò laborant, ut sibi dum omnia licere volunt, ne ridendi quidem aliis potestatem relinquant ; quæ tamen est ineptias ulciscendi lenissima ratio. Sed eam, frendentibus licet ferocioribus Criticis, elegantiores omnes & doctiores semper usurpabunt, neque enim est quod sibi à violentis ingeniis timeant ; quorum potentia eò arctioribus limitibus est coërcita, eritque semper, quò impotentiùs in probos indignabuntur.

In ultima Sectione, nonnulla quoque sparsim sunt addita, aut emendata quæ pluribus non diducam. Satis habebò si æquis Lectoribus minimè displiceat, quod omnino futurum spero ; ceteros nec moror, nec metuo. Si huic laboris nostri porti,

hisque gratias non habeant Antiquitatis  
nimii admiratores; at habebunt acutiores  
omnes & candidiores, qui intelligunt non  
exigui laboris nec levis meditationis fuisse,  
hanc Artem certâ ratione & viâ tradere,  
totiusque negotii delineationem quamdam  
animo prius sibi fingere; tum etiam ratio-  
nibus & exemplis omnia confirmare. Erunt  
& quibus *αἱρετικὰ* philosophicam, in mul-  
tis antea ignotam, quod Philosophiæ ple-  
rumque imperiti sint Critici, faciliè proba-  
bimus. Nec deerunt, qui multa ex Scrip-  
toribus, Disciplinisque gravioribus ad exa-  
men Criticum revocata gaudeant benèque  
nobis propterea velint, &, quod caput est  
rei, de *Arte* ipsa *Critica* honestiùs sentiant,  
quam Pædagogicam nescio quam Disciplina-  
nam falsò crediderant; dum de re pulcher-  
rima ex ingenio scriptisque nonnullorum  
Criticorum perperam judicarent. Quæ eò  
confidentiùs dicimus, quòd è doctorum  
hominum judiciis, quæ nobis innotuerunt,  
de aliis etiam non absurdè conjecturam fa-  
cere posse nobis videamur.

*Dabam Amstelodami, Calendis Martiis*  
*anni M D C C X I I.*

I N-

# I N D E X

## CAPITUM

### T O M I P R I M I.

PRÆFATIO. **D** *Esinitio, Divisio & Usus*  
*Critices.* Pag. 1.

PARS I. De ordine in Vett. lectione  
 observando.

CAPUT I. *De iis, quæ Vett. lectioni præ-*  
*mitti debent.* 21

CAP. II. *De ordine in lectione Latinorum*  
*observando.* 41

CAP. III. *De ordine in legendis Græcis*  
*observando.* 57

CAP. IV. *De Methodo in Hebraicæ Lin-*  
*guæ studio observanda.* 73

CAP. V. *Consilia varia ad rationem studio-*  
*rum pertinentia.* 93

PARS II. De Vocum & Loquutionum  
 significatione.

SECTIO I. *Regulæ Generales de Vocum, &c.*

CAPUT I. *De Divisione Vocum.* 105

CAP. II,



# I N D E X

- CAP. II. 1. *Linguas sibi invicem non satis respondere.* 109
- CAP. III. 2. *Voces variarum Linguarum, quæ planè idem significare videntur, sibi invicem non respondere.* 145
- CAP. IV. 3. *Multa videri in Versionibus Emphatica, quæ in ipsis fontibus nullam Emphasin habent.* 157
- CAP. V. 4. *Plurima esse vocabula ambigua, in omnibus Linguis, cum ipsarum Linguarum inopiâ, tum negligentia Scriptorum.* 175
- CAP. VI. 5. *Significationes vocum earumdem nunc esse ampliores, nunc arctiores.* 193
- CAP. VII. 6. *Propriam vocum significationem cum tralatitia non esse confundendam.* 206
- CAP. VIII. 7. *Multis vocibus esse obscuras notiones subjectas.* 216
- CAP. IX. 8. *Voces esse, quibus nulla subiecta est potestas.* 225
- CAP. X. 9. *Loquutiones esse plurimas, in omnibus Linguis, anomalas, & parum adcuratas, quæ nimium urgendæ non sint.* 237
- CAP. XI. 10. *Α'κρολογίαν non debere cum tropicis vocibus, aut figurata oratione confun-*

## C A P I T U M.

*fundi; neque ex ea regulas confici posse.*

256

CAP. XII. 11. *Multa esse propter constructionem ambigua.*

264

CAP. XIII. 12. *Ut probè intelligatur Scriptor quivis, consuetudines & opiniones popularium ejus esse tenendas.*

275

CAP. XIV. 13. *Oportere Critico, qui Scriptorem interpretari adgreditur, notam esse rem de qua Scriptor agit.*

286

CAP. XV. 14. *Diversas sectas iisdem sæpe usas esse vocabulis, ad diversa prorsus dogmata exprimenda; & easdem servatis iisdem vocabulis, lapsu temporis, sententiam mutasse.*

303

CAP. XVI. 15. *Difficultatem intelligendi maximam interdum oriri ex rhetorico stylo.*

316

CAP. XVII. *Brevis historia studiorum rhetoricorum, quibus difficillimum cognitum factum est, quid cogitarint pluribus de rebus celeberrimi Scriptores.*

337

PARTIS II. SECTIO II. *In qua particulatim expenduntur vocum & loquutionum significationes.*

CAPUT I. *De significatione vocum, quæ simplicium notionum signa sunt.*

355

CAP. II.

## INDEX CAPITUM.

CAP. II. <i>De nominibus notionum compositarum.</i>	372
CAP. III. <i>De nominibus substantiarum &amp; modorum.</i>	385
CAP. IV. <i>De nominibus relationum.</i>	406
CAP. V. <i>De rerum concretarum &amp; abstractarum nominibus.</i>	419
CAP. VI. <i>De notionum singularium, particularium, &amp; universalium nominibus.</i>	433
CAP. VII. <i>De notionum clararum &amp; obscurarum nominibus.</i>	446
CAP. VIII. <i>De notionum adæquatarum &amp; inadæquatarum nominibus.</i>	456





# ARS CRITICA,

SEU DE

INTERPRETATIONE


VETERUM SCRIPTORUM.

## PRÆFATIO

*Definitio, Divisio, & Usus*

*CRITICES.*

## SECTIO I.

I. RITICEN, ut à definitione ordiamur, vocamus *Artem intelligendorum Veterum Scriptorum, sive numeris adstrictâ, sive solutâ oratione utentium, & dignoscendi quænam eorum genuina scripta sint, quæ spuria; tum etiam quæ sint ad regulas Artis exacta, quæ verò secus.* Dicitur ΚΡΙΤΙΚΗ, quodd ejus ope de sensu & elegantia dictorum, deque ætate scribentium judicemus. Hac in adpellatione, aliquantum discrepamus ab iis, à quibus mutuam sumimus,

*Tom. I.*

A

mus,

mus, Græcis veteribus; *Criticos* enim dicebant, docente *Eustathio* in *Homerum*, ad II. B. (a) τὲς κατὰ τὴν γραμματικὴν παράδοσιν αἰδέτας πρὸς τὰ ποιήματα, eos qui, ex doctrina *Grammaticorum*, judicare de *Poëmatibus* norunt. (b) Alibi eosdem vocat ἀκριβεῖς Γραμματικὲς, accuratiores *Grammaticos*. Sed utrobique agit de Interpretibus *Homeri*, aut de iis qui ejus opera recensuerant; qualis fuit *Aristarchus*, qui spurios versus *Homeri* notaverat. (c) At nos Criticen non minùs ad eos, qui prosâ oratione scripserunt, interpretandos adhibemus; quàm ad intelligendos Poëtas. Non inquiremus hîc, an hæc Ars pars sit *Grammaticæ* propriè dictæ, an verò secùs; quia pendet ex cujusque arbitrio, arctiorem aut ampliorem vocabulò cuivis tribuere significationem, in suo ipsius sermone; modò audientes, aut legentes moneat. Itaque qui *Grammaticen* vocabit quidquid ad Linguarum Antiquitatisque cognitionem pertinet, eo nomine *Criticen* etiam complectetur; qui verò *Grammaticen* dici tantùm debere censebit *Artem rectè loquendi*, is Criticen, quamvis *Grammaticæ* adfinem, ad aliam disciplinam referet. Laxiore significato *Grammatices* nomen intellexit *Quintilianus* Lib. I. c. 4. ubi hisce verbis ita eam descripsit, ut Criticen ejus ambitu comprehenderit: *Hæc professio*, in-

(a) Pag. cclxxxv. l. 9.

(b) Pag. dcclxxv. l. 30. Ed. Rom.

(c) Sic & Scholiastes Mf. *Dionysii* Thracis, cujus verba adfert Ger. *Langbanus* ad Longini Cap. VI. solis Poëtis mancipat Criticum.

Inquit, cùm brevissimè in duas partes dividatur, rectè loquendi scientiam & Poëtarum enarrationem; plus habet in recessu, quàm in fronte promittit. Nam & scribendi ratio conjuncta cum loquendo est, & enarrationem præcedit emendata lectio; & nihilum his omnibus judicium (xplois unde xgrixn) est, quo quidem ita severè sunt usi veteres Grammatici, ut non versus modò censoriâ quadam virgulâ notare, & libros qui falsò viderentur inscripti, tamquam subdititios, submovere permiserint sibi; sed auctores alios in ordinem redegerint, alios omnino exemerint numero. Plura hac de re Veterum loca collegit olim Joann. Wowerius, in tractatione de Polymathia Veterum. Cap. VIII. 1, 2. & Cap. XII. 2, 3, 4. quibus quæ diximus confirmari queant. Satis hîc nobis est protulisse locum unum insignem, quem tamen Wowerio non debemus; neque enimerat illius Scriptoris Opus ad manum, cùm hæc primùm, ac secundùm ederemus.

2. Critica, quam sumus tradituri, non attingit Grammaticas Regulas, quæ sunt sermonis elementa; sed eas jam dudum notas esse legentibus statuit. Neque etiam rerum ipsarum cognitionem suppeditat, sed viam tantùm aperit, ad intelligendum eorum sermonem, qui de rebus egerunt. Haud inagis quæritur hîc quid verum sit, quid falsum, seu an id quod legimus veritati consentaneum sit, necne; sed dumtaxat quâ possimus intelligere quid sibi velint ii, quorum Scripta verisamus. Uno verbo, quæritur vera dictorum sententia, non veritas eorum quæ dicuntur,

licèt huic illa facem sape præferat; cùm, nempe, Scriptor, quem intelligimus, Veritatem adsequutus est

3. Itaque, quod sollemne est Criticorum vitium, est cavendum ne, dum verborum significationes discimus, aut Scriptorum veterum sententias cognoscimus, putemus nos semper Veritati ipsi, rerumque cognitioni operam dare; néve, postquàm multa talia memoriter tenemus, res ipsas ideò cognitās habere nos existimemus. Viam aperit ac munit Critice ad veram eruditionem, hoc est, rerum certam notitiā; cuius tamen ipsa pars non est. Qua de causa, Thebanus *Cebes*, in eximia illa Tabula, quā vitam humanam descripsit, in septo, cujus ostio *ἡ εὐδαιμόνεια* adstabat, collocat *Criticos*; qui sanè, nisi ulterius contendat, in septum *Veræ Eruditionis* numquam perveniunt.

## S E C T I O II.

I. **C**RITICA, prout hanc vocem definiimus, ambitu suo tres partes complectitur; primo monita ac consilia adtinentia ad ordinem, quo legendi Veteres, ut Linguae potissimum Latina, Græca & Hebræica addisci commodè queant, rétque Latinorum, Græcorum & Hebræorum cognosci; secundo, canones de interpretatione verborum & loquutionum; tertio, præcepta de iudicio, quod de antiquorum Scriptorum libris & locis tam genuinis, quàm spuris, tam sinceris, quam corruptis ferre nos oportet.

2. Mul-

2. Multum interest quo ordine incipiamus lectioni Veterum operam dare, quia multi libri numquam possunt pronè intelligi, nisi alii antea lecti sint; & quia à facillimis incipiendum, ut ad difficiliores paullatim accedamus. *Alioquin*, ut usurpemus verba *Justiniani* Inst. Lib. 1. Tit. 1. *si statim ab initio rudem adhuc & infirmum animum studiosi, multitudine ac varietate rerum, oneraverimus; duorum alterum aut desertorem studiorum efficiemus: aut cum magno labore, jape etiam cum diffidentia, quæ plerumque Juvenes avertit, serius ad id perducemus; ad quod leviori viâ ductus, sine magno labore & sine ulla diffidentia, maturius perduc potuisset.* Exempli causâ, si quis adgrediatur legere Scriptorem addictum cuiquam sectæ Philosophicæ, de cujus tamen sectæ placitis non agat, ut ea interpretetur, sed subinde tantum ad ea respiciat; eum non intelliget, nisi prius sectæ illius dogmata aliunde cognoverit. Voces præsertim *τιχυναι*, sive singulis usitatæ sectis peculiari notione, & à vulgari sæpe remotissima, sine singulari dogmatum ejus sectæ cognitione, intelligi nequeunt. *Origenes*, & plerique alii Græci Patres, Platonicis maximè dogmatibus addicti fuerunt; ideoque si quis eos legere adgrediatur, ante *Platonis* aut *Platonici* Philosophi lectionem, frustra sanè tempus terat. Similiter si quis Tragicum Græcum legeret, nondum aliorum Poëtarum lectione firmatus; primò multum sudaret, deinde cum se eum intelligere putaret, toto cœlo subinde aberaret. Hæc exempla hanc in rem adducimus, quæ sunt manifesta, ut

quid velimus clariùs pateat; sed sunt & alia, in quibus innumeri peccant, quæ postea proferemus.

3. Quamvis non desint Interpretes & Lexicographi, quorum labore non parum adjuvamus, in cognoscendis vocum & loquutionum significationibus; attamen, ne dicam multa ab iis esse omiſſa, difficillimum interdum est ea quæ habent aptare locis Veterum, quibus intelligendis insudamus. Præter ambigua multa vocabula, voces plurimæ & phræses adfines quidem sunt significatu, sed varia tamen notant; quæ si confundantur, magnos possunt in hoc negotio errores parere. Sunt præterea loquendi genera & voces haud paucæ, quæ cum aut nullam aut obscuram habeant significationem subjectam, attamen quasi clara perperam habentur. Horum omnium exempla, ubi ad rem deventum erit, sat magno numero proferentur.

4. Exercitatione & dexteritate haud exigua opus est, primum ad cognoscendam dictionem cujusvis Scriptoris, ut cum à quovis alio discernere possimus; secundum, ad videndum si quid vitiosi, negligentia Librarium aut temeritate Criticorum, irrepserit, & veram lectionem à falsis dignoscendam; tertio, ad deprehendendas Veterum Librarium fraudes, qui insignia nomina addiderunt fronti Librorum interdum non malorum, sed Scriptorum minus celebrium, ut melius venderentur. Itaque hic est summus Artis Criticæ apex, ad quem non nisi longo labore pervenire licet.

SEC.

## S E C T I O III.

1. **U**SUS quàm plurimos habet Critice, & alios quidem cum aliis Disciplinis communes, alios verò sibi proprios; quorum præcipuos breviter attingemus. Utilitas omnis, quæ hauritur ex Historiæ cognitione, adeoque ex universo Humaniorum Litterarum studio, quantum patet, huic imputari debet; quoniam, hujus unius ope, Historiæ & elegantiorum Litterarum peritia comparatur. Eadem unicum est veræ Rhetorices, non fucatæ illius, quæ Mendacio æquè ac Veritati patrociniatur, fundamentum. Hujus beneficio, verborum ambiguum, seu de industria, seu incautè adhibita fuerint, latentes fallacias deprehendimus; idque quod intelligi potest ab eo, quod sensu caret, secernimus. Nulla alia Ars, præter Criticam, quâ ratione supposititia monumenta dignoscantur, & loca veterum instrumentorum, fraude, vel inficiâ, corrupta restituantur, docet. Atque hi duo posteriores usus Criticæ proprii sunt; priores habet communes cum aliis Disciplinis. Quod paullò copiosius ostendere, quoad instituti nostri patitur brevis, operæ pretium erit; hinc enim manifestius, quanti momenti sit hæc disciplina, liquebit.

2. Historiæ ope cognoscimus initia humani generis, quæ nos deducunt ad cognitionem ipsius rerum omnium Opificis; opiniones & consuetudines populorum addiscimus, quæ profunt multum, si ea cognitione detra-

trè utamur, ad bene ac beatè vivendum; eventusque & mutationes intelligimus, quæ in rebus humanis necessàriò eveniunt, & quibus cautiores ac mitiores evadimus. Hæc autem omnia cognosci nequeunt, sine Critices subsidio. Nam licèt pauci hujus Artis canones satis adtenderint, & certâ viâ hoc in negotio progressi fuerint; attamen si quid in Historia intelligunt, totum ferè id Criticæ debent, ut ex ipsa re postea liquidò constabit. At sunt innumeri, qui, miro errore, putant se intelligere quod non intelligunt; quia ignorant quanta cautio adhibenda sit, ad sermonem veteris Scriptoris probè adsequendum. Quot & quanti viri crediderunt se Historiam Ecclesiarum Christianarum, & opiniones eorum, qui vulgò *SS Patres* vocantur, in numero habere, qui \* reverà hospites ea in re fuerunt? Nempe, vocabula nuda didicerant, aut voces, quibus ex hodiernis placitis significationes tribuebant, memoriæ mandarant; quod indubitatis exemplis alibi ostendemus.

3. Ope Humaniorum Litterarum, expolitur ac emollitur animus, naturâ suâ rudis & tenax earum rerum, quibus primùm imbuatur aut percellitur; quod in rusticis deprehendimus, qui non modò rudes sunt & ignari eorum, quæ in villa sua non viderunt; sed etiam pertinacissimè plerumque consuetudinibus & opinionibus, ab infantia acceptis, adhærent. At qui cum plurimis versantur, experientiâ non tantùm ruditatem exuunt, sed etiam sese adsuefaciunt audiendis contra suam sen-

\* Vide P. 2. Scd. I. c. XIV, 7. & seqq.



sententiam rationibus; atque eâ adfuetudine, cedere aliorum argumentis, si recta videantur, discunt. Ita quoque qui plurimos Scriptores legerunt, & cum illis, ut ita dicam, familiarius versati sunt, imperitiam & pertinaciam, cognitâ illâ varietate infinitâ opinionum, deponunt. Fateor tamen vastæ lectionis viros, utroque vitio, præ ceteris, laborasse; verum hoc factum non est vitio Artis, sed quod ipsi pravæ essent indolis, & multa quidem legissent, sed pauca reverâ intellexissent. Accidit sanè sæpissimè ut, qui diuturnam cuipiam Arti operam dederant, finem Artis illius nequaquam adsequerentur; quod non est ipsi Arti vitio vertendum, sed iis qui ea abutuntur, imbecillitate iudicii, aut pravo adfectu præpediti. Verum ubi Ars cum indole aut præstanti, aut non prorsus inepta conjungitur; indoles præstantior multò evadit, vel mediocriter certè expolitur.

4. Critica quidem canonicas non tam disertè loquendi, quam intelligendorum Scriptorum veterum tradit; seu eloquentes fuerint, seu minùs facundi. Attamen, dum docet quâ ratione animum Scriptoris, sub verbis quibusvis latentem, perspicere queamus; eâdem operâ ostendit quis sit, & quis debeat esse sermonis usus, ut qui nostra legunt, vel audiunt, mentem nostram probè capere possint. Itaque hac ratione, Critica fundamentum est Rhetoricæ; quæ eò ante omnia tendit, ut perspicuè quæ volumus efferre nos doceat.

5. Hoc manifestius erit, si reputemus, in-

ter præcipuos Criticæ fines, hunc esse; ut probè, nimirum, intelligamus quid unaquæque vox significet, & quænam sit cum singulorum cominatum & periodorum, tum totorum librorum sententia; hoc est, efficere ut cum legimus Scriptorem quempiam, id ipsum cogitemus, quod dum scriberet ille cogitabat, quantum quidem id ex verbis ejus conji-ci potest. Ideoque si cujus cogitationes obscuræ fuerunt, dum scriberet, ejus dictis non adfingemus claras notiones; quasi quæreremus quid cogitare debuerit, & quænam dogmatum ejus sint consecutaria, non verò quid re ipsâ cogitarit. Loquimur autem hîc de homine, non qui quod perspicuè intelligit, imperitiâ scribendi, obscurè effert; sed qui obscuram notionem, animo obversantem, iis quibus potest verbis exprimit, quod nimis frequens est. Contrâ si quis dilucidas notiones verbis extulerit perspicuis; oportebit nos itidem clarè intelligere quid velit, numquam aliàs. Pariter si quis incautè, aut præ adfectu, utatur verbis ambiguis, eadem Ars nos docet quâ ratione varios vocum sensus excutere possimus; ne præter Scriptoris mentem aliquid in ejus sermone urgeamus, quod urgendum non fuerat. Contrâ vulgò fit, nam qui obscurissimum Scriptorem, hoc est, cujus obscura non verba modò, sed & animi sensa fuerunt, quàm maximè potuit, perspicuè interpretatus est, egregii interpretis officio defunctum se putat; cum ut plurimum indicaverit, quid cogitare debuerit Scriptor quem explicat, ut ejus verbis respon-

sponderent animi sensa, non quid re ipsâ cogitarit. Idem faciunt etiam qui res, quatenus sibi notæ sunt, magis adtendentes quàm verba Scriptoris, quem interpretantur, dicta ejus notionibus suis aptant; cùm ex verbis potiùs sensa Auctoris expiscari debuissent. Multa quoque, quasi clara, transmittuntur, quæ haud levi ambiguitate laborant; eaque multò plura sunt, quàm vulgò censentur. Alia intelliguntur, non pro usu Scriptorum, qui ea adhibuerunt, sed nostri sæculi, quo non vocibus modò Linguarum superstitem pro arbitrio utimur, sed dictionibus etiam Latinis novas adfingimus significationes, aut à proximè præteritis sæculis adtributas retinemus. Videntur & quædam emphatica auribus nostris, iis non satis adfuetis, quibus ita non adficiebantur Veteres; nec etiamnum adficiuntur doctiores, sermoni eorum longâ & diligenti lectione adfueti.

Imò, quod paradoxum videatur, hæc pauca sunt vocabula, apud Veteres, uti & apud Recentiores, quæ, non dicam obscuram, sed nullam planè potestatem subjèctam habent; non secus quàm Aristophanicum *φλαττοδραττο φλαττοδρατ*. Deprehendimus homines sæpe hoc unum in sermone spectare, non ut notiones quæ mentibus suis obversantur, dum loquuntur; exprimant; sed ut certas voces in certis circumstantiis, instar Psittacorum, aut Gracculorum, pronuncient. Hoc observare est potissimum in vocabulis quibusdam, \* quæ grandia occultare di-

\* Vide P. 2 S. I. C. IX.

dicuntur mysteria; qualia sunt vocabula *Transubstantiationis*, *Præsentia corporis*, *non naturalis*, *sed sacramentalis*, *Uiquitatis humanæ naturæ Christi*, &c. Quæ adferimus, non quasi sola, sed ut eximia quædam exempla vocabulorum nihil significantium. Sunt præterea innumera, quæ si non sint eodem loco habenda, † notiones adèd generales & incertas habent, apud plerosque Scriptores, adnexas, ut vix ac ne vix quidem liquidò indicari possint. Attamen qui iis utuntur sperant se luce meridianâ clarius loquutos, cum multa ejusmodi protulerunt vocabula. Hinc etiam fit ut qui eos Scriptores legunt videantur interdum sibi inira legere, ubi nihil intelligunt; iisque adsentiantur, vel potius in vocibus quibusdam adquiescant, summâ propensione animi, & putent se veritatem didicisse, cum meros sine mente sonos didicerint.

\* *Omnia enim stolidi magis admirantur, amantque*

*Inversis quæ sub verbis latitantia cernunt;  
Veræque constituunt, quæ bellè tangere possunt  
Aures, & lepidò quæ sunt fucata sonore.*

6. Critica nos docet quæ possimus supposititia Scripta à veris secernere, quod maximi est momenti. Primum enim, nisi hujus regulas attendamus, historias confictas pro veris suscipimus, & sic fabulis honorem soli Veritati debitum tribuimus. Ita cum quidam *Joannes Anninus Viterbiensis*, Ordinis Prædica-

† Vide II. c. VIII. & P. 2. S. II.

\* *Lucret. l. b. 1.*

torum, qui floruit sub finem sæculi XV, edidisset, quali à se in schedis vetultis repertos, *Fabium Pictorem* de Aurco sæculo, *Myrsilum Lesbium* de Tyrrenis, *Catonis Origines*, *Sempronium* de Italia, *Archilochum* de temporibus, *Metasthenem* (quem debuit vocare Megasthenem) *Philonem*, *Iserosum*, & *Manethonem*; multis imperitis imposuit, & plures fefellisset, nisi hoc tacinus luce litterarum, quæ postea excoli cœpere, resectum fuisset. Veteres Christiani, cum hanc artem non satis callerent, fabulas sub Apostolorum, aut virorum Apostolicorum nomine, sibi ostrudi passi sunt. Talia fuere *Itinera Pauli*, *Prædicatio Petri*, aliæque de quibus olim egerat *Amphilochius* Iconiensis, in opere quod *περὶ τῶν ψευδπιγράφων τῶν παρὰ τοῖς Αἰρετικοῖς*, ac XVll. sæculo *Joannes Dallens* in *Pseudopigraphis Apostolicis*; & quæ ab iis proferri solent tam securè, quàm si certò constitisset esse eorum, quorum nomina præferebant; cum manifestissimum sit fuisse Scripta supposititia. Multa quoque celeberrimis Scriptoribus Ecclesiasticis tributa sunt, quæ iis ignota fuere; ut passim observarunt qui de hisce Scriptoribus egerunt, & inter alios *Robertus Cocus* in libro inscripto: *Censura quorundam Scriptorum qui, sub nominibus Sanctorum & Veterum Auctorum, citari solent*; *Joan Dallens* Cap. III. Lib. I. de *Uso Patrum* ac *Andreas Rixetus*, in *Critico Sacro*, aliique. Sed digna sunt, quæ hac de re habet *Edm. Richerius* in *Hist. Conciliorum generalium* Lib. I. c. II, 6 p. 36. nec suspecta iis qui Veteres præter modum mirantur. Hinc factum

factum ut \*eruditus ac celebris Episcopus *Oxoniensis*, Antiquitatis alioquin propugnator acerrimus, in hæc verba eruperit: *Tanta fuit primis sæculis fingendi licentia, tam prona in credendo facilitas, ut rerum gestarum fides graviter exinde laboraverit; nec orbis terrarum tantum, sed & Dei Ecclesia de temporibus suis Mythicis queratur. Arreptâ occasione, quod Confessores *Θεοφόροι* & *Χριστοφόροι* passim dicebantur, malè feriat homines Briareum Christianum Martyrologiis inferre. Paribus auspiciis lancea, quæ Domini latus transfixit, in sanctum Longinum transibat, & vestis, quâ Protomartyr Anglorum Albanus se indxit, in sanctum Amphibalum mutabatur. Atque hæc & similia plura crederemus etiamnum hodie portenta, nisi Critices lux nostri Occidentis tenebris illata, Mendaciis discussis, Veritatem patefecisset.*

7. Verùm non in Historicis dumtaxat fictis secernendis prodest Critica, sed in veris Historicorum Scriptis additas lacinias, aut resectas particulas, quæ aut sensum turbant, aut novum etiam pariunt, eúmque Historicorum opinionibus contrarium retegít. Ita viri docti † existimarunt *Iosepho* adsuta fuisse verba Christi, à Christiano malè feriato, ut *Iosephus* Christo testimonium, quo non indiget, exhibuisse videretur. Detracta quoque interdum sunt veteribus Historicis, quæ non satis consentire videbantur, aut cum fide Historiæ, aut cum receptis sententiis; qua in

\* *Jo. Fellus* in *Monit. præmissa Confessioni* supposititiz *Cypriani*.

† *Tan. Faber* in *Epist. 44. Lib. I. & infra P. 3. S. I. c. XIV, 11.*

re, nequidem sacris Apostolorum † Scriptis pepercere audaces, imò perfidi Librarii. Quod cum ita sit, quid mirum, si manus non abstinuere ab aliis Historicis? Sic apud *Eusebium*, in Chronico translato & aucto ab *Hieronymo*, legitur ad An. MM. CCC. XCII. *Basilius Casariensis Episcopus Cappadociae clarus habetur*; relectis hisce quæ in quibusdam Manuscriptis, temerariam correctionem non passis, comparent: † *Qui multa continentia & ingenii bona, uno superbia malo, perdidit.* Quod quàm verum fuerit, ex Carminibus & Epistolis *Gregorii Nazianzeni*, summi ejus amici, fatis liquet.

8 Cavendum tamen docet Critica, ne quia interpolata sunt multa Veterum Opera, multa item *υποβολιμαία*, idèd omnia suspicemur corrupta, aut supposita; & præcepta tradit, quæ si sequamur, nec omnia sine examine admitteremus; nec omnia, quod est alterum extremum, rejiciemus, idèd quia sunt quædam falsa; uti faciunt, qui Criticæ numquam litarunt.

9. Sed, quas modò memoravimus, fraudes non solum in his quæ ad eventus pertinent, commissæ sunt; verùm etiam in libris dogmaticis, quod majoris est periculi. Etenim ut novitia dogmata auctoritate Veterum fulcirentur; aut ne Veterum dictis oppugnarentur, eorum Scripta, vel aucta, vel imminuta sunt. Libri integri iis adtributi, quo-

† Vide Criticæ Part. III. S. I. c. 14.

† Vide *Is. Vossium* in Resp. ad 3. Objection. Ric. Simonis p. 119.

quorum non erant, verisque alienâ manu fœtib<sup>us</sup> insertæ integræ periodi, cujus utriusque fraudis vel unus exemplum est *Ignatius* Antiochenus Episcopus; cui non modo adscitæ sunt, quas numquam scripserat, Epistolæ; sed additæ, in genuinis, plurimæ lacinix, ut ex earum *Usseriana* & *Coteleriana* Editionibus videre est. Detracti sunt ex Veterum Scriptis libri integri, quod non placerent Editoribus, sicuti fecisse se turpiter jactat \* *Latinus Latinus* in Ed. Operum Cypriani Manutiana, ubi non comparet insignis illa Epistola *Firmiliani*, Cæsareæ Cappadociæ Episcopi, in qua *Stephani* Romani Episcopi vitia vivis coloribus pingit. Qui Editionem Venetam Operum Augustini, Ann. 1570. procurarunt, fatentur, in ipsa operis fronte, quasi egregium facinus, se curavisse removeri ea omnia quæ fidelium mentes hæreticâ pravitate possent inficere, aut à Catholica & orthodoxa fide deviare. Neque hoc putandum heri aut nudius tertius primùm cœpisse fieri; pestis hæc multò periculosiùs grassata est antiquioribus sæculis, cùm libri manu describerentur, rariorésque aded essent; ut exemplis adlatis, & multis aliis, quæ posthac adferentur, liquet.

10. Ope Criticæ, hæc omnes fraudesprehendimus; quod nisi fiat, errores novos, quasi prisca dogmata, admitti à nobis oportebit. Apostolis, exempli causâ, tribuenda erunt

\* Biblioth. Sacr. p. 177. Ego, inquit de hac Epistola verba faciens, *Latinus Latinus* omisi, non *Manutius*, cum Majorum exempla sequutus, tum petulantiam hominis detestatus.



erunt figmenta quæ in eorum *Ψυδ. πικράτος* reperiuntur, ut fecerunt Veteres, & inter alios *Clemens Alexandrinus*. Idem etiam, quod avidius adriperent quidquid videbatur favere Christianæ Religioni, sine ullo examine Critico, Ethnicis sæpe ludibrium debuerunt; ut cum Sibyllarum versus, à Christiano fictos, contra Ethnicorum Religionem adhibuerunt, quasi à mulieribus fatidicis ante plurima sæcula effusos; undè factum ut ab iis \* *Sibyllistæ* vocarentur, & † fraudis accusarentur. Denique eâ ratione fiebat ut multorum animi à Christianismo alieniores fierent, utque fides Christianorum non paucorum cæca potius esset credulitas, quæ falsis æquè ac veris movebatur, quàm sapientium virorum persuasio; quod postremis temporibus multis, qui nasutiores quidem sunt, ut possint fraudem subolfacere, sed non sat docti ut Veritatem inveniant, omnem pectore excussit fidem.

II. Præter memoratas fraudes, quæ luce Critices reteguntur, & caventur, multa irrepere in Veterum Scripta menda, ignorantia Librariorum, eorundemque oscitantia; imò & Criticorum, qui Critices non satis periti audaciùs libros Veterum emendarunt, temeritate. Ejusmodi mendis vix ulli carent Scriptores, quoniam Librarii aut Critici paucissimi satis diligentes, aut cauti, ut decuit, fuerunt; nulli prorsus spiritu *ἀναμειψτικός* acti. Hinc nati hujus xvii. & prioris sæculi viris doctis labores, circa hoc solum innumeri,  
*Tom I.* B ut

\* *Origen. contra Celsum Ed. Cant. p. 272.*

† *P. 369.*

ut emendatè Veterum Scripta ederentur; hinc tot de Codicibus depravatis querelæ, quibus vel folis volumina conflarentur. Atque hæc labes non modò minoris momenti Scripta, sed Sacros etiam Codices invasit, ut viri summi manifestò ostenderunt. Licèt hujusmodi menda iis, quæ ad salutem necessaria sunt, non officiant; attamen nisi Critices periti sint, qui legendis Sacris Libris operam dant, necesse est aut non intelligant multa quæ legunt, aut mira fingant, ut sensum ex depravatis locis eruant. Sic cùm *Augustinus* haberet mendosum Codicem, in quo locus Ps. XLIII. qui profertur Rom. VIII, 36. sic legebatur: *Propter te, adficimur totâ die*, omisâ voce *morte*, hinc confectaria inania duxit deceptus *mendositate codicis*, ut ipse loquitur, quorum cum postea puduit. Vide *Retract.* Lib. I. Cap. VII. n. 2. & *seqq.*

12. At ope Critices via aperitur tuta ad menda ejusmodi deprehendenda, &, si fieri possit, emendanda. Fateor Criticos innumeros hic peccasse, & quotidie παραδιόρθώσεις Veterum Scripta inquinare. Verùm hi Arte non uti, sed abuti censendi sunt, nec propterea Ars ipsa vituperanda. Multi quidem sanè pravè ratiocinando in errores delapsi sunt, sed quemadmodum propterea Rationem non abjiciemus, ut nos & negotia nostra, brutorum instar, impetu, non judicio, regamus: ita nec, propter Criticorum peccata, Artem ipsam Criticem repudiabimus; si quis ea dextrè utatur, summæ utilitatis semper futuram. Non desunt quidem qui in Sacris Codicibus

ne minima etiam menda agnoscant; sed certè quod optant, & quod etiam omnes cuperent; credunt. Verùm hac eorum opinione aut pertinaciâ, quod falsum est non evadit verum; adeoque dum manifesta negant, Religionem Atheorum ludibrio exponunt, ostenduntque se non amore Veritatis, sed studio partium agi. Sapientiores enim cum nihil tutius Veritate esse putent, tum verum verò contrarium esse non existimant, quò fit ut nihil Religioni Christianæ timeant, modò Veritatem semper propugnare liceat; quod, Deo favente, saltem in aliquo terrarum angulo; semper licebit.

13. Postremò; Critica nos docet an quod adgressus est Scriptor quivis (exceptis tamen iis qui de abstrusioribus disciplinis, quas non adtingunt Critici, scripsere) ad regulas Artis præstiterit; an Poëta; an Historicus; an Orator, Poëtices; Historices; ac Rhetorices Leges observarint. Quæ pars hujus Artis non est miscenda, cum ea quam modò memorabamus; neque censenda sunt supposititia omnia, quæ in Leges Artis peccant, quarum optimi quique Scriptores interdum immemores fuere. \* Quod tamen aliquando factum à summo Critico *Aristarcho Alexandrino*, qui *Homeri versum esse negabat*, quem non probabat, ut loquitur *Cicero*, Epist. Famil. Lib. III. Ep. 11.

14. Atque hæc de Definitione, Divisione, & Ufu Critices dicenda habebamus; quæ ad hanc Disciplinam in ipsa fronte hujus Opus-

B 2

culi

\* *Insigne exemplum vide infra P. 3. Sect. I. c. 13. §. 2.*

## 20 PRÆFATIO CRITICÆ.

culi delineandam, necessaria duximus. Ex re ipsa certiùs judicabit Lector, an ei quidquam immeritò tribuerimus; nos quidem scientiam hanc multò φιλοσοφικωτέραν esse, quàm multi crediderunt, ex iis, quæ dicemus, manifestum futurum speramus.



# ARTIS CRITICÆ

## P A R S I.

### De Ordine in Lectione Veterum Scriptorum observando.

---

#### C A P U T I.

*De iis quæ Lectioni Veterum præmitti  
debent.*

1. **B**UM, cui hæc præcepta tradimus, jam imbutum esse oportet Grammaticæ elementis, & eâ cognitione Latinæ Linguæ instructum; ut faciliores Scriptores, sine Dictionarii subsidio, intelligere, & Commentariorum, qui ad difficiliorum locorum interpretationem scripti sunt, sensum adsequi possit. Quod in Præfatione jam innuimus.

2. Cùm in omni Disciplina is ordo, quoad ejus fieri potest, servandus sit, ut illa ante omnia addiscantur, quæ simplicissima sunt, & sine aliarum rerum cognitione intelligi possunt; ac demum ad alia, magis impedita & quæ priorum illorum luce indigent, deveniatur, ejus rei nos hîc oportet esse memores; ne à difficilioribus initio facto, aut animus à

B 3

stu-



## 22 ARTIS CRITICÆ P. I. C. I.

studiis alienior ipso labore fiat, aut labor sine fructu Studiosorum augeatur, aut etiam perturbationem in studiis & in animo pariat ordo præposterus; quæ omnia, quasi scopuli studiorum, sunt ab omnibus diligentissimè vitanda.

3. Tria sunt quæ, posita eâ Latini sermonis cognitione, quam initio indicavimus, possunt intelligi; adhibito eo studio, quod in omnibus scientiis, quæ primùm adtinguntur, necessarium est. Prima est *Geographia*, altera *Chronologia*, tertia *Consuetudinum & Opinionum notitia*. In tribus hisce possunt cum fructu versari, qui humanioribus litteris operam dare incipiunt; neque enim ad ea intelligenda magnâ Latinæ Linguæ cognitione opus est, & possunt ex Recentiorum Scriptis hauriri.

---

### §. I.

#### *De Geographia.*

I. **G**EOPHAMIAM, cùm discendam præcipimus, non intelligimus Artem ipsam Tabularum Geographicarum conficiendarum, principiorumque ejus Artis Mathematicorum notitiam; hæc enim ad Mathematicas disciplinas, quas hîc non adtingimus, pertinent. Necessaria dumtaxat est cognitio Geographiæ, qualis traditur in Compendiis Geographicis, quæ omnium manibus teruntur; ubi discere est quinam in Sphæra intelli-

gan-

gantur circuli, quas in partes Orbis Terrarum dividatur, quis sit situs Imperiorum, Regionum, Provinciarum, Urbium, locorumque omnium celebriorum.

2. Ea notitia, saltem mediocris, planè necessaria est, priusquàm ad seriam lectionem Scriptoris ullius deveniatur; cum passim occurrant nomina Gentium, Populorum, Regionum ac Urbium. Nisi enim sciamus, quem locum terrarum habuerint; primum non intelligemus sæpissimè quod de iis dicitur, nec quid Genti cum Gente, Civitati cum Civitate, negotii esse potuerit adsequemur. Erroribus etiam Veterum Geographicis, qui neque rari, neque exigui sunt, si simus prorsus ἀγνοῦντες, passim deludemur. Sic qui Alexandri res gestas scripsere *Caucasum*, qui est inter maria *Caspium* & *Euxinum*, apud Indos quæsiwere. Vide *Curtium* Lib. VII. c. 4, 5. Unde factum ut *Curtius* *Caspium* & *Euxinum* maria miscuerit, & *Tanain*, ubi est *Oxus*, ad ortum *Caspii* maris posuerit, aliâque peccaverit, de quibus in Parte III. agemus. Sic *Lucanus* Lib. III. vers. 248. malè inducit Arabas

*Umbras mirantes nemorum non ire sinistras,*  
cùm sint ἀμφίτροι. Digna tamen lectu sunt quæ, ut *Manilium* excusaret, scripsit doctissimus Vir *Pet. Dan. Huëtius* ad Lib. I, v. 440. Quod peccavit etiam de *Taprobana*, *Plinius* Lib. VI. c. 22. Alia quoque notat in iis meritò *Josephus Scaliger*, in Prolegomenis ad *Manilium*. Sed, quod mireris, Romani Scriptores doctissimi *Virgilius*, *Manilius*, *Lucanus*, *Florus*, immani errore,

miscuerunt Philippos Phthiotidis in Thessalia urbem, haud procul à *Pharsalo* sitam, ubi C. Julius Cæsar Cn. Pompeium vicit, cum *Philippis* Macedoniae urbe, ad *Strymonem* fluvium, ubi M. Brutus & C. Cassius a M. Antonio & C. Cæsare Octaviano victi sunt: ut post alios animadvertit *Lucas Holstenius* in *Stephanum Byzantinum*, ad vocem Θ Η Β Η. Deinde sine voluptate Historias, aut alia, in quibus multa mentio est populorum & locorum, legimus; at quæ ita legimus brevi fastidimus, unde nascitur studiorum primò langor, postea neglectus, ac tandem barbaries ignorantiae fida ac perpetua comes. Neque dicas, qui Scriptores antiquos legunt, etsi sunt Geographiæ prorsus imperiti, eos posse juvari Dictionariis Geographicis aut Eruditorum Notis; etenim ubi ad illa subsidia passim est confugiendum, tum verò sine maxima molestia fieri nequit. sunt autem litterarum studia facillima, si fieri potest, efficienda; & satis habent in se salutarum inevitabilium, ut necesse non sit alias negligentiam nostram aliunde accedere. Præterea si quis hanc molestiam concoquere sit paratus, tamen diutissimè leget, priusquam ex sola lectione Historicorum, Philosophorum, Oratorum aut Poëtarum vel mediocre Geographiæ cognitionem sibi comparare queat; quod tamen haud ægrè potest fieri, si brevis terrarum descriptio Geographica prius diligenter legatur.

3. Dubitari nequit, quin *Desiderius Erasmus*, vir summus, inter eos censeretur, qui πολυλόγος vocari possunt, & quin innumera



mera legisset. Attamen intelligere est ex pluribus locis ejus Operum, cum ne elementa quidem Geographiæ initio tenuisse. Memini probè me, \* dum legerem ejus notas in *Hieronymi* Epistolas, observare eum *Mitylenen* Lesbi insulæ urbem confudisse cum *Melita* Insula, ad quempiam *Hieronymi* locum, ubi mentio fit naufragii Pauli; quem locum memoria nunc non suppeditat. Sed nec opus est, quoniam hunc ipsum errorem repetiit in Notis ad Acta, Cap. XXVIII, 1. tertiæ editionis, anni M. D. XXII. & novos alios addidit: *Hugo*, inquit, *Carrensis liberum nobis facit, utrum malimus Militenem legere, an Miletum, etiamsi sunt qui corruptius legant Mitylene. Græci legunt Melite. Ea est insula inter Epirum & Italiam, spectans Siciliam ad Septemtrionem.* 1. Ille *Hugo Carrensis*, qui scripsit Commentarios in V. & N. Testamentum, obiit anno cjo cclx, barbaro sæculo; nec proinde dignus erat, cujus auctoritati in hujusmodi re crederet vir tantus, quantus erat *Erasmus*. 2. *Miletus* urbs fuit *Ionie*, in *Asia* Minore, aut *Calabriæ*, in Regno *Neapolitano*, de quibus hîc sine dubio non agitur. *Militene* ne nomen quidem est ullius loci, sed mera depravatio pro *Mitylene*. 3. *Melita* † est quidem nomen insulæ inter *Illyricum* & *Italiam*, sed absurdum est dicere eam spectare *Siciliam ad Septemtrionem*; nam spectat *Illyricum*, quod ad *Septemtrionem Italiæ* est.

B 5

In-

\* Vide Indicem Auctorum ad vocem *Erasmus*, in calce Tomi III.

† Aut *Milita*, nunc *Melida* ab *Italis*, *Mlin* à *Sclavis* dicitur.

Inter hanc insulam & Siciliam interjacet Italia, cui est Sicilia ad Meridiem. At *Erasmus* hanc Adriatici maris insulam confudit cum insula ejusdem nominis, quæ est ad Meridiem Siciliæ in Africo mari; immani sanè errore, & ita expressio ut adpareat ei situm Epiri, Italiæ & Siciliæ inter se notum satis non fuisse; unde necesse est colligere tantum virum initio hospitem fuisse in hac disciplina, adeoque innumera in Veterum Scriptis non satis intellexisse. Neque reponas *Erasmum* oscitantiam tantum peccasse, nam & alibi in eadem re peccat; ut ad vers. 13. ejusdem Capituli, ubi dicit *Rhegium esse civitatem Siciliæ maritimam*, cum tirones norint esse Italiæ. Vicinia fortè in errorem illum conjecit, at hoc causari nequit ineptus Grammaticus, qui *Servii* in *Virgilium* Commentariis subinde nugæ immiscuit, & cujus hæc sunt verba in *Æn.* IV, 367. *Hyrceanæque admorunt ubera Tigres. HYRCANÆ: Arabiæ*, inquit, *nam Hyrcania silva est Arabiæ.*

4. Hinc liquet *Erasmum* vix umquam in Tabulas Geographicas, quæ sanè ejus ævo rariores erant, quàm hoc nostro, oculos conjecisse. Non dissimulabo tamen, in posterioribus Editionibus, emendata ab eo quæ peccaverat de situ Melitæ, & Rhegii; quod postea animadverti. At debuisset delevisse, eadem operâ, quæ ex *Hug. Carrense* habet, & ultima hæc verba: *Quamquam est Mitylene Cappadociæ civitas, verum hic insulam vocat.* Si commemoranda fuisset aliqua *Mitylene*, debuit esse urbs insulæ Lesbi; sed tota hæc du-

dubitatio oriri non potuit, nisi in animo Geographiæ non satis perito. Quæ non dicuntur à me in tanti viri contumeliam, quem maximi facio; sed ut tirones ejus exemplo admonentur. Nec nos primi *Erasmo* imperitiam Geographiæ tribuimus. Eum hac de re monuerat *Joan Genesius Sepulvedas*, Epistola, quæ est cccLxxv in Appendice *Epistolarum Erasmi*. Haud à multis annis etiam \* vir non indoctus, qui *Historiam Patriarcharum* scripsit, ubi de Uxoris *Loti μεταμορφώσεσ* agit, dixit *Uticam* non esse *Sidone* remotam; unde conjiciebat eam mulierem in *salem* fossilem conversam, qualis circa *Uticam* fuisse dicitur; ac proinde, ut ille putabat, non procul *Sidone*, adeoque *Palæstina*. Itaque ignoratio Geographiæ in errorem viros, ceteroquin eruditos, facile conjicere potest; nec proinde negligenda est ea disciplina, ut sæpe fit.

5. Ut autem probè discatur, quatenus viam Critices studio sternit, utendum est *Sphæra Armillari*; ad cognoscendos circulos, de quorum variis generibus initio Artis agunt Geographi. Dein comparandæ sunt Tabulæ præcipuarum Regionum, ubi nomina antiqua adscripta sint; præsertim Imperii Romani, Italiæ ac Græciæ. Hanc postremam Regionem optimè omnium descripsit *Nicolaus Sophianus*, antecedentem *Philippus Cluverius*, licèt eorum Tabulæ mendis non careant. At sunt meliores multò reliquis antiquis, quæ plerumque pessimæ sunt; ut summopere optandum esset viros eruditos hoc negotium in se susci-

\* *Joan. Henr. Heideggerus*;

suscipere, ut novas Antiqui Orbis Tabulas conficerent. Attamen, quoniam præstat aliquas adhibere; quam nullas; tot sunt comparandæ, quot possunt inveniri. Utile etiam est *Ptolemaeum* habere Edit. Hondianæ anni 1605. si ejus comparandi occasio occurrat; est enim sæpe adcuratior Recentioribus.

6. Addendum est huic Compendium Geographicum *Phil. Cluverii*, aut quod nuper editum est, ubi sola continetur Geographia antiqua, à *Christophoro Cellario*, aut aliud quidpiam simile opusculum, prout erit ad manum. Idem *Cellarius*, postquam hæc semel iterumque edita essent, in lucem publicam emisit *Notitiam Orbis Antiqui* ad Constantini tempora, anno MDCCIII. duobus voluminibus, sed majoribus, quàm ut ab iis initium fieri possit. Epitome Geographica est semel atque iterum legenda, cum Tabulis, ubi quærenda omnia loca quorum meminit, aut quæ erunt in Tabulis quibus utemur; donec eam cognitionem sitûs Provinciarum, & Urbium præcipuarum adquisiverimus, ut veluti pictæ in memoria sint Tabulæ, & statim ac objiciuntur oculis, possimus invenire loca de quibus sermo est. Ita fiet ut cùm legemus itinera, expeditiones, bella, foedera inter Populos & Urbes, statim animadversuri simus, quàm longa essent itinera, quàm facilia aut difficilia bella, quàm necessaria foedera, aliâque similia. Vitabimus etiam in sermone errores, in quibus deprehendimus interdum viros alioquin eruditos, sed Geographiæ imperitos. Hîc non recensebimus reliqua Disciplina illius commoda; quia non sunt hujus loci, & à Geographis ipsis peti debent.

§. II.

§. II.

*De Chronologia.*

1. **C**HRONOLOGIÆ, seu Scientiæ Temporum partes sunt duæ; quarum una *ιστορικὴ* potest dici, altera *τεχνικὴ*. Prior docet quo tempore viri celebres vixerint, & præcipui eventus contigerint. Altera verò ostendit quibus fundamentis nitatur tota illa computatio Chronologica. Utraque, antequàm animum ad lectionem Veterum adpellamus, prælibanda est, sed potissimùm prior; posterior enim, utpote difficilior, in aliud tempus differri potest.

2. Planè necessarium est Historiam summatim nosse, ut sciamus tempora eorum, quæ notatu dignissima humano generi evenerunt; primùm quia meliùs intelligimus Scriptorem, cum scimus quo tempore vixerit, quàm cùm ignoramus. Unumquodque sæculum suos habuit eventus, sua ingenia, sæpe & suos loquendi modos ac suas opiniones; ad quæ aut clarè, aut obscuriùs adluditur passim ab omnibus Scriptoribus, ut suo loco copiosius ostendemus. Secundò, vix possumus loqui de Veteribus, nisi sciamus quo tempore vixerint; alioqui timendum ne in crassos errores delabamur incauti, quod evenit etiam viris non indoctis, qui Chronologiæ rudes erant. Ejusmodi ingentem errorem erravit *Justinus Martyr* in \* 2 *Apologia pro Christianis*, ubi fa-

fabellam de LXX. Intt. seriò narrans ait *Ptole-  
mæum Ægyptiorum Regem, cùm Bibliothecam  
institueret, atque omnium hominum scripta col-  
ligere niteretur, & de Prophetiis Hebræorum  
aliquid inaudivisset, misisse ad Herodem Ju-  
dæis tunc imperitantem, τῷ τῶν Ἰουδαίων τότε βα-  
σιλείῳσι Ἡρώδῃ, qui peterent ad se mitti libros  
Prophetarum; quos Rex Herodes misit. Non  
est tantum hîc delictum memoriæ, sed im-  
peritiæ; neque enim qui Chronologiæ ele-  
menta norit, in tam celebribus Regibus, tan-  
tum peccatum umquam admiserit. Scio esse  
qui pro Ἡρώδῃ, legi velint *iepi*, Sacerdotem,  
sed MSS. omnes adversantur. Cùm primis  
Christianæ Religionis sæculis, Platonici Chri-  
stianis plures sententias Evangeliorum à Pla-  
tone petitas esse absurde objicerent, alii qui-  
dem alia calumniæ reposuerunt; sed *Ambro-  
sius* Mediolanensis *Platonem*, in peregrinatione  
Ægyptiacâ; ab *Jeremia* Propheta Judaicâ  
doctrinâ imbutum fuisse responderat, ac pro-  
inde à Judæis summisse quæ haberet. Is liber  
*Ambrosii de Sacramentis*, vel *de Prophetia* in-  
scriptus, periit. Sed tam immanis erroris me-  
moriâ servavit *Augustinus*, qui eum pariter  
erravit *de Doctrina Christiana* Lib. II. c. 28. &  
Epistola XXIV. ad *Paulinum*, ac postea re-  
tractavit *Retract.* Lib. II. c. 4. Tertio tota  
perit lectionis voluptas, adeoque studiorum  
& litterarum amor, si prorsus ignoremus, quo  
tempore evenerint eâ quæ legimus; quod ex-  
perimur etiam, cùm nobis quidpiam narratur.  
Solemus enim illico quærere, quando conti-  
gerit; quod nisi sciamus, illibenter narranter  
audimus.*

3. Neque etiam hic putandum est satis esse, si penès nos habeamus Tabulas Chronologicas, aut Chronologiam quampiam quam consulamus, ubi necesse est; etenim incommodum est frequenter nimium lectionem feriam abrumpere, ut ad ejusmodi subsidia confugiamus. Saltem tenenda sunt tempora potissimum eventuum, & virorum celeberrimorum; aut pauca tantum minoris momenti quærenda supersint. Alioquin ex quærendi labore nascitur fastidium & negligentia, quæ sunt in litterarum studiis veluti lethales morbi.

4. Igitur antequàm nos adcingamus ad lectionem Veterum, prælibanda est Chronologia, & quidem brevis Universalis Historia eligenda, quæ studiosè aliquoties perlegi possit. Multa ejusmodi nunc exstant Compendia, quorum unum ad manum habendum erit, quale est *Petaviani Rationarii* Pars prior, aut nuper edita *Christophori Cellarii*, viri eruditi, Historia Antiqua. Et hunc quidem prætulerim *Petavio*, quòd *Petavius* non semper annos eventuum quos narrat addat; præterquàm quòd in *Cellario* sint subjeçti Scriptores, unde hausit quod habet. Sed & nos edidimus, post primam Criticæ hujusce Editionem, ejusmodi Epitomen, *ab initio Mundi ad tempora Caroli Magni*. Verumtamen hîc non est quærenda summa *æxplèta*, quæ in Epitomis esse nequit; satis est si modò præcipua quæque notata sint, & eorum tempus circiter memoriâ teneatur. Hoc autem facîle fiet, si adtentè aliquoties eandem Epitomen legamus; & quo-

quotiescumque memoria tempus alicujus rei; quæ inter legendos Veteres occurret, non suppediet, non pigeat ad Compendium confugere. Addi etiam possunt Tabulæ Chronologicæ, quales sunt *Petavianæ*, aut aliæ, quas utile erit parietibus Musei appensas habere, ut sæpe aliud agendo perlustrentur, & tempora animo altius insigantur.

5. Quicumque hoc experientur, videbunt magnum inde nasci emolumentum, & summam in legendo voluptatem. At præterea habere oportet Dictionaria Historica, uti & Geographica, quæ aut junctim aut divisim traduntur. Conjunctim illa inveniuntur in *Caroli Stephani Lexico*, à *Nicol. Loydio*, nuper in Anglia aucto, vel in *J. Jac. Hofmanni* Dictionario. Separatim Geographiam tradidere *Abr. Ortelius* olim, postea *Phil. Ferrarius*, cujus opus multum auxit *Mich. Antonius Baudrandus*. Hæc aut similia, prout commodum erit, sunt comparanda Lexica; iis enim prorsus carere non potest, quicumque cum fructu legere cupit; uti nec Artem *ἐκ τῶν βαναίων* sine artis instrumentis, quisquam potest addiscere.

6. Non addam hîc plura consilia de Geographorum, aut Chronologorum Veterum vel Recentiorum lectione; quia qui hæc circa initia studiorum probè observarint, & ulterius fuerint progressi, ipsi sibi satis consulent. Monendum tantum superest aliquid de ea parte Chronologiæ, quæ *τιχυν* dicitur. Ea docet rationem annorum plerarumque Gentium nobiliorum, & methodum quâ  
utun-



tuntur Chronologi, ad tempora antiquarum Historiarum constituenda; prout possumus cognoscere ex secundo libro *Rationarii Petaviani*, ubi illa Ars traditur. Non memoro *Doctrinam Temporum* ejusdem Auctoris, quod nimis amplum sit id opus, & doctius, quam ut à tironibus legatur. Hæc quidem est Chronologiæ omnis fundamentum, sed quia est difficilior, & utilis dumtaxat, ad calculos Chronologorum expendendos; ideò ejus lectio differri potest. Sumimus enim hîc quasi certum, Chronologos, quos sequimur, rectè rationes iniisse, quod quin in præcipuis saltem verum sit, dubitari nequit; licet sint, in aliis minoris momenti, nodi multi *αλυστοι*. Athîc satis est, si modò de summa rerum constet, etenim error pauculorum annorum rariùs intelligentiæ Scriptorum antiquorum officere potest.

---

### §. III.

#### *Cognitio Consuetudinum & Opinionum.*

1. **I**N omnibus Scriptoribus, innumeræ sunt adusiones ad Consuetudines ac Opiniones eorum temporum, quibus scripsere; quas nisi in numero habeamus, non intelligimus multesimam partem eorum quæ legimus, si aliunde Interpretem, quem consulamus, nancisci nequeamus. Hoc adeò manifestum est, ut probatione non egeat; quicumque enim

*Tom. I.*

C

vel



ptialis, ut liquet ex Parabola Nuptiarum, quæ exstat Matth. XXV. De Græcis & Romanis Consuetudinibus, hoc in negotio, egerunt *Fulvius Ursinus* in Adpendice ad librum *Pet. Ciacconii* de Triclinio, *Dionys. Lambinus* ad *Horatii* Lib. III. Od. VIII, 14. & Sat. VI, 65. Lib. II. *Gul. Stuckius* Ant. Convival. Lib. I. c. 11. *Iustus Lipsius* in XIV. Annalem *Taciti* & *Claud. Salmasius* ad *Florianum Fl. Vopiscii*. Quod adnoto, præter morem, quia nescio quis, his dudum editis, rei alioquin omnibus notæ exempla à me petiit, quasi temerè dixissem de nocte cœnassè Veteres.

Aliquando, ut vel hinc adparet, ad notas Consuetudines non adtenti, à sensu aberramus. Ita etiam, in celebri illa Dominicæ Orationis petitione: *panem nostrum quotidianum da nobis hodie*, adludit Christus ad morem eorum qui pauperes alunt, præbitis quotidie in unum diem alimentis; quorum exemplum exstat apud *Tobiam*, Cap. I. 3, 19. secundum Latinam Versionem. Similiter *Vopiscus* (a) in *Aureliano*: *Siligineum suum* (scilicet, panem) *quotidie ævo suo unusquisque recipiebat*. Eos panes vocabant *διακονίσματα*, (b) quos pauperes ab Impp. unoquoque die accipiebant, per totam vitam; quod exprimit vox *ἐκδοσις*, *crastinus*. Sic & Manna, quæ in Arabicis solitudinibus Hebræos Deus aluit, fuit panis *ἐκδοσις*, quem Deus quotidie, quamdiu necesse fuit, præbuit. Hoc ergo Christus vult: Da nobis in posterum, per reliquam

C 2

vi-

(a) Edit. *Salmasiana Parisina*. p. 220.(b) *Claud. Salmasius* in not. p. 375.

vitam, quotidie unde vivamus: ut fit pauperibus, quibus quotidie victus suppeditatur. De significatione singularum vocum, consulendus *H. Grotius*.

Adludit Christus ad publicam Consuetudinem Matth. V, 22. ubi mentionem facit *Judicii* & *Synedrii*, quæ nomina erant Tribunalium; ad quæ leviores & graviore causæ apud Judæos. disceptabantur. Vide quæ ad eum locum diximus.

3. Ad Opiniones quoque passim respicitur, quæ in duo summa genera possunt distribui. Aliæ pertinent ad cultum Dei, & mores; aliæ ad res naturales. Ita cùm Judæorum præcipua in divino cultu cærimonia in sacrificio esset sita; ideò in N. Testamento omnia ferè pietatis officia, sacrificii nomine, interdum indignantur. Mors Christi sacrificium quoque vocatur, quòd fuerit præcipua ejus erga Patrem pietatis pars, & quædam habeat sacrificiis similia. Summa est interdum difficultas sciendi an vox, quæ metaphoricè & adlusione quadam cuiuspiam rei designandæ adhibetur, urgenda sit, pro tota primigeniæ suæ significationis amplitudine; hoc est, an in rebus, quibus metaphoricè aptatur, omnia quærenda sint similia iis quæ sunt in aliis, quas ea vox propriè designat. Qui Opiniones, ad quas respicitur, ignorant, ne de adlusione quidem cogitant; nedum ut nodos ejusmodi in interpretandis Veterum Scriptis longè maximos solvere queant. Verba LXX. Intt. in versione Psalm. XCI. 6. *δαίμονιον μεσημέριον* *Dæmonium meridianum*, multùm torfere Patres

tres Græcos & Latinos. Non quæram an Hebraïci Codicis verba rectè versa sint, hisce vocibus. Hoc tantùm dicam, ad Ethnicorum opinionem respici, qui credebant Dæmonas meridiè potissimùm esse timendos. Ita Callimachus Cyrenæus, in Hymno in Lavacra Palladis, vers. 71. Deam describit cum Chariclo-  
ne nympha lavantem, hisce verbis :

Ἰππὼ ἐπὶ κράτει Ἑλικωνίδι καλὰ ροίσσῃ  
Λῶντα, μισαμβρινὰ δ' εἶχ' ἥρ' αὐσχίᾳ.  
Ἀμφότεραι λῶοντο, μισαμβριναὶ δ' ἴσαν ὥραι,  
Πολλὰ δ' αὐσχίᾳ τῆσι κατῴχον ἥρ'.

In Hippocrene Heliconide pulchrè fluenti lava-  
bant, cum meridiana obtineret montem quies;  
ambæ lavabant & meridianum erat tempus,  
multaque tranquillitas illum obtinebat montem.  
Quo factum est ut Tiresias, qui per Helico-  
nem nunc oberrabat, Deâ conspectâ, oculo-  
rum usum amiserit. Similiter, apud Theocri-  
tum, Idyll. I. Pastores non audent τὸ μισαμ-  
βρινὸν συγείδιν, meridiè fistulâ canere, quòd ti-  
merent Panem, τὸ Πᾶν δίδοίκαμιν, timemus,  
inquiunt, Panem. Lucanus Lib. III. de Luco  
ad Massiliam sito, quem sanctissimum Galli  
habebant :

Non illum cultu populi propiore frequentant,  
Sed cessere Deis, MEDIO cùm Phæbus in  
axe est,  
Aut cœlum nox atra tenet; pavet ipse sacerdos  
Accessus, dominumque timet deprendere luci.

Hinc videmus quare, inter diei pericula, Septuaginta Intt. *demonium meridianum* recensuerint; nempe, quòd Dæmonas tunc temporis errare crederent, ut Græci, imò & Ægyptii, aliique Orientales.

4. Præcipua diligentia doctissimorum Interpretum in eo sita est, ut adlusiones ejusmodi enucleent; sed quoniam non semper omnia attingunt, & molestum ac tædiosum est vix aliquot paginas legere, sine necessitate ad Interpretem confugiendi; antequàm incipiamus Scriptorem ullum legere, necesse est aliquam operam, cognoscendis Gentis ejus potissimis Consuetudinibus & Opinionibus, dedisse.

5. Optandum sanè esset libros nos habere de Consuetudinibus & Opinionibus Veterum, etiam vulgaribus, tum scriptos, cùm eæ vigeant; multa enim, etiam notissima, tempore intercidunt, quæ ne summâ quidem diligentia ex Veterum ruderibus postea erui possunt. Sed dum Consuetudines & Opiniones latè receptæ vigent adhuc, vix ab ullo describuntur; quòd æquales perpauci libros, de rebus notissimis & vulgaribus scriptos, legere sustinerent. Itaque dum Historici præsentium animos sibi conciliare student, & fama sua frui, id memorant quod sui ævi hominibus non satis notum esse poterat, sed quæ omnibus nota erant ferè omittunt; unde factum ut posteritatem fugerint, quia paullatim in desuetudinem abeuntium memoria à nemine servata est. Sic propter Consuetudines, servulis olim notissimas, nunc eruditissimi quique viri non parum sudant, quòd eas ignorent. Ad Historiam

riam & mores Romanorum quod adtinet, id evenit quòd plurima ad posteritatem traduxit, quæ alioqui periissent. Scilicet, Græci, inter Romanos versati, Historiam horum & mores describere adgressi sunt, non in Romanorum, sed in Græcorum gratiam; & coacti fuere multa tradere ac explicare distinctius, quàm opus erat Romanis hominibus; quòd Græci, in rebus Romanis hospites, eorum Historias alioqui non erant intellecturi. *Polybius* de Romanorum militia multa dixit, quæ in nullo Scriptore Romano inveniri potuissent. *Dionysius Halicarnassens* multò adcuratius, eadem de causa, Historiam Romanam, quàm ullus Historicus Latinus, scripsit. Sanè præterquàm quòd Romani mores Græcis erant exponendi, homo Græcus aptior erat ad eos observandos, quàm qui ab infantia iis adfuerant. Quæ enim insolita nobis sunt faciliùs animadvertimus, quàm ea quibus sumus adfueti. *Plutarcho* quoque permulta, ad Romanorum mores & opiniones pertinentia, debemus.

6. Attamen nullus antiquus Scriptor unus omnia, aut pleraque hujusmodi uno opere complexus est; & coacti sunt Recentiores ex omnibus plenam, quantum potuit, Romanarum Consuetudinum & Opinionum descriptionem colligere. Utilem operam huic rei navavit *Joannes Rosinus*, quem suis *παραλειπομένοις* illustravit *Thomas Dempsterus*, unde conflatum est Antiquitatum Romanarum Corpus. Multi multas earumdem Antiquitatum partes illustrare, ut *Justus Lipsius*, cum plurimæ

alia, tum *Militiam* pedestrem; navalem verò *Joan. Schefferus* & *M. Meibomius*; *Octavius Ferrarius* rem vestiariam; *Franciscus Baluinus* indumenta pedum; alii alia, quæ Studioſis per ſe ſatis innotefcent. Potiſſima & lectu digniſſima hujus generis in unum Corpus colligere adgreſſus eſt *Joan Georg. Grævius*, cujus *Antiquitatum Romanarum Theſauri* duodecim prodierunt volumina. At in iis multa abundant ac multa deſunt, & ſtudiorum initio, utendum brevi Compendio, qualis eſt *Reſpublica Romana* *Pet. Joſepi Canteli*, nuper *Ultraje-cti* edita, poſt *Pariſinam Editionem*; aut *Thomas Godwini Romanæ Hiſtoriæ Anthologia*, \* *Anglicè & Belgicè* edita. Hos libros, quaſi in ſuo genere perfectos, non indicamus; poſſunt enim, ut omnes norunt, multa iis addi, nec pauca in iis emendari; ſed ad præcipua capita quod adtinet, quod unum hîc quæritur, ſatis eſſe poſſunt.

7. Quæ hæcenus diximus, conſilia quædam ſunt, ad viam ſibi muniendam ad cujuſvis Scriptoris lectionem ſpectantia; ſed quoniam à *Latinorum* lectione incipimus, debent præſertim *Latinis* aptari; quò etiam pertinent, quæ habentur *Numm. 5, & 6*. Nunc conſilia quædam danda ſunt de ordine, in legendis iſtis Scriptoribus *Latinis*, obſervando.

\* Londini in 4. 1648.



C A P U T II.

De Ordine in Lectione Latinorum Scrip-  
torum observando.

§. I.

*Prose Scriptores.*

1. **P**OSTQUAM imbuti sumus aliquâ Geo-  
graphiæ, Historiæ Chronologicæ, &  
Consuetudinum ac Opinionum, ex Recentio-  
rum Scriptis, cognitione; animus adpellendus  
est ad ipsorum Romanorum Scriptorum le-  
ctionem. Atque hæc etiam, quoad ejus fieri  
potest, à libris incipiendum, qui, ut intelli-  
gantur, quàm paucissimorum subsidio indigent,  
& qui simul Latinitate præstant.

2. In Latino sermone distingui possunt  
*ἀρχή*, *ἀκμή* & *παρακμή*, hoc est, initia, perfe-  
ctio, & corruptio. Ad initia \* referuntur  
Saliaria carmina *Numæ Pompili*, aliique  
veteres hymni, quæ *Ciceronis* sæculo vix ab  
eruditis intelligebantur. Illa proximo inter-  
vallo sequuntur præcæ leges Regiæ ac Decem-  
virales, & antiquorum temporum monumen-  
ta. Nolim ad initia referre *Andronicum*, *Navium*,  
*Ennium*, *Pacuvium*, aliosque Poëtas eorum-  
dem temporum; sed neque ad perfectionem  
pervenerunt, cui proximi fuere *Plautus* ac

C 5

Te-

\* Vid. *Ger. Vossium* in Præf. Operis de *Vitiis Sermonis* &  
*Car. Fresnai du Cange*, Præf. *Glossarii Media Latinitatis*.

## 42 ARTIS CRITICÆ P. I. C. II.

*Terentius*, & hic præsertim. Perfecta erat Lingua Latina, quando scripsere *Cicero*, *Cæsar*, *Sallustius*, *Cornelius Nepos*, *Livius*, *Vel-leius*, aliique æquales prosæ Scriptores; Poëtæ verò *Lucretius*, *Catullus*, *Virgilius*, *Hora-tius*, *Tibullus*, *Propertius*, *Ovidius*, aliique qui ad Tiberii usque Principatum vixerunt. *Cicero* in *Bruto*, Cap. 43. postquam dixit *L. Crassum* sibi quatuor & triginta annis præstitisse, ac triennio minorem fuisse, quàm *M. Antonium*, qui eloquentissimi homines ætatis suæ fuerant; addit *se hoc idcirco posuisse, ut dicendi Latine prima maturitas, in qua ætate exstisset, posset notari.* Tempore Tibe-rii, Latina Lingua, propter concursum ho-minum ex Provinciis & Urbibus remotis ci-vitate donatorum, corrumpi cœpit. Atta-men, ut subitò ad perfectionis summum api-cem non pervenerat: ita nec prorsus corru-pta est, nisi paullatim. Cùm enim rectæ La-tinitatis exemplar à sæculo *Ciceronis* petatur, ipse *Cicero*, ob causam adlatam, jam tum Latinum sermonem inter multos vitari cœ-pisse auctor est, in eodem libro, Cap. 74. *Omnes ferè qui nec extra hanc urbem vixe-rant, inquit, nec eos aliqua barbaries domesti-ca infuscaverat, recte loquebantur. Sed hanc certè rem deteriore fecit vetustas, & Romæ & in Græcia. Confluxerunt & Athenas & in hanc urbem multi inquinatè loquentes, ex di-versis locis.* Verùm hæc Latini sermonis pe-ctis grassari potissimum cœpit, ut diximus, sub Tiberii principatu. Hinc meliori Latini-tati adfiniores censentur *M. & L. Seneca*,  
*Pom-*

*Pomponius Mela, Cornelius Celsus, L. Columella, Q. Curtius, Plinius* uterque, *Quintilianus, Suetonius, Tacitus*, qui proſa uſi ſunt; inter Poëtas, *Lucanus, Perſius, Silius, Juvenalis, Martialis, Papinius & Valerius Flaccus*. Poſt horum ætatem, corrupta haberi poteſt Lingua Latina, ab Hadriani, nempe, temporibus; non quodd nemo poſtea eleganter ſcripſerit, ſed quodd ſermo vulgaris immutatus fuerit, & bene ſcribendi exemplaria in antecedentibus ſæculis quærentur.

3 Incipiendum eſt ab iis Scriptoribus, qui *ἁπλῶς* Linguae vixerunt, aut ei proximi fue-  
re, & præterea facili ſtylo ſcripſerunt. Facilitas autem ex duobus, oritur, ex argumento, nimirum, ipſo, & eloquutione. Faciles intellectu ſunt res ad communem vitam pertinentes, quæ haud multò minùs ſæculo noſtro ſiunt, quàm olim; ut eventus frequentes, aut qui nihil habent nimis inuſitatum, vel deſcriptiones adfectuum, qui omnibus ſæculis vigent, aliaque ſimilia. Si hæc præterea efferantur ſermone quotidiano, non quæſitis figuris, aut accerſitis procul ornamentis, faciliè intelliguntur. Contrà obſcuritas naſcitur, cum ex rebus inuſitatis, & de quibus pauci cogitarunt, aut quæ naturâ ſuâ obſcuriores ſunt; tum ex ſermone *ἰσχυρισμῶν*, à propria ſignificatione verborum remoto, aut ſtructurâ duro & ambiguitatibus laborante.

4. Hinc colligimus non poſſe initio Scriptorem ullum utilius legi, *Plauto, Terentio & Phæ-*

*Phædro*, qui senariis versibus, Augusti sæculo, Æsopicas fabulas expressit. Hi enim res vulgares simplici dictione, & elegantia quadam nativâ gratâ tradiderunt.

5. In *Plautum* utilem Commentarium, licet fortè ampliorem interdum, quàm necesse fuit, edidit *Fridericus Taubmannus*. Iterum excusus est anno 1621. auctusque adcuratâ collatione MSS. Palatinorum à *Jano Grutero*. Si commodum non occurrat, substitui potest Editio *Plauti Gronoviana*. In *Terentium* multi scripsere, quorum excerptæ notæ, unâ cum *Donati* Veteris Grammatici fragmentis, editæ sunt à *Corn. Schrevelio*, nullius ferè judicii confarcinatore. Exstat quidem Editio *Francofurtensis* anni M DC XXIII. *Frider. Lindenbrogii*, cum *Donati* & *Eugraphii* Commentariis ac *Lindenbrogii* ipsius observationibus. Sed tironibus satis adcommoda non est, nec obstat quominus doctiores meliorem *Terentii* Editionem etiamnum desiderent. Qui notulis minoribus *Terentium* explicuerunt, *Thom. Farnabius* & *Joan. Minellius*, in Anglia & Belgio, ii cum plurima omiserint necessaria, tum etiam in multis errarunt. Omnium optimè versione Gallicâ, & notis *Terentii* mentem expressit erudita Matrona *Anna Tanaquilli Fabri* filia, *Andreae Dacerii* uxor, cujus Pater etiam doctissimis notulis *Phædrum* illustravit.

6. Hi autem Scriptores non sunt defunctoriè legendi, sed summâ adhibitâ curâ, ut quantum in nobis est, planè intelligantur; nec supersit nodus ullus, nisi in locis qui frustra

frustra ab Interpretibus tentati sunt. Igitur legendi non semel modò, sed iterum, atque iterum; ut eorum stylus nobis veluti familiaris evadat, & omnes Anomalias eorum pernoscamus. Huic jacto fundamento, cetera firmiùs inædificabuntur; quàm si, vix intellecto libro, alterius lectio superinjiceretur; nutante enim cognitione nonnisi dubia nititur interpretatio. Malè itaque ii faciunt, qui incipientem tironem multitudine librorum obruunt, & eum plura legisse obscurè intellecta, quàm pauciora clarè percepta maiunt.

7. *Plantus* quidem permultos habet Archaismos, & serviles jocos, aliquando frigidus; attamen aptis adeò ut plurimùm utitur verbis, & structurâ tam facili, ut, si ea quæ diximus omittas, exemplar Latinæ elegantiae esse possit. *Terentius* tersior est, ut adpareat hominem eo fermone scripsisse, quo utebantur Scipio, Lælius, alique ex Romana Nobilitate, quibuscum ille viſitabat. Ut is sermo à sordibus plebeculæ multùm abest: ita etiam ab omni tumore est alienissimus; quibus in rebus, certat cum eo, quem conjungendum diximus, *Phædrus*. Non videntur quidem nobis initio Poëtæ sublimioris carminis legendi; sed hi, licèt metris adstricti, à quotidiano fermone non recedunt.

8. Hosce postquàm probè intellexerimus ac concoxerimus, adiri poterunt Historici, quorum stylus, licèt à versibus abhorreat, comitior est Comico, & sublimior, adeoque difficilior; quæ difficultas interdum augetur rebus

bus ipsis, qualia sunt prælia, machinæ, aliaque similia; quibus minus sunt adfecti adolescentēs, quàm iis, quæ apud Comicos narrantur. Faciliores Historici sunt *Cæsar*, *Cornelius Nepos*, & *Justinus*, quorum stylus simplex est & perspicuus, præsertim duorum priorum; nam postremus non raro tumida utitur dictione, potissimum in orationibus, nec Latini sermonis puritatem æquat. Imò & multa habet ἀνυπερβαλόντων, & duris metaphoris interdum distinctus est, nec semper melioris ævi Scriptores imitatur. Edidit *Cæsarem* egregiè *Joan. Davisius* Cantabrigiæ, *Cornelium* verò *Dionys. Lambinus*, & *Justinum* *Joan. Georgius Grævius*. Comtiores sunt *Livius*, *Sallustius*, *Curtius*; & *Sallustius* quidem dictionis brevitæ durior, *Curtius* tumidior. Horum omnium sunt eligendæ, quantum potest, emendatissimæ editiones. *Livium* quidem eximiè emendavit illustravitque *Joann. Fridericus Gronovius*, *Sallustium* verò nuper *Josephus Wasseus* Cantabrigiæ.

9 Possem plures indicare legendos Scriptores, sed initio ne sex quidem, quos nominibus adpellavi, ita legendi sunt, ut, statim ac unus primùm lectus est, ad alium convolemus. Qui primus sumitur in manus, *Cæsar*, *Cornelius Nepos*, aut *Justinus*, non debet modò, ut ita dicam, celeri lectione vorari, sed aliquà morâ concoqui; adèd ut quàm paucissima in eo remaneant nobis obscura, nisi sint loca, quæ ipsis Interpretibus negotium facefferint. Difficile est primâ lectione omnes nodos, non dicam solvere, sed  
ani-

animadvertere; sæpe enim difficilia, quasi facilia, prætermittuntur. Itaque ad iteratam lectionem possunt differri loca difficilia, ne primum legentes nimius offendat labor. Qui hoc tentabunt, secundâ lectione mirabuntur se antea difficilia judicasse quædam loca, in quibus omnia erant plana; & vicissim ea facilia, quæ magnis difficultatibus laborabant. Utile est tamen, in prima lectione, libellum habere in quo adnotentur loca, quæ intelligi non potuerunt, & in quorum sensum inquirere nondum licuit. Is libellus inscribetur *Quærenda*, in quo postea, si tanti videatur, & inveniri potuerit locorum illorum interpretatio, scribi poterit paucis, aut indicari Scriptor qui eam tradiderit; additâ paginâ, Libro & Capite, prout commodissimum erit. Nihil interest illa *Quærenda* postea nobis nihili videri, post majores progressus; imò jucundum erit ex illis, quanti profectus sint, videre.

10. Hisce Historicis conjungi poterunt Epistolæ *Ciceronis ad Familiares*, cum notis *P. Manutii*, & eæ quidem, si possit fieri, ordine temporum dispositæ. *Manutius* in argumentis tempora notavit, quantum ea conjicere potuit, & in quibusdam \* Editionibus additi sunt Indices, in quibus eo ordine disponuntur. Hoc maxime propter Historiæ seriem delectat, ad legendum adlicit, & ad intelligendum juvat. Postea ad Orationes *Ciceronis* deveniendum erit, & faciliores ante alias

\* In nupera Amstelodamensi in 12. cum notis *Grevii*, ut & in majore Editione, in 8.

alias legendæ, quales sunt *pro lege Manilia*, *pro Archia Poëta*, *Catilinariæ*, &c. quæ, ut reliqua omnia, repetitâ lectione erunt conquendæ. Hos autem Scriptores non ita suademus legendos, quasi aut omnes necessariò initio essent evolvendi, aut nulli similes adjici possent; sed ut quis delectus initio legendorum fieri possit ostendamus, & quare ita progrediendum sit pateat.

II. Qui huc usque progressi fuerint, de Poëtis legendis, Elegiarum Scriptoribus, Epicis, Lyricis, tum deinceps cogitare debebunt, non prius. Cujus rei ratio hæc est, quòd ut Linguam probè discamus, priùs propria significatio verborum, quàm metaphorica, & oratio simplex, quàm figuris ornata intelligenda sit. Hic enim est ordo naturæ, quem à pueris, in discenda Lingua vernacula, observari etiam videmus. Contrà si, priusquam simplicem orationem probè intelligamus, ad figuratam nos conferamus, omnia miscentur; nec proprias verborum & loquutionum significationes nisi post longiorem multò & majorem laborem, tenemus. Hinc etiam fiet ut, cum scribere tentabimus, proprietate vocum & phrasium neglectâ, duram & adfectatam dictionem, ac proinde obscuram & odiosam habituri simus; in versibus prosæ loquutiones, in prosa oratione poëticas simus imprudentes adhibaturi, quòd eos characteres non satis distinguamus; ut constat exemplis multorum virorum alioqui doctorem, qui studiorum initia perturbatoria habuerant. Sed majus incommodum inde fluit, & quod vix emendari potest; nempe,



pe, sapissimè videntur sibi intelligere quæ non intelligunt, quia propriam uniuscujusque vocis significationem non satis tenent, nec quibus gradibus ex propria in metaphoricæ plures transferit norunt. Interdum enim ex propria significatione magis aut minùs receditur, & plures etiam in una voce latent adlusiones. Exempli causa, celebris est *Horatii* locus, Od. II. Lib. II. ubi dicit virtutem deferre regnum uni,

*Quisquis ingentes, oculo irretorto,  
Spectat acervos.*

Multùm se torfere Interpretes, ad invenientiam significationem vocis *irretortus*, licèt viderint hîc significari oculos abstinentes. Sed non intellexerunt quare oculi abstinentes dicantur *irretorti*, quodd propriam vocis significationem non satis attenderint. *Torquere* ergo significat *inflectere*, *convertere*; unde *oculos torquere* dicuntur qui caput vertunt, ut aliquid videant. *Virgilius* *Æneid.* IV, 220.

— *Oculósque ad mœnia torfit,*

id est, convertit. *Retorquere oculos* est caput in humeros convertere, ut quod à tergo reliquimus videamus. Ita *Cicero*, in II. *Catilin.* c. I. de *Catilina* ingratiis ex Urbe egresso: *Retorquet oculos profectò sæpe ad hanc Urbem, quam ex suis faucibus ereptam esse luget.* Dicere possemus contrà de eo, qui patriâ excederet, sine desiderio: *spectavit mœnia patriæ exiens*

Tom. I.

D

ocul-

## 50 ARTIS CRITICÆ P. I. C. II.

oculis irretortis, si in prosa liceret ejusmodi tropo uti; aut potiùs, quod licet per Rhetoras: *egressus manibus non retorsit oculos*. Itaque *Horatius* describens opum contemptorem, quasi transeuntem prope acervos auri, nec eos dignantem spectare, nisi dum ante se sunt positi, *non retorsit*, inquit, *oculos* cum transit; quod à cupidis solet fieri. Græci, multò faciliores Latinis, hoc unicà voce ἀμταστρεπτι, *non conversâ facie*, exprimunt. Ita *Plato* de Rep. X. hoc præceptum eximium tradit, ubi commodum ea vox occurrit: τὰς τῶν καλῶν συνουσίας φύγει ἀμταστρεπτι, *malorum consortia fuge irretortis oculis*. *Eusebius* in Præp. Evangel. sub finem Lib. I. ait nobis ab Evangelio præceptum, Theologiam, qualis erat Phœnicia, quam ibi exposuit, ἀμταστρεπτι φέρωντα, qua in re, diligens *Platonis* lector videtur eum imitatus: sicut ipse *Horatius* Græcos, uti alibi passim, hac in re sequutus fuit. *Homerus* Iliad. Z. vers. 496. ita describit Andromachen ægrè à viro divulsam, & invitam videntem eum urbe exire:

— Α'λογον δὲ φίλον αἰνέειν βαρύνει  
Εὐτροπαλιζομένη.

*Uxor cara domum ibat, subinde se convertens desiderio, nempe, viri, quem invita dimiserat*. Apud *Lucianum* in Tyranno, p. 433. T. I. de iis, qui inviti moriuntur, ita loquitur *Micyllus*: ἐπιτρέφονται ἡς τῶνικα, ὥστε εἰ δυνάεσται, καὶ πῶρ' οὐδ' ἀποδύμειν τὰ ἐν τῇ φρενὶ

## De Ordine in legendis Latinis. § 1

βέλονται: cōvertuntur in eā quæ sunt à ter-  
 go, ut infelices amāntes, & è longinquo vo-  
 lunt videre quæ fiunt in luce. At de se, cū  
 libens mortuus esset: εἰς δὲ πρὶ κατόαν  
 ἡλίσθη καὶ μεταλάει: nihil eorū; quæ à ter-  
 go relinqueram, me cōvertēbat ac revocabat.  
 Alioq̃ui Latini optimē dixerūt fugere sine re-  
 spectu, cū de timēte, qui notū respicit  
 prae metu, tū de cōtermitente, cui nullū  
 inest relictæ rei desiderium. Livius, de Phil-  
 ippo ad Aoi amnis angustias à T. Quintio  
 Flaminiō victo, Lib. XXXII. c. 12. Rex  
 primò effusè ac sine respectu fugit. Annibal  
 verb cū Italiā relinqueret, non sine respec-  
 tu vela in Africā dedit. Rarò quemquam  
 aliū patriā, ex illi causā, relinquentē  
 magis maestum abiisse ferunt, quā Annibalem  
 hostiū terrā excedentē, respexisse sæpe Ita-  
 liæ littora; &c. Quæ verba sunt ejusdem  
 Scriptoris, Lib. XXX. c. 20. Græci etiā  
 cum, qui non invitū aliquid it, nec loca ubi  
 fuit desiderat, irē aiunt μηδὲν ἐπισφόμενος non  
 cōversum. Vide Epicteti Enchir. C. XII.  
 Idem Philosophus, C. LXXIV: tibi vetat  
 aliorū cutasī sermones, οὐ, ἔ, inquit, ἀνὶ  
 αἰσῶ, καὶ ἐπισφύ, hoc est, ne curato. Egre-  
 gitū exemplū hōminis, aurī acervos irde-  
 tortis oculis spectantis, habemus in senē illo  
 Thebano, de quo multū Veterū. Unius  
 Phavorini verba proferam, ex Libris de Se-  
 nectute, apud Stobæum Serm. CXII. ο' Βου-  
 τος ἐντοχὰς ἡναγοῶ, μετὰ ἰσομήκοιτα ἱτῆ;  
ἰπῶ-

ἐπάραι τὸ σκίλον ἀπικαταίει, καὶ παρῆλθεν ὡς ἔκτι ἐδὲν ὅτα πρὸς αὐτὸν: Βασις, cū incidisset in thesaurum natus plus quàm septuaginta annos, suolato crure, frustra inventum significavit, ἔ' transiit, quippe qui nihil amplius ad se pertineret. Apollonius quoque Tyaneus, ut auctor est *Philostatus* in ejus vita Lib. I. c. 20. διὼν εἰς τὰ βασιλῆα ἐδὲ διέλειπεν εἰς ἐδὲν τῶν θαυμαζομένων, ἀλλ' ὥστε ἰδοικορῶν διήμ αὐτὰ: per Regiam (apud Parthorum Regem) transiens eorum quæ admirationi sunt nihil spectavit, sed quasi iter faciens eam peragrabat. Sed disertius rem expressit *Athanasius* Vitæ *Antonii* §. 12. ubi de conspecto ab *Antonio* auro: ὁ δὲ Ἀντώνιος τὸ μὲν πλὴν ἰθαύμασεν, ὡς δὲ πῦρ ὑπερβαῖς ἔτης αὐτὸν παρῆλθεν; ὡς μὲν γὰρ γραφῆναι: *Antonius* multitudinem quidem miratus est, ἔ' ut ignem prætergrediens sic id transiit, ut ne converteretur quidem; hoc est, oculo irretorto acervos auri spectavit.

Præterea *Horatius* adludit hîc ad oculos, ut ita dicam, Stoïcos; in antecedentibus enim versiculis, manifestò ex Stoïcorum sententia loquitur: ut rectè Interpretes observavere. Leve vulgus cupiditatibus suis, quasi ventis, huc illuc actum habet oculos, ut loquitur *Cicero*, lubricos ἔ' mobiles. Non potest defixum in unam rem objectam hære, sed quavis de causa huc illuc circumfert adspectum. Contrà Philosophicæ gravitatis fuit fixos habere oculos, quales sunt cū de re quæpiam.

piam adtentè cogitamus. Ita narratur *Socrates* \* stare solitus pertinaci statu, per dius atque pernox, à summo lucis ortu ad solem alterum orientem, inconnivens, immobilis, iisdem in vestigiis, & ore atque oculis, eundem in locum directis, cogitabundus, tamquam in quodam secessu mentis atque animi factò à corpore. Talia innumera occurrunt, quæ à multis non intelliguntur, quòd non recto ordine, in discendis vocum significationibus, progressi fuerint.

\* *Apud A. Gellium Lib. II. c. 1. Qua de re vide & Symposium Platonis.*

## §. II.

### *Poëtæ.*

I. **D**UM ageremus de Prosa Scriptoribus, meminimus *Plauti* & *Terentii*, qui Poëtæ fuere; quia eorum dictio, ut diximus, licet metris adstricta, sermoni propior est, quàm ipsorum Historicorum libri; quòd Poëtæ Comici inducant loquentes servos, aliòsque, qui familiari tantùm & quotidiano utuntur sermone. Eadem de causa, ne *Horatius* quidem, suarum Satirarum & Epistolarum causà, se Poëtam dici sustinuit, sed hujus nominis honorem ꝑ ori magna sonaturo debere dixit. Nunc verò agemus de lectione eorum, qui non modò versus, sed carmina poëtica edictione ediderunt.

D 3

2. Cùm

‡ *1. Sat. IV, 44.*

2. Cùm Poëtæ passim adludant ad antiquissimam Græciæ Historiam, quam *Miðer verbum*, seu *fabulam* dixerunt; quòd ore traditū ab antiquissimis temporibus, nec nisi serò literis consignata complectatur; necesse est, priusquàm ad eos accedamus, aliquam saltem Mythicæ Historiæ cognitionem nobis comparemus. Alioqui legi non poterunt, sine molestissimo coniugendi subinde ad Dictionarium Poëticum labore; nisi multa non intellecta prætermittantur, quod, quantum fieri potest, cavendum. Ideò multi ex Veteribus Mythicorum temporum olim historias confecerant; ex quibus supersunt nobis *Diodori Siculi* quinque priores libri, & *Apollodori Atheniensis Bibliotheca* Græcè, Latine verò *C. Julii Hygini Fabulæ*. Sunt & alii, sed non tanti, & hi tres potissima quæque satis docebunt. Sunt itaque, ut memoriæ insigantur fabulæ, sæpe atque iterum legendi, aut minimum unus ex tribus; cùm nec id longum postulet tempus. Statuimus hîc eos, quos Latinos Poëtas studiosè legere adgredientur, satis in Græcis exercitatos esse, ut, adhibitâ diligentia, *Apollodorum* possint intelligere. Ac sanè, à primis studiorum initiis, sunt conjungenda Græca cum Latinis, ut in sequentibus dicemus.

3. Perlecto *Apollodoro* aut *Hygino*, aut quopiam ex Recentioribus, qui idem argumentum litteris mandarunt, prout ad manum erit; nullus Poëta prior legendus *Ovidio*. Atque ex hujus quidem operibus *Metamorphosis* & *Fæstorum libri* perlegendi, cùm quòd stylus

eorum faciliior sit, tum quòd lectio duorum horumce librorum, ad intelligendam memoriæ Mythicam Historiam multum conducatur; in his enim libris totus est *Ovidius*, in fabulis narrandis. Subjungi hisce poterunt *Heroidum* Epistolæ; nam alia ejusdem Poëtæ opera in aliud tempus erunt differenda, nisi fortè libros *Tristium* & *ex Ponto* Elegias scriptas antecedentibus adjeceris. Edidimus & nos *Pedonis Albinovani* & *P. Cornelii Severi* quæ reperiri potuerunt, quæ legisse neminem pœnitebit.

4. Hoc jacto fundamento, veniendum erit ad *Virgilii Æneidem*, *Eclogas* & *Georgica*, quæ omnia sunt adcuratè legenda. Editiones omnium optimæ sunt *Taubmanniana*, in qua sunt *Ciris* & *Culex* cum amplissimis *Taubmanni* Commentariis; vel *Emmenessii*, cum Variorum notis, cui adjunctus est Index *Erythræanus* omnium vocum *Virgilii*. Huic Poëtæ succenturiandæ erunt Odæ æqualis & amicitatis *Horatii*, qui unus Poëtarum Lyricorum Latinorum superest, & ferè unus digna legi, iudice *Quintiliano*, scripserat. Addi poterit *Gratii Cynegeticon*, cum *Eclogis Olympii*, & *Nemesiani*; qui licèt senioribus temporibus vixerint, elegantiam tamen ævi Gratiani imitati sunt. *Horatii* Editionem nondum habemus memoratis *Virgilii* Editionibus æquiparandam. Interea *Torrentiana* videtur præstare; sed omnium optima esset, si notæ Latine exstarent firmarenturque Veterum testimoniis plurima, quæ sine argumentis proferuntur, & inutilia circumciderentur, Latino-Gallica *Andreae Dacerii*, cruditiissimi viri. No-

lim tamen hæc ita capi, quasi *Dionys. Lambini* & *Jac. Cruquii* editiones spernerem; nam *Lambinianam* magni facio, nec alteram aspernor, sed incipientibus ea, quam dixi, commodior est, & optima quæque è *Lambiniana* habet. *Gratum* edidit, cum *Olympio* & *Nemesiano*, *Janus Vlitius* vir doctissimus, ac pererudito commentario, post *Casp. Barthium*, illustravit.

5. Hos sequentur *Lucanus* & *Statius*, &, si cui animus sit Poëtas omnes evolvere, amatorii vates *Catullus*, *Tibullus*, *Propertius*, *Ovidii* amatoria; Satirici *Juvenalis* & *Persius*, Epigrammatographus *Martialis*; Philosophici *Lucretius* & *Manilius*. Horum omnium editiones non adnotamus, cum brevitatis causâ, tum quòd studentibus satis innotescunt. Neque ordinem in hisce certum constituimus, quia modò ii, quos initio adpellavimus, *Ovidius*, *Virgilius*, *Horatius*, *Lucanus* & *Statius* lecti sint, animus satis erit ad reliquos paratus.

6. Non addimus etiam plura, hac de re, consilia; quia qui eo usque profecerint satis sibi ipsi consulent. Hoc duntaxat accurate observandum, quod jam monuimus, ut qui primi leguntur Scriptores quàm optimè intelligantur; alioqui si, partim intellecto Scriptore, ad alium continuò transeamus, in quo etiam plurima non intellecta prætermittamus; aut nunquam, aut serò ad perspicuam & certam rerum notitiam perveniemus, neque tantibus fundamentis firmum ædificium imponemus. Non esset nobis difficile invenire  
exem-



exempla virorum celeberrimorum, qui ob neglecta studiorum initia, indecorè in rebus ad ea pertinentibus cespitarunt. Exempla nonnulla ejus rei insignia, in additamentis nostris ad *Henr. Hammondi* Adnotationes in N. T. observavimus.

---

### C A P U T III.

De Ordine in legendis Græcis Scriptoribus observando.

#### §. I.

##### *Prose Scriptores.*

I. QUÆ antea diximus, de ordine in Lectione quorumlibet Scriptorum observando, non repetemus. Observabimus dumtaxat tantam fuisse adfinitatem & similitudinem Opinionum & Consuetudinum, inter Græcos & Romanos, qui omnes suas leges, suamque eruditionem, quanta fuit, Græcis debebant; ut Latine doctus nemo haberi queat, qui in Græcis litteris hospes sit. Latini Scriptores scatent vocabulis & loquutionibus Græcis, quæ nisi intelligantur, ne Latina quidem satis intelligi possunt. Pleraque artium vocabula Græca sunt, quod à Græcis artes acceperint Romani; & Poëtæ præsertim Hellenicis usque aded sunt referti, ut eorum Interpretes eruditiores passim ad

D 5

Græ-

Græcam Linguam confugere necesse habeant.

2. Itaque, quod solet à peritioribus Magistris fieri, Juventutem statim ac Latinæ Linguae elementa hausit, operam dedisse Græcæ volumus; ut cum accedit ad Poëtarum lectionem, possit subsidio Dictionarii Græcum Scriptorem ex facilioribus intelligere. Hoc posito fundamento, quo initia Linguae continentur, quomodo sint ulteriora studia instituenda docebimus; si hoc prius monuerimus, cavendum esse ne puremus, priusquam lectionem Scriptorum Græcorum adgrediamur, Grammatica omnia præcepta memoriæ mandanda. Plerique ad hunc scopulum impingentes, Græcæ Linguae studium, hac sola de causa, ab ipso limine abjiciunt; quod illis, aliâ insistentibus viâ, alioqui feliciter fortasse cessisset. Nempe, semel nominum declinationibus & verborum inflexionibus accurate memoriæ mandatis; Anomaliae, aliæque difficiliora paullatim, crebrâ & adtentâ lectione, in qua subinde occurrent, ediscuntur. Uti hanc in rem licet *Angeli Caninii Hellenismo*, & *Thesaurò Grammatico Petr. Antesignani*, ab *Alex. Scoto* aucto, in quo Anomaliae omnes expediuntur, possuntque in copiosissimo indice quæri. Sunt & alii hujuscemodi libri, quibus, prout ad manum erunt, uti poterunt adolescentes.

3. Neque hoc prætermittendum, non esse initio conandum quidquam, sine versionis Latinæ subsidio, legere; sunt enim in primis conatibus omnia, quantum fieri potest, quàm  
fa-

facillima efficienda. Prudens est monitum \* *Quintiliani*, in primis cavere oportere, ne studia qui amare nondum potest oderit; & amaritudinem semel præceptam, etiam ultra rudes annos reformidet. Scio me loqui contra sententiam virorum doctissimorum, qui interdum graviter conquesti sunt, quòd versiones Latinae à regione Græcorum adderentur; quibus aiebant impediri Studiosos, ne Græca legerentur. Sed, pace tantorum virorum, multo minùs legerentur Græca, sine translationibus, quàm iis additis leguntur; cùm certum sit plerosque iis indigere, ut Græca legere possint, & præsertim quidem Poëtas, & inter Poëtas, Tragicos. Non sunt fingendi homines quales non sunt, non erunt; sed eorum utendum ingeniis, prout sunt. Nescio etiam annon & odiosus quidam fastus, ac invidia erga alios parum laudabilis, eas querelas illis suggererint. Dum enim se versionibus nequaquam egere aiunt, & à lectione Veterum eos remotos volunt, qui iis indigent; se aliis multùm antistare gloriantur, & sibi solis eruditionis suæ fontes patere cupiunt. At per eos sæpe factum est, ut sprete sint Litteræ, cùm tantis difficultatibus septe viderentur, ut fructus non essent cùm iis æquiparandi. Atque hæc obiter. Verùm eò usque versione abuti non licet, ut nihil quærat in Dictionario, aut credatur versionì de conjugationis inflexione. Nulla prætermittenda vox est, quæ an radix sit, necne, nesciatur; nullum verbum, cujus modus, tempus aut thema ignoretur.

\* *Inst. Or. Lib. 1. c. 1.*

retur. Versio hunc usum solum præbere debet, ut ejus ope voces jam quælitæ, sed ex memoria elapsæ, in eam denuò faciliùs revocemus; utque adjumento sit ad constructionem, & verborum themata inveniendâ. Hac ratione fiet ut haud difficulter, cum vocum significationes, tum etiam inflexiones memoriæ infigamus; utque tandem versione faciliè carituri simus.

4. Præterito sæculo XVI. viri eruditissimi *Melchior Wolmarus*, *Gulielmus Budæus*, & *Joa- chimus Camerarius* cœperant Græcæ Linguae studia ab *Homeri* lectione; sed postea eos præ- posterius sui ordinis pœnituit, cum prosæ Scrip- torem legere adgressi videbant se, post exant- latum laborem immensum, faciliores Scrip- tores non intelligere. *Josephus* quidem \* *Scaliger* ait se, vix lectâ Grammaticâ Græcâ, intra viginti tres dies totum perlegisse *Home- rum*; sed hoc, si verum est, non est cujus- vis tentare, nec Judicium ejus ubique sequen- dum. Licet enim in rebus, ex memoria & lectione pendentibus, excelluerit; nec Judi- cio, nec arte ratiocinandi tantopere vir alio- qui summus valuit.

5. Igitur propter rationes adlatas, à prosæ Scriptoribus & quidem facilibus initium faci- endum. Legi itaque possunt *Polyani Strata- gemata*, qui Scriptor sub *Marco Aurelio* vi- xit, faciliq; & perspicuo stylo artes varias, à præstantibus Imperatoribus in bello adhibi- tas, prodidit. Brevitas Capitum quiescendi etiam gratas moras incipientibus præbet. Ea- dem

\* In Ep. I. ad Jan. Douzam.

dem de ratione, conjungi ei potest *Ælianus*, qui *Varias Historias & Historiam Animalium* eleganter scripsit, præsertim posterius opus; nam prius videtur imperfectum reliquisse. Sequi potest hosce *Lucianus*, qui præter *Dialogos*, multos alios libellos utiles scripsit. Atticæ sanè dictionis puritate, & ipsa etiam argumentorum facilitate præstat; sed optandum esset hominem Epicureum verecundiorum fuisse, in verbis saltem, nec obscænos amores passim miscuisse. At seligi poterunt initio *Dialogi mortuorum*, & *Deorum*, in quibus pauciora sunt talia, tum Liber *de scribenda Historia*, aliique similes. Huic subnectendum censerem *Aristophanem*, qui Attico lepore, simplici & eleganti stylo adeò excellit; ut primus omnium legi deberet, nisi obscœnitatibus nimium abundaret. Sed hoc fuit vitium sæculorum illorum, iis omnibus familiare, qui castigatis moribus non fuerunt. Attamen legi possent, exceptis versibus haud ita multis, tres priores Comœdiæ *Plutus*, *Nubes*, & *Ranæ*. Sed nec malè huic substituantur Excerpta ex veteribus Comicis, quæ ab *Hug. Grotio* versa sunt, \* & Græcè ac Latinè edita Lutetiæ; vel si is liber, qui rarior est factus, comparari nequeat, *Menandri* & *Philemonis* fragmenta, quæ inde excerptissimus, vertimus, notulisque illustravimus. Nihil elegantius, ad Ethicam quod adinet, legi queat; nec si vitiosa ad nos pervenerunt, nec omnia adcuratè emendari potuerunt, ideò minoris facienda sunt, dum melius

\* In 4. an. 1626.

lius nihil nobis sapperit. Violentis & audacibus conjecturis graviora sunt vulnera Antiquitati, iis quæ longinquitati temporum, aut incertis librariorum debentur. Sed nec omit-  
tenda *Cebetis Thebani* pulcherrima erudita Ta-  
bulæ explicatio, quæ tandem & M.S. integra  
Græcè edita est, cum latinè tantùm, à *Lud.*  
*Odaxio* olim versâ, exstaret. Hæc potest,  
imò debet, sæpius relegi, quod argumentum  
utilissimam simplici, & nitidâ simul dictione  
persequatur. Huic subjungentur *Theophrasti*  
*Characteres Ethici*, cum *J. Casanboni* notis;  
unde Græcorum vitia & virtutes multæque  
Consuetudines, Opinionesque optimè cognos-  
centur. Dignus est etiam is liber, ut & *Cas-*  
*sanboni* Commentarius, qui semel, rerum-  
que legatur. Addent ii, quibus ejusmodi  
lectio placebit, Dialogos *Æschini*, à nobis  
editos, quibus vix quidquam elegantius, apud  
Veteres Platonicos, fuit.

6. Hinc hauriri poterit, ut hoc obiter di-  
cam, cognitio particularum indeclinabilium  
*ἄνθρωπος, μέν, οὐ, ἦ, ἦν, γὰρ*, & similitum, quæ  
Attici sermonis elegantiam condiunt; & qua-  
rum nisi vis intelligatur, non modò gratia  
orationis perit, sed sensus etiam sæpe ei ad-  
surgit alienus. Sæpius illæ particulae,  
apud Atticos, *κατάλλω*; hoc est, ad sen-  
sam nihil pertinent, licet numerosiore or-  
ationem quodam modo efficiant, & nescio  
quid elegantia addant; nec possunt in aliam  
linguam verè particulas, quarum significatio-  
ni passim respondent. Exempli causâ, *καὶ*  
quod

quod significat plerumque *olim*, *aliquando*, apud Atticos, interdum planè abundat, præsertim cùm additur voci *tis* interroganti; nec Latinè potest verti, nisi expletivâ etiam particulâ *tandem*, *tis ποτε*, *quis tandem?* Aristophanes in Pluto, non procul ab initio:

Πρὶν αὖτ' φράσῃς μου τίς ποτ' ἴσιν ὕστερ,

antequàm 'mibi' dixeris *quis tandem hic sit*. Subinde talia occurrunt, & plura collegerunt Henr. Stephanus & Rob. Constantinus, in Lexicis. Existimo autem peccatum esse in hac particula, initio *Cebetis*, ubi legimus ἐκ ἰδυνάμιθα συμβαλὴν τίνος καὶ πῶθεν ἴσαν, non poteramus conjicere *quenam* & unde essent, fabulæ; nempe, in Tabula pictæ. MSS. omnes, ut testatur nuperus ejus editor, habent ΠΟΤΕ, nam πῶθεν est ex conjectura Hieron. Wolfii, quæ è contextu meritò in ultima editione ejecta est. Attamen superest, nisi fallor, mendum, quod inde ortum est quòd Librarii nescirent quid sibi vellent τίνος ποτὶ, qua de causa καὶ interposuerunt; cùm hoc unum vellet *Cebes*, quæ tandem essent hæ fabulæ? Sic postea, ubi τῶ καὶ nullus esse locus, poterat, quò factum ut intemerata *Cebetis* verba ad nos pervenerint, bis legimus τί ποτε; *quidnam tandem?* Ita & αἰμα non potest semper reddi sed, ut adversativam, sicut Grammatici loquuntur, vim habeat; neque γὰρ enim aut

καὶ

## 84 ARTIS CRITICÆ P. I. C. III.

\*am, quod adtentè legenti memoratos jam Scriptores passim liquebit. Hoc cum alii etiam, licet minùs frequenter, factitarint, multùm ad omnis generis Scriptores Græcos intelligendos conducet. Ipsum Novum Testamentum, præsertim Pauli Epistolæ, nemo satis intellexerit, nisi hoc norit. Series enim orationis iis particulis continetur, quas proinde nisi adsequaris, oratio ipsa laborat. Ita Rom. X, 8. si voculam 'Αἴα' vertas *sed*; nullus erit sensus; neque enim quod in illo commate dicitur opponitur antecedentibus. vertendum Latinè: Αἴα τι λίγυ; *quid præterea dicit?* Ejusdem Cap. Vers. 17. Ἀρὰ vertendum est *sanè*, *certè*, non *ergo*; alioqui sensus est intricatissimus.

7. Hisce Scriptoriùs lectis, pergendum erit ad *Xenophontis* libros Historicos, quorum dictio, suavissimà simplicitate condita, admirationi præstantissimis totius Antiquitatis viris fuit; à quibus dictus est \* *Musa Attica*. Cicero quoque, † *Xenophontis voce Musas quasi loquutas*, ait. Subjungendi erunt libri Philosophici, quos argumentum non adsuets paulò obscuriores reddit. Inde legendi erunt *Herodoti*, quì pater Historiæ dicitur; libri; in quibus mira quoque simplicitas, & elegantia Jonicæ Dialecti haud minùs enitet, quàm Atticissimus in *Xenophontis* operibus. De hisce duobus Scriptoriùs, idem, ad Græcam Linguam quod adtinet, possumus dicere, quod

\* *Diogen. Laërt.* in ejus vita, seu L. II. §. 57.

† *In Oratore*, Cap. 19.



quod *Quintilianus* de *Cicerone*, ad Latianam respiciens, dixit; nempe, quò magis *Herodotus* & *Xenophon* Studiosis placuerint, eò magis eos in Græca Lingua profecisse. Qui nondum illâ elegantia capiuntur, nondum Linguam satis adsequuntur. Est & alius Scriptor *Atticus*, masculâ eloquentiâ celeberrimus, *Thucydides*, sed cujus eloquentio durior & obscurior multò est, attamen lectu dignissimus.

8. Qui eò usque processerint consiliis nostris non indigebunt, de delectu Scriptorum faciendo; nec multum laborabunt in lectione Oratorum Atticorum *Isocratis*, *Demosthenis* aliorumque, nisi ubi nova quædam vocabula forensia occurrent; quæ laborem etiam eruditis faceffunt. At non debebunt præmittere lectionem *Platonis*, cujus Philosophia, pulcherrimâ dictione expressa, tanto in pretio apud Veteres fuit, ut innumeros admiratores, non inter Ethnicos modò, sed etiam Judæos & Christianos invenerit; quo factum ut ejus dogmata latissimè olim sparsa fuerint, inter trium Religionum cultores, nec pauca etiamnum hodie apud nos eorum maneant vestigia; quod proclive esset ostendere, si res esset hujus loci.

9. Monebimus potiùs, quòd memoria pæne elapsum initio dictum oportuit, ante lectionem Græcorum Scriptorum esse inquirendum in Græciæ Consuetudines, quantum id fieri poterit. Respublicas Græciæ, & præcipuos mores tradidit *Ubbo Emmius* in sua Græciâ, quem juvabit legisse. Est etiam *Archæo-*

Tom. I.

E

logia

*logia Attica* Anglicè scripta, nescio an & in alias Linguas versa, \* à *Francisco Roo*. Hæc quamvis in multis jejuna, nec satis adcurata, poterunt tamen tironibus usui esse. Postea in lucem publicam prodiit *Archæologia Græca* adcuratior & copiosior V. C. *Joannis Potteri*, in *Antiq. Græc.* Vol. XII. Sed in hisce antiquitatibus eruendis, præ ceteris, defudavit *Joannes Meursius*, cujus Scripta optandum esset in unum Corpus colligi, & quæ ad Græciæ Antiquitates pertinent, in Juventutis gratiam à viro docto in Epitomen redigi; sunt enim vastiora, quàm in initio legi queant. Itaque *Ubbone Emmio*, aut alio qui primus occurreret, utendum erit, donec utiliore aliam operam præstet vir quispiam eruditus. Post primam hujusce Operis editionem, edi Lugduni Batavorum cœpit *Thesaurus Antiquitatum Græcarum*; cujus posteriores Tomi, factò initio à quarto, doctissimorum virorum hisce de rebus Commentarios complectuntur. In qua collectione, Antiquitatum Græcarum studiosi invenient quæ difficillimè antea sibi comparare potuissent; quamvis multa illic quoque abundant & defint, nec satis diligenter sint edita.

\* Londini in 4. 1637.

## §. II.

## Poëta.

I. POSTQUAM satis versati erimus in profæ orationis Scriptorum lectione, ut nobis voluptatem, non molestiam dumtaxat, facilitate suâ pariat; deveniendum tandem erit ad Poëtas. Inter eos non numeramus, propter adlatas rationes, ubi de Latinorum Poëtis loquuti sumus, Comicos, qui profæ propiores versus ediderunt. *Homerus* itaque & *Hesiodus* primi omnium erunt legendi, quòd facillimi sint Poëtarum Græcorum; argumentum enim (si excipias librum qui *Opera & Dies* ab *Hesiodo* inscriptus est) elegerunt nequaquam naturâ suâ obscurum, & facili usi dictione molestiam, structuræ obscuritate, non creant. Hæc una est difficultas, Dialectorum varietas, & inflexiones, ac mutationes Poëticæ verborum; sed hæc facile superabitur, ope Lexicorum, in quibus omnia ejusmodi vocabula adcuratè explicata sunt, ut omnibus notum est. Præterea sunt multæ & frequentes repetitiones, quibus fit ut, si quis sex, septémve *Homeri* libros studiosè legerit, jam in iis intelligendis non multùm indigeat Lexico, útque facile sequentes sit intellecturus; quod plus semel experientiâ deprehendimus. Utile erit, cùm initium fiet *Homerici* studii, evolvere \* libellum inscriptum, ab ejus Scriptore *Everardo Feitbio*, *Antiqui-*

*tiquitates Homericæ*; ubi describuntur Heroicorum temporum Consuetudines, ex *Homero* potissimum haustæ. Quod quidem argumentum potuit sanè adcuratiùs & clariùs exponi, sed quoniam nemo alius id præstitit, eo Catone contentos nos esse par est.

2. Præter adlatas rationes, ob quas ab horum Poëtarum lectione initium faciendum esse duximus, hæc est non contemnenda; quòd omnium qui supersunt antiquissimi sint, & ex eorum \* fontibus sequentium ætatum Poëtæ certatim plurima hauserint. Multò autem meliùs intelligimus quæ sunt aliunde desumpta, cum scimus unde sint mutua accepta, quàm cum id nobis latet. Sæpe enim adlusio quædam obscurior est, ad ea quæ dicuntur à Scriptore, qui primus iis usus est; in qua adlusione totus est orationis lepos, qui nisi sentiatur, ipsa res non satis intelligitur. Atqui animadverti non potest ab iis, qui rem in ipso Poëta non legerunt; ut ii norunt quibus ejusmodi adlusiones, inter legendum, occurrerunt. Huc etiam accedit, quòd & prosæ Scriptores passim ad *Homerum* & *Hesiodum* respiciant, & vix possint intelligi, innumeris in locis, nisi in Poëtis legerimus quæ ab iis proferuntur. Est aliud quoque, quod observatu indignum non est; nempe, neminem satis intelligere quare *Homerus* tantæ fuerit admirationi Veteribus, nisi, magna saltem ex parte, ab eo perlectus fuerit. Commisit nonnulla peccata contra Poëmatis Epici leges, &

ve-

\* Vid. *Æliani Var. Hist. Lib. XIII. c. 22. & ad eius Int.*

verisimilitudinem, quæ videntur iis qui Poëtam non legerunt, cum narrantur, adeò absurda, ut contemni debuissent censeatur, utque iudicium totius Antiquitatis in dubium vocetur. Exempli causâ, Iliadis Lib. VI. in medio prælio, dum acerrimè Trojanæ à Diomede urgentur, auctor est Helenus Hecitori, ut in urbem eat, matri dicturus vovendum esse peplum Palladi, si fortè Trojanis placetur. Obsequitur Hecitor, & multum temporis absumit in colloquendo cum matre, cum Helena, cum Paride, cum Andromacha, qui ne momento quidem temporis ab exercitu abesse debuit. Hoc certè peccatum est in Poëta, qui artis tamen militaris peritus fuisse censetur, ingens; at si quis eos sermones legat, in quibus tempus terit Hecitor, præsertim cum Uxore, peccati Poëtæ illico obliviscetur; tanta enim est eorum dulcedo, & elegantia, tamque vividæ imagines, ut regularum Artis oblitus, & Homericis versibus, quasi carmine magico, delinitus, lætaturus sit ita peccasse *Homerum*, & exclamaturus potiùs; felix peccatum, quod elegantes adeò versus nobis peperit! *Homerum* nuper Cantabrigiæ edidit *Josua Barnesius*, vir doctissimus, itaque Poëtam & priscum ejus Scholiasten emendavit, nulla ut emendatior sit editio. Nos verò *Hesiodum* in lucem quoque emisimus, in quo præter *Lectiones Grævias*, multa ad fabularem historiam pertinentia, in notis ad Theogoniam, exposuimus.

3. Post *Homeri* & *Hesiodi* lectionem, poterunt adiri reliqui Heroïci carminis Scriptores,

res, & in primis *Apollonius*; qui, in *Argonauticis*, antiquissimam Historiam persequutus est. Optandum esset doctum quempiam virum eum Poëtam denuo vertere, & notis eo dignis illustrare; *Jeremie* enim *Hoelzlini* versio inficeta & barbara est, nec notæ meliores. At Scholiastes Græcus egregius & lectu, si quis alius, dignus. Nec prætermittendus *Callimachus*, quem doctissimo commentario illustravit vir summus *Ezechiel Spanhemius*. Debent etiam studiosè legi *Bucolici* Poëtæ *Mosschus*, *Bion* & *Theocritus*, ad quorum Doricam Dialectum intelligendam non parum proderit *Æmilii Porti* Lexicon Doricum. Initio enim ejusmodi subsidiis utendum est, modò semper omnes voces derivatas ad Radicem referamus; neque enim hoc parum, cùm ad memoriam, tum ad vim vocum adsequendam, prodest. Utile tamen etiam erit ex Grammatico petere præcipuas Dialecti Doricæ regulas, ne vel minimæ vocolæ negotium facessant. Horum poëtarum editiones variæ sunt, sed omnium optima est *Heinsiana*, cum Scholiis Græcis; & observationibus *Jos. Scaligeri*, *Is. Casauboni*, ac *Dan. Heinsii*; quorum tamen hic, dum acumen perpetuò sectatur, sæpe inanem quamdam *αὐτὴν* ostentat.

4. Post *Bucolicorum* Poëtarum perlecta volumina, adeundi erunt *Tragici*, inter quos primas tenet, cùm ceteris dotibus, tum facilitate eloquutionis, *Euripides*; cujus etiam quot sunt versus, tot esse sententias, seu *ῥήματα*, *Cicero* meritò dixit. Hunc sequetur *Sophocles*, *Sophoclem* *Æschylus*, qui durior & auda-

audacior est, & minorem multò adhibet artem. *Euripidem* eruditis notis illustravit *Barnesius*, antea laudatus, *Æschylum Thom. Stanleyus*; *Sophocles* similem curam etiamnum expectat. Postremus omnium legendus erit *Pindarus*, qui ipsum *Æschylum* dithyrambis superat, & duritiem styli præ se fert, nulli, nisi Linguae peritissimis, concoquendam. *Pindarum* illustratum olim dederunt *Joan. Benedictus* & *Erasm. Smidius*, quorum tamen industriæ multum addiderunt viri docti, qui cum Poëtam Oxonii non ita pridem pulcherrimè ediderunt.

5. Plura non addam, quia quicumque huc usque progressus erit, duce viæ nequaquam opus habebit. Potuisssem multò plura Poëtarum recensere nomina, sed ambitioso indice abstinendum duxi; quia quæ tacui satis nota erunt iis, qui nominibus adpellatos evolve-rint. Præstat monere, cum lectione Poëtarum, jungendum esse Artis Poëticæ studium; nisi enim leges Artis aliquo modo norimus, non satis intelligimus finem Poëmatum, peccata, aut eruditionem Poëtarum; quo fiet ut certa hisce de rebus ferre nequeamus judicia, aut cum tædio legamus, quæ legum Artis peritis summam admirationem ac voluptatem creant, vel admiremur quæ vituperanda sunt. Cùm multi hac de re scripserint, duos potissimùm ceteris prætulerimus; quorum alter est *G. J. Vossius*, qui *Institutiones Poëticas* Latine scripsit: alter verò Gallus, nomine *Renatus le Bossu*, \* qui de *Carmine Epico* elegans vo-

E 4

lumen

\* *Traité du Poëme Epique* à Paris 1675. in 12,

lumen Gallicum publici juris fecit. Accedere tamen ad hos poterit Poëtica *Aristotelis* in Gallicam Linguam translata, & à viro eruditissimo *And. Dacierio* Commentario illustrata.

6. Posset hîc aliquid subjungi de Fabulis, quæ Poëtarum argumentum sunt; sed res amplio rem disputationem, quàm institutum nostrum patitur, postulat. Monebimus tantum eos errare, qui credunt eas omnes esse à Poëtis inventas; cum plerumque nihil sint, præter antiquam Historiam Græciæ, exornatam quidem illam, vel potius depravatam figmentis, sed non prorsus confictam. Antiquissimæ Historiæ narrabantur versibus, & cum eorum dictio scateret tropis & figuris, hinc factum ut propriè intellecta, aut alieno sensu explicata pepererit figmenta plurima, quibus postea datâ operâ à Poëtis alia adjecta sunt. Præterea cum Pelasgi, aliique Græciæ antiquissimi incolæ Linguâ Barbarâ; hoc est, ad Hebræicam accedente, uterentur, quæ postea Lingua intercidit; vetustissimæ eorum narrationes, perperam intellectæ, in absurda mendacia passim mutatae sunt. At Veritas non est ubique adeò in illis occulta, quin magna ex parte figmentorum involucris liberari possit, si rem quis seriò adgrediatur; \* quod experti dicimus, & faciliè possemus pluribus ostendere. Hoc observari debuit, ne deliros censeamus Poëtas, quòd fabulas tanto studio narrant; & Oratores infirmitatis judicii insimulemus, si quando ad eas adludant.

CA-

\* Vide explicationem *Fabulae de Harpyiis* in *Diss. De Statua Salina*, & notas ad *Theogoniam Hesiodi*.



C A P U T IV.

De Methodo in Hebraicæ Linguae studio  
observanda.

§. I.

*Lectio Vocum.*

I. PRIUSQUAM de Methodo Hebraïcorum studiorum agamus, observandum est esse prorsus necessarium iis, qui Novi Testamenti libros penitus intelligere optant, cujus rei hæ sunt rationes. Religio Christiana non est ita cœlo integra delapsa, ut nullam rationem habeat Religionum, quæ antea erant, sed omnia nova hominibus adferat. Contrà est veluti Religionis Judaicæ surculus, at ipso trunco longè major ac viridior. Addit quidem Judaicæ multa, & iis interdicat Christianis, quæ in Judæis à Deo, propter ejus populi *σκληροκαρδία*, tolerata fuerant; attamen nonnullis Judaicæ Religionis dogmatibus inædificat, & ab hominibus, in Judaica Religione educatis, & ad Judæos à Deo missis, primum constituta est; unde fit ut in eorum libris, perpetuæ sint ad Judaicas leges, ejusdemque Gentis prisca Scripta adlusiones. Præterea qui Novum Testamentum scripsere, Græcis quidem usi sunt vocibus, sed eloquutione Chaldaïca; quòd hæc Lingua tunc temporis in Judæa, inter Hebræos, in usu

maiore esset, quàm Græca; ita ut plebs, alii-  
que Judææ incolæ eâ Linguâ Hellenisimum,  
qui Seleucidis & Lagidis eò fuerat illatus, in-  
ficerent. Itaque ad intelligendum Novum  
Testamentum, aliquâ cognitione Chaldaismi,  
aut Hebraïsmi, qui ejusdem Linguae duæ fue-  
re Dialecti, opus est.

2. Huc accedit quòd omnes rationes, quæ  
suadeant Historicorum Græcorum & Latino-  
rum lectionem utilem esse, imò validiores,  
pro Hebraïcorum Scriptorum lectione mili-  
tent. Quod quia per se manifestum est, à  
nobis pluribus non probabitur.

3. Quoniam autem solent juvenes, ætate  
dum grandiores, animum adpellere ad Lin-  
guæ Hebraicæ studium; hîc, ut in Græca &  
Latina Lingua fecimus, non statuemus ele-  
menta jam esse nota, sed ab iis incipiemus.  
Primum litteras Hebraïcas adspicientes ter-  
rent ductus absimiles planè litteris, quas no-  
vimus; licèt certum sit Græcas, ex quibus  
Latinae, à caractere Phœnicio ortas esse;  
characterem autem Phœnicium, qui vulgò  
Samaritanus dicitur, initio eundem cum As-  
syrio, quo nunc utuntur Hebræi, fuisse. Ita,  
labente tempore, & divisione populorum, mu-  
tatur figura litterarum. At facile est Conso-  
nantium primum figuram discere, si Alpha-  
bethum Hebraïcum aliquoties exscribatur. Vo-  
calium cognitio, utpote pauciorum, multò  
facilior est, & statim ac adtentè expensa est,  
& sonum Consonantium, descriptione Al-  
phabethi, didicimus, brevî exercitatione lectio  
proclivis evadit.

4. Vocales antiquis Hebræis in pronuntiatione quidem usitatæ erant, cùm sine iis nulla vox effèri possit; sed inter scribendum nullas earum figuras adponebant, ut copiosè contra *Joan. Buxtorfium* probavit *Lud. Capellus*, in *Arcano Punctuationis*, ejusque *Vindictis*. Sed cùm Lingua Hebraïca jam dudum intercidisset, nec legerentur Hebraïci Codices, nisi ab iis, qui eam lectionem difficulter *πατερπαιδότη* traditione didicerant; docti quidam viri, fortè *Tiberienses Massorethæ*, quadringentis minimùm post Christum annis, figuras vocalium invenerunt; ne ob nimias Judæorum migrationes, traditio illa, quæ jam multas mutationes passa erat, tandem prorsus intercideret. Sed quoniam inventio illa non simul ac semel, neque tota ab iisdem hominibus videtur perfectæ; & præterea semper morosi & reconditoris nescio cujus doctrinæ jactatores fuere Rabbini; leges lectionis impeditiores sunt, & scatent exceptionibus, præter multitudinem inutilem vocalium; cùm satis fuissent quinque breves & quinque longæ, æque distinctis figuris notatæ. Eodem modo hac in re se gessere Rabbini, ac Rhetores Græci in tradendis artis suæ præceptis; \* *ne parum multa scisse viderentur, ea conquiverunt quæ nihil adtinebant, ut ars difficilior cognitu putaretur, utque proinde majore in pretio haberetur.*

5. Verùm illis incipientes terreri non debent; primùm enim non discitur Lingua Hebraïca, ut inter loquendum, aut in scribendo  
usu

\* *Script. ad Herennium Lib. I. c. I.*

## 76 ARTIS CRITICÆ P. I. C. IV.

usui sit, sed tantum ut intelligatur; quam in rem non multum confert morosa pronuntiatio, adeo ut non necesse sit hac de re nos nimis anxios esse. Secundò, si vel adcuratissimè, ex hodiernis regulis, quis voces efferat, non est putandum eum ex veterum Hebræorum more pronunciaturum; ut adparet vel ex nominibus propriis, quæ aliter à Massorethis, quam à Septuaginta Interpretibus, Novi Testamenti Scriptoribus, aliisque etiam Recentioribus, lecta sunt.

6. Itaque primum missa illa multiplici regularum, tot exceptionibus laborantium, cognitione, quæ paullatim poterit adquiri, initio hoc tantum observandum; Consonantem, sub qua est figura Vocalis longæ, constitutæ semper cum sua Vocali syllabam, ut פקדו *pha-kedou*; contrà verò brevem Vocale Consonantem, sub qua est, conjungere cum sequente, ut פקד *phakked*. Hoc tamen in brevi Vocali non ita perpetuum est, quin interdum cum Consonante cui subjacet syllabam constituat; sed quando hoc usu venit, non potest aliter pronunciari vox à legentibus, ut nullus sit peccato locus. Rectius nihilominus fecissent Massorethæ, si constantiores fuissent. Malè etiam fecerunt, quòd *Camets magnum à parvo*, si aliter efferri debuit, diversitate figuræ constanter non distinxerint. Sed hoc tenendum est semper esse magnum, cum potest cum unica Consonante, cui subjacet, syllabam efficere; cum verò aliter pronunciari nequit syllaba, nisi duæ Consonantes jun-  
gan-

gantur, esse parvum; ita in פָּקָדִי magnum est, in צִוְרוֹם *tsourom* est parvum, quia *Mem finale* necessariò conjungitur cum ר *Resch*. Sunt qui velint excipi terminationem in ה, ut רָמָה *Ramah*, sed seu excipiatur, seu non excipiatur, perinde est. Imò ad omnes illas inanes difficultates refecandas, præstaret fortè figuram ׀, aut semper ׀ O sonum obtinere, aut pronunciari semper A; quandoquidem nominum priorum quædam, sub quibus est, ad eam syllabam quod adinet, modò per O efferuntur apud Veteres Interpretes, modò per A; quod quomodo in aliis vocibus usurpatum fuerit cùm ignoremus, nec hoc faciat ad intelligentiam Linguae, negligi prorsus id discrimini possit.

7. Ad vitandam molestiam distinctionis Vocalium in breves, & brevissimas, duo tantùm observanda: 1. *Scheva simplex* numquam esse pronunciandum, nisi cùm aliter vox ore efferri nequit; quod evenit ubi Consonante, cui subiectum est, inchoatur syllaba, ut in voce פָּקָדִי *phákedou*. Vel si id discrimini non adrideat, & confundi placeat sonum *Camets magni* cùm *parvi* sono, legenda erunt vocabula, quasi nihil esset sub Consonantibus, sub quibus est *Scheva*, ut fit apud Syros. 2. *Scheva compositum* non esse sono distinguendum à brevibus Vocalibus, quibus constat. Accentuum nulla planè habenda est ratio, quippe qui sint sine causa inventi ab hominibus, quibus Linguae legitima *accentuatio*, si ita loqui licet, æquè erat ignota, ac nobis; imò qui ne ac-

cen-

## 78 ARTIS CRITICÆ P. I. C. IV.

centuum quidem naturam norant, quippe qui ope unius, ejusdemque accentûs Vocalem longam in brevem, & brevem in longam, mutant.

8. Objicient qui Rabbinos nimis mirantur, ita futurum ut non pronunciemus, ut illi solent; quod verum est. At non minùs verum, legitimam & antiquam pronuntiationem illis non magis notam fuisse, quàm nobis. Et cum illa nihil ad Linguæ intelligentiam faciat, nihil interest utro modo pronunciemus; nisi quòd facilior sequendus est, ne inutili difficultate nos impediamus.

9. Itaque missis Rabbinis, statuendum etiam est, nullam rationem esse habendam *רֵא דagesch*, nisi cum litteram duplicem facit; quod numquam fit, nisi antecedente Vocali brevi. Grammaticorum distinctio est profecta ex Rabbiorum vano ingenio, qui illa distinctione imperitis persuadere voluerunt, se tenere pronuntiationem Linguæ Hebraicæ, non minùs quàm cum vigeat, quod falsum & absurdum est; ut constet, cum ex nominibus propriis, tum ex re ipsa; soni enim non possunt, sine mutatione, per plura sæcula servari.

10. Ceterùm si quid hisce Regulis contrarium occurrit, quòd rariùs fit, id quasi punctuationis mendum habendum est, non quasi exceptio. Postquàm enim Regulæ inventæ sunt, quæ naturâ ipsius pronuntiationis nituntur, quales sunt antecedentes; non est putandum Librariorum errores, aut Rabbiorum in constantiam, debere exceptiones in iis  
pare-

parere; quod sanè faciunt qui Anomalias omnes, quæ occurrunt in Codice Hebraïco, toridem esse exceptiones volunt. Idem est, ac si unicus superesset Latinus Codex, atque ex eo Codice Regulas colligeremus Linguæ; ita ut licèt passim observassemus vocem *Homo* habere in plurali *homines*, alicubi tamen occurreret, culpâ Librarii, *humanes*, & hoc adnotaremus, quasi exceptionem Regulæ.

---

## §. II.

*Monita de ceteris Grammaticis Regulis.*

1. **P**OSTQUAM in Lectione satis exercitati erunt Hebraïcæ Linguæ studiosi, ad sequentes Grammaticorum Regulas accedant oportet, adhibitis hisce cautionibus. Prima est ut sciant potissimas tantùm esse tenendas, quales sunt primùm Regulæ de terminationibus pluralium & quæ ad *statum constructum*, & *absolutum*, ad nomina quod adtinet, distinguendum, necessariæ sunt. Farraginem illam mutationis punctorum, quæ superstitiosè tradi solet, omittant oportet. Si enim necessaria esset, usui tantùm scribingentibus foret, & sunt plurima fortè in eo Librariorum menda, aut Massoretharum oscitanter punctantium errores, quæ à credulis Grammaticis veluti consecrata sunt.

2. Ad Verba quoque quod spectat, sunt regularia, & generalia tantùm de *quiescentibus*

*bus & defectivis* tenenda; cùm enim quæ ab iis discedunt; an veræ Anomalix sint, an menda scire nequeamus, non opus est ut in iis discendis nos excruciemus. Præterea tot sunt, ut nonnisi usu disci queant; quam in rem utile est habere ejusmodi Lexica, quæ illa vocabula ordine Alphabethico habent, ut quando occurrunt quæ ad Regulas commodè referri nequeunt, quid de iis censeant Grammatici sine labore discamus. Ita enim fiet, ut aliquoties quæsitam unam eandemque vocem memoriæ haud difficulter mandemus; modò nullam prætermittamus, sine investigatione Thematis, & Radicis; hoc enim, ut de Lingua Græca diximus, non parum memoriam juvat.

3. Donec autem hisce tricis nos expedierimus; constanter labori incumbendum est, ut quotidie saltem aliquot Scripturæ commata legamus. Etenim continente illâ exercitatione, fit ut memoriæ meliùs infigantur voces, utque labor in dies minuatur. Incipiendum autem est à libris facilioribus, quales sunt Historici, ut libris Mosis, Samuëlis, Regum & Chronicorum; unde postea ad Psalmos & difficiliores libros Propheticos progrediendum erit. Primâ hac lectione, solæ spectandæ sunt difficultates Grammaticæ; omissis omnibus aliis, quæ ad res pertinent. Primus enim ille labor eò tantùm pertinet, ut significationes verborum, quales tradi solent, cognoscamus, & Grammaticas Regulas discamus.



## §. III.

## De Litterarum Hebraïcarum ulteriore studio.

I. CUM memoriæ Grammaticas Regulas mandaverimus, & quâ ratione Interpretes & Lexicographi voces Hebraïcas interpretentur cognoverimus; ulteriùs progrediendum erit, ut Linguæ illius indoles, quantum fieri potest, perspiciatur, & Hebraïcæ antiquitates cognoscantur. Hanc in rem, cum Libri Veteris Testamenti denuo legentur, utile erit Librum secundum *Joan Buxtorfii Thesauri*, ubi copiosè de Syntaxi agit, & Libros III, IV, & V. *Philologiæ Sacræ Salomonis Glassii* evolvere. Conducet etiam, prout comparari poterunt, legere libros varios ad Antiquitates Hebraïcas pertinentes, quales sunt *Cornel. Bertrami Politia Judaïca*, *Caroli Sigonii & Petri Cunæi Resp. Hebraorum*, *Thomæ Godwini Moses & Aaron*, Anglicè ab eò editus, & in Germania ab aliquot annis Latinè versus, *Joannis Seldeni libri de Synedriis Judæorum*, *de Jure Naturæ & Gentium*, *Uxor Hebraïca*, *de Diis Syris*, *de Decimis*, *Samuelis Bocharti Phaleg & Hierozoicon*, *Joannis Spenceri opus de Legibus Ritualibus Hebræorum*, *Lud. Cappelli Critica Sacra & Arcanum Punctationis cum Vindiciis*, *Joannis Buxtorfii* variæ Dissertationes, *Joannis Drusii* Opuscula omnia, *Salomonis Glassii Philologiæ Sacræ* reliqui libri, aliâque similia; ubi res non Theologicè; sed Grammaticè, discutiuntur;

Tom. I. F hoc

hoc est, ubi quærentur Antiquitates Hebraicæ, omiſſis ut plurimum controversiis hodiernis, & conſectariis, quæ inde ad conficienda Syſtemata Theologica deduci ſolent. Hæc enim ſtudia ſunt aliſus planè generis.

2. Jam non erit in Lexico Buxtorfiano, & recentioribus verſionibus dumtaxat, ut primâ lectione ſit, hærendum; ſed Textui Hebraico conjungenda erit verſio LXX. Intt. & Vetus Latina, adjectis fragmentis aliorum Veterum Interpretum, quæ à *Joanne Drufio* collecta, & notis illuſtrata ſunt. Hinc enim hodiernarum verſionum, quæ ferè ex recentiorum Judæorum interpretamentis, & Theologicis præjudiciis hauſtæ ſunt, cognoscuntur plurima peccata. Utiles etiam ſunt *Conradi Kircheri* Concordantiæ Verſionis ꝑ LXX. in quibus uno intuitu cernere eſt quot variis rationibus ꝑ LXX. unamquamque vocem verterint. Editæ ſunt deinde *Abrahami Trommii* concordiæ, inverſo ordine, ita ut Græca antecedant, additis etiam fragmentis copioſioribus Veterum Interpretum, cum Lexico ex iis conſectò à *Bern. Montefalconio*. Amſtelædami 1718.

3. Qui in hiſce eo, quo par eſt, ſtudio verfabuntur, animadvertent facilè multa eſſe, adeoque longè plura, quàm vulgò cenſentur, quæ cum in Lingua Hebraica ſummatim conſiderata, tum in Libris Veteris Teſtamenti intelligi nequeunt. Cujus rei hæ ſunt rationes, 1. quia ſupereſt tantum nobis unicum volumen Hebraicum, idque non magnæ molis, quo totius Hebraicæ Linguae indoles & diſtiones contineri nequeunt; 2. quia in hoc volumine fue-

runt

runt longi temporis labes & errata Librario-  
rum, quæ sensum turbarunt, jam antequàm  
Versiones ullæ scriberentur, negligentia aut  
difficultate exscribendi, in Textum illapsa;  
3. quia sunt voces, quæ aut semel, aut pau-  
culis vicibus occurrunt, & quidem iis in lo-  
cis, in quibus nec natura rei, nec orationis se-  
ries nos docent quo sensu sint accipiendæ; 4.  
quia constructio passim ambiguitates parit, &  
tempora confunduntur, nam & pauca habent  
Hebræi inflexione distincta, eaque subinde in-  
ter se miscentur; unde fit, ut nisi res ipsa mo-  
neat, nesciamus utrum res præterita, an futu-  
ra agatur; 5. quia exceptis Ritibus Mosâicis,  
& Consuetudinibus divinâ auctoritate institutis  
ignoramus prorsus, aut dubiis conjecturis ex  
pauculis locis alias opiniones Hebræorum col-  
ligimus; 6. quia habemus eorum Historiæ bre-  
vissimam epitomen; quibus rebus fit, ut passim  
hæreamus, nec nos expedire possimus.

4. Ad hæc accedit, quod certiora quæ no-  
bis suppetunt, ad eas difficultates superandas,  
subsidia, sint eorum sæculorum in quibus Lin-  
gua Hebraïca dudum in desuetudinem abierat,  
nec aliter nisi traditione inter pauculos eruditos  
Judæos, nota erat. Antiquissima enim Versio  
omnium est ea, quæ LXXVialis dicitur, con-  
fecta regnante *Ptolemæo Philadelpho*, ducentis  
quinquaginta minimùm annis, post reditum è  
Captivitate Babylonica, in qua Linguae He-  
braicæ usus corruptus fuerat. Hinc factum;  
ut necessariò plurium vocabulorum & loquen-  
di generum significatio intercideret; unà cum  
Linguae quotidiano usu; etenim eo tempore

## 84 ARTIS CRITICÆ. P.I.C.IV.

non erant eadem studendi artes, quæ nunc sunt. Nulla tunc habebant Lexica, nullas Grammaticas, ut satis adparet ex multis locis Septuaginta Interpretum, ubi unam eandemque vocem variè admodum vertunt, & interdum ita ut nulla significationum quas adhibent ulli locorum, in quibus vox occurrit, satis conveniat: & ubi certissimas Grammaticæ Regulas negligunt. Præterea in locis difficilibus adeò hæsitant, ut aut prorsus à verbis receserint, aut sensum ex conjectura, prout potuerunt, effecerint; quorum omnium exempla suppeditabunt *Notæ Criticæ Lud. Cappelli*, & Commentarii nostri in *Pentateuchum*, & alios V. T. libros.

§ Sequentium temporum Versiones antiquæ iisdem vitiis laborarunt; donec tandem Judæi, meliore initâ methodo, post annum Christi millesimum, Grammaticas & Commentarios in Scripturam adcuratiùs scribere cœperunt: quod postea sequuti sunt Christiani. Sed cum quidquid Judæi recentiores dixerunt, hanc in rem, nitatur vel auctoritate Massoretharum, vel veteribus versionibus, vel eorum conjecturis; necesse est eos non minùs, ac ceteros Interpretes, fluctuare. Massorethæ enim puncta vocalia addiderunt contextui, eo tempore quo legitima linguæ Hebræicæ pronuntiatio ignota erat, & menda codicis sui consecrarunt; ut adparet in *Pentateucho*, vel ex Codice Samaritano, à quo, mendoso licèt, multa minuta menda, quæ in Hebræico passim occurrunt, absunt Veterum versionum non adeò certa est auctoritas,  
ut

ut vidimus. Conjecturæ etiam Rabbiorum, quæ hac aut similibus opinionibus nituntur, Codicem hodiernum carere mendis, Linguam Hebraïcam perfectissimam esse, non possunt sine examine admitti; nec pluris debent fieri, quam Christianorum in obscuris explanandis conatus. Imò verò ejusmodi sunt opiniones, ut stare nullo modo possint, cum iis quæ à perito interprete fieri oportet; utque qui in ejusmodi rebus manifestis peccat, nullius peccati possit esse immunis, & contemptu prorsus dignus sit.

6. Nostra Lexica hodierna, cum sint omnia inde hausta, in multis peccent necesse est; nostræque Grammaticæ, cum sint unico ex Codice Massorethico formatæ, ut monuimus, oportet etiam ut multis vitiis laborent. Unde colligere est plurimorum Interpretum hodiernorum laborem, qui nullo alio nititur fundamento, sæpe parum utilem esse; quandoquidem ei fidere non licet. Itaque fatendum est eum conari *σχιδίη πειραῖν μέγα κῦμα θαλάσσης*, qui sperat se, subsidiis memoratis adjutum, mediocrem adepturum cognitionem Hebraïcæ Linguae; hoc est, se eam ita intellectu- rum, ut omnibus in locis, aut saltem plurimis, Veteris Testamenti, possit certò sibi persuadere se æquè intelligere quid Scriptores Sacri velint; ac olim, dum vivebant, ab Hebræorum vulgo intelligebatur.

7. Si quis, superioribus lectis, hîc subsisteret, facile crederet ea fortè hoc animo à nobis esse scripta, ut à Linguae Hebraïcæ stu-

dio Juventutem deterreremus; cùm re ipsa animos ei addere ad hunc laborem alacriter suscipiendum instituerimus, eúmque minuere conemur. Sed priusquàm quidpiam adgrediamur, quæ in eo occurrant difficultates probè tenendum est; cùm ut ad eas superandas necessaria comparemus, tum ut ne, iis prætermiſſis, satis eruditos nos esse putemus. Videmus enim ad hæc studia plurimos accedere, & in iis etiam consensescere, qui difficultates hæc ignorant, & se hac in re eruditos putant, cum ne viam quidem ad eruditionem tendentem norint. Non parùm etiam ad certam rerum cognitionem acquirendam conducit, scire quò usque pervenire liceat; ne frustra laboremus, aut nos id scire credamus, quod revera nescimus.

8. Cùm, ut Poëta ait, *sit aliquà pradiſe tenus, si non datur ultra*, quamvis multùm absit ut eam cognitionem Hebræicæ Linguae adipisci queamus, quam Linguarum Latinæ & Græcæ multi viri docti, postremis hisce sæculis, sibi compararunt; attamen, propter rationes antea adlatas, nitendum est, ut, quoad ejus fieri poterit, eam cognoscamus. Hæc autem subsidia adhiberi possunt, præter ea quæ, ex Interpretibus veteribus & recentioribus hausta, memoravimus.

9. Cùm constet Arabicam, Chaldaicam & Hebræicam Linguam Dialectos esse, potiùs quàm Linguas diversas; quemadmodum Ionicam, Doricam, & Atticam Dialectos; interdum, ad Hebræicarum vocum significationem adsequendam, confugere ad vicinos Populos

pulos, prodest. Quod fecerunt non rarò & feliciter viri doctissimi, & præ aliis quidem *Sam. Bochartus*, *Lud. Cappellus*, & *Lud. de Dieu*, quorum postremus & primus enumeratis Linguis Æthiopicam etiam priscam, quæ Hebraicæ adfinis fuit, conjunxerunt. Exempla passim in eorum libris occurrent, ut & in *Historia Æthiopica*, adjectoque ei Commentario viri Celeberrimi *Joh. Ludolfi*, qui omnibus in studio Æthiopicæ Linguae præivit, & præstitit. Nos quoque hoc ipsum non rarò, in Commentariis in *Pentateuchum*, ceterosque Veteris Testamenti libros ostendimus. Itaque si cui animus eò propendeat, memoria firma sit & vasta, ac vitæ genus patiat, non inutiliter hisce studiis operam dederit; & ad conferendas quidem invicem hæc Linguas, multum proderunt Lexica in quibus conjunctæ sunt, qualia *Lexicon Pentaglotton Val. Schindleri*, *Heptaglotton Edm. Castelli*, & *Harmonicum Joan. Henr. Hottingeri*. Hæc Lexica possunt esse usui etiam Linguarum illarum haud valde peritis, si modo earum lectio nota sit, cum adfines Radices sæpe juxta se invicem collocentur. Sed tenenda quoque est, quam ipsa Grammatices elementa statim docent, permutatio litterarum adfinium.

10. Verum hîc cavendum, ne putemus hæc Linguas ita *ἐκ παραλήγουσιν* sibi invicem respondisse, ut eadem radices eandem in omnibus, aut similem semper significationem habuerint. Sæpè evenit ut una eademque vox in Linguis adfinibus varia significet, ut ex Linguis hodiernis satis constat. Exempli causa,

## 88 ARTIS CRITICÆ P. I. C. IV.

Linguae Anglica & Belgica multa habent vocabula communia, quæ idem significant; sed non pauca quæ planè diversa, quorum unicuique exemplum adferam, unde de ceteris iudicium ferri poterit. Apud Anglos, *understand* significat *intelligere*; apud Belgas, *onderstaan* est *moliri*, *niti*, item *subsistere*. Eadem voce prognata *understanding* Anglis *intellectum* sonat; Belgis *onderstandig*, est *auxilium*, *adminiculum*. Anglis *understanding* est *sollers* etiam & *peritus*, Belgis *onderstandig* est *auxiliarius*. Si interiisset Lingua Anglica, sique unicus superesset liber Anglicus, & paullò plures Belgici; hi quidem sæpe essent usui intelligendo Anglico, sed possent etiam in errorem interdum incautos conjicere; ut si vox adlata locis tantum aliquot exstaret, quorum series tam ferret significationem *auxilii* ex Belgica Lingua, quàm *intellectus*, facilè eò delaberentur qui Belgicè scirent, ut *auxilium* interpretarentur. Ita Psalm. CXIX, 34. leguntur hæc verba in translatione Anglica; *Give me understanding, and i shal keep thy law*, cum hæc verba significant *da mihi intellectum*, & ego *observabo legem tuam*; verti ex Belgica Lingua posset, *geef my hulp, da mihi auxilium*. Itaque si quid simile in interpretandis Hebraicis tentetur, magna adtentione utendum; nec ad alias Linguas umquam confugiendum, nisi cum nihil sani Lingua Hebraica suppetat; nec adfirmandum quidquam quasi exploratum, quod non res ipsa & series orationis manifestissimum \* faciat, quod & alibi ostendit.

\* Vide *Diss. nostram de Opt. Gen. Int. Script.* §. X.



ostendimus. Etiam in una eademque Lingua, lapsu temporis, mutatur significatio vocum; quas proinde ex recentiore usu non licet semper in antiquioribus Scriptoribus interpretari, unde colligere est majorem cautionem in diversis Linguis adhibendam. Exemplum insignae ejus rei proferemus ex *A. Gellio Noct. Attic. Lib. XIII. c. 29.* *Animadvertere est, inquit, pleraque verborum Latinorum ex ea significatione, in qua nata sunt, decessisse vel in aliam longè, vel in proximam; eamque decessionem factam esse consuetudine & inscitia temere dicentium, quæ cuimodi sint, non didicerint. Sicuti quidam faciem hominis esse putant ostentum & oculos & genas, quod Græci πρόσωπον dicunt; quando facies sit forma omnis & modus & factura quadam corporis totius, à faciendo dicta: ut ab adspectu species, & à fingendo figura. Itaque Pacuvius in Tragedia, quæ Niptra inscribitur, faciem dixit hominis, pro corporis longitudine.*

*Ætate, inquit, integrâ, feroci ingenio, facie procerâ virum.*

*Non solum autem in hominum corporibus, sed etiam in rerum cujusque modi aliarum facies dicitur. De ceteris ipsum fontem adeas.*

II. Aliud est subsidium, quo usi sunt Interpretes omnes; nempe, conjectura, quæ rebus ipsis & serie sermonis nititur. Sæpe enim vocibus potestatem adsignarunt, quia eam necessariò postulari loci circumstantiis putarunt. Qua in re, facillimum est falli;

cùm plures sensus uni, eidemque loco convenire queant, nec nobis interdum Scriptoris scopus satis pateat. Solent autem potissimum duobus modis labi Interpretes, in ejusmodi loquendi generibus, aut vocabulis; quòd attendant præconceptas notiones, quas ipsi habent earum rerum, de quibus sermo est; cùm sæpe Scriptor, quem interpretantur, easdem non habuerit; & quòd eam sententiam statuunt sine dubio esse optimam, quâ positâ, elegantior aut validior est Scriptoris ratiocinatio; cùm sæpe neque elegantiam ullam captaverit, neque demonstrationes adferre voluerit. Verùm de hisce copiosius, in secunda hujus Operis Parte, agemus. Ita feliciter *vi LXX* Esaiæ *LII*, 15. ex conjectura verterunt *וירא* jazzeh, *admirabuntur*, quâ significatione *נאזאב* nazab alibi nunquam occurrit, neque in vicinis Linguis reperitur. Hoc enim in versu est. *אחדותם* eorum, quæ habentur in antecedente. Sensus est: *Quemadmodum multi piorum Israëlitarum clades admirati sunt: ita multi eorum reditum admirabantur.* Agit enim Propheta, sensu Grammatico, eo in loco, de piis Israëlitis, quamvis res multò sublimior sub illo cortice Grammatico lateat. Quam se variè hic torserint Interpretes, qui scire volet *Lud. Cappelli* notas adeat. Sed & nonnulla sunt felicius ejusmodi conjecturarum exempla, in Speciminibus *M. Meibomii*; nec in iis defuit lapsus, dum loca Scripturæ conjiciendo ad rem suam trahere conatur.

12. Præter eam cognitionem Consuetudinum & morum Hebræorum, quam, ex Sacris Libris potissimum haustam, suppeditare poterunt Scripta virorum eruditorum, quos laudavimus; multa huc pertinentia invenientur apud Scriptores, qui de populis vicinis Hebræorum, aut victoribus verba fecerunt. Multas enim vicinæ Gentes similes Consuetudines habere solent. *Herodotus* Halicarnasæus & *Diodorus* Siculus, alique Ægyptiorum & Chaldæorum res scripsere; unde non dubia lux multis Hebræorum moribus, ut ostendit *Joannes Spencerus*, in Opere cujus inscriptionem antea adtulimus. Idem & nos demonstravimus, in Commentario in *Pentateuchum*, multis in locis; ita ut res amplius in dubium revocari ab adtento & veri amante lectore nequeat. Præterea eò passim adludunt Hebræi Scriptores; nec quid velint intelligere licet, nisi res Ægyptiorum & Chaldæorum norimus. Sic *Esaïæ* Cap. XVIII, 2. Ægyptii describuntur hisce verbis, קִי קִי גֹי קַחְכַּח, ubi quis conjecerit legendum קִי קִי קִי-קִי, aut potius varietatem esse Dialecti, quàm quod per ׀ scribebant Hebræi id per ׀ efferebant Ægyptii; quod sæpe fit in Linguis, vel Dialectis Orientalium. Sermo enim est de palustribus Ægyptiis, ut adparet ex eo quòd *fluvii* dicantur *diripere eorum terram*. De his autem ita *Herodotus*, Lib. II. c. 94. Ἀλεῖσθαι δὲ χεῖωνται Αἰγυπτίῳ οἱ περὶ τὰ ἑλκὰ οἰκίσαιτες, ἀπὸ τῆ σιδικυπρίων ἔκαστῳ τὸ καλῶσι μὲν Αἰγύπτιοι ΚΙΚΙ : unguento autem utuntur Ægyptii

*ptii qui circa paludes habitant, ex fructu sill-cypriorum, quod adpellant Ægyptii Kiki.*

13. Expectaverit fortè quispiam, ut agamus hîc de studiis Rabbinicis; verum aut hæc ad nostrum institutum non pertinent, aut quæ diximus possunt etiam in eam rem partim dicta existimari. Sunt duplicia potissimum eorum scripta. Alia sunt Commentarii in Vetus Testamentum, qui non sunt difficiles admodum intellectu, iis qui contextum ipsum intelligunt, & mediocrem operam iis navarunt, *Rabbinico Lexico Joan. Buxtorfii* adjuncti. Sed cum sint recentiorum Rabbinorum, neque ullâ ratione conferri queant Christianorum laudatis Interpretibus, qui plura multò subsidia adhibent, quam Rabbinorum gens, & iudicio multùm iis præstant; nullam causam video quare tanti fiant, quanti à nonnullis fieri solent; nisi quòd vulgò non leguntur, & pulchrum est videri ea intelligere, quæ aliis ignota sunt. Sed res ipsa si introspeciat, cum Grammaticis ac Criticis nobilioribus Christianorum, nullo modo sunt æquiparandi. Sunt verò alia Scripta, aut allegorica, aut ad doctrinam Talmudicam pertinentia, quæ nos docent quid senserint Judæi, aliquot sæculis post Christum; sed parum ad illustrationem Veteris Testamenti faciunt. Allegorici Doctores quidquid volunt fingunt, Thalmudici subtilissimè ritus omnes persequuntur, atque ex cerebro suo suppleant, si quid deesse videatur Legi scriptæ, nulla pænè Grammaticæ aut Historiæ ratione habitâ; quod

quod studiosi facillè intelligent, vel ex variis Thalmudicis Codicibus Latinè editis, & annotationibus à viris doctis auctis. Itaque hæc ad institutum nostrum nihil faciunt, nec necesse est rem copiosius demonstrare.

---

## C A P U T V.

### *Consilia varia ad Studiorum rationem pertinentia.*

1. QUÆ diximus hætenus, de ratione studiorum in Latinis, Græcis & Hebræicis litteris, ad Linguarum cognitionem comparandam, potius quàm ad certæ cujuscpiam disciplinæ inquirenda dogmata pertinent. At si quis sibi Linguae cognitione comparatâ, & rerum etiam, quæ apud Veteres habentur, neque enim prius sine altero fit, velit penitiùs se cujuscpiam Disciplinæ addicere; alius erit ordo observandus, vel dudum evoluti Scriptores denuò, immutato ordine antea indicato, perlegendi. Hac ratione fiet cum ut res, tum etiam ut voces & loquutiones rei propriæ meliùs intelligantur, quod posterius hîc potissimum respicimus.

2. Qui Poëtas quidem ætate maturiore adgrediuntur legere, eos oportet ab antiquissimis initium facere; quia sequentes ad eos passim adludunt, atque ex iis plurima desumunt. Ex *Homero Hesiodus* forte, ex utroque sine dubio sequentium ætatum Poëtæ plurima haurere. In Historicis verò non est ratio habenda

da ætatis Scriptorum, sed rerum quas scribere instituerunt; recentiorum enim cognitio nititur anterioribus. *Josephus*, qui multò post *Herodotum* vixit, prior est legendus, in iis quæ habet Herodoteis antiquiora. Quis sit inter Historicos ordo, non necesse est hîc dicamus, quia vel ex Librorum inspectione innotescere potest. Si Historiam Ecclesiasticam, aut Veteres Christianos Scriptores legere quis seriò velit, ut singulorum sæculorum dogmata & Consuetudines cognoscat, eum etiam ab antiquioribus quibusque incipere oportet.

3. Cùm cuipiam rei cognoscendæ operam damus; ei, quantum potest, sine interjectis moris, instandum est; donec eam animo notitiam, quam quærimus, conceperimus. Si enim sæpiùs omîssum argumentum in manus identidem resumamus, turbabuntur multùm Memoria & rerum ordo. Nam licèt interdum ea legamus, quæ non sunt ita inter se connexa, ut unum necessariò ab altero pendeat; attamen est ut plurimùm nescio quis connexus, qui ad intelligendum non parum juvat. Præterea illa nimium interrupta lectio fastidium parit, quo fit ut tandem præ tædio eos Scriptores deponamus; quos si continenter, & sine interpellatione legissemus, avidè evolvissemus. Huc etiam accedit, quòd cùm quisque Scriptor suum habeat characterem, suamque eloquutionem, opus sit tempore, & perpetua lectione, ut ei adsueciamus. Hoc enim fieri nequit, subinde deposito & in manus denuo sumto Scriptore; quod experientia

nos

nos docuit, & omnes, quicumque idem tentabunt, docebit.

4. Itaque licet fieri nequeat, ut quotidie totidem horas litterarum studiis tribuamus; non est tamen committendum, quantum in nobis est, præsertim illâ ætate, quâ studiis solis operam dare licet, ut ullum umquam diem præterlabi sine lectione sinamus. Hic Pictorum illud celebre monitum, non minus quam in Pictura addiscenda, necessarium, animo infigendum. *Nulla dies abeat, quin linea ducta supersit* *Habitus*, seu facilitas aliquid faciendi, ut loquuntur Ethici, non contrahitur, nisi repetitis *actibus*; nec aliter, nisi intermissis, deletur.

5. Cavendum quoque est ne in aliud peccatum incidamus, quod frequenter admittitur à viris etiam Litterarum studio addictissimis, ut uno eodemque die lectionibus planè diversis operam demus; quâ ratione studendi, non parum turbatur Memoria, & quod rerum à Memoria congestarum structor dici potest, Judicium; præsertim ubi ea quæ legimus attentionem animi majorem postulant; nam à gravi studio ad levius, sine periculo & incommodo; digredi possumus, aut etiam relictâ lectione rei facilis, ad aliam æquè facilem transire. At ubi conatu quodam ingenii quidpiam intelligere nitimur; non potest subito eam animi adfectio mutari, quin cerebro nostro veluti vis inferatur, quâ perturbantur Memoria & Judicium; ac sanè tunc temporis minus facile quæ legimus adsequimur & concoquimus. Hinc fit ut qui ita student male-

tum

tum laborent, sed parum proficiant, aut nescio quam eruditionem confusam & indigestam adipiscantur, quam redolent eorum Scripta; ubi neque perspicuitas, neque ordo ullus animadvertitur. Adparet ex Scriptis viri longè doctissimi *Joannis Seldeni*, cum ita studia sua perturbasse, ut eodem tempore de rebus toto genere diversis cogitaret; digressiones enim captat adeò remotas & interdum tam longas, ut nisi ita studia instituisset, non potuisset tantam ordinis & rerum perturbationem ferre. Ac sanè dum ordinem & perspicuitatem negligit, non parum tædii Lectoribus creat; quæ vera ac utilia habet, longè plurima, minùs facillè intelliguntur; & sicubi in errorem delabitur, vix origo erroris deprehendi potest. Multi viri docti, qui lecto ejus de *Synedriis* Opere, cum eo Synedrium Septuaginta-Virale fuisse perpetuum, à Mose ad extrema Judaicæ Reip. tempora, crediderunt, facillè deprehendissent esse hoc merum Judaicum figmentum; si argumenta *Seldeni* perspicuè & ordine expressa vidissent. Sed confusio, digressiones, testimonia aliena, & immensa illa eruditionis unum in Opus congesta farrago facillè fucum faciunt, & perspicaces etiam occæcant.

6. Quoniam autem, pro celebri Aphorismo *Hippocratis*, *ars longa, vita brevis est*, neque ingenia nostra omnibus studiorum generibus æquè apta sunt, neque per vitæ institutum, aut facultates, licet per omnia exspatiari; optime sibi consulere videntur qui, his *expensis*, uni potissimum Disciplinæ operam dant;



dant; neque alias delibant, nisi quantum, ad ruditatem pudendam deponendam, satis est. Itaque postquam studiorum jacta sunt fundamenta, & jam cœperunt Studiosi iis cum voluptate incumbere, oportet eos in se descendere, & dispicere quam in rem potissimum naturâ ferantur; tum si cetera, quæ ad vitam pertinent, patiantur, eam sibi deligere excolendam. Exempli causâ, quandoquidem de Critica hîc agimus; si quis sentiat se potissimum Poëtarum lectione adfici, atque in eam toto animi impetu ferri; rectè faciet, si modò vitæ institutum ferat, si hoc studium, præ ceteris omnibus, colat. Si quis etiam Scriptorem quempiam singulari adfectu amet, operâ non abutetur, si nitatur eum ad unguem intelligere, longiusque tempus in eo, quàm in aliis, collocet. Multò enim magis proficimus, ubi propensione naturæ adjuvamus, quàm cum, aut eâ invitâ, aut solâ vi rationis adducti quidpiam adgredimur; & aliquid eximiè tenere, cetera verò mediocriter, quàm omnia delibasse, nihil penitus nosse, multò præstat. Nemo est, qui velit de se dici quod *Homerus* de *Margite* habebat, *multa scire eum, sed omnia malè*: ποῶν ἠπίστατο ἔργα, κακῶς δ' ἠπίσταντο πάντα. Ubi præstare dicimus, hoc volumus, utilius id esse, cum ei qui id tenet, tum aliis etiam, quibus prodesse potest.

7. Huc possumus referre monita *Senecæ*, de vitanda nimia lectione, *Epist. II.* Certis, inquit, *ingeniis immorari & innutrirî oportet, si velis aliquid trahere, quod in animo fide-*

*ter sedeat. Nusquam est qui ubique est. Similia habet, Epist. XLV. ubi de libris: Non refert quàm multos, sed quàm bonos habeas; lectio certa prodest, varia delectat.* Homini verò acre iudicium, quod ante omnia excolendum, in lectione vetusti cujusvis Scriptoris, adhibenti, is Scriptor bonus fit; quia ejus vitia & virtutes pervidet, has imitatur, illa fugit. Quò magis eum versat, eò minùs ejus vitiis fallitur, eò magis virtutes completur, atque ad eas sese componit. Sed ad eundem *Seneca*. Digna etiam sunt, quæ altè in animum demittantur, verba hæc *Quintilian*i: \* *Persequi quidem quod quisque nunquam vel contemptissimorum hominum dixerit, aut nimie miserie, aut inanis jactantie est; & detinet atque obruit ingenia, melius aliis vacatura. Nam qui omnes etiam indignas lectione schedas excutit, anilibus quoque fabulis ad commodare operam potest. Possemus, si velle-*mus, ejus delicti reos agere duos doctissimos viros, *Theod. Marcilium & Casp. Barthium*; qui pluris essent faciendi, si pauciora, eaque meliora legissent & magis concoxis-

8. Monendi autem hîc sunt litterarum studiosi, cum jubentur legere Veteres, cum Virorum Doctorum Commentariis, ne putent sibi perlegendas prolixas quasvis notas, quæ textui subjunctæ sunt, aut ad calcem rejectæ. Tum sunt perlegendæ, cum sine iis textus intelligi nequit; alioqui magna fieret ab iis temporis jactura & dum viderentur sibi le-

\* *Lib. I. c. 8.*

legere Veteres; Recentioribus potiùs operam darent. Legendus studiosè Scriptor ipse Antiquus, in quem scripserunt, Interpretes verò obiter; & satiùs multò est plura legere, sine notis, Antiquitatis monumenta, quàm Recentiorum in unum aut alterum Scriptorem operosa Collectanea, farragine & intempestiva eruditionis ostentatione plena. Alioquin ἔργον hîc fieret παράργον, & contrà παράργον esset loco τῷ ἔργῳ. Excipienda tamen præstantissimorum Criticorum Opera; ut *Jos. Scaligeri*; *Is. Casanboni*; *Just. Lipsii*; *Claud. Salmasii* & aliorum; quorum Scripta aut brevia sunt, aut etiam digniora lectu ipsis Scriptoribus, quos interpretati sunt. *Scaliger* & *Lipsius* breviores sunt; *Casaubonus* interdum paullo longior, ut in *Commentario in Persium*, sed bonâ fruge plenus; *Salmasius*, in *Solinum* & *Augustæ Historiæ Scriptores*, cæ collegit quæ iis ipsis Scriptoribus utiliora sunt. Ceteroqui præstaret multò *Plantum* & *Terentium* ter, quaterve legere, quàm semel cum amplissimis, qui in eos scripti sunt, *Commentariis*; iteratis enim Veterum lectionibus doctiores fimus, quam si tot quisquiliis memoriam oneremus & pauca Veterum Scripta legamus. Sic ad summam eruditionem ii, quos laudavimus, alique viri magni pervernerunt.

9. In omnibus Disciplinis & præsertim in Linguarum studiis, Memoria est simul *Pennus* & *Promus-Condus*, *Judicium* verò, ut diximus, *Structor*; qui quæ Memoria depromsit ordine collocat. At ne Memoria re-

rum copiâ obruatur, est ordine adjuvanda; atque excerptenda, quæ usui postea esse queant, aded ut inveniri facîle possint. Inutilis enim esset lectio, nisi quæ legimus usibus nostris possemus adcommodare: ut inutilis esset magna supellectilium copia, si quando usus urgeret, ubi id esset quo indigeremus nesciremus. \* *Vetus est proverbium, paupertatem certissimam esse cum alicujus indigeas, uti eo non posse; quia ignoretur ubi abditum delitescat, quod desideratur.* Multi multa hanc in rem scripserunt, & nos etiam experti sumus; sed nulla occurrit methodus commodior & faciliore eâ, quam ab amico acceptam Gallicè † dudum edidimus. Non modò enim Latinæ, sed etiam Græcæ Linguae aptatam, ab aliquot annis, utilissimam esse comperimus; neque umquam in manus Collectaneæ nostræ Latina aut Græca sumimus, quin optimo & doctissimo viro, qui eam methodum nos docuit, gratias habeamus.

. 10. Initio quidem studiorum, ubi Judicium nondum satis firmatum est, neque cognitio sat magna, ut quæ sint excerptenda probè norint Studiosi; vix alia excerptuntur, quàm quæ in breve tempus utilia futura sint; quia, maturescente judicio, contemnuntur quæ antea in pretio erant. Attamen utile est excerpta ejusmodi habere, cum ut artem ea disponendi discant Studiosi, tum ut memoriæ meliùs mandent quæ legunt. Ceterùm duo hac in re diligenter observanda, primum est, ut  
ea

\* Columella ex Cicerone Lib. XII. c. 13.

† In Biblioth. Univ. T. 2. pag. 313.

ea tantum exscribamus, quæ eximia sunt, vel propter rem ipsam, vel propter elegantiam eloquutionis, non quæcumque occurrunt; quo labore nimium sufflaminaretur lectionis imperus. Non est putandum ea omnia esse exscribenda, quæ *γινώσκω*, aut *sententiæ* vocantur. Ea dumtaxat sunt seligenda, quorum nobis in mentem non veniret, aut quæ æquè benè exprimere ipsi non possemus. Ita, licet memorabilis sit fabula eo in loco *Virgilii*, ubi hæc verba habentur, nolim ea describi:

*Discite justitiam moniti, & non temnere Divos,*

Nihil enim est in re, aut in eloquutione, quod sit supra captum cujusvis.

11. Alterum, quod hîc observari velim, est, ne nimis multa exscribantur verba, sed tantum observatu dignissima, adnotato Scriptoris loco. Nimium enim tempus, nec sine magna molestia, alioquin in exscribendo absumeretur. Non est etiam excerptum quidquam, dum lectione distinemur; ita ut propterea abrumpatur lectio, ut calamus in manum sumatur; hoc enim tædiosam lectionem efficit. Notanda sunt tantum loca postea exscribenda, in scheda, ut absolutâ lectione id fiat; neque etiam initio, post primam libri lectionem, id tentandum, sed post secundam dumtaxat. Interdum quoque sunt Collectanæ legenda, ut sciamus quas habeamus congestas divitias, iisque tempore & loco uti possimus.

12. Hæc quidem minuta videbuntur, at sine hisce magna non constant, & neglecta maximam perturbationem Memoriarum & Judicii, temporisque, quod rerum omnium pretiosissimum est, jacturam creant. Summa alioquin ingenia, hisce prætermisiss, ingentia peccata admiserunt; quæ si vitassent, erudito orbi, adeoque humano generi multò utilis ora fuissent. Ac sanè qui talia contemnunt, non tam magnitudine ingenii spernunt, quàm inopiâ Judicii; quâ sit ut quanti usus sit ordine & viâ progredi non satis intelligant.

13. Coronidis loco, addemus singularem methodum studiorum, quâ ii demum uti poterunt, qui eò usque pervenerint, ubi consiliis nostris non amplius opus habituros diximus. Ea usum esse *Claud. Salmasium*, apud *Ædriam* alioqui singulare in scribendo exemplar, docet nos V. A. \* *Joannes Baptista Lantinus*. „ Quidquid superest de Veterum „ libris ceterisque monumentis, inquit, divisio „ in certa spatia omni ævo, ætatum & temporum ordine pervolvebat; initio ab antiquissimis ducto, ita ut omnes unius ætatis Scriptores perlegeret, conferreretque; donec illius sæculi Linguam, mores, ritus, artes & quidquid ex iis quæ restant monumenta colligi potest, in numerato, & sub uno adspectu posita haberet. Inde ad consequentia tempora, ad usque ultima, simili ratione, progredi solitus, & observare quodcumque novi in Linguis, artibus,

„ CE-

\* In *Proleg. ad libros de Hæmon. Hylet latricæ*.

„ ceterisque prædictis succedens ætas inve-  
„ xerat, quidquid à prioribus posteriores Scri-  
„ ptiores acceperant, id adsequutus est, ni-  
„ hil ut illum fugeret, quod ad Historiam  
„ omnis generis spectare posset.

14. Hoc si posset fieri, sine perturbatione studiorum in legendis tot variorum planè argumentorum libris, utilissimum sine dubio esset. Sed nec accuratè factum à *Salmasio* crediderim; nam multum aberat ut omnes disciplinas, de quibus libros Veterum fortè legerat, calleret. Jurisconsulti certè & Medici, in iis, quæ ad Jurisprudentiam & Medicinam pertinentia scripsit, nonnulla, non sine ratione carpservunt. Attamen in uno genere Scriptorum, & per aliquot sæcula, observari hoc institutum, non sine maximo fructu, posset. Exempli causâ, in Scriptorum Ecclesiasticorum lectione, vix ullus alius ordo commodior est, ut antea observavimus. Ceterùm quæcumque de eruditionis monstris nonnullis jactentur, quasi omnia pænè ingenio complexa sint Disciplinarum genera; & illi (quidni enim verum profitear?) & alii, quotquot Litterarum studiis operam dederunt, experti sunt verissimum esse illud Poëtæ:

— *Non omnia possumus omnes.*

15. Posset fortè & consilium quodpiam à nobis postulari de Recentiorum Scriptorum, qui de rebus ad Criticam pertinentibus egerunt, quales ii sunt, qui in *Thesauro Critico*

*Jan. Gruteri* exstant, aliique multi, cùm antiquiores, tum recentiores. Sed cum ab ejusmodi Scriptoribus nemo initium faciat studiorum, provectioribus satis innotescunt optimi quique; nec quidquam vetat quominus unusquisque, hac in re, judicio suo indulgeat, aut prout commodum erit, ejusmodi Scripta legat.

*Partis Primæ Artis Criticæ Finis.*



## ARTIS CRITICÆ

## P A R S II.


De Vocum & Loquutionum Signi-  
ficatione.

## S E C T I O I.

Regulæ Generales de Vocum & Loquu-  
tionum Significatione.

## C A P U T I.

*De Divisione Vocum.*

I.  U M verba sint dumtaxat signa  
notionum, eaque ab homini-  
bus pro arbitrio instituta, ut  
docent Philosophi; sequitur ut  
ad totidem classes vocabula,  
quot sunt notionum genera, possint referri.  
*Notiones* autem, ne ulla sit ambiguitas in hac  
voce, quâ sæpe nobis utendum erit, voca-  
mus *quæcumque animo nostro obversantur, cum*  
*de re quapiam cogitamus.* Itaque *Notio* hîc no-  
bis non est ipsa intellectio, seu id quod agit  
aut patitur animus noster, cum intelligit; sed  
G 5 id

id quod ei intelligenti obversatur. Notiones igitur nostræ, diu & adtentè eas animo lustranti, visæ sunt ad septem classes posse referri; ita tamen ut in singulis classibus plures sint eæque sibi invicem contrariæ; alioqui classium major esset numerus constituendus.

2. I. Sunt notiones *simplices & compositæ*. Simples sunt ex, in quibus ne mente quidem plura distinguere possumus; compositæ, quæ pluribus simplicibus constant. Simples sunt notiones sensuum, doloris, voluptatis, motûs, aliæque in quibus partes nullas possumus discernere. Itaque *amaror*, exempli causa, *albor*, *sonitus*, aliæque id genus sunt nomina notionum simplicium. Compositæ sunt notiones corporum omnium, in quibus varias partes animo intelligimus, & sensibus etiam ut plurimum deprehendimus; notiones item Virtutum & Vitiûm, in quibus singulis varia possunt intelligi, & seorsim expendi. Igitur *aurum*, *justitia*, *ebrietas* sunt nomina notionum compositarum.

3. II. Sunt notiones *Substantiarum & Modorum*. Substantias vocamus ea, quæcumque tandem sint, in quibus sunt qualitates rerum quas novimus; modos verò qualitates, quæ substantiis insunt, nec sine iis esse possunt. Substantiæ sunt Corpora & Mentis, quibus insunt innumeri modi; quales figuræ, & cogitationes variæ. Hæc autem sua nomina habent, quorum significationem quærunt Critici, & in quibus facilè errant, nisi diligenter animum adtendant.

4. III. Sunt

4. III. Sunt notiones *Relationum*, quæ relationes sunt inter omnia pænè, quæ animo contemplamur. Sic cùm *Patrem* Philippum adpello, cogito de *Filio* ejus Alexandro, & vicissim. Itaque *amor filii*, aut *reverentia patris* sunt nomina relationum, seu virtutum quæ ad alia referuntur. Innumera sunt ejusmodi, de quibus Sectione II. subtiliùs agemus, & quæ diligenter expendisse maximè est, in hac nostra Arte Critica, momenti.

5. IV. Sunt notiones rerum, quæ reverà sunt, aut saltem esse creduntur, quas *concretas* vocant Philosophi; & rerum quæ nusquam sunt, nisi in intellectu nostro, quas illi *abstractas* adpellant. *ἄνθρωπος ἀνθρώπων*, homo qui reverà est, nomen est concretæ notionis; *ἀνθρωπότης* verò *humanitas*, &, si luceat, *ἰδέσθαι* sunt abstractarum notionum vocabula. Non leves sunt de hisce Philosophorum, aliorumque hallucinationes, ut suo loco ostendemus.

6. V. Notiones, quæ pluribus communes sunt, vocantur à Philosophis *universales*, aut *particulares*; quæ verò uni rei conveniunt *singulares*. *Humanitas* nomen est notionis universalis, *civitas* nomen particularis, *Cicero* singularis. Hæc autem nomina aliquando non satis intelliguntur, atque inter se miscentur; unde multi nati errores, quos ope Criticæ deprehendere licet.

7. VI. Nulla notio est, quæ non possit *clara*, aut *obscura* dici. Obscuræ, exempli causa,

ſi, ſunt notiones omnium ſubſtantiarum; claræ ſimplices omnes. Licet autem perſpicuitas & obſcuritas, haud aliter ac dies & nox diverſæ ſint, mirum eſt quàm frequenter clara obſcura ab hominibus cenſcantur, & vice verſa obſcura clara; quod diligenter demonſtrabimus.

8. VII. Sunt denique notiones, quæ integram rei, quam contemplamur, naturam animo noſtro ſiſtunt; quas *adæquatas*, uno verbo, vocant Philoſophi. Aliæ verò partem dumtaxat rei, quam animo verſamus, nobis obijciunt, dicunturque *inadæquatae*. Maxiimè cum ſit momenti imperfectam cognitionem à plena diſtinguere, non malè mereantur de Litterarum Studioſis, qui doceant quæ nomina ſint notionum adæquatarum, quæ inadæquatarum; quod nos facere conabimur.

9. Hæc ſunt genera notionum, ad quæ cuncta referri poſſunt, & ex quorum numero voces omnes à nobis dividuntur. Atque hoc, ad inſtitutum noſtrum quod adinet, ſatis ſupérque eſt. Cum oratio ſit collectio ſignorum, eodem ordine collocatorum, quo notiones, quarum ſunt ſigna, menti obverſantur; nec poſſint aliud ſignificare, quàm quod cogitat is qui loquitur, ſi modò uſum ſequitur loquendi magiſtrum; neceſſè fuit pauca de notionibus dicere, priusquàm ad earum ſigna deveniremus. Qua in re, ſi utamur vocibus ignotis, ſenſu quem iis tribuimus, auribus Latinis, nobis id condonabunt facilè, ut ſpero, Lectores; qui meminerint  
hu-

hujusmodi notiones, quemadmodum à nobis considerantur, numquam fortasse animo ullius Scriptoris Romani obversatas, ac proinde novis rebus nova imponenda fuisse vocabula. Sic certè fecerunt olim Latini, cum primum Linguâ suâ philosophari cœperunt; quod cur nobis hodie non liceat, nova proferentibus, nulla ratio adferri potest.

10. Verùm antequàm veniamus ad singulas notionum classes, aut potius antequàm earum nomina singillatim expendamus; nonnulla monenda nobis sunt, quæ ad omnia ferè ex æquo pertinent, aut ad plura simul; quibus adlatis, singulas classes excutiemus. Interea ne quis sibi fingat inanem esse hanc Philosophicam vocum distinctionem, sciat ejus longè maximum usum Partis hujus Sectione II. ostensum iri.

---

## C A P U T II.

### Regulæ Generales de Interpretatione.

#### R E G U L A I.

*Linguas sibi invicem non satis respondere.*

I. **I**S censetur Scriptorem intelligere posse, qui callet Linguam, quâ Scriptor usus est. Eum autem adcuratè loquentes *callere Linguam* dicimus, qui dum legit, aut audit alium loquentem, habet animo obversantes easdem notiones, quæ à loquente, aut scriben-

bente vocibus quibus utitur subjectæ sunt. Alioqui si quod sit discrimen inter notiones loquentis & audientis; adeò ut ex alterutra parte sint clariores aut obscuriores, ampliores aut arctiores, aut ulla denique alia in re diffideant; qui audit non potest censeri perfectè intelligere sermonem loquentis. Quod re ipsa raro contingit, cum perpaucis conveniat in omnibus notionibus compositis; dum aliis alii pauciores aut plures notiones simplices unâ voce designant; aut dum clariores, vel obscuriores, aliqua ex parte, uni obversantur, quàm alteri. Cum verò sæpè vix ac ne vix quidem rescire possimus, an aliis eadem planè objiciantur notiones ac nobis, nisi plurimis interrogationibus, & in multis ne hac quidem ratione; ut ostendamus, ubi agemus de notionibus simplicibus; sequitur nos sæpius scire non posse; an nos invicem intelligamus.

2. Sed cum ad summam *arctissimam* pervenire nequeamus, oportet nos modicâ intelligentiâ contentos esse. Itaque cum *callere Linguam* dicemus, qui eatenus eam intelligit, ut habeat similes notiones loquentium notionibus; adeò ut si is verbis suis incipiat loquentium sententiam exprimere, ipsi sint sensum suum in ejus verbis agnitori, postquam suis explicuerint. Qui sermones aliorum probè intelligere cupiunt, debent se veluti eorum loco constituere, & verba interpretari, quemadmodum ipsi ea interpretarentur; sine additione, detractiōe, aut denique mutatione ulla.

3. Ut

3. Ut hoc fieri queat, usu discenda est Lingua, quam intelligere volumus. Versantibus, scilicet, cum iis qui eâ utuntur, observandum diligenter quas potestates subijciant omnibus vocabulis, & loquutionibus quibus utuntur. At ubi Linguae sunt obsoletæ, ut sunt eæ de quibus in hoc Opusculo agimus, usus loquentium vicem præstant Libri & Lexica; in quibus demortuarum Linguarum voces, aliis vocibus Linguae nobis notæ exprimuntur. Post diuturnam & multiplicem lectionem, non multùm quidem Dictionariis indigemus; at initio aliter Linguas addiscere non possumus.

4. Verùm ex sequentibus Regulis, liquet in Lexicis, partim eorum qui ea scripsere culpâ, partim Linguarum penuriâ & dissimilitudine, multa desiderari. Hanc in rem, ante omnia observandum *LINGUAS sibi invicem satis non respondere*; hoc est, plurima esse in Lingua quavis vocabula, quæ alterius nullius totidem verbis exprimi possunt, sed tantùm periphrasi; quo fit ut in Dictionariis similibus tantùm, aut aliqua ex parte dumtaxat respondentibus vertantur. Neque hoc tantùm contingit singulis vocabulis, sed etiam multis loquutionibus. Atque hac in re sita sunt Linguarum *Idiomata*, quibus ab aliis differunt, & quorum exempla aliquot ex Græca & Latina Lingua proferemus.

5. In Græca Lingua, præsertim in Atticorum sermone, aliquot sunt particulæ, quæ à Grammaticis *παρὰ πληρωματικαὶ*, *expletivæ* dicuntur; quas interdum nihil significare certum

## UIZ ARTIS CRITICÆ P. II. S. I. C. II.

tum quidem est, sed quas ut plurimum gratiam & vim orationi, quâ careret si abessent, addere omnibus constat, qui Attico sermoni aures adfuetas habent. Tales sunt particulae ἀλλὰ, γὰρ, δὲ, ἔν, ἀν, αὖ, μὲν, δέ, &c. quæ passim in Scriptorum Græcorum Latinis versionibus refecantur, quod nullæ sint in Latina Lingua similes. At si in ipsis Græcis circumciderentur, constaret quidem fortè constructio & sententia; sed elegantia & perspicuitas, & vis orationis perirent, quod illico experietur quicumque simile quid tentabit. Libet hîc initium Apologiæ Socratis, à Platone conscriptæ, exscribere, particulis illis inter uncinos clausis, & in Latina versione, ubi verbum verbo transtulimus, omisissis.

I. Οἱ, τι [μὲν] ὑ-  
μεῖς, [ὦ] ἄνδρες Ἀ-  
θηναῖοι, πεπόνθατε  
ὑπὸ [τῷ] ἐμῶν κατη-  
γόρων ἔκ οἷδα. ἔγω  
[γ' ἔν καὶ] αὐτὸς  
ὑπ' αὐτῶν, ἐλίγχι δεῖν,  
ἐμαυτῷ ἐπελαθόμεν,  
ἔγω πιθανῶς ἔλεγον.  
καὶ τοὶ ἀληθεῖς [γε],  
ὡς ἔγω εἰπεῖν, ἔδ' ἐν  
εἰρήκασι.

II. Μάλιστα [δὲ] αὐ-  
τῶν ἐν ἐθαύμασα τῶν

Quid vos, viri A-  
thenienses, passi fue-  
ritis à meis accusato-  
ribus, non novi; ego  
ipse ab iis parum ab-  
est ut mei ipsius ob-  
litus sim; adeò apud  
ad persuadendum di-  
cebant, & tamen ve-  
rum nihil ferè dixe-  
runt.

Præcipuè eorum u-  
num miratus sum, ex  
iis



πολλῶν ὧν ἐψεύσαν-  
το, τῷτο, ἐν ᾧ ἔλε-  
γον ὡς χρῆν ὑμᾶς  
εὐλαβεῖσθαι, μὴ ὑπ'  
ἐμῷ ἐξαπατηθῆτε ὡς  
δαινῶ ὄντ' λέγειν.

III. Τὸ γὰρ μὴ αἰ-  
σχυνθῆναι ὅτι αὐτίκα  
ὑπ' ἐμῷ ἐξελεγχθή-  
σονται ἔργῳ, ἐπειδὴ  
μηδ' [ὁπωσιῶν] φαί-  
νωμαι δαινὸς λέγειν,  
τῷτό μοι ἔδοξεν αὐ-  
τῶν ἀναίσχυντότα-  
τον εἶναι. εἰ μὴ  
[ἄρα] δαινὸν καλῶ-  
σιν αὐτοὶ λέγειν,  
[τὸν] τ' ἀληθῆ λέ-  
γοντα. εἰ [μὲν] γὰρ  
τῷτο λέγασιν, ὁμολο-  
γοίην [ἂν] ἐγὼ γε,  
ὅ κατὰ τῆς, εἶναι  
ῥητῶρ.

iis quæ multa mentiti  
sunt, hoc in quo dixe-  
runt oportere vos ve-  
reri, ne à me fallere-  
mini, quippe dicendi  
perito.

Nam non erube-  
scere quòd statim à  
me redarguendi essent  
opere, quandoquidem  
non adpaream peri-  
tus dicendi; hoc mi-  
hi visum est illorum  
impudentissimum es-  
se. Nisi peritum vo-  
cent dicendi vera di-  
centem. Nam si hoc  
dicunt, fatebor ego,  
non secundum hosce,  
me esse Rhetorem.

Adparet quidem ex Latina versione, quid  
velit Socrates; attamen gratia orationis per-  
it, nec parum imminuitur vis, quæ Græcis  
hæst. Non sentient fortè hoc quidem, qui  
non sunt in Græcis satis exercitati: ut neque  
lautitias ciborum dignoscunt, qui lautè num-  
quam

quam vixerunt; opus, nimirum, est hîc consuetudine. Verùm sequentia satis animadvertent, si attendant. 1. In prima periodo, occurrit 1. vox *πρόφασις*, quæ Latinè satis exprimi nequit, ut *Marsil. Ficinus* paraphrasi uti coactus fuerit: *Qua vos ratione adfecerunt accusatores mei nescio*, &c. Majorem etiam adhibuit *Joan. Serranus*, quem non moror, quia passim à verbis nimium abit. 2. *Ficinus* addidit *me* certè sic adfecerunt *ut mei ipsius penè oblitus fuerim*, nec aliter potuit intelligi; quod autem res paucioribus verbis, iisque perspicuis, dici potest, eò vividius exprimitur, & contrà. 3. *ὡς ἔγωγε* *ὡς* est ad verbum, *ut dicere*, hoc est, *ut dicam verbum*, quod vertit *Ficinus*, *ut ita loquar*, *Serranus*: *ut uno verbo complectar*; Formula est quâ aut durius quid emolliebant; nec aliud vult *Socrates*, nisi apertè se dicere, nihil veri ab adversariis esse objectum. Aliquoties, in hac ipsa *Apologia*, hæc formula eodem sensu occurrit. Sic loquens de *Poëtis*: *ὡς ἔγωγε γὰρ ὕμνῳ, ἐλέγῳ αὐτῶν ἀπαρτίς οἱ παρόντες ἀνὴρ βέλτερον ἔλεγον περὶ αὐτῶν ἢ τῶν ποιημένων*: *ut dicam quod res est, ferè omnes presentes meliùs, quàm ipsi, loquerentur de iis de quibus poemata fecerunt*. Itaque, loquutione Græca, τὸ παραδόξον adfirmationis emollitur. Sic intelligenda, *Heb. VII, 9.* ubi præstaret vertere, *ut dicam quod sentio*, quàm *ut ita dicam*. Galli similiter dicunt: *pour dire le mot*, quâ loquutione utuntur, si quid audacius dicunt. Quod multis aliis *Platonis* locis ostendere facile possem. II. In sequentibus verti *διὸς*

ἀγνῶν, peritum dicendi, sed major est Græcarum vocum ἡμφαρία. Significant enim eloquentissimum. Mirari subiit Henricum Stephanum, qui in *Thesauro suo*, δυνὸς φαρύν vertit peritum edendi, quasi sit aliqua in ea re peritia. Non melius *Iustus Vultei*s, qui *Æliani* varias Historias transtulit, cap. I. Lib. I. vertit: δυνὸς κατὰ κοιλίας, firmo & robusto ventre sunt Polypodes; nam ne dicam voce κοιλία stomachum significari, non ventrem, hæc phrasis, hoc in loco, designat ventriculi in adpetendis cibis vehementiam, & in iisdem concoquendis firmitatem. Apud *Xenophontem*, *Inst. Cyri*, Lib. \* V. occurrit δυνὸς τι κάμα & καὶ μέγας; quod Latine exprimi nequit, nam *Joann. Leunclavii* versio, quæ habet admirandâ formâ & proceritate, adfinem quidem significationem adhibet, & quæ eodem recidit; sed non satis exprimit vim vocis δυνὸς, quæ numquam admirandum significavit. Est & alius locus, apud eundem *Xenophontem*, † ubi hæc vox occurrit juncta verbo ποιεῖν, nec parvum negotium Interpretibus faceffit. Ait de Paphlagonibus, Græcos armatos saltantes spectantibus: ὁρῶντες δὲ οἱ Παφλαγῶνς διὰ τοῦτο πάντας τὰς δεξιὰς ἐν ὤκλοις εἶναι. Vertit *Joan. Leunclavius*: quæ omnia cum Paphlagones adspicerent, mirificum quiddam esse ducebant saltationes hæc universas in armis fieri. *Romulus* verò *Ama-*  
H 2 sens:

\* P. 123. Ed. Vechel.

† De Exped. Cyri Lib. VI. p. 371.

*saus: Hic Paphlagones commoti sunt, quòd ne-  
minem videbant nisi armatum saltare. Neuter  
vim vocis adsequutus videtur; quæ, si pos-  
set Latinè exprimi, meliùs verteretur ab usu  
communi abhorrens censebant. Alioqui διὸν  
ποιῶν significat indignè ferre, queri, ut docet  
Henr. Stephanus; sed ea significatio hîc locum  
habere nequit; ut ex sequentibus liquet.*

6. I. Οὔτοι [μὲν]  
ἔν, ὥσπερ ἐγὼ λέγω,  
ἔδὲν ἀληθὲς εἰρήκα-  
σιν. ὑμεῖς δὲ μὲ ἀκῶ-  
σεσθε πᾶσαν [τὴν]  
ἀλήθειαν. ἔμιν τοι,  
μὰ Δία, ὦ ἄνδρες Ἀ-  
θηναῖοι, καλλιεπη-  
μένους [γε] λόγους  
(ὥσπερ οἱ τῶν ῥη-  
μασί τε καὶ ὀνόμασιν,  
ἔδὲ κεκοσμημένους,  
ἀλλ' ἀκῶσεσθε εἰ καὶ  
λεγόμενα τοῖς ἐπιτυ-  
χῶσιν ὀνόμασι. πιστεύω  
γὰρ δίκαια εἶναι ὃ  
λέγω, καὶ μηδεὶς ὑμῶν  
προσδοκησάτω ἄλλως.  
ἔδὲ γὰρ [ἂν] δέπω  
πρῶτοι, ὦ ἄνδρες, τῇ-

Hi ergo, quemad-  
modum ego dico, ni-  
hil verum dixerunt,  
vos verò à me audi-  
turi estis omnem ve-  
ritatem. Neque ve-  
rò per Jovem, ὅ  
viri Athenienses, e-  
legantes sermones  
(quemadmodum sunt  
illi horum) verbis &  
nominibus, neque  
ornatos; sed audie-  
tis temerè dicta, no-  
minibus quæ occur-  
rerint. Nam credo  
justa esse quæ dico,  
nec quisquam ve-  
strum expectaverit al-  
liter. Neque enim  
profectò decuerit, ὅ  
viri, hanc ætatem,  
quemadmodum ado-  
lescentulum fingen-  
tem

δε [τῇ] ἡλικίᾳ, ὥσπερ μεираκίῳ πλάττοντι λόγους, εἰς ὑμᾶς εἰσιέναι.

tem sermones, ad vos ingredi.

II. Καὶ μὲν τοῖς [ἡ] πᾶν, ὃ ἄνδρες Ἀθηναῖοι, τῷ το ὑμῶν δέομαι ἡ παρίεμαι. εἰὰν διὰ τῶν αὐτῶν λόγων ἀκῆτε μὴ ἀπολογυμένους δι' ὧν περ εἰώθα λέγειν, ἡ ἐν ἀγορᾷ, ἡ ἐπὶ τῷ τραπέζῳ (ἵνα ὑμῶν οἱ πολλοὶ ἀκηκόασι, ἡ ἄλλοθι) μήτε θαυμαζειν μήτε θορυβεῖν τέττα ἕνεκα. ἔχει γὰρ ἕτωςί.

Quinimò vehementer, ὁ viri Athenienses, hoc vos oro & obsecro, si iisdem sermonibus audiat me defendentem, quibus solitus sum dicere & in foro, & ad mensas (ubi plurimi vestrum audiverunt, & alibi) neque miremini, neque obstrepatis propterea. Sic enim *seres* habet.

III. Νῦν ἐγὼ πρῶτον ἐπὶ δικασήριον ἀναβέβηκα, ἔτη γεγονὼς πλείω ἐβδομήκοντα. ἀτεχνῶς ἔν ξένως ἔχω τῷ ἐνθάδε λέξεως. ὥσπερ ἔν [αὐ] εἰ τῷ ἔντι ξένος ἐτύγχανον ὧν, ξυνε-

Nunc ergo primum in locum, in quo jus dicitur, adscendi, annos natus plures *quam* septuaginta; planè ergo peregrina mihi est dicendi ratio *quæ* hîc *obtinet*. Itaque quemadmodum, si reverà peregrinus essem, ignosceretis utique mihi,

γινώσκετε δή πως [ἀν]  
μοι, εἰ ἐν ἐκείνῃ τῇ  
φωνῇ τε καὶ τῷ πρόπῳ  
ἔλεγον ἐν ὧπερ ἔτε-  
θράμμην. [καὶ] δὴ καὶ  
νυν τὸ τοῦ μὲν δέομαι  
(δίκαιον, ὥς γε μοι  
δοκῶ) τὸν μὲν τρόπον  
τὸν λίξεως ἔσθιν. (ἴσως  
μὲν γὰρ τι χείρων,  
ἴσως δὲ βελτίων ἂν  
εἴη) αὐτὸ δὲ τὸ τοιοῦτο  
σκεπτεῖν, καὶ τὰ τῷ τῷ νῦν  
προσέχειν εἰ δίκαιον  
λέγω, ἢ μή, δικαστὴς  
μὲν γὰρ αὐτὴ ἀρετή.  
ρήτορ δὲ τὰ ληθῆ  
λέγειν.

illâ voce & modo, qui-  
bus innutritus fuisset,  
dicenti: certè & nunc  
vos precor (justum,  
ut mihi quidem videretur)  
loquendi quidem  
rationem prætermittente  
(fortè quidem aliqua  
in re deterior,  
fortè verò melior sit)  
hoc verò considera-  
re, & ad hoc animum  
adtendere, an justa di-  
cam, necne. Hæc  
enim quidem est vir-  
tus Judicis, Oratoris  
verò dicere vera.

7. I. Quamvis ἢ vertamus *igitur*, quia nul-  
la aptior particula occurrit, non significat,  
sequentibus verbis, collectionem ex superiori-  
bus contineri; est dumtaxat transitionis quæ-  
dam particula. Scio cam sæpe abundare, sed  
si superiora & sequentia adtentè legamus, ne-  
quaquam vacare hoc in loco videbimus. Scio  
μὲν ἢ simul sumpta verti *atque*, *certè*, & *Fici-  
num* hîc habere, *quippe cum*; nam conjun-  
git hoc cum superioribus, & à sequentibus  
divellit. Sed redit Socrates ad id quod  
primâ

primâ periodo dixerat, & incipit confutare quod adversarii de ipsius eloquentia jactaverant.

8. Πᾶσαι τὴν ἀλήθειαν. *Ficinus* vertit *vera omnia*, hoc est, nihil nisi verum. Hoc verò vult Socrates, se nihil velle celare judices; sed rem totam, absque dissimulatione, expositurum. Itaque hæc loquutio nonnisi periphrasi Latine exprimi potest, cùm hîc, tum infrâ, ubi iterùm occurrit. Gallicè dixeris: *je vous dirai toute la verité*, expressâ ipsâ loquutione ad verbum; nec prætermisso articulo, qui planè necessarius hîc est. Nam πᾶσα ἀλήθεια est quidquid verum, ad quodcumque negotium pertineat; sed articulus additus ostendit agi tantùm de eo, quod in hac causa quærebatur, utrum Socrates impius esset in Deos, & corruptæ juventutis reus. Sic loquutus est *Josephus* de Bello Judaïco Lib. VIII. c. 7. de Terentiano Rufo, qui à Simone Giore filio quæsierat quis esset, & unde veniret; πυθόμενοι παρ' αὐτοῦ πᾶσαι τὴν ἀλήθειαν τὸν μὲν ἰφύλαττε διδόμενον, Καίσαρι δὲ ὅπως εἰν συνιλημμένον ἰδέσθαι: *omni ab eo veritate intellectâ, vinctum quidem illum custodiebat, Casari verò, quomodo esset captus significabat.* Sic Joan. XVI, 13. Christus de Spiritu Sancto ad Apostolos mittendo, ἰδεγίνου ὑμᾶς, inquit, εἰς πᾶσαι τὴν ἀλήθειαν, hoc est, *in omnem illam veritatem, quæ ad me & doctrinam meam spectat.* Malè verterunt qui habent Gallicè, *en toute verité*, nam oportebat ver-

ti, à toute la vérité, & subintelligi, concernant moi & ma doctrine; eo enim tempore dimidiam tantum partem veri noverant Apostoli, quod de Christo nosse eorum intererat. Alii deterius: *il vous fera entrer dans toutes les vérités.*

9. Quoniam de articulo loquuti sumus, insigne exemplum varietatis Linguarum, hac ipsa in re, adferemus. Observamus ergo Linguam Latinam, quod articulo careat, maximam interdum ambiguitate laborare; minus Græcam, quæ præpositivum articulum habet unum; minimè omnium Gallicam, quæ est duobus instructa, ut & aliæ hodiernæ. Si Latinè, exempli causâ, dixeris *Deus*, tribus modis potest Gallicè verti; 1. *Dieu* sine articulo, quâ voce significatur unus verus Deus, qui omnia creavit: 2. *un Dieu*, hoc est, quidam Deus, ut si Ethnici Scriptoris vertamus verba *Dei monitu*, dicemus, *par l'avertissement d'un Dieu*, hoc est, cujusdam Dei: 3. *le Dieu*, quâ loquutione significamus certum Deum, de quo sermo est: ut si loquamur de homine, qui oraculum consuluerit & ab eo responsum acceperit, dicimus: *le Dieu lui répondit*, &c. hoc est, Deus ille quem interrogat; Apollo, puta. Græci etiam dicunt: *Θεός*, sed nec caret ea loquutio ambiguitate, nec semper addunt articulum, ubi intelligi debet, ut ex hac ipsa Apologia liquet.

10. Ambiguitas illa linguæ Latinæ effecit ut *Tertullianus*, aliique nonnulli Patres eum  
fe-



sequeuti, argumentum futile ex loquutionibus quibusdam Ethnicorum duxerint, quo tamen eos *naturaliter Christianos* esse se probare posse sperabant. *Vultis*, inquit Apologetici Cap. XVII. *ex animæ ipsius testimonio comprobemus? quæ licet carcere corporis pressa, licet institutionibus pravis circumscripta, licet libidinibus evigorata, licet falsis Diis exancellata, cum tamen respiscit, ut ex crapula, ut ex somno, ut ex aliqua valetudine, & sanitatem suam patitur, Deum nominat; hoc solo, quia propriè verus hic unus Deus, bonus & magnus. Et quod Deus dederit omnium vox est. Judicem quoque contestatur illum, Deus videt, & Deo commendo, & Deus mihi reddet. O testimonium animæ naturaliter Christianæ!* &c. Christiani quidem, voce *Deus*, nullum alium intelligebant, nisi unum; quemadmodum hodièque, quando dicimus *Dieu*, sine articulo. At Ethnici Latinè loquentes, in formulis adlatis, intelligebant *Deum*, *quisquis esset*, qui iis, de quibus loquebantur, præesse existimabatur. Nomen verò nullum addebant proprium, quia sæpe nesciebant quodnam Numen esset invocandum. Nos cum iis formulis utimur, nihil subaudimus, quia nobis est unus Deus; at Ethnici dicentes *quod Deus dederit*, hoc volebant, quod Deus ille, qui me tuetur, aut qui præest rebus quas ago, mihi dederit. Nomen non addebant, pravâ religione impediti, ne fortè Numini cuiuspiam beneficium imputarent, quod alii deberent, hujusque adeò iram moverent.

11. Græci, ut dixi, articulo suo aliquando ambiguitatem tollunt, quam Interpretes Latini vitare nequeunt. Ita Socrates, in hac Apologia: *τὸτο μὲν ἴτω ἄσπιρ τῷ θεῷ φίλον*, *hoc eat quomodo Deo placebit*. Intelliget Gallus, Linguae Græcæ non satis peritus: *que cela aille* (hac in loquutione idiomatica Græcæ & Gallicæ Linguae ad amussim sibi respondent) *comme il plaira à Dieu*. At ὁ θεὸς hic est ὁ Σωκράτους δαίμων, *genius Socratis*. Itaque si potestas vocum ὁ θεὸς esset Latinè exprimenda, pluribus verbis utendum foret, qualia essent hæc, *Deus ille, qui me tutatur; Deus ille, qui mihi custos additus*, &c. Notum est quid Socrates diceret de suo Dæmone. Iisdem verbis eum describentem, sæpius in sequentibus, inducit Plato, ut in hisce: *ἐγὼ ἱμᾶς, ὁ ἄνδρες Ἀθηναῖαι, ἀπαύξομαι μὲν καὶ φίλῳ, πίνομαι δὲ τῷ θεῷ μάλλον ἢ ἱμῖν*. *vos, o viri Athenienses, complector quidem amo, parebo tamen Deo potius, quam vobis*. Si id voluisset, quod dicimus, *Dieu*, sine adjectione; dixisset τὸ θεῖον, hoc est, *numen*; si verò quod solemus dicere *un Dieu*, *deus* τις, *Deus aliquis*.

12. Verum ad adlata Socratis verba redeamus. Paullò post sequitur *καλλισμῖνους λόγους*, quod Latinè non satis expresseris, nisi dicas *orationes delectu elegantium dictionum constantes*, hoc est, nisi quatuor voces pro una adhibueris; quod feriem orationis sæpe corrumpit, aut enervat. *Καλλισμῖν* autem esse

esse delectu verborum uti, cū vocis Etymologia, tum sequentium oppositio ostendit; nam Socrates opponit καλιστα κείμενοις λόγοις αἰκῇ λεγόμενα τοῖς ἐπιτυχῶσι λόμοις, sine studio, & quasi temerè dicta, nominibus quæ prima se animo objiciunt.

13. Οἱ τῶν, Gallicè optimè vertas *ceux de ces gens-ci*, Latinè non dixeris *illi horum*, nisi barbarè. Repetendum *sermones*, aut *orationes*, quod gratiam orationi molestâ ejusdem vocis, aut similis repetitione, detrahit.

14. Πιστῶ γὰρ, vertit *Ficinus*, *confido enim*, quod frigidum. Vertendum *credo*, ut velit Socrates, se uti oratione sine ornatu ullo; quod ea non esset dicturus, quæ non crederet esse justâ, ut illius accusatores; qui idèò pigmentis eloquentiæ utebantur, quia contra animi sententiam loquebantur, & contra id quod æquum esse norant, ut fallerent judices. Sed hoc ad comparisonem Linguarum nihil adtinet.

15. Πλάττω λόγους est aut formare orationem magno studio, aut eam pigmentis oblinere. Gallicè dicimus *des discours plâtrer*, hoc est, fucatos.

16. ΙΙΙ. Ξένος ἔχων est esse in aliqua re *instar peregrini*, qui primū aliquò advenit, & loci mores ignorat, nec potest proinde ad eos sese componere. Inversâ phrasi, non malè dixit *Ficinus*: *reverâ, peregrinus sum in eo genere dicendi*; αἰσχρὸς debuisset vertere *prorsus*, non *reverâ*, quod in sequentibus verbis repeti necesse est, ut vertatur τῷ ὄντι.

17. Ὡς γὰρ μοι δοκῶ. Latini dicunt *ut mihi quidem videtur*, aut mutatâ loquutione: *justa petere à vobis mihi videor*. Verùm ita loquuntur Græci, ut docebit *H. Stephanus* in *Thesauro*.

18. Τρόπον λέξιως ἰᾶν est *missam facere dicendi rationem*, ut solas res, quæ dicuntur, attendamus. Τὸ ἰᾶν significat contemptum quemdam testari, quod non satis exprimi Latinè queat; cùm, nimirum, quidpiam patimur, non quòd id probemus, sed quia non tantè esse putamus, ut impediamus.

19 Ex hisce satis adparet utriusque Linguae discrimen, prout ex lectione, examinèque non multorum versuum animadverti potuit; nec opus est, ut integras *ρήσεις* præterea addamus. Loquutiones dumtaxat aliquot, ex eadem Apologia, colligemus, & cum Latinis potissimùm conferemus.

20. De veteribus calumniatoribus suis ita loquitur Socrates: *ἐς ἡγὼ μᾶλλον φοβῆμαι, ἢ τὴν ἀμφὶ Ἀντων, καίπερ ὅστας καὶ τήτους δινύς*. Quæ verba sic vertit *Ficinus*: *quos magis formido, quàm Anyti adstipulatores, quamquam & hi sunt in persuadendo potentes*. At primum ambigua est loquutio, οἱ ἀμφὶ Ἀντων, potestque æquè significare ipsum Anytum simpliciter, quàm qui unà cum illo consentiebant in accusando Socrate; ut norunt omnes, útque Lexica quævis docebunt. Præterea loquutio Græca sine dubio Anytum complectitur, quamvis & ejus amicos significare statuatur; cùm Latina, si propriè intelliga-

telligatur, non Anytum ipsum, sed eos qui ei adfentiebantur designet. Denique vocem *δυν* ita intellexit Interpres, quasi subaudiendum esset *ἀλγυν*. Sed quidni *formidolosum* ver-  
tamus, cum hoc sit una significationum vo-  
cis Græcæ, eaque optime hanc in rem quadret?  
Vide & sequentia.

21. Eosdem paullò post describit Socrates  
*ἐρήμην κατηγορεῖντας ἀπολογυμένους ὑδινός*, ad verbum  
*desertam accusantes* (nempe *δικήν causam*) *ne-*  
*mine defendente*; hoc est, hominem accusan-  
tes, quem nemo defendebat: ut fit quando  
reus malè sibi conficius fugit, atque absens,  
instante accusatore, damnatur. Elegans est  
Hellenismus *accusare desertum*, qui, licet cum  
Analogia non consentiat, perspicuus est, &  
multa paucis exprimit. Nescio an ex ulla alia  
Lingua simile idioma proferri queat.

22. Ab hisce accusatoribus transversos adios  
ait postea *ἀπερωτάτους εἶναι*, quod verti non de-  
buit \* *infinitos esse*, ut tecit Ficinus. *Ἀπρω-*  
*τατοι* sunt hîc quos invenire, & cum quibus  
jure disceptare nullo modo poterat Socrates;  
non propter multitudinem, sed quia eos non  
norat, nec ob sermones privatim habitos in  
jus vocare poterat: *Οὐδὲ γάρ*, inquit, *ἀναβι-*  
*βάσασθαι οἷόν τι εἶναι αὐτῶν ἱσταυτοῖ*, *ἐδὲ ἐλέγχαι*  
*ὑδῖνα*, *ἀλλ' ἀναγκὴ ἀτιχῶς ὥσπερ σκιαμαχεῖν ἀ-*  
*πολογυμένοις τι καὶ ἐλέγχειν μηδενὸς ἀποκρινομένοις*.  
πε

\* Nescio an legerit *ἀπίρους* quod *ἀπύρους* non intelligeret  
Vide H. Stephanum & R. Constantinum in Lexicis,

neque enim fieri potest ut huc trahantur, neque ut ullus coarguatur; sed necesse planè est veluti contra umbram dimicare, dum me defendo, & alios coarguo nemine respondente. Vertit Serranus non usquequaque rectè, qui non comparent. Postremis in verbis observatu digna est vox *σκιμαχίῳ*, quam non fatis rectè vertit Ficinus, in tenebris pugnare; pejus Serranus: in umbra decertare; quamvis qui, nocte sublustri, contra umbram suam pugnat, in tenebris pugnet. *Σκιμαχίῳ* is propriè diceretur, qui umbram suam hostem esse ratus, eam confodere niteretur; quia verò qui certat cum umbra nullum adversarium habet, idè qui adgredietur alium, quem nec nominat, nec fatis clarè designat, hîc *σκιμαχίῳ* dicitur. Vix puto, in alia Lingua, similem exstare vocem.

23. In sequentibus, Socrates capita accusationis suæ recitaturus, τῇ ἀπομοσίᾳ, inquit, δὴ ἀναγνῶναι αὐτῶν: recitetur accusatio in qua de calumnia jurarunt. Qui accusabant, nimirum, jurabant se non calumniari, ut reus se non innocentem esse jurabat; unde factum ut ea capita accusationis, aut defensionis, quæ jurati probare conabantur, dicerentur ἀπομοσίαι. Scio Pollucem propriè ἀπομοσίαν velle esse rei, προωμοσίαν verò accusatoris. Sed erroris eum arguit hic Platonis locus, ἑξήσque Harpocratiō: Ἀπομοσία, γράμματα τινα γράψαντες ἀποφίμωσι πρὸς τὴν ἀρχὴν, εἰ

τε κατηγοροῦντες καὶ οἱ κατηγορούμενοι, περὶ ᾧ ἂν  
ἡ δίκη. καλεῖται δὲ ὕτως ἰπιδὴ ἀντάμιντοι αἱ  
διώκοιτες καὶ οἱ φύγοντες. οἱ μὲν ἀληθεῖ κατη-  
γοροῦσιν, οἱ δὲ ἀληθεῖ ἀπολογήσονται: *Scripta*  
*quædam complexi ad Magistratum deferunt,*  
*accusatores & accusati, de quibus lis inten-*  
*ditur. Sic autem vocantur, quia juramenta*  
*contraria dederunt persequentes & fugien-*  
*tes, illi se vera accusaturos, hi se vera defen-*  
*suros.*

24. Negat Socrates sibi illo jure tribui pos-  
se, quæ *Aristophanes* in Comœdia objecerat,  
& sic defensionem suam contra eas calumnias  
orditur: ὦν ἐγὼ εἶμι ὅτι μέγα ὅτι σμικρὸν πῆρ  
ἰπιδίω; quorum ego nihil, neque magnum, ne-  
que parvum scio. Si voluisset Latinè dicere,  
debuisset vertere: quæ ego prorsus ignoro. Est  
enim idioma sermonis Attici, neque magnum,  
neque parvum, pro eo quod est nihil. Sic  
paullò post loquitur Socrates: φράζει ἀλλή-  
λοις ἢ πώποτε ἢ σμικρὸν ἢ μέγα ἔχοντι τις ὑμῶν ἰμὲν  
περὶ τῶν τοιούτων διαλεγόμενα; dicite invicem an  
numquam parvum aut magnum audiverit quis-  
piam vestrum me de talibus differentem; hoc  
est, quidquam omnino simile dicentem.  
Hebræi parem habent loquutionem, &  
eodem planè sensu, ut liquet ex 1. Sam.  
XX. 2. ubi ita loquitur Jonathan: non fa-  
cit pater meus עַל דָּבָר אֶל דָּבָר גָּדוֹל, rem ma-  
gnam aut rem parvam, quam non aperiat  
mibi; hoc est, nihil prorsus molitur, quod  
mecum

mecum non communicet. In sequentibus, semel atque iterum occurrit hæc eadem loquutio, & alibi apud *Platonem*.

25. In hac Apologia legitur alia loquutio, quâ idem quoque significatur, & quam Attici communem habent cum Hebræis. Socrates loquitur de Politico, hoc est, de homine, qui verba ad populum de Republica facere solebat; aitque se, illo interrogato, intellexisse, videri quidem illum sibi aliisque sapientem, sed non esse. Tum subdit πρὸς ἡμῶν τῶν δ' εἰ ἀπὸ τῶν ἰσογυζομένων, ὅτι τέττα μὲν τῷ ἀνθρώπῳ ἐγὼ σοφώτερός εἰμι: *abiciens ergo mecum reputabam, me illo homine sapienterem esse.* Κινδυνεύει μὲν γὰρ ἡμῶν ἐδύτιρος ἔδει κακὸν, ἔδ' ἀγαθὸν εἶδέναι: *uterque enim versatur in periculo nihil sciendi, neque bonum, neque malum.* Ἀλλ' ἔτιος μὲν οἶσται τι εἶδέναι ἐκ τῶνδε ἐγὼ δ' ὡσπερ εἰ ἐκ οἶδα, ἔδ' οἶμαι: *sed hic quidem putat se aliquid scire, cum nesciat, ego verò ut nescio: ita nec puto me scire.* Pro καλὸν *bonum*, scripsimus κακὸν *malum*, ut opponatur τῷ ἀγαθῷ *bono*; nam quamvis Græci passim dicant καλὸν καὶ ἀγαθὸν & καλοκαγαθὸν, attamen ita non distinguunt καλὸν, & ἀγαθὸν ut ea, particulâ neque interpositâ, sibi invicem opponant. Sed cum Librarii non intelligerent vim phraseos, neque *malum*, neque *bonum* novit, mutarunt κακὸν in καλὸν; idque eò facilius factum est, quòd



quòd majusculæ κ & λ non multum differant, si dextrum cornu τὲ κ deletum casu aliquò fuerit. In margine editionis Stephanicæ emendatur καλον κἀγαθόν, sed perperam: Bonum & malum nescire loquutio est παροιμιώδης, qua significatur summa ignorantia, qualis infantium & puerorum. Sic, apud Homerum, Odysf. γ. 310. Telemachus significans se amplius non esse puerili imperitiâ præpeditum, ita loquitur:

— οἶδα ἑκάστα  
Εἴθ' λάτ' ἢ τὰ χεῖρεια, πάρ' ὅ δέ τε  
νῆπι' ἤα.

Scio singula, bona & mala, antehac fui puer. Ita loquebantur Hebræi, qua de re vide quæ notavimus ad Gen. III, 5.

26. Verùm ut ordine in expendenda Socratica Apologia pergamus, cùm negasset se cujusquam sceleris reum esse, ait fortè aliquem rogaturum, ἀλλ', ὦ Σώκρατες, τὸ σὸν τί ἐστὶ πρᾶγμα, πόθεν αἱ διαβολαὶ σοι αὐτὰι γεγένηασιν; quæ vertit Ficinus; quodnam, ὁ Socrates, tuum est opus? & unde adversus te exortæ sunt hæ calumniæ? Vertere potius debuit: quomodo se habet res tua? quamquam ne hoc quidem satis exprimit vim Græcæ vocis. At optimè Gallicè dixeris: quelle est votre affaire? Hoc est, qua de causâ in jus vocaris? Expone mihi totum tuum hoc negotium. Πρᾶγμα & affaire planè sunt, hoc in  
Tom. I. I loco,

loco, ubi sensu forensi intelliguntur, synonyma. Sequentia Socratis verba legantur.

27. Non procul ab iis verbis, quæ modò expendimus, Socrates, cùm dixisset se ob *sapientiæ humanæ* famam invidiosum factum fuisse; ait : τῷ ὄντι ᾧ κινδυνεύω ταύτην ἵνα σοφίῃς : quæ loquutio frequens est apud *Platonem*, cùm in hac *Apologia*, tum alibi passim. Exemplum alterum jam adtulimus §. 26. Hæc autem loquutio nullo modo Latine exprimi potest. Habet *Ficinus*: *Nam hac reverâ sapiens esse videor*, qui sensus non est quidem alienus ab hoc loco, sed nullo modo vim verbi κινδυνεύω exprimit. Norunt omnes eam vocem deduci ἀπὸ τοῦ κινδύνου, à periculo, & significare plerumque *periclitari*; verum Latinâ voce hîc uti non licet, quia *periclitari* Latine loquentes non dicunt, nisi de re quæ infelicitè cadere potest, & cujus eventus non sine metu exspectatur; vox verò Græca adhibetur etiam, ubi nulla metuendi ratio est, ut in hoc loco, & alibi sæpe, apud *Platonem*. Proximè accesseris ad vim hujus vocis, si verba adlata Gallicè interpreteris: *car je cours risque d'être sage de cette manière*. Nam *courir risque*, est quidem *periclitari*, sed dicitur etiam de rebus, quarum eventus timeri non potest. At infra κινδυνεύω de lite dicitur, quam judicio dirimi vereri poterant contendentes. Exemplum antea protulimus, cui alterum dumtaxat addemus, ex ultimis Socratis verbis in *Phædone*, non procul à fine, ubi postquàm dixisset se non posse

se adfirmare quasi compertum, fore ejusmodi felicitatem post mortem, qualem descripserat, ita porro infit: Ὅτι μὲν τοι ἡ ταῦτ' εἶναι, ὃ ταῦτ' ἄττα, περὶ τὰς ψυχὰς ἡμῶν, ἢ τὰς σικήσεις, ἐπέπερ ἀθάνατόν γε ἡ ψυχὴ φαίνεται ἔσα, τῷτο ἢ πρέπειν ἐμοὶ δοκεῖ, ἄξιον κινδυνεῦσαι οἰκμίνω ἔτως ἔχειν. καλὸς γὰρ ὁ κίνδυνος: esse tamen vel hæc, vel talia quædam circa animos nostros, eorumque habitationes, quandoquidem animum immortalem esse liquet, id verò ἔ decere mihi videtur, ἔ dignum quod ita esse existimanti periculum subeatur, honestum est enim periculum. Gallicè eleganter dixeris: il faut hazarder cette créance, c'est couvrir une risqué, qui n'a rien que d'honête.

28. Socrates cum dixisset Chærephonti Oraculum respondisse Socrate neminem hominem esse sapientiozem, narrat se quæsiuisse sapientiam, σοφίαν, inter politicos & Poëtas, nec eam invenisse. Satis liquet, ex omnibus sermonibus Socratis, σοφίαν in ejus verbis plerumque significare cognitionem officiorum, quæ ad mores pertinent, quam solam magni faciebat. Attamen paullo pòst, ubi narrat se ad præstantissimos artifices ivisse, ut etiam inter eos sapientiam quæreret, σοφίαν alio planè sensu intelligit; eaque voce peritiam artium significat, quam magnifico illo sapientiæ nomine numquam vocarint Latini. Sciebant, inquit, quæ ipse nesciebam, καὶ με ταῦτη σοφώτεροι ἦσαν, ἔ in hac parte me sapientiores

erant. Sed, ô viri Athenienses! eodem mihi  
visi sunt vitio laborare periti artifices, quos  
Poëtæ. Quia pulchrè artem suam exercebant,  
quisque putabat, & in aliis maximis se sapien-  
tissimum esse, ἕκαστος ἡξίει καὶ τ' ἄλλα τὰ  
μέγιστα σοφώτατος εἶναι. Atque hoc eorum  
vitium illam sapientiam occultabat, καὶ αὐτῶν  
αὕτη ἡ πλημμέλεια ἐκείνην τὴν σοφίαν ἀ-  
πέκρυπτεν. Oportuit ab interprete Latino  
servari vocem *sapientia* utrobique, quia am-  
biguitate vocis *σοφία* nititur tota hæc Socratis  
ratiocinatio; at cùm *sapientia* adprimè con-  
veniret superioribus verbis, ubi de Politicis &  
Poëtis, vix potuit Latinè de artificibus dici.  
Si Gallicè voces hosce homines *sages*, &  
eorum peritiam *sagesse*, quæ voces solent ad-  
hiberi à nobis, cum *sapientes* aut *sapientiam*  
vernaculo sermone dicere volumus, ludibrium  
audientibus debebis. At Hebræi, quorum  
lingua alioqui dives non est, possent voce  
suâ *הכח* *hbochmah* rem feliciter exprimere.  
Vide quæ notavimus ad Exod. XXVIII, 2.  
Similiter cùm, in *Phædro*, Plato *Anacreon-  
tem* *σοφόν* vocat, non est putandum eum ju-  
dicasse Poëtæ Teïo sanctum illud *sapientis*  
cognomen, quo sensu *Socrati* tribuebatur, de-  
beri. Intellexit tantùm elegantem Poëtam,  
& in eo poëseos genere, quod excoluit,  
eximium. Is sanè nobis illudat, qui Gallicè  
dicat, *le sage Anacreon*; & qui ex Platone  
probari posse putet in sapientium numero ha-  
bitum illum Poëtam; quod nescio an volue-  
rit vir eruditus, qui editioni suæ *Anacreontis*  
Pla-

Platonis verba præfixit. Certè vir elegantissimi ingenii, qui Lutetiæ *Dialogos Mortuorum* Gallicè edidit, *Lucianeis* anteferendos, videtur eâ voce deceptus fuisse. Quod carpendi studio non dico, qui hominis facundiam & acumen mirari soleo. Si quis dubitare etiamnum posset de significato vocis σοφὸς aut σοφία, eum amandaremus ad *Diff. Thom. Gatakeri* de Stylo N. T. Cap. XV. ubi ingens aliorum exemplorum copia à viro diligente congesta est, quæ nolumus exscribere, & res est ex *Platone* manifesta.

29. Ex hoc *Platonis* libello, plura non addemus, quibus, si omnia singillatim & subtiliter ad examen revocarentur, exemplisque illustrarentur, justum volumen conflare posset. Paucula dumtaxat alia, quæ fortè occurrerunt, subjiciemus; ex quibus omnibus id esse Linguarum discrimen liquebit, ut qui Translationibus & Lexicis nimium confidunt, ac putant, sine diuturna lectione, posse se mentem Scriptorum quos legunt adsequi, in manifesto errore versari intelligantur.

30. Nulla Lingua exprimat vim ἰπποκριτικῶν, quibus blandè sese invicem compellabant Græci, ὦ δαιμόνι, ὦ θαυμάσι, quæ in Atticorum Scriptorum Dialogis passim occurrunt. Quin & compellatio δαιμόνι interdum iram significat, ut adparet ex *Iliad.* N. 819. ubi Ajax iratus *Hectorem* ita compellat. *Eustathius* quidem ad *Iliad.* B. vers. 190. ita habet: \* Τὸ δαιμόνι μέση λέξις. διὸ

ἢ τὴ βασιλέα δαιμόνιον καλῶ, ἢ τὴ δημό-  
την ὁμοίως δαιμόνιον. ἐκεῖνον μὲν ὡς εὐδαί-  
μονα, τῆτον δὲ ὡς δυσδαίμονα. Ἐ. μέσων  
γὰρ ἐστὶ ἢ ὁ δαίμων ἢ ἡ τύχη: *Dæmonie,*  
*media vox.* Idcò ἔ Regem voco *dæmonium*,  
ἔ *plebeium* similiter *dæmonium*; illum quidem  
ut felicem, hunc ut infelicem. Sunt enim *me-*  
*dia Dæmon* ἔ *Fortuna*. Verum est hæc voces  
ἰσαμφοτερίζειν, ut postea loquitur, hoc est, nunc  
in bonam, nunc in sequiorem partem sumi:  
sed falsum est significari hæc vocibus aut *fe-*  
*licem*, aut *infelicem*, ut adparet vel ex locis  
*Homeri*, in quibus occurrit. Est tantum vox  
blandientis, aut irascentis, quæ, instar inter-  
jectionum, adfectum loquentis significat, po-  
tius quàm quidquam certum & clarum.

31. Cicero de Oratore Lib. II. n. 17. ne-  
gat vocem ineptus Græcè unā voce exprimi  
posse. Qui aut tempus quid postulet non vi-  
det, aut plura loquitur, aut se ostentat, aut  
eorum quibuscum est, vel dignitatis, vel com-  
modi rationem non habet, aut denique in ali-  
quo genere aut inconcinnus, aut multus est, is  
ineptus esse dicitur. Hoc vitio cumulata est  
eruditissima illa Græcorum natio. Itaque quod  
vim hujus mali Græci non vident, ne nomen  
quidem ei vitio imposuerunt; ut enim quæras  
omnia, quomodo Græci ineptum adpellent non  
reperies. Idem etiam negat Græcos dicere pos-  
se, quod aliquando Latini voce *vultus* intelli-  
gant, de Legg. Lib. I. c. 9. Oculi nimis ar-  
guti, quemadmodum animo adfecti simus, lo-  
quuntur; ἔ is qui adpellatur vultus, qui nul-

to in animante esse, præter hominem, potest; cuius vim Græci norunt, nomen omnino non habent. Intelligit, nempe, non *πρῶτον* seu faciem, sed id quod Gallicè dicimus *l'air* & *la physionomie*. Sed si liberet colligere nomina virtutum & vitiorum, \* quæ Latinè efferri nequeunt, longus eorum texeretur Catalogus.

32. Interdum Interpretes vocem cuiuspiam Linguae aut phrasin exprimunt aliâ, quæ non idem quidem sonat, sed solet usurpari eadem occasione, quod probè observandum. Ita quod Græci *χαίρειν*, & *χαῖρε* dicunt, Latini *salutem* & *salve*, vertunt, non quòd ea sit propriè Græcarum vocum ἡμῶν; sed quia ut Græci, initio litterarum, adscribunt *χαίρειν*: Latini adponunt, *salutem*, & quando Græci *χαῖρε*, aiunt *salve*; quod in Linguis hodiernis *bona dies* dicitur. Atque hoc cùm facit, necessariò Interpretes omnes, ut possint intelligi; non adtendentibus passim fucum facit, nec potest caveri, nisi ab iis, qui sine interprete Linguam intelligunt.

33. Nescio an in Lingua ulla hodierna, unicâ voce, verti queant adjectiva Latina, *gratus* & *jucundus*. Posterius significat quod gaudium, aut voluptatem creat; prius quod præstat habere, quàm eo carere, licèt interdum tristissimum sit. Ita *Cicero* dicit de tristi nuncio † quem ab *Attico* acceperat: *ista veritas, etiamsi jucunda non est, mihi tamen grata*

\* Vide A. C. P. 2, Sect. II, C. III, 21, & seqq.

† Lib. III, Ep. 24.

*est.* Idem post mortem *Tulliae ad Lucceium* \* scribens: *amor tuus*, inquit, *gratus & optatus; dicerem jucundum; nisi hoc verbum ad tempus perdidissem.*

34. An in alia Lingua totidem verbis quis possit exprimere hanc exclamationem, *Proh Deum, atque hominum fidem!* Imò ægrè ullus dixerit quid sibi velit *fides*, hoc in loco, licet pluribus utatur verbis. Sunt & aliæ locutiones, in quibus vox *fides* occurrit, quarum sensum, ad rem ipsam quod adinet, intelligimus & aliis Linguis exprimimus; sed in quibus tamen difficulter dicas, aut quid propriè significet ea vox, aut quâ viâ, è primigenio significatu, in eam notionem migrarit. Exempli gratiâ, *capere in fidem devotas nationes*, *commendare fidei alicujus*, *conferre se in fidem alicujus*, *vr plenus fide* &c. quæ magno numero suppeditabit *Kob. Stephanus*, aut alius quivis Lexicographus, similiter in aliis Linguis exprimi nequeant.

35. Talia passim observabunt Linguarum peritiores, semel moniti. Quæ cum occurrunt in locis Veterum, de quibus Eruditis nulla controversia est, facile agnoscuntur; sed ubi lis de loco orta est, tum verò unusquisque, omnibus Criticis Regulis abjectis, adfectibus litare incipit.

36. Usque aded nota est dissimilitudo Linguarum etiam adfinium, ut in dubium revocari nequeat; nec exemplis opus fuisset, nisi consultum judicassetus rem oculis, etiam rudiorum Lectorum subjicere. Sed observationem

\* *Ad Fam. Lib. V. Ep. 15.*



nem addemus maximi hoc in negotio momenti, & quæ à paucis fortè ad animum, ut debuit, revocata est. Cum Linguam Latinam discere soleamus, ope Lexicorum & Magistrorum, qui ejus voces vernaculæ Linguae vocibus exprimunt; cùmque Latinè scribendi consuetudinem primùm contrahamus, vertendo vernacula in Linguam Latinam; plerique non aliter intelligunt Linguam Latinam, nisi prout eam comparare queunt cum Linguarum vernacularum vocibus, quas perpetuò cum Latinis animo conjungunt. Hinc fit, ut quando Latinè conantur loqui, aut scribere, non modò prius cogitent quid sint dicturi; sed tacito etiam sermone vernaculo, apud animum suum exprimant. Exempli causâ, singe hominem Gallum, præsertim non satis exercitatum, Latinè scribere adgredientem. Quidquid volet scribere id primùm tacitè, apud se, Gallicè exprimet, deinde quæret quibus vocibus Latinis Gallica possit transferre; quo fiet, ut, propter dissimilitudinem Linguarum, & Gallicismos pro Latinismis adhibeat, & vocibus barbaris Romanarum loco utatur. Non potest enim fieri, ut animo simul duarum Linguarum idiomata, sine confusione, obversentur: animusque multiplicibus loquutionibus perturbatus in stylum variarum Linguarum, si non vocabula, at loquutiones imprudens transfundit. Sunt quidem, qui ea in re minus peccent quàm alii, sed perpauci Recentiorum ejusmodi peccatorum prorsus immunes fuerunt.

37. At ut purè Latinè, vel alia quavis Lin-  
I 5 gua

guâ , aut peregrinâ , aut exsoletâ , scribere possimus , oportet ut statim ac rerum notiones animo nostro obversantur , ejus Linguae , quâ volumus scribere , & voces & loquendi genera nobis occurrant. Latinè scribentes oportet nos , ut ita loquar , Latinè cogitare , ut sine ullius aliûs Linguae idiomatibus solius Latinæ Linguae vim atque ingenium scribendo exprimamus. Hoc autem fieri nequit , nisi ab iis qui longâ ac studiosâ lectione , & scribendi exercitatione sunt planè Linguae Latinæ adfueri ; ita ut , cùm scribunt , de nulla alia Lingua cogitent quàm de Latina , perinde ac si solam eam Linguam à natalibus didicissent. Hoc cùm fieri potest , stylus merè Latinus est , nec ullâ fæce vernacularum Linguarum corruptus.

38. Similia possumus Græcæ Linguae , quam , non nisi ope Latinæ addiscimus , aptare. Sed quia non tam de scribendo , quàm de intelligendo hîc laboramus ; omiſſa ſcriptione , ad intellectionem ſolam nos convertemus. Exiſtimamus igitur eum demum penitùs Latinè ſcire , qui Scriptorem Latinum legens , non opus habet ſingulas voces & phraſes in notioſiorem Linguam transferre , & animi ſui notiones Latinis vocabulis & loquutionibus proximè , ſine aliûs ullius Linguae interuentu , ſubjicit. Idem adfirmandum de eo , qui Græca aut Hebræica legit , quæ probè intelligere cenſeri non poteſt , niſi earum Linguarum voces in ejus animum revocent , non verba aliarum Linguarum primùm ; ſed notiones ipſas Græcæ atque Hebræicæ Linguae vocibus ſubjectas ; quem-

quemadmodum in Græcorum ac Hebræorum, nulliùs aliùs Linguae peritorum, animos revocabant.

39. Nisi hoc fieri queat, non est satis sincera eorum quæ leguntur intelligentia; cum nullæ planè Linguae ita sibi invicem respondeant, ut iis semper suppetant vocabula quæ easdem prorsus potestates subiectas habeant; ita ut nihil mutetur, nihil addatur, nihil detrahatur; sicut exemplis antea adlatis satis apparet, utque omnes qui rem expendent intelligent. Itaque si velimus Veteres probè intelligere; oportet, ut aut longâ, & sedulâ lectione, ita eorum Linguis aduесiamus, ut ipsi ab infantia iis erant aduесfacti. Dum multum indigemus Dictionariis, aut Translationibus, certissimum est indicium, ex quo constare nobis potest, non modò nondum Linguas illas nobis plenè esse notas; sed etiam nos de earum idiomatibus non temerè, præsertim in rebus obscurioribus, judicare oportere. Quæ enim nonnisi Dictionarii ope adsequimur, quamvis adcuratum esse statuatur, quod raro contingit, eorum non exigua pars interdum nos fugit. Rerum quidem faciem videmus, at nequaquam in clara luce, verum peregrinæ Linguae, si ita loqui fas est, umbrâ obscuratam. Corpus spectamus, interdum quidem formosum, sed carbaso relictum; quæ tenuis licèt, multa tamen tegit & conspectui nostro intercipit. Imò verò sæpe contingit interpretationem non esse instar umbræ, aut tenuis carbasii; sed instar densissimi veli aut larvæ, quæ figuram tantum, eamque

pa-

parum similem rei nos videre patitur. Igitur quisquis volet non temerè de Veterum sentis judicare, oportebit ut eò usque progrediatur, ut ea, sine peregrinarum Linguarum involucri, possit ipse per se nuda introspicere.

40 Viri non indocti, sed qui nondum eò peritiæ pervenerunt, ut ne Linguas inter se taciti dum legunt comparent, facilè in errorem delabuntur; à quo vix etiam possunt revocari, si ita fortè interpretentur Veteres, ut sensum non ineptum eis tribuant; quamvis non esse veram eorum sententiam certis argumentis, ex ingenio ipsius Linguae petitis, alii demonstrare queant; quod frequentissimè in Interpretibus deprehendent, quicumque non defunctoriè hæc studia colent. Exemplum potuere esse *Marsilius Ficinus*, & *Joan. Serranus*, in versione *Platonis*, ut antea ostendimus. Sed ut rem imperitis Græcæ Linguae etiam probemus, proferemus & expendemus ex *Adelphis Terentii* Actûs V. Scenam IV. cum duplici versione Gallica, altera viri, altera matronæ, utraque elegante, & quæ Gallicis lectoribus meritò placeat; sed ex quibus Terentianas veneres nemo satis, si nullo alio utatur adminiculo, adsequetur.

41. Ita ergo *Terentianus Demea*, suum & fratris Micionis vivendi institutum describit:

*Numquam ita quisquam bene subductâ ratione  
ad vitam fuit,  
Quin res, ætas, usus, semper aliquid adportet  
novi,*

*Ali-*

*Aliquid moneat ; ut illa quæ te scire credas ,  
nescias ,*

*Et quæ tibi putaris prima , in experundo re-  
pud.es.*

Ita quidem vertit Sanctalbinus : Jamais per-  
sonne n'a si bien disposé toutes choses , pour le ré-  
glement de sa vie , que les rencontres différen-  
tes , l'âge & l'expérience ne lui apprennent quel-  
que chose de nouveau , & ne lui donnent quel-  
que vue nouvelle , qui lui fait reconnoître qu'il  
ne savoit pas en effet ce qu'il pensoit le mieux  
savoir , & le porte à rejeter dans la pratique ,  
ce qu'il s'imaginoit lui devoir être le plus avan-  
tageux. Ita verò Anna Fabra : Jamais per-  
sonne n'a si bien réglé & supputé tout ce qui re-  
garde la conduite de sa vie , que les affaires ,  
l'âge , l'expérience ne lui aient encore appris  
quelque chose de nouveau , & ne lui aient fait  
connoître , qu'il ne savoit rien de ce qu'il croioit  
le mieux savoir ; de manière que , dans la  
pratique , on se voit souvent obligé de rejeter  
le parti , qu'on avoit regardé d'abord , comme le  
plus avantageux.

42. Nihil dicam de multitudine verborum ,  
quæ à Gallicè scribentibus , & omnia expri-  
mere studentibus vitari non potuit ; quâ tamen  
tota oratio languidior fit. Vitium hoc est  
Linguæ , non Interpretûm. I. Observabo tan-  
tùm utrumque sensisse quidem quid sit *subdu-  
cere rationem ad vitam* , unde factum ut voci-  
bus *réglé & réglement* usi sint , quia Galli di-  
cunt *régler un compte* ; sed metaphoræ ratio-  
nem neuter exprimere fatis potuit , quia Gal-  
licè

licè scribentibus vix poterat servari. Hic qui certum vitæ iter ingrediuntur, quod constanter teneant, tacitè conferuntur \* cum homine qui opus, quale esset ædificium, adgredi cupit, & prius sumtum *rationem jubducit*, ut an iis ferendis par sit, norit. Quemadmodum enim ejusmodi hominem plerumque res ipsa monet majores sumtus faciendos esse, quàm existimaverat; ita etiam certum vitæ institutum amplexo sæpe multa improvisa accidunt, quæ id molestiis, de quibus non cogitaverat, quibusque aded ferendis paratus non erat, obnoxium esse ostendunt.

43. II. Verba, *quæ tibi putaris prima*, ad sensum quod adinet, Interpres uterque non malè expressit; sed neuter animadvertisse videtur, quantum quidem ex ejus versione licet conjicere, verbum *putare* hic esse ab eadem translatione petitum, nempe, à numerando. Nimirum, † *putare*, quemadmodum Græcum λογίζω, significat & *existimare*, & *numerare*. Itaque Gallicè vertendum fuerat, *le porte à rejeter dans la pratique ce sur quoi il avoit d'abord fait son compte*. Sic apud Plautum in Aulularia, Aët. III. S. 5. vers. 53. *putatur ratio cum argentario*, hoc est, initur. Vide etiam Mostellaræ Aët. I. S. 3. vers. 141. & Nonium Marcellum. Hinc *computare*, *disputare*, & *supputare*, numerandi sensu.

44. Postea dicit Demea se reipsa reperisse.

Fa-

\* Vide hinc paritè Parabolam Luca C. XIV. 28.

† Vide G. J. Vossium in Etymol. in voce putus.

*Facilitate nihil esse homini melius, neque clementiâ.*

Vertit Sanctalbinus : qu'il n'y a rien de plus utile à l'homme, que l'accommodement & la douceur. Meliùs Fabra : que d'avoir de la complaisance & de la douceur ; nam nescio an umquam Gallicum fuerit accommodement, eo sensu. Attamen non est vox Gallica complaisance, hoc est, obsequium, sat commoda ad exprimendam facilitatem morum, quæ est potiùs Gallicè une humeur commode & civile. Sat exemplorum suppeditabit Rob. Stephanus, in Thesauro, si quis iis indigeat.

45. III. Paullò post Demea, de fratre Micionè : omnes bene dicunt, amant, quod transtulit Sanctalbinus : tout le monde le benit. Meliùs Fabra : chacun en dit du bien, chacun l'aime ; nam bene dicere, apud Scriptores Ethnicos, non est quod Gallicè dicimus benir, hoc est, fausta adprecari, sed laudare, dire du bien. Quod non opus est probemus. Scio in Ecclesiastico stylo id significare quod Sanctalbinus voluit, sed Terentius non est Scriptor Ecclesiasticus. Præterea usus Gallorum, Latine non satis purè loquentium, eum fefellit.

46. IV. In sequentibus duobus versibus, bis peccatum, eadem de causa ; quòd Gallica verba, quæ ex Latinis orta sunt, & vulgò iis respondere putantur, animo sese illico ingerint Latina legentibus.

*Ego ille agrestis, sævus, tristis, parcus, truculentus, tenax,*  
*Duxi uxorem. Quam ibi miseriam vidi?*

Vertit Sanctalbinus: *J'ai vécu comme un homme sauvage. Rectè. Fabra minus commodè, bon compagnard, quod Latinè dicas rusticanum, non agrestem, hoc est, ἀγριον. At pergit infelicitè Sanctalbinus, crient & tempêtant toujours, quibus vertit vocem sævus; feliciùs Fabra rude, hoc est, χαλκωὴς, ut optinè Latina vox in Veteribus Glossis vertitur. At uterque tristis malè vertunt triste, cùm debuissent chagrin; nam tristis hîc in malam partem sumitur, estque homo inquinatus vitio, quod tristitia dicitur; hoc est, humeur chagrine, non tristesse; quod ex Cicerone, & Tacito facilè probare possemus, si necesse esset. Truculentum Sanctalbinus malè expressit voce colere, hoc est, iracundus; cùm significet vultum asperum, rebarbatif, ut non malè Fabra. Ambo miseriam putarunt esse misere, cùm significet laborem & molestiam, ut ex sequentibus liquet, ubi Demea:*

— *miseriam ego omnem capio, ille potitur gaudia.*

Hoc est, ut rectè Fabra: *toute la peine est pour moi, tout le plaisir est pour lui; nisi quod miseria non laborem tantum sonat, sed molestum*



lestum laborem. *Sanctalbinus*, nec fatis Gallicè, nec ad *Terentii* mentem: *Toute la misère est pour moi.*

47. Hinc satis liquet nos facillimè falli, dum Veteres ita legimus, ut eos non ex usu ipso Linguae, quâ usi sunt, sed ex collatione nostrarum, usuque scribendi, & interpretandi hodierno intelligamus. Ille demum, ut diximus, plenam ac perfectam cognitionem Linguae adsequutus est, qui cum Libros eâ scriptos legit, non magis cogitat de verbis quibus eos interpretari nunc solemus, quàm si nondum hæ nostræ Linguae essent natæ. Sic si dubia sit significatio vocis Gallicæ, exempli gratiâ, Gallus de ea interrogatus non quærit quâ Latinè exprimi possit; sed memoriam dumtaxat suam, & Linguae hodiernum usum consulit. Atque hæc de dissimilitudine Linguarum fatis, supérque.

### C A P U T III.

#### R E G U L A II.

*Voces variarum Linguarum, quæ planè isodύναμοι videntur, non prorsus sibi invicem respondere.*

- I. **V**OCEs sunt multæ, quæ quia constanter solent adhiberi, ad aliarum quarundam potestatem exprimendam, & reverâ  
*Tom. I.* K ali-

aliqua ex parte iis respondent, putantur temerè esse prorsus *ισοδυναμοι*, cum magnum sit discrimen inter notiones, quæ iis significantur. Hoc autem minùs animadvertitur, cum propter usum constantem, tum quia in Lingua, quâ utimur, nulla vox suppetit, quâ solâ adcuratè vim alterius exprimamus.

2. In hodiernis Linguis, ut insigni exemplo rem demonstramus, priscas voces *אלהים* *Elohim*, *Θεός*, *Deus* unica voce non possumus exprimere, licèt vulgò, apud Europæos, adhibeantur voces *God*, aut *Godt*, *Dieu*, *Dio*, *Dios*. Voces enim hodiernæ significant, apud Gentes, quæ iis utuntur, Naturam illam æternam à qua omnia creata sunt; quo fit ut *unicum esse Deum* dicamus, nec possimus eos ferre qui plures esse aiunt. Hinc quoque miramur Ethnicos tot vitia Diis suis tribuisse, & innumera de iis, planè *αοίσματα* cum notione nostra illius Naturæ, dictitasse.

3. At Veteres suis vocabulis easdem notiones non subjecerant, quas nos nostris conjunximus. Græci & Romani Numen sine initio nullum noverant, neque de perfectissima ejus natura cogitabant; & ne Hebræi quidem, voce *Elohim*, Deum, quatenus est ejusmodi natura, designabant; licèt *Θεοπρονοίας* philosopharentur, ut exemplis ostendamus.

4. Philosophi quidem apud Ethnicos, præfertim Platonici, aliam Dei notionem fovebant, quàm vulgus, nec de summo Deo interdum multò aliter quàm Christiani loquebantur.

bantur; sed usus Linguae à Philosophis non pendebat. Poëtæ, qui antiquissimas Græcorum opiniones complectuntur, aiunt omnes suos Deos, quos αἰὲν ἑστῶτας *semper futuros* vocant, cœlo & terrâ esse prognatos; cœlum verò ac terram posteriora Chao faciunt; eorumque initia narrant, ut videre est ex initio *Theogoniæ Hesiodicæ*, *Metamorphoseos Ovidianæ* & *Apollodori Lib. I.* Apud Romanos, postquam Epicurea Philosophia Proceribus placuerat, interdum negabant Deos homines fuisse; sed tunc non loquebantur, ex opinione vulgi & Religione Majorum, sed ex Philosophicis dogmatibus. Ita Epicureus *Vel'eius*, apud \* *Ciceronem*, an *Amphiaræus*, inquit, & *Trophonius Deus erit? Nostri quidem publicani*, cùm essent agri in *Boœtia* Deorum immortalium excepti, lege *Censoriâ*, negabant immortales esse ullos, qui aliquando homines fuissent. Ipse *Cicero*, frequente † *Senatu*, acerrimè. inuestus est in honores divinos, quos *Antonius* detulerat *Julio Cæsari*: *An me censetis*, ait, *quod vos inviti sequuti estis, decreturum fuisse, ut parentalia cum supplicationibus miscerentur, &c. ut decernerentur supplicationes mortuo? &c.* Attamen *Romulus* homo fuerat, imò & reliqui omnes *Dii*, ut fantebantur ipsi *Initiorum Epoptæ*.

5. Græci Θεῖον, seu Θεὸν vocabant præstantiorem Naturam humanâ, in qua præstantiore Natura varios gradus esse putabant excellentiæ; neque enim Δαίμονας, seu Semi-

K 2

deos

\* *De Nat. Deor. Lib. III. c. 19.*† *Philip. I. c. 64.*

deos æquabant Cœlestibus Numinibus, \* ut notum est. Hinc *divinum* antiquissimi Poëtæ vocant quidquid est eximium, in suo genere. Ita *Eustathius* † observat πάν τεράσιον καὶ ὑπερφύς διὸν λέγεσθαι παρὰ τοῖς ποιηταῖς, *quidquid mirabile est & eximium divinum dici, apud Poëtas*; quod passim, apud *Homerum*, observare est. Vide etiam *Æschini* Dialogum I, 13. in editione nostra. Non necesse est Romanis immorari, quia Religionem suam Græcis debebant. Hi, ut obiter dicam, non modò *divinos* vocant eximios viros, sed etiam *Deos*. Cicero Lib. II. de Oratore, c. 42. *Qui ordo tibi placet*, inquit *Catulus*, & *quæ dispositio argumentorum, in qua tu mihi semper DEUS videri soles? Vide quàm sim in isto genere*, inquit, *Catule, DEUS, &c.*

6. Hinc obiter colligere est multos ex Veteribus Christianis, qui contra Ethnicos scripsere, non satis prudenter egisse; cùm definitâ voce *Deus*, haud multò aliter quàm nos eam definimus, collegerunt Ethnicorum Numina *Deos*, è sententia ipsorum Ethnicorum, esse non potuisse; nam ex usu Græcæ & Latinæ Linguae poterant dici *Dii*, licèt alio sensu, quàm ea vox apud Christianos sumitur. Quidam præstantes viri potuerant post mortem, uti putabant Ethnici, inter Naturas humanâ præstantiores versari, & iis similes fieri; quod non multùm abest à Christianorum placitis, de statu piorum animorum post mortem.

\* Vide Apuleium de Damonio Socratis.

† In *Iliad.* p. 655. l. 14.

tem. Hinc *Sextus Empiricus*, contra Mathematicos pag. 60. Ed. Gen. Grammaticis & Idiotis (inter quos *Laërtius*,) non imineritò prorsus indignatur, qui existimarunt Empedoclem κατ' ἀλαζονείαν, ἢ τὴν πρὸς τὰς ἄλλας ἀνθρώπους ὑπεροψίαν, præjactantia εἶ' *reliquorum hominum contemptu*, dixisse de se:

Χαίρετ'. ἐγὼ δὲ ὑμῖν Θεὸς ἀμβροσίῳ,  
ἐκ ἔτι θνητὸς  
Πωλεῦμαι &c.

*Valete, ego vobis Deus immortalis, non amplius mortalis, versor; quasi negasset esse se ejusdem naturæ, ac ceteri homines sunt, quod vix in tantum Philosophum cadit; cum propter similitudinem, quæ ei erat cum Diis, præ ceteris, Deum se vocaret, ἐπεὶ μόνῳ καθαρὸν ἀπὸ κακίας τηρήσας τὸν νῦν ἢ ἀνεπιθόλωτον, quod solus mentem à vitio puram εἶ' imperturbatam conservasset.* Pythagorici versus, qui aurei dicuntur, clauduntur simili loquutione: *ubi deposito corpore, in æthera liberum veneris,*

Εἴσσεαι ἀθάνατῳ Θεὸς ἀμβροσίῳ, ἐκ  
ἔτι θνητὸς,

*Eris immortalis Deus, non amplius mortalis;*

Hoc est, idè Creatori, ut interpretatur *Hieronymus*

*rocles*, similis *fics*. *Epicætetus* *Enchiridii* Cap. XXI. eum, qui nihil adpetat, ait futurum ἀξιοῖ τῷ Θεῶν συμπότην, *dignum Deorum convivam*; sed eum, qui externa omnia despiciat, εἰ μέντοι συμπότην τῷ Θεῶν, ἀλλὰ καὶ συνάρχοντα, *futurum imperii eorum participem*. Subdit: ἔγω γὰρ ποιῶν Διογένης καὶ Ἡράκλειτος καὶ οἱ ὅμοιοι ἀξίως θῖσι τε ἦσαν καὶ ἐλέγοντο: Sic faciens *Diogenes* & *Herachus*, & similes merito divini erant & dicebantur. Legendum, ut quidem videtur, Θεοὶ δῖοι, nam supra eos, qui adcumbunt Deorum convivis, non sunt θῖσι divini homines, sed Dii soli. Vide *Hieroclem*, ad duos primos aureos versus. Sic & *Arcefilas* *Polemonem* & *Cratetem* dicebat esse Θεὸς τις, ἢ λυψαῖα τῷ χειρὶ γένος, *Deos quosdam, aut aurei sæculi reliquias*, ut auctor est *Laërtius*, Lib. IV. §. 12. Indidem intelligendus *Petrus* 2 Ep. 1, 4. ubi virtute nos dicit κοινωνὸς γενέσθαι θείας φύσεως, *divinae naturæ participes fieri*.

7. Apud Phœnicas, quorum initio propria fuit Lingua Hebraïca, אלהים *Elobim* significasse videtur quidquid aliquo honore, quicumque sit, colitur. Apud Arabas, adhuc in usu Radix est, unde ea vox orta videtur, אלה *alaba*, id est, coluit, adoravit. Israhelitæ, qui eadem Lingua usi sunt, vocabantur idem nomine *Elobim* primò quidem Deum illum summum & unicum, deinde Angelos, postreminò Principes; quorum exempla in Lexi-  
cis

cis invenientur. Utebantur etiam voce *Dei*, ad cujusvis rei ὑπεροχὴν significandam, ut ostendimus ad Genes. XXIII, 6. Itaque licet summum Numen ὁ πῶς vocetur ab Hebræis, attamen ea vox vi suâ denotat Deum, prout est coendus σεβάσμιος, non Naturam perfectissimam. Hinc fit ut eodem vocabulo alia designent, in quibus ejusmodi natura à nemine esse credita est

8. Cum Judæi Græcè loqui cœperunt, voce Θεός eadem significatione usi sunt, & quamvis acerrimè unitatem Dei contra Ethnicos defenderent, non dubitabant dicere plures esse Deos. Ita Paulus 1. Cor. VIII, 5, 6. *Nullus est Deus alius, nisi unus; etenim etiam si sunt in cælo & in terra qui dicuntur Dii (ut reverâ sunt, Θεοὶ πολλοὶ Dii multi, & Domini multi) nobis tamen unus est Deus, Pater ille ex quo omnia, & in quem sumus, &c.* Supplevimus vocem reverâ, quæ sanè hoc in loco debet suppleri; nisi frigidam & inutilem ταυτολογία, in re clara, hîc esse velimus. Quod cum non sit verisimile, sensus Pauli erit: non modò esse qui dicantur vulgò ab Ethnici. Dii, sed etiam qui à Judæis & Christianis adpellari jure queant, & sint reverâ Θεοὶ, hoc est, σεβάσμιος, cultu digni, quisque pro dignitate naturæ & muneris; at unicum esse summum, qui ut Creator & ceterorum omnium Dominus & Deus sit colendus.

9 Lux haud dubia adfulgebit verbis Pauli ex loco *Philonis* Judæi \* è libro de *Somniis à*  
K 4 Deo

\* Ed. Græco-Lat. Gen. p. 464. Ed. Paris. 599.

*Deo missis*, ubi de Genes. XXXI, 13: *Εγώ εἰμι. Θεὸς ὁ ὀφθεῖς σοι ἐν τόπῳ Θεῶ, secundum Septuaginta Intt. Ego sum Deus tibi conspectus in loco Dei.* Habetur melius in aliis versionibus, in *Bethel*, quod est nomen loci; sed *Philo*, qui Hebraicè nesciebat, ita de hisce verbis philosophatur: *μὴ παρελθῆς τὸ εἰρημένον, ἀλλ' ἀκριβῶς ἐξέτασον εἰ δύο εἰσι Θεοί, λέγεται γὰρ ἐγώ εἰμι ὁ Θεὸς ὁ ὀφθεῖς σοι, ἢ ἐν τόπῳ τῷ ἐμῷ, ἀλλ' ἐν τόπῳ Θεῶ, ὡς ἂν ἑτέρω. τί ἔν χρὴ λέγειν; ὁ μὲν ἀληθεῖα Θεὸς εἰς ἑστίν, οἱ δὲ καταχρήσει γένόμενοι πλειῆς. διὸ καὶ ὁ ἱερός λόγος ἐν τῷ παρόντι τὸ μὲν ἀληθεῖα διὰ τῶ ἄρθρου μεμήνηκεν εἰπὼν, ἐγώ εἰμι Ὁ ΘΕΟΣ. τὸ κατὰχρήσει χωρὶς ἄρθρου, φάσκων, ὁ ὀφθεῖς σοι ἐν τῷ τόπῳ τοῦ Θεοῦ ἀλλ' αὐτὸ μόνον, Θεῶ. καλεῖται \* Θεὸν τὸ πρεσβύτατον αὐτῶ νυνὶ Λόγον, καὶ δεισιδαιμονῶν περὶ τὴν θέσιν τῶν ὀνομάτων: ne cursim prætermittas quod dicitur, sed diligenter expendes, an duo sint Dii. Dicitur enim: Ego sum Deus ille, qui tibi conspectus sum, non in meo loco, sed in loco Dei, quasi alterius. Quid ergo dicendum est? Qui verè est Deus (hoc est, cui id nominis eximio sensu κατ' ἱερώς convenit) unus est, qui verò ἀουσivè sunt Dii, plures sunt. Ideò hoc in loco, sacer sermo eum, qui verè est Deus, articulo Ὁ designavit. Ego sum ille Deus; eum verò*

\* Vitiosè legitur, & contra sensum Philonis τὸν Θεὸν, cum articulo, ut cum ex hisce verbis, tum ex sequentibus adparet.



verò qui Deus est abusive, sine articulo, dicens: conspectus tibi, non in loco Dei illius, sed tantum hoc, Dei. Vocat autem Deum antiquissimam ejus Rationem, nulla superstitione adfectus circa impositionem nominum. Hinc manifestò videmus Judæos voce Θεὸς intellexisse etiam Angelos, quippe naturas σαρμίνης, licet non habendas instar summi Dei.

10. Ita etiam loquuti sunt Patres Græci, ut Clemens Alexandrinus, qui de Natura divina Christi verba faciens, his verbis utitur:

\* τέτω πάσα ὑποτετακται στρατιὰ Ἀγγέλων τε καὶ Θεῶν: huic totus submissus est exercitus Angelorum & Deorum. Hujus discipulus Origenes ex Philone videtur hausisse † hæc verba, hanc in rem eximia, ubi postquam dixit Deum Patrem designari articulo, addit: Καὶ τὸ πολλὰς φιλοθέες εἶναι εὐχομένους ταρασσόν, εὐλαβομένους δύο ἀναγορεύσαι Θεός, καὶ παρὰ τέτω περιπίπλοντας φευδέσι καὶ ἀσεβέσι δόγμασιν, ἥτοι ἀρνημένους ιδιότητα τῆς ἐτέραν παρὰ τῆς Πατρὸς, ὁμολογῶντας Θεὸν εἶναι τὴν μέχρι ὀνόματι παρ' αὐτοῖς τὸν προσαγορευόμενον. ἡ ἀρνημένους τὴν Θεότητα τῆς Τῆς, τιθέντας τὴν αὐτὴν τὴν ιδιότητα καὶ τὴν ἐσίαν καλὰ περιγραφὴν τυγχάνουσαν ἐτέραν τῆς Πατρὸς, ἐντεῦθεν λύεσθαι δύναται: Et hinc solvi potest quod perturbat multos pietatem profitentes,

K 5

dum

\* Strom. VII. p. 702. Ed. Colon.

† T. 2. in Joan. Ed. Hæti. p. 46.

*dum metuunt duos prædicare Deos; & præter-  
ea eos qui incidunt in falsa & impia dogmata,  
vel negantes propriam Filii, (id est, exis-  
tentiam propriam) diversam esse à proprietate  
Patris, & latentes Filium à se prædicari Deum  
nomine tenus (Nō tum perstringit qui aiebat  
Patrem & Filium esse nomina unius essentiæ)  
vel negantes divinitatem Filii, & ponentes ejus  
propriatatem, & essentiā diversam esse defi-  
nitione à Patris proprietate & essentiā; hoc  
est, aliter definiendam Filii existentiam &  
essentiā, quippe alterius speciei, subdit:*  
*Λεκτέον γὰρ αὐτοῖς ὅτι τότε μὲν αὐτόθεο ὁ  
Θεός ἐστιν, διόπερ ἡ ὁ σωτὴρ φησιν ἐν τῇ  
πρὸς τὴν Πατέρα εὐχῇ, ἵνα γινώσκωσί σε τὴν  
μόνον ἀληθινὸν Θεόν. πᾶν ὃ τὸ παρὰ τὸ  
αὐτόθεο μετοχῇ τὴν ἐκείνου θεότητα θεο-  
ποιούμενον ἔχῃ ὁ Θεός, ἀλλὰ Θεὸς κυριώτε-  
ρον ἂν λέγοιτο, ὡς πάντως ὁ πρωτότοκος πά-  
σης κτίσεως ἅτε πρῶτος τῷ πρὸς τὴν Θεὸν εἶ-  
ναι, σπάσας τὴν θεότητα εἰς ἑαυτὸν, ἔτι τι-  
μιώτερος τοῖς λοιποῖς παρ' αὐτὸν Θεοῖς ὧν ὁ  
Θεὸς Θεός ἐστι, κατὰ τὸ λεγόμενον. Θεὸς  
Θεῶν κύριος ἐλάλησε ἡ ἐκάλεσε τὴν γῆν, δια-  
κονήσας τὸ γενέσθαι Θεοῖς, ἀπὸ τῆς Θεῶ ἀρύ-  
σας εἰς τὸ θεοποιηθῆναι αὐτὰς ἀφθόνως &c.*  
*Dicendum est enim illis tunc illum Deum, cum  
articulo, esse eum qui est per se Deus. Ideò &  
Servator dicit in prece ad Patrem: ut cognoscant  
te, qui solus es ille verus Deus. Quidquid  
verò est præter hunc, qui est per se Deus, par-  
ticipat*

ticipatione illius divinitatis Deum factum, non  
 illum Deum cum articulo, sed Deum sine ar-  
 ticulo magis propriè dicendum esse. Qua in re  
 omnium Primogenitus omnis. Creatura, hono-  
 rator est reliquis Diis, quippe qui primus est  
 in eo quod est apud Deum, & in se divinita-  
 tem traxit; honorator, inquam, reliquis Diis  
 qui sunt apud illum, quorum Deus ille Deus  
 est, secundum id quod dictum est: Dominus  
 Deus Deorum loquutus est, & vocavit ter-  
 ram: cum illis dederit esse Deos, & hauserit co-  
 piosè ab illo Deo, quo eos Deos faceret. Scri-  
 ptor Constitutionum Apostolicarum Dei no-  
 men tribuit Episcopo, Lib. II. c. 26. de quo  
 ita loquitur: ἔτι ἱμῶν ἐπὶ γῆνι Θεὸς μετὰ Θεόν,  
 hic vobis terrestribus Deus post Deum. Tum ei  
 aptat Ps. LXXII, 6. Exod. XXII, 26 & di-  
 cit: ὁ γὰρ ἐπίσκοπος προκαθίσθαι ἡμῶν, ὡς  
 Θεὸς ἀξίᾳ τιμημένος: Episcopus enim præs-  
 tat vobis, ut Dei dignitate cohonestatus. Grego-  
 rius Nazianzenus Sacerdotem, Orat. I. p. 31.  
 dicit, Θεὸν ἰσόμενον & θεοποιήσοντα, Deum futu-  
 rum & Deos facturum. Oratione XX. p. 349.  
 ita Basilium Arianismum repudiantem inducit:  
 εἰδὲ κτίσμα τι προσκυνεῖν ἀλέχομαι, Θεῷ τι κτίσμα  
 τυγχάνειν, καὶ Θεὸς εἶναι κεκλημένον: neque su-  
 stineo adorare creaturam, qui sum Dei crea-  
 tura, & Deus esse iussus sum. Idem θῶσιν  
 vocat pii animi inulitatum motum, Or. LI.  
 p. 140 ubi dicit diem festum esse κατὰ τὸν θιά-  
 σον, ἧς οἱ μάρτυρες μιστιύουσι, tempus divini-  
 tatis consequendæ, quam in rem martyres me-  
 diatorum munere funguntur. Oratione verò  
 XXIII. p. 410. ait sacra facientem Sacerdo-  
 tem

tem in sacra mensa *μυσταγωγίῳ τῷ θιῶτι* esse *mystagogum consequendæ divinitatis*. Orationis verò II. initio, solitudinem vocat *Θεοποιῶν*, *Deum facientem*. Vide & *Clementis Alexandrini Cohort. ad Gentes* Tom. I. p. 86. & quæ illic habet *Joan. Potterus*. Ex quibus omnibus, aliisque similibus liquet vocem *Θεός* non semper significasse, in Scriptis Veterum, ut in nostris hodiernis, unam illam Naturam à qua omnia creata sunt. Quod si ignoretur, doctissimi Patrum Græcorum, non ineptiæ tantum, sed & impietatis notam vix effugere poterunt.

II. Hæc satis ostendunt voces hodiernas, quibus utimur ad vertendas voces *Elohim*, *Θεός* & *Deus*, iis ad amissim non respondere. Unde colligere est, eò quòd vox Hebræica, Græca, aut Latina, una voce aliis Linguæ verti soleat; existimandum semper non esse voci Linguæ exsoletæ eandem prorsus subiectam fuisse potestatem, ac ei quâ illa hodie vertitur. Legentibus plura quotidie exempla occurrent, si modò moniti attendant.

## CAPUT IV.

## REGULA III.

*Multa videri in versionibus Emphatica, quæ in ipsis Fontibus nullam Emphasin habent.*

1. CUM Linguae discendæ operam dare incipimus, versione Linguâ notiore scripta indigemus; at si contingat nos numquam posse ejus auxilio carere, multa errorum nobis imminebunt pericula, inter quæ hoc longè maximum est; ne putemus verba fontium eandem ἔμφασιν habere, ac in versione videntur. Sæpissimè enim contingit, ut translationis vocabula nescio quam vim habere videantur auribus imperitis, quam in ipso *Originali*, ut vocatur, *textu*, apud aures Linguae adfuetas, non habent.

2. *Emphasin* autem voco significationem ampliorem verbis quibusdam figuratis aut tratitiis, datâ operâ usurpatis, quæsitam, ut dicatur quod alioquin intelligi non posset. Scio veteres Rhetores aliter hanc figuram definire; ut liquere potest ex *Quintiliano* Inst. Lib. VIII. c. 3. ubi sic describitur: *figura altiore præbens intellectum, quàm quem verba per se ipsa declarant.* Rem exemplis etiam illustrat, similiâque habet Lib. IX. c. 2. *Hermogenes* quoque de Inventione Lib. IV. c. 13. sic vocat obscuram rationem innuendi quidpiam,

pīam, quod apertè dicere nolumus; quia impedimur. Sic & *Tiberius Rhetor*, de Schematibus apud *Demosthenem*, figuram hanc definit. *Eustathio* in *Homerum* p. DLXXVI. v. 24. est pariter λῆξις δι' ὑπονοίας αἰξασα τὸ ζήτημα, loquutio quæ occultâ significatione auget id de quo agitur. Sed in sermone jam recepto recentiorum Rhetorum, ἔμφασις est quod dixi, & ἔμφατικά dicuntur vocabula & loquendi genera, quæ idèd adhibentur, ut plus significant, quàm propria. Hoc cùm certissimum sit, & multa ἔμφατικά passim occurrant, apud Oratores & Poëtas; potest tamen facillè fieri, ut, cùm Linguam non satis adsequimur, ἔμφατικώτερα, hoc est, significantiora multa putemus esse, quàm reverâ sunt. Quod ubi contingit, eam potestatem Veterum verbis subijcimus, de qua numquam cogitarunt, atque ex iis confectaria deinde deducimus, quæ illis prorsus ignota fuerunt; & quo major est copia confectariorum, quæ in immensum augeri ratiocinando potest, eo major est numerus errorum; à quibus carere quomodo possimus Criticorum est docere.

3. Hebræi, exempli causâ, passim conjungunt infinitivum verbo suo, quasi nomen. dicunt *Moriendo morieris* מוֹתָ מוֹת *moth thamouth*, pro *morieris morte*. Idem aut simile fuit idioma Atticæ Dialecti, quæ conjungebat verbis nomina adfinia, ut ἀγοράς ἀγορεύειν, *concionem concionari*, *Homeri Iliad. B. vers. 788.* ad quem locum, *Homerum* Atticè loquutum

quutum esse observat \**Eustathius*, hisce verbis: Τὸ δὲ ἀγορὰς ἀγόρευον Ἀττικὴν εἶναι, ὡς καὶ τὸ βελὴν βελεύει, καὶ λόγον λέγει καὶ ἔλως τὸ παρατιθέναι τοῖς ῥήμασι τὰ ἐξ αὐτῶν ὀνόματα. Hoc autem conciones concionabantur *Atticum* est, ut ἔ confilium consulere, ἔ dictum dicere, ἔ universè addere verbis nomina ex iis derivata. Sic & *Corinthus* Grammaticus, in iis quæ de Dialectis excerpserat: Λήρον ληρεῖς Ἀττικὴ ἢ φράσις καὶ τὸ σχῆμα ὡς τὸ μαρίαν μαίνει· εἶναι γὰρ τῷ Ἀττικῆς ιδίωμα φράσεως, τὸν εἰπόντα πᾶγμα ἐπάγειν ῥήμα τὸ ἀπὸ τῷ πράγματι παραγόμενον ὡς τὸ, ὑβρίν ὑβρίζεις, καὶ φυγὴν φεύγεις: Delirium deliras, *Attica* loquutio ἔ figura, ut furorem furis. Est enim proprietas dictionis *Attica*, eum qui rem dixit addere verbum è re deductum, ut convicium conviciaris & fugam fugis, ἔc.

4. Hæc adjectio ejusdem verbi, aut nominis adfinis, nullam habet in *Hebraica*, aut in *Attica* Lingua Emphasin. De *Attica* res nota est, nec minùs certa erit de *Hebraica*, si quis † expendat loca Scripturæ, in quibus occurrit ea phrasis. Ita Gen. II, 16. Ex omni arbore, ait Deus, hujus horti comedendo comes, hoc est simpliciter comes; ut ex sequentibus liquet, ubi de eadem re sermo est. Versu sequente, morte morieris est quoque simpliciter morieris; ut adparet etiam ex collatione locorum, in quibus occurrit.

5. At-

\* *Ed. Rom. p. CCCXLVIII. l. 29.*

† *Suppeditabit pistor Sal. Glassius in Gramm. Sac. Lib. III. c. 3. can. 37.*

5. Attamen Interpretes, qui in Scriptura passim quærunt quæ in ea non sunt, nescio quam miram Emphasin in hac phrasi repere-runt; unde factum ut multi aut Linguæ Hebraicæ ignari, aut non satis adcurati Critici, ambabus ulnis amplexi fuerint *Augustini* interpretationem, qui ita \* comminationem mortis interpretatur. *Quacumque die ederitis ex eo, morte moriemini, non tantum animæ mortis partem priorem, ubi anima privatur Deo; nec tantum posteriorem, ubi corpus privatur animâ: nec solum ipsam totam primam, ubi anima & à Deo & à corpore separata punitur; sed quidquid mortis est, usque ad novissimam, quæ secunda dicitur, & quâ est nulla posterior, comminatio illa amplexa est.* Nescio an eadem causâ alios impulerit, ut hæc verba interpretarentur, *mortalis eris*, contra usum constantem Hebraicæ Linguæ; an verò, ut hanc comminationem opinionibus suis adcommo-darent.

6. Constans etiam est Hebræorum consuetudo, ut Eruditi observarunt, omnia ita Deo tribuere; quasi Deus ipse omnia efficeret, ne exceptis quidem malis actionibus. Vide Exod. IV, 21. & 2 Sam. XII, 11. Quæritur an illæ loquutiones habeant ἐμφασιν, qualem videntur habere iis qui versiones tantum legunt, aut qui, ex consuetudine hodiernarum Linguarum, Hebræorum sermonem intelligunt. Alii negant, quorum in numero sumus; alii adfirmant, iique à temporibus *Augustini* non pauci. Inde etiam collatio-

\* *De Civ. Dei Lib. XIV. c. 12.*



colligunt multi Deum, quidquid fit boni, seu virtuti consentanei, ipsum facere, & partem mali seu vitiosi haud minimam.

7. Primùm contendimus ex ipsa phraseos ratione, nisi aliunde nobis de re constet, neminem posse colligere, veteres Hebræos voluisse Deum esse auctorem omnium malè, æquè ac bene factorum. Ratio nostræ negationis hæc est, quòd sint Scriptores in aliis Linguis, qui ita loquuntur, cum tamen nihil simile crederent. *Homerus* \* passim omnia Deo tribuit, non minùs vituperanda, quàm laudabilia. Dicit, exempli causâ, Helenam impulsam fuisse à Deo, ut rem faceret intolèrandam, Odyss. Ψ, 232. τὴν δ' ἤτοι ρίξαι θεὸς ἄροριν ἔργον αἰκίς. Si hæc & similia loca *Homeri* essent urgenda, sequeretur cum credidisse hominibus non esse tribuenda mala, quæ iis eveniunt, & ne vitia quidem, sed Diis; quod tamen non credidit, ut intelligere est ex hisce verbis, quibus Jovem graviter querentem inducit, apud Deos, Odyss. Α, 32.

Ωτ' πόποιοι οἶον δὴ νυ θεὸς βροτοὶ αἰτιόωνται!

Εξ ἡμεῶν γὰρ φασὶ κακ' ἔμμεναι οἱ ᾧ καὶ αὐτοῖς

Σφῆσιν ἀτασθαλίῃσιν ὑπὲρ μόνον ἄλγος ἔχουσιν.

Tom. I.

L

Pa.

\* Vid. *Homerum* Ἐξερμίσσητα p. 25. & 387.

*Papæ quantopere mortales Deos accusant!  
Ex nobis enim aiunt esse mala, illi verò ipsi  
Suis stultitiis, præter fatum, dolores habent.*

Cui dicto similia collegit *Jac. Duportus*, in *Gnomologia Homerica*, quam vide. Hebræi etiam ita de sanctitate & iustitia Dei passim loquuntur, ut nullum ei vitium tribuant.

8. Itaque neque apud Scriptores Sacros, ex nuda phrasium consideratione, crui potest sententia, quam illis solent quidam tribuere. Atque hoc manifestius erit, si, ut ceteras rationes omittam, alia quæ apud eosdem Scriptores occurrunt, expendamus. Etenim passim inducunt Deum, quasi invitum plectentem homines, & ægrè ferentem eorum delicta; quod esset longè absurdissimum, si ipse eos ineluctabiliter ad ea impulsisset, aut impulsisse crederetur. Ita Psalm. LXXXI, 13. postquàm Deus beneficia sua in Israëlitas commemoravit; *utinam, inquit, populus meus obtemperasset mihi, & Israël in viis meis ambulasset!* Hinc liquet verba præcedentia: *tradidi eos duritiei cordis eorum & ambulaverunt in consiliis suis*, non esse ita urgenda, quasi intelligeretur *permissio efficax*, ut loquuntur quidam Theologi; contraria enim Psaltes adfirmaret.

9. Putant nonnulli magnam esse *iniquitatem* in hisce vocibus, apud Jeremiam XXXI, 33. *Ponam legem meam in medio eorum, & in corde eorum scribam eam*; quasi Deus vellet significare se effecturum ut necessariò observaretur Lex sua. Verùm tota verborum horumce *ἰμῶσις* in eo sita est, ut hic sit sensus; nempe,

pe,

pe, Deum effecturum ut Israëlita tenerent Legem suam (novam, nimirum, seu Evangelicam) memoriter, nec monitore indigerent; quod liquet ex versu sequenti, ubi antecedentia, mutatis verbis, more Hebræis consuetudo, in sequentibus repetuntur: *Nec docebit ultra vir proximum suum, aut vir fratrem suum dicens: cognosce Dominum, omnes enim cognoscent me, &c.* Hinc virtutis cujuspiam memores dicuntur ipsi eam animo suo inscripsisse, ut Proverb. III, 3. *Benignitas & fides ne te deserant; eas vincito gutturi tuo, inscribito tabula cordis tui;* hoc est, fac ut earum memor sæpe de iis loquaris.

10. Ita Paulus Rom. II. 15. verba faciens de cognitione Dei & virtutis, quæ potest solâ Ratione, sine revelatione, colligi, ait, ἔργον νόμου γραπτὸν εἶναι ἐν ταῖς καρδίαις αὐτῶν, *opus legis in illorum cordibus inscriptum esse;* nempe, Ethnicorum. Quæ voces aliud nihil significant, nisi sine doctore hæc disci, & memoriæ faciliè mandari; nec quispiam, ut opinor, aded erit emotæ mentis, ut velit Paulum dixisse ab Ethnicis observatam fuisse Legem. Consuli potest ad eum locum *Hugo Grotius*, qui exempla similium loquutionum suppeditare poterit. Sic loquutus *Clemens Romanus* Ep. I. c. 2. in fine. τὰ προτάγματα τῆ Κυρίου ἐπὶ τὰ πλάτη καὶ καρδίᾳ ὑμῶν ἐγγράπτο: *præcepta Domini in latitudine cordis vestri scripta erant.* *Æschylus*, in *Prometheo* victo, ita *Prometheum* adloquentem *Ionem* inducit vers. 762.

—— Πολύδοις πλάην φράσω,

Ἢν ἱγγράψῃ συ μνήμοσι δίλτοις φρεσίν:

*Vatum errorem dicam, quem tu scribe in memoribus tabulis mentis; hoc est, cujus tu memento. Idem Eumenidibus vers. 280. de Plutone facta mortalium observante, & memore animo tenente:*

Διλοτογράφῃ ᾧ πάντ' ἐπωπᾶ φρεσί.

*Omnia inspicit animo, cui inscribuntur ut libro. Supplicibus vers. 183 dicuntur Danaïdes, eodem sensu recordari oportere senis τὰ ἱση διτύνειναι, nimirum, in animo, ut sequentia ostendunt. Pindarus Olympion. X. ab initio, cum vellet dicere: revocate mihi in memoriam Agesidamum Archestrati filium, rem ita expressit:*

Τὸν Ὀλυμπιονίκην ἀνάγνωτί μοι

Ἀρχιστράτη παιῖδα, πόθι φρενὸς

Ἡμᾶς γέγραπται. ——

*Olympicum victorem legite mihi Archestrati filium, quæ in parte animi mei scriptus sit. Ad quæ verba, Scholiastes profert hunc Sophoclis versum, ex Triptolemo:*

Σὶ δ' ἐν φρενὸς δίλτοις τὸς ἐμὸς λόγους,

nimirum, scribere oportet. Idem Philoctete, vers. 1318. ubi Neoptolemus Philoctetem addressat:

Καὶ τούτ' ἐπίσω καὶ γράψῃ φρεσὶν ἔσω,

*Et hæc scito & animo inscribito. Vide & locum in-*

insignem *Dionis Prusæensis* prolatum à *Grotio* ad 2. Cor. III, 3. *Antisthenes* familiari commentariorum jacturam deslenti: ἔδω γδ, ἰφθ, ἐν τῇ ψυχῇ αὐτὰ, καὶ μὴ ἐν τοῖς χαρταῖς γράφειν: *atqui oportebat*, inquit, *ea in animo, non in chartis scribere.* *Plato Phædro* Ed. Stephani p. 276. de docente: οὐ μὲν ἰπιστήμης γράφεται ἐν τῇ τῷ μαθηταίῳ ψυχῇ. Vide & p. 278. & *Apoplithegmata* à *Plutarcho* collecta p. 607. Ed. Stephani in 12. Ita quoque interdum loquebantur Latini. Apud *Terentium* \* in *Andria*, cùm dixisset *Mysis*: *Unum hoc scio, meritam esse ut memor esses sui*, reponit *Pamphilus*, quasi indignans sibi in memoriam revocari quod altâ mente repositum gestabat:

*Memor essem? ô Mysis, Mysis! etiam nunc*  
mibi

*Scripta illa dicta sunt in animo Chrysidis,*  
*De Glycerio.*

*Cicero Academ.* Quæst. Lib. II. c. 1. *Ut litteris consignamus, quæ monumentis mandare volumus: sic ille in animo suo res insculptas habebat.* Ita loquitur, memoratâ *L. Luculli* singulari memoriâ. Idem in *Oratore* Lib. II. c. 87. de locis quibus firmatur memoria: *illi non infundere in aures tuas orationem, sed in animo videntur inscribere.*

*Seneca* pater, in *Præfatione* Lib. I. Cont. ubi de *Porcio Latrone*: *In eo non tantum naturalis memoriæ felicitas erat, sed ars summa*

Ἐὰν ad adprehendenda, quæ tenere debebat, Ἐὰν  
 ad custodenda, adeò ut omnes declamationes  
 suas, quascumque dixerat, teneret. Jam ita-  
 que super vacuos sibi fecerat Codices. Aiebat se  
 SCRIBERE IN ANIMO. Tot Scri-  
 ptoribus Ethnicis Judæum unum adjiciemus,  
 de simili re loquentem, de qua Jeremiæ ver-  
 ba protulimus. Is est *Iosephus* Lib. II. in A-  
 pionem p. 1072. Ed. Genev. ἡμῶν ὀντινῶν εἴ-  
 τις ἔροίτο τὰς νόμους, ῥᾶον ἂν εἴποι πάντας,  
 ἢ τὸ νομα τὸ ἐαυτῷ. Τοιγαρῶν ἀπὸ τῆς πρώ-  
 τῆς εὐθὺς αἰσθήσεως αὐτὸς ἐκμανθάνοντες  
 ἔχομεν ἐν ταῖς ψυχαῖς ΕΓΚΕΧΑΡΑΓΜΕΝΟΤΣ:  
*Si quem nostrum interrogaverit quispiam de le-*  
*gibus, facilius omnes dixerit, quàm nomen*  
*juum; nam ex quo primum intelligimus, eas*  
*discentes habemus in animo scriptas.* Ita idem  
 Scriptor loquitur etiam *Antiq. Judaicar. Lib.*  
*IV. c. 8. §. 12.* Edit. Oxonii inchoatæ; ubi  
 prolata lege, de Lege septimo quoque anno  
 in sacra Urbe publicè recitanda, ita pergit:  
 Καλὸν γὰρ ταῖς ψυχαῖς ΕΓΓΡΑΦΕΝΤΑΣ  
 αὐτὸς καὶ τῇ μνήμῃ φυλαχθῆναι, ὥς μηδέ-  
 ποτε ἐξαλειφθῆναι δυναμένους: *utile enim est*  
*animis inscriptas leges ἔσθ' memoria servari; ut*  
*numquam deleri queant.* Paullò post: οἷτε  
 νόμοι πολλὴν πρὸς ἀμαρτάνοντας ἔχουσι παρ-  
 ῥησίαν. ὥς προλεπόντων αὐτοῖς ἂν πείσονται,  
 καὶ ταῖς ψυχαῖς ἐγγραφάντων διὰ τὴν ἀκοῆς ἂν  
 κελεύουσιν, ὥς εἶναι διὰ πάντοτε ἔνδοι παρ'  
 αὐτοῖς τὴν προαίρεσιν αὐτῶν: *leges multam*  
*apud*

*apud peccantes habebunt auctoritatem, quippe quæ prædicent illis quæ passuri sint, & quæ inscripserint eorum animis per aures quæ jubent; ita ut semper sit intus apud ipsos eorum voluntas.*

Atque hoc in memoriam mihi revocat dictum Turcarum de Tartaris, haud ineptum. \* *Aiunt reliquas quidem nationes scriptam in libris habere sapientiam, Tartaros libros suos devorasse; idè in pectoribus eam habere reconditam, quo promant cum opus sit, & veluti divina fundant oracula.*

11. Phrasis *aperire oculos* videtur vim quamdam habere plerisque, qui non sunt idiomatici Sacrorum Librorum adsueta. At nihil aliud est, nisi facere ut aliquis quidpiam cognoscat, aut observet. Ita Gen. XXI, 10. dicitur Deus *aperuisse oculos Hagaræ*, ut videret fontem, hoc est, fecisse ut animadverteret. *Aperit oculos Balahamo*, Num. XXII, 31. ut videat Angelum; hoc est, facit ut eum animadverterat. Similiter Gen. III, 5. *aperientur oculi vestri*; hoc est, multarum rerum periti eritis; & versu 7. *& aperti sunt oculi amborum*, idem est ac si dixisset Moses: ambo animadverterunt se esse nudos.

12. Eodem sensu occurrit, Act. XXVI, 18. *Aperire oculos eorum, ut convertantur à tenebris ad lucem.* Sermo enim est de Paulo prædicatione suâ Ethnicorum errores tenebricosos expulsuro, utque lucem Evangelii adspicere possent effecturo. Nec multum hinc abscedit sensus phræcos, quæ occurrit Lucæ c. XXIV,

45. *Aperuit eis mentem ad intelligendas Scripturas.* Evangelista enim aliud nihil vult, nisi Christum interpretationibus suis fecisse ut Apostoli intelligerent loca Scripturæ, quorum sententiam antea non adsequebantur. Idem Scriptor Aët. XVI, 14. de Lydiâ dicit, *Domini aperuisse ejus cor, ut adtenderet iis, quæ dicebantur à Paulo:* hoc est divinâ providentiâ factum esse, quibuscumque tandem machinis, ut sic loquar, usus sit Deus, ad ejus animum expugnandum, ut Lydia adtentè aurem præberet Paulo. Ita *Plutarchus*, in libello de audiendis Poëtis, pag. 75. Ed. Grotianæ, dicit lectionem Poëtarum: *προσκαίγειν ἔν προσκλίνει τὴν τῷ ἡμῶν ψυχὴν τοῖς ἐν φιλοσοφίᾳ λόγοις:* *aperire & inclinare juvenis animum sermonibus Philosophicis.* Adi etiam notas *Lud. Capelli* ad Luc. XXIV, 45.

13. Viri doctissimi singularem Emphasin quæsiwere, in verbis minarum Mosaicarum, quæ exstant Levit. XXVI, 26. *Frangam vobis scipionem panis*, quasi Deus minaretur se vim nutriendi pani detracturum, ut ad eum locum monuimus. At, ut ostendimus, hoc vult dumtaxat Deus, se effecturum ut penuria panis esset. Igitur Emphasis frustra quæsitâ hîc est; nec scio an ejusmodi error Erisichthonis fabulæ, apud Græcos, occasionem dederit. Eam narrat *Callimachus* Hymno in Cererem, vers. 59, 60. atque ex eo *Ovidius* Metam. VIII. 831. Ille.



Σκέτλιϑ , ὅσσα πάσαιτο , τόσων ἔχεν  
ἡμερϑ αὖθις.

Εἴκατα δαῖτα πένοντο , δυνώδεκα δ' οἶνον  
ἄφυσσον.

*Miser, quo plura gustavisset, eo plurimum te-  
nebatur desiderio. Viginti ministri epulum ad-  
parabant, duodecim vinum hauriebant. Vel,  
ut verbis Ovidianis rem exprimamus,*

— *Adpositis queritur jejunia mensis,  
Inque epulis epulas quærit, quôdque urbibus  
esse,  
Quôdque satis populo poterat, non sufficit uni,  
Plûsque cupit, quo plura suam demittit in  
alvum.*

Fortasse hinc primùm ficta fabula, quod Poë-  
tæ legissent, aut audissent *Erisichthonem non  
potuisse satiari*, aut quid simile; quod ita in-  
terpretati sunt, quasi omnibus copiis adflu-  
entis famem nihil sedare potuisset, cùm de  
frugum penuria rem intelligere debuissent.

14. Hinc denuo colligimus aures adsuetas  
Linguis hodiernis, facilem erroris occasionem  
imperitis præbere; dum quædam Emphatica  
videntur & sunt in Linguis, aut hodie vigen-  
tibus, aut hodierno usu inter Doctos tritis,  
qualis est Latina; cùm Emphasin nullam ha-  
buerint apud Hebræos, Græcos, aut Latinos.  
Itaque cavendum est quàm maximè ne, ex  
hodiernarum Linguarum ingenio, de priscis

judicemus; quod ut facilius caveri queat, nihil est ita de sensu ullius phræcos adfirmandum, ut à sententia discedere non simus parati; nisi Linguae, de qua agetur, multam operam dederimus, & Scriptorem cujus sensus quæretur, diligenter legerimus.

15. Ex hisce conficiendus Canon, qui numquam fallit: *Quamvis emphatica videantur Veterum verba, satis esse diluto, ut sic loquar, sensu ea interpretari, si, dum ea urgemus, absurdi quidpiam complectantur; nisi aliunde constet ab iis, ea, quæ nobis absurda videntur, esse credita.* Æquitas postulat ut ne facile absurda tribuamus aliis, ac proinde eorum verba, si quæ inde sequerentur, commodè & benignè interpretemur; nisi meridiana luce clarius sit absurda illa ab iis esse admissa. Alioqui sapientissimos quosque viros ludibrium nobis deberè temerè existimabimus.

16. Sic si quis veteres Hebræorum Prophetas leget, omniâque verba & loquendi genera, ex tota significationis amplitudine, ubique urgeat; cum plerumque dictione elatiore, & poëticæ simili utantur; vaticiniorum implementum etiamnum quæret, quod jam dudum contigit; ea tantum de causa, quod magnificentiae verborum eventus non satis respondere videatur. Unde sequeretur falsa esse vaticinia, cum ex eorum circumstantiis jam impleri ea debuissè, aut numquam impletum iri satis manifestum sit. Ejusmodi est prophetia de eversione Babylonis per Medos, quæ exstat Esaïæ c. XIII. quæ tanta verborum pompâ, tamque atrocibus loquendi ge-  
ne-

peribus describitur, ac si debuisset solo æquari, incolæque trucidari, aut captivi abduci; cum tamen nihil incommodi passa sit, nili quod dominum mutarit, & Cyaxari quidem Medo prium, deinde Cyro Persæ paruerit. Vide *Herodotum* Lib. I. c. 191. & *Xenophontem* Lib. VII. *Cyrop.* c. 5. è divisione Oxoniensi.

17. Sic etiam intelligendæ Ezechielis, & aliorum Prophetarum, de florentissimo Judæorum, post reditum è captivitate Babylonica, statu, prædictiones: quas si ad vivum refecare velis, umquam impletas negabis, & fortè de instauranda etiam Jerosolima, cum nonnullis Theologis, somniabis, ridendumque te nasutioribus omnibus præbebis. At satis est, si dicamus res Judæorum, postquam è captivitate rediissent, secundiores multò fuisse & interdum etiam satis amplas ac quietas, pro temporibus illis; idque implementum vaticiniorum fuisse, cujus causâ erat cur Deo gratias agerent Judæi.

18. Similiter etiam si interpretaremur Apocalypsin Joannis, fortè præteritis jam sæculis impletam eam deprehendere possemus, desineremusque tandem futuros exitus speculari, & spem longam refecaremus. Jam verò quia emphatica, ut videtur, dictio totius Libri majorem rerum, in hisce terris, mutationem polliceri à nobis censetur; spem in futurum projicimus, atque exspectamus eventus, quos nescio an magis visuri simus, quàm Judæi Regem illum suum terrestrem, quem dudum frustra præstolati sunt.

19. Sed

19. Sed non in vaticiniis tantum sententia erramus, dum verbis nimium adhæremus, sententiamque pleniorē, ut ita loquar, quam par est, tribuimus; sunt & dogmata, quæ non aliunde nata videntur, quam ex verbis Christi, aut Pauli, quibus nimia Emphasis est adtributa. Præsentia corpora Christi, in Eucharistico pane, unde est orta, nisi ex eo quod parum periti Interpretes verborum ejus *hoc est corpus meum*, præter ejus mentem urserunt? Atqui satis erat, ut vera essent, sapienterque loquutus esse Christus judicaretur, si diceremus eum voluisse panem esse imaginem ac memoriam corporis sui; quâ interpretatione rei ipsi, & usui Linguae Hebraicæ consentanea, vitata fuissent portentosa illa & repugnantia confectaria, quæ è præsentia corpora Christi in Eucharistia fluunt, & quæ Christo tribuere non spernenda pars Christianorum religioni ducit.

20. Ex eo quod Christus vetuit nos futuri causâ *μετάνοιαν*, seu anxiam ejus curam gerere, voluitque nos in divina Providentia adquiescere; fuerunt qui à perfectionis cupidis omnia projicienda dixerunt, æque aliena misericordia prorsus pendendum. Atqui si omnes Christiani, ut par esset, ejus perfectionis essent cupidi, omnes oporteret mendicos fieri & à se invicem, quod non haberent petere, ac brevi etiam frigore & fame exstingui; nisi forte infideles eos alerent, & vestirent, aut Angeli è cælo otiosis hominibus cibum & vestitum adferrent. Satis erat ita intelligere præceptum Christi, de abjicienda cura futuri, quasi

quasi hoc tantum voluerit: nos non ita anxios esse oportere de rebus futuris, ut dum metuemus ne nobis desint necessaria, præceptum ullum divinum perfringamus; sed constanter divinis legibus parendum, prudentiâque adhibitâ, quantum possumus, in ceteris, quæ supra vires nostras sunt, in Divina beneficentia adquiescendum. Eâ interpretatione, & civilis Societatis perniciosi, & cavillationibus hominum malè feriatorum obviam itur.

21. Sunt & alia doctrinarum capita ad Peccatum, quod vocatur *Originis*, Prædestinationem, Gratiam, & Providentiam Divinam, pertinentia, quæ à nonnullis Christianorum è paucis quibusdam locis colliguntur; quamvis sint iis objectionibus obnoxia, quas à nemine solvi posse fatentur. Sed videndum prius fuit annon præstaret ea loca aliter interpretari, quàm in tantas difficultates sese sponte conjicere, ut à nemine possint expediri. Sunt sanè qui putent in Pauli verbis, unde ea dogmata deducuntur, non fuisse quærendas eas *impares*, quas alii in iis videre se existimant, ut vitarentur memoratæ difficultates, satiùsque esse vel diluto sensu, si ita loqui velimus, Pauli dicta capere, ne pugnare secum ipse & cum tota Christi doctrina Apostolus videatur. Verùm hæc ut plenius discuterentur, non paucis verbis, sed integro volumine opus esset; & quæ dicta sunt prudentibus satis erunt.

22. Multò præstat benignè sapientis Scriptoris verba interpretari, ita ut in ejus sententia

tianulla sit difficultas; quàm comminisci dogma, quod nec explicari, nec contra objectiones vindicari potest, & interdum etiam ceteræ Scriptoris doctrinæ repugnat, ut pauca verba *ἡμῶν* intelligantur. Satis est etiam optimorum Scriptorum dicta aliquo sensu esse vera, qui semper quàm commodissimus est quærendus. Sic certè faciunt egregii quivis Veterum Scriptorum, & præsertim quidem Legum Interpretes, qui ab omnibus propterea maximas laudes tulerunt.

23. Nec est sibi fingendum, aliam esse Sacerorum Librorum rationem; quasi quidquid in iis dicitur, pro tota amplitudine significationis vocum, sit intelligendum; cùm ne una quidem Christianorum familia hoc ubique fieri patiatur, nec sanè fieri possit, nisi repugnantia simul esse posse vera dicantur, quemadmodum vidimus, ac propterea omnis prorsus Religio ex animis hominum deleatur, librique omnes veteres, eorúmque Scriptores ludibrio habeantur. Hæc monita maximi esse momenti fatebuntur, quicumque ea paulò adcuratiùs expendent.

## CAPUT V.

## REGULA IV.

*Multa vocabula, in omnibus linguis, cum ipsarum Linguarum inopiâ, tum negligentia Scriptorum, ambigua esse.*

I. **O**PTANDUM esset Scriptores omnes cum Veteres, tum Recentiores, aut potius omnes homines ita constantes in sermone fuisse, ut vocibus semper easdem potestates subiecissent. Verum tantum abest ut constantes fuerint, ut contra nihil sit loquentium usu inconstantius; atque hoc adeo in omnibus Linguis invaluit, ut adcurati alioqui Scriptores ab ambiguitatibus sibi cavere vix queant; unde fit ut intelligendi difficultas, ubi res agitur naturâ suâ difficilior, non parum augeatur.

2. Observandum autem est vocabuli significationem mutari, non modò quando designat rem prorsus diversam, aut similem, sed non eandem; verum etiam ubi unam, eandemque notionem compositam, ad præcipuas ejus partes quod adtinet, significat, at mutatis relationibus; seu quando notionis compositæ partes quasdam designat, omissis aliis, aut etiam paullò plures complectitur. Vel minima additio, aut detractio notionem, adeoque

que significationem vocabuli mutat. Ita cum Judæi & Christiani de *Scriptura* loquuntur, convenit quidem iis de voce, non verò de significatione. Judæus enim intelligit solos Veteris Testamenti libros Hebræicos; Christianus verò addit libros Novi Testamenti, & interdum etiam Libros Græcos Veteri Testamento adjectos, qui vulgò Apocryphi dicuntur.

3. In re tam manifesta, pauci quidem errant; sed occurrunt passim voces ambiguae, quarum variæ significationes non ita notæ sunt. Ipsa illa vox *Scriptura* aliud interdum significat apud Apostolos, quàm apud Theologos hodiernos. Intelligimus enim hodie eâ voce solos Libros Sacros, sine additione ulla & per se intellectos; Apostoli autem aliquando, more Judaico loquentes, eâ voce Traditionem illis libris non comprehensam intelligunt. Quare laudant, quasi ex *Scriptura*, quædam, quæ in ea non occurrunt, ut Matth. II, 23. Eph. V, 14. In Epistola *Barnabæ*, proferuntur etiam quædam veluti ex Veteri Testamento, quæ nusquam exstant; nimirum, ex Traditione. Cap. VI. quasi ex Moise, hæc adfert de Hirco ἀπορομπία: \* *Exspuite in illum omnes & pungite, & imponite lanam coccineam circa caput illius, & sic in aram ponatur, & cum ita factum fuerit, adducite qui ferat eum in eremum &c.*

4. Ambiguitates autem omnes vel ex Linguarum inopia, quæ destituuntur vocibus necessariis, vel ex negligentia scribentium oriuntur.

\* Vide ad eum locum *Низ. Мелатит* aliosque Intt.



tur. Quando deest vox, ad rem quampiam exprimendam; vox jam utitata, aliâ significatione, detorquetur in novam, per *translationem*. Interdum etiam uni voci variæ prorsus adfinguntur significationes, licet non desint quibus eæ res significantur. Dignus est Seneca, \* qui hanc in rem audiatur: *Ingens est copia, inquit, rerum sine nomine, quas non propriis adpellationibus notamus, sed alienis commodatisque. Pedem & nostrum dicimus, & lecti & veli & carminis; canem & venaticum & marinum & fidus. Quia non sufficimus, ut singulis singula adsignemus; quoties opus est, mutuamur. Fortitudo est virtus pericula iusta contemnens; aut scientia periculorum repellendorum, excipiendorum, provocandorum. Dicimus tamen & gladiatorem fortem virum, & servum nequam, quem in contemptum mortis temeritas impulit. Parcimonia est scientia vitandi sumtus supervacuos, aut ars re familiari moderatè utendi; parcissimum tamen hominem vocamus pusilli animi & contracti, cum infinitum intersit inter modum & angustias. Hæc alia sunt naturâ, sed effecit inopia sermonis, ut & hunc & illum parcum vocemus; ut & ille fortis dicatur, cum ratione fortuita despiciens, & hic sine ratione in pericula excurrens. Sic beneficium est & actio lenefica, & ipsum quod datur per illam actionem, ut pecunia &c. Horum exempla Lexica passim suppeditant, ut necesse non sit nos iis immorari. Quædam magni momenti monebimus potius, quæ*

Tom. I.

M

61

\* De Benefic. Lib. II. c. 34.

ex Dictionariis cognosci non possunt.

5. Primum est, haud semper facile esse discernere loquutiones tralaticias à propriis; quæ difficultas occurrit, ubi sermo est aut de rebus per se non satis notis, aut de vocibus rariùs usurpatis, & quarum origo non est manifesta. Ingens orta est concertatio inter Theologos quærentes, utrum voces *λύτρον* redemptionis pretium, *ἀπολύτρεν* redimere & *ἀπολύτρωσις* redemptio debeant propriè intelligi, ubi de Christi redemptione sermo est? Alii contendunt hîc *ἀπολύτρωσις* esse \* *redemptionem*, seu *liberationem alicujus ab incommodo*, *λύτρω* intercedente. † Alii fatentur quidem *λύτρον* propriè significare *pretium quod ad redimendum captivum datur*; sed contendunt hîc minùs propriè sumi pro facto, quo liberati sumus à peccato, non pro pretio soluto. Utrique agnoscunt aliquando hæc voces impropriè sumi, ubi de simplici liberatione sermo est; at qui propriè hîc intelligi volunt hoc nituntur argumento, quòd sine necessitate non sit à proprietate verborum recedendum; hac autem in re nihil sit, quod nos ad metaphoram confugere necessariò adigat. Alii negant huic regulæ hîc locum esse posse. „ Nam, inquiunt, ideò in re dubia, propria „ videtur sequenda significatio, potius quàm „ impropria; quòd verisimilius sit propriè lo- „ quu-

\* H. Grotius de Satisf. Ch. C. VIII.

† F. Socinus & J. Crellius, quorum hunc vide in Resp. ad Grotium.

„ quutum fuisse Auctorem, quàm improprie.  
 „ At si longè frequentior sit improprius vo-  
 „ cabuli usus, apud aliquem Auctorem, quàm  
 „ proprius, cessat illa ratio & contrarium  
 „ potius videtur esse statuendum; atque ei,  
 „ qui propriam significationem omnino ur-  
 „ get, ratio adferenda, cur impropriam re-  
 „ ipuat, quæ adeò illi auctori sit familiaris.  
 Præterea volunt rem ipsam necessariò postu-  
 lare sensum metaphoricum.

6. Ut *περιτὴ ἀπλοία* solveretur ejusmodi difficultas, primò videndum esset quis sit vo-  
 cum usus, apud Scriptores Sacros; secun-  
 dò, conandum esset rescire ex locis, ubi  
 aliis verbis utuntur, quæ fuerit eorum hac de  
 re sententia. Nam ad rem ipsam quod ad-  
 tinet, per se planè est ignota; neque possu-  
 mus, in hoc negotio, Dei voluntatem aliun-  
 de quàm ex revelatione cognoscere. Revela-  
 tionem autem oportet, ut sit clara, conce-  
 ptam esse vocibus proprio sensu sumtis, ita ut  
 hoc constet: aut ita tralaticiis, ut nemini du-  
 bia, aut obscura sit translatio; alioqui signifi-  
 catum non satis adsequimur, & dum dubita-  
 mus propriæne sint an impropriæ, tralationisve  
 rationem ignoramus; necesse est sensus verus  
 nobis sit dubius.

7. Secundò, si concedamus voces, aut  
 phrasas esse metaphoricas, superest dubium;  
 quod solutu facile non est. Nempe, per  
 translationem vox usurpatur, aut quòd res de  
 qua usurpatur sit simillima rei ex qua defum-  
 ta est metaphora, aut quòd aliqua tantùm ex  
 parte eam referat. Rarò metaphora nititur

M 2      plenâ

plenâ similitudine; fatis est modò interfit levis adfinitas inter rem cui vox propriè convenit, & rem cui metaphoricè tribuitur. Itaque rarò tralaticia voces, totâ nativæ significationis amplitudine, urgendæ sunt; quod facile est intellectu. At difficilius multò est scire, quousque vox aut phrasis metaphorica urgeri possit; ubi is qui eâ usus est præsens non est, ut interrogari queat, nec aliunde de ejus mente nobis constat.

8. Quæritur quid tunc temporis faciendum, ut veram atque integram vocis significationem possimus scire? Si utraque res, quæ eâ voce exprimitur, sit notissima; ut dubium non sit quin loquutio perspecta fuerit, possumus existimare hominem eâ voce usum, propter similitudinem quam in iis rebus ipsi videmus; nisi orationis series ostendat aliquid singulare in mente habuisse. Si alterutra res sit ignota, vel obscura aut loquenti, aut nobis; vix scire possumus quænam sit metaphoricæ significationis amplitudo; seu quot notiones complectatur, & quatenus urgeri possit.

9. Exemplo res ut clarior fiat, Scriptores Sacri leges, quas Deus hominibus tulit, vocant בְּרִית *brith*, διαθήκη *foedus*, aut *testamentum*, per translationem; neque enim propriè Leges divinæ sunt *foedus*, aut *testamentum*. Sunt autem, ut rectè *Livius*, Lib. XXXIV. c. 57. tria genera *foederum*. Unum, cum bello victis dicuntur leges; ubi enim omnia ei, qui armis plus potest, dedita sunt; quæ ex iis habere victos, quibus mulctari eos velit,

lit, ipsius jus atque arbitrium est. Alterum cum pares bello, æquo fœdere, in pacem atque amicitiam veniunt. Tertium cum qui hostes numquam fuerunt, ad amicitiam fœciali fœdere, inter se jungendam coeunt. Hi neque dicunt, neque accipiunt leges; id enim victoris & victi est. Fœdus Dei cum hominibus simile est primo generi, nam Deus leges fert; sed alio prorsus jure, nempe, creationis & providentiæ quâ homines tutatur. Legislatoris populi utilitatem quærentis partes agit, potius quàm fœdus facientis; sed nec amittit jura Domini, ex quibus volentibus aut invitis imperare potest, pœnasque à contumacibus aut delinquentibus exigere. Itaque nemo ex voce בְּרִית *fœdus*, quam & *testamentum* vertunt, colligat perfectam esse similitudinem inter Leges Dei & testamenta, aut fœdera, quod illæ horum nomine insigniantur; aut si anxie quærat, in Legibus divinis, quod observavit esse in fœderibus ac testamentis; oportebit ut probet hanc metaphoricam adpellationem, ex consilio Sacrorum Scriptorum, niti perfectâ similitudine. Quod cum fieri nequeat, hoc unum adfirmare poterit esse aliquam inter ea similitudinem, unde nata est similis adpellatio. *Non enim res tota toti rei necesse est similis sit, sed ad ipsum, ad quod conferetur, similitudinem habeat oportet;* quæ verba sunt Scriptoris ad *Herennium*, Lib. IV. c. 46.

10. Supererit tunc quærendum, quamam in re illa similitudo sita sit? Cum Scriptores Sacri nossent quidquid continebatur in fœde-

ribus, & voluntatem etiam Dei, quatenus revelata fuit; ut sciamus quænam essent, & judicarentur ab iis similia inter Leges Dei, testamentaque ac fœdera; illa sunt introspicenda, & videndum quidem primum quâ ratione Deus agat nobiscum, remotis, ut ita dicam, omnibus metaphoricis notionibus. Secundò, quærendum quid agant homines, ubi fœdera contrahunt, aut faciunt testamenta. Tandem ex collatione cognoscemus quæ sint in iis similia.

11. Hoc peracto, quæretur utrum is qui primus fœderis voce usus est, Moses putà, ea usus sit ad significandum esse similitudinem, quanta à nobis cernitur, inter leges Dei & fœdera; an verò in ea adpellatione rationem tantum habuerit partis similitudinis, de ceteris quas deprehendimus, non cogitaverit? Partes similitudinis hæ sunt: 1. In fœdere sunt partes duæ contrahentes: ita & in Divinis Oeconomiis; 2. In fœdere interdum est Mediator, sicuti in Divinis Pactis: 3. Sunt utrobique conditiones & promissa, ac minæ: 4. Interdum in fœderibus fuere victimæ, nec Deus aliter cum Judæis & Christianis egit. Alia fortè adjici possent, sed dubia, cum Historia Mosàica horum tantum disertè meminerit. Ex plurimis locis, verisimillimum est Mosem idèò Leges Divinas fœdus adpellasse, quòd hæc habuerint cum fœdere communia.

12. At perspicaciores Theologi hîc non subsistunt. Aiunt enim in fœderibus tabulas, in quibus scribuntur Leges, sigillis firmari  
con-

contrahentium; unde fit ut in Mosàico fœdere, quia Circumcisio *signum fœderis* vocatur aliquoties, dicant Deum hoc signo veluti fidem datam Judæis confirmare, & sese arctius obstringere ad præstanda promissa; Judæosque vicissim Deo obsequium, eâ ratione, sollemnius polliceri. At primum, hoc interest discrimen, quod in fœderibus duo sigilla adhibeantur; ab utraque, nempe, parte suum; quod hîc non fit, etenim unicum est *signum fœderis*, & quidem à Deo solo institutum. Secundò, sigilla imprimuntur in tabulis fœderis, non in Fœderatorum corpore. Denique ea pars similitudinis inter divinæ Oeconomix signum circumcisionem, & sigilla fœderum humanorum, nullibi apud Mosem urgetur, nec etiam ullâ uspiam adlusione innuitur. Itaque quando circumcisionem Deus vocat *signum fœderis sui*, Gen. XVII, 11. hoc unum, ut videtur, vult, hoc signo Israëlitas ab omnibus gentibus distinctum iri, atque inde Dei fœderatos agnosceundos. Igitur hæc vox meliùs fortè exprimeretur Latinâ voce *tessera*, quàm vocabulo *sigillum*; tessera enim signum fuit quo socii socios, amici amicos dignoscebant. Lacedæmonii, apud Justinum, Lib. III. de sepultura solliciti, priusquàm prælium contra Messenios inirent, *tesseras, insculptis suis & patrum nominibus, dextro brachio deligarant; ut si omnes adversum prælium consumsisset, & temporis spatio confusa corporum lineamenta essent, ex indicio titulorum prædi sepulture possent.* Sed neque hæc meta-

phorica vocis *οὗ* *oth*, *signum*, explicatio à nobis nimium urgeri potest.

13. Hinc cognoscimus quæ tantâ subtilitate disputarunt multi de natura *Sacramentorum*; hoc est, rituum quorundam à Deo institutorum; statuentes eos ritus per omnia sigillis fœderum respondere, eam auras abire omnia; nisi vocem *signum* necessariò, in eum sensum, intelligendam esse probent; quod nemo fecit, neque ullus in posterum, ut opinor, præstabit.

14. Vox *διαθήκη*, uno in loco Novi Testamenti, nempe, Hebr. IX, 15, 16. sumitur pro *Testamento*; nam licet puriore quidem Hellenismo hoc significet, Alexandrini Græcè loquentes, (ex quorum sermone Judææ incolæ, qui eandem Linguam didicerant, multa traxere) eâ utebantur, ubi alii Græci vocem *Συνθήκη*, id est, *fœdus* adhibebant. Scriptor autem Epistolæ ad Hebræos, qui puriore aliquantùm utitur stylo, adludit ad significationem *Testamenti*. Certè ut in Testamento, morte sequente, donatio rata fit: ita, moriente pro nobis Christo, cœlo donati sumus. Hæ duæ solæ similitudinis partes inter rem, cui propriè convenit adpellatio *διαθήκη*, *testamenti*, & eam cui metaphoricè aptatur, eo in loco, adtinguntur. Nec si præterea possint inveniri quædam similia, inter Testamentum & Oeconomiam Evangelicam; idèd possunt, quasi Apostolicâ auctoritate nixa, urgeri. Attamen hoc Theologi non satis cauti, & sibi nimium indulgentes faciunt; ac  
con-



confectariis inde deductis, novas Institutionum Theologicarum methodos inaedificaverunt.

15. Duabus antecedentibus observationibus tertia addenda est; nempe, vocem unam, prout cum aliis variè construitur, ac jungitur, varias induere significationes. Quod non diligenter observetur, ex eo quòd uno loco aliquid significet, & in certis circumstantiis, sæpè perperam colligemus, idem eà ubique significari, aut in locis ubi aliis vocibus conjungitur, & alià occasione adhibetur. Unum proferemus hîc exemplum, petitum ex voce Hebræica נִיחָם *rouach*. Græcâ πνῆμα & Latina *spiritus*, quæ idem propriè sonant & sunt, cum apud Sacros Scriptores, tum apud Ethnicos πολύσπετοι, pro occasionibus & vocibus quibus conjunguntur.

16. I. Hebræica vox pro *vento* passim sumitur, ubi conjungitur verbo *flare*; cum sermo est de tempestatibus, de navigatione &c. Vid. Jerem. XLIX, 36. & Ezech. XLII, 20. &c. Idem significat πνῆμα in verbis Christi, Joan. III, 8. *Spiritus ubi vult spirat, & vocem ejus audis* &c. Ita Columella, Lib. III. c. 19. *Præstat eligere sitioni silentis, vel certè placidi spiritus diem*. Præterea πνῆμα pro secundo vento sumitur, adeoque pro fortuna. Apud Euripidem, in Hercule furente vers. 215.

Βίαν δὲ δράσης μηδέν, ἢ πείσῃ λίαν,  
Ὅταν θεὸς σοὶ πνεῦμα μεταβαλὼν τύχη.

*Nihil vi feceris, aut nimium patieris, cum Dei tibi spiritus mutatus fuerit. Anra quoque, quæ vox est αἶρ, apud Latinos favorem passim sonat, ut omnes norunt. Hinc paullum deflexâ significatione, vaporem quemvis significat, & odorem, apud Lucretium, Lib. III.*

— *Bacchi cum flos evanuit, aut cum Spiritus unguenti suavis diffugit in auras.*

II. Apud Latinos, significat *Ærem*, ut auctor est *Plinius*, Lib. II. c. 5. *Proximum*, spiritus, quem *Græci* nostrique, eodem vocabulo *æra* adpellant. Ita manifestò sumitur, apud *Virgilium*, vox *anima* Ecl. VI, 31.

*Namque canebat uti magnum per inane  
coacta*

*Semina terrarumque, animæque, marisque  
fuissent,*

*Et liquidi simul ignis.*

Hebræi quidem, si Lexicographis credimus, nullam vocem habebant, quâ *ærem* exprimerent, exceptâ voce *cælum*; quæ præcipuè tamen eam *æris* partem, quæ paullò superior est, significat; sed fortasse אֵר *ærem* interdum signabat, eumque sensum sunt qui suspicentur inesse vocibus obscuris, quæ occurrunt Gen. I, 2. *Spiritus Dei ferebatur super aquas*; adeò ut hoc velit *Moses*, terram aquis fuisse tectam, aquas *ære* involutas, quæ fuit etiam *Phœnicum Theologia*, si modò  
eam

eam rectè exposuit *Philo Byblius*, seu ex *Sanchoniathone*, seu ex alio. *Eusebius* enim *Præp. Evangel. I. c. 10.* ita de ejus sententia loquitur: τὴν τῶν ὅλων ἀρχὴν ὑποτίθεται αἶρα ζοφώδης, καὶ πνοὴ αἶρος ζοφώδους, καὶ χάρις θολιερὴν, ἱερᾶς: principium omnium ponit aërem tenebricosum & ventosum, seu spiritum aëris tenebricosi, chaosque turbidum & caligine circumfusus.

III. Passim apud tres, quas memoravimus, Gentes, voces adlatæ *halitum* significant; neque in re notissima opus erit exemplis. Circumstantiæ locorum dumtaxat attendendæ sunt, & phrasæ in quibus occurrunt, ut *ducere, trahere, suspendere, elidere spiritum* &c. Apud Hebræos, præterea *spiritus oris* non *halitum* modò, sed & loquelam significat, ut *Psal. XXX, 5. Verbo Domini cæli facti sunt, & spiritu oris ejus omnis exercitus eorum.* Vid. *Esai. XI, 4. 2 Thess. II, 8.*

IV. Quia autem, dum spiritum ducimus, adest corpori Mens nostra, seu quoddam veteres putarent Mentem haud absimilem esse flatui; vocibus iisdem, quibus flatum, seu halitum significabant, designarunt Mentem, & præsertim tribus aliquoties adlatis. Exemplum ubique occurrunt. Vide *Act. XIX, 21.*

V. Propter eandem rationem, subinde anima ac spiritus *vitam* significant, seu eam dispositionem quâ corpus movetur, ac nutritur. ita *Paulus, Act. XX, 10.* dicit: ψυχὴ αὐτῆς ἐν αὐτῷ ἔστιν, hoc est, vita ejus in eo est. *Virgilius Eclog. IV, 53:*

*O mibi tam longè maneat pars ultima vitæ,  
Spiritus & quantum sat erit tua d. cere facta!*

Hoc sensu sæpius apud *Iustinum* occurrit. Illustrat locum *Actorum* hic *Livii*, Lib. XLII. c. 16. de *Eumene* lapidibus prostrato: *Ad corpus Regis primò amici, deinde satellites ac servi concurrerunt, tollentes sopitum vulnere, ac nihil sentientem. Vivere tamen, ex calore & spiritu remanente in præcordiis, senserunt.* Nempe cordis palpitatio non cessaverat. Vide *Gen.* VI, 3. & quæ illic notavimus.

VI. Philosophi vocibus πνῦμα & spiritus significarunt eam vim, quæcumque sit, quæ plantæ vivere; id est, ali & vigere putantur; seu tenuissimam auram eam crederent, seu aliud quidpiam. Ita Scriptor libri *de Mundo* πνῦμα vocat τὴν ἐν φύτεσι καὶ ζώοις ἐκ διὰ πάντων δεικνύται ἐμψυχὸς τις ἐ γένεσις ὥσιν, substantiam animatam, & genitalem, quæ est in plantis & animalibus, & per omnia sparsa. Quod etiam in eodem opere repetitur. Vide Edit. *Bon. Vulcanii* p. 88. Vide & *Theophilum Antiochenum*, Lib. II. p. 97. Ed. *Oxonienfis*, \* ubi πνῦμα vocat brutorum animas, mentem humanam, & materiam lucis, quæ ante *Solem* condita fuerat. Eodem sensu sumi videtur *רוח* *rouach*, Ps. CIV, 25. ubi *Psaltes* de plantis, non minùs quàm de animalibus, loquutus, subjicit: *Aufers spiritum eorum, deficient, & in pulverem suum revertuntur; mittis spiritum tuum, creantur, & innovas faciem terræ.*

VII. Lexi-

\* *Minori formâ, seu in 12.*

VII. Lexica quævis Hebraïca docebunt *רוח* pro adfectibus animi passim sumi, ut *spiritus Zelotypie*, pro zelotypia, & *alius spiritus*, Num. XIV, 24. pro alia adfectione, quâ ratione *רוח* sapius sumitur in Novo Testamento, ut *spiritus servitutis*, *spiritus adoptionis*, &c. Latini *spiritum iuxta* & *spiritum contritionis* adhibent, ad significandam animi elationem, quorum exempla suppeditabit *Rob. Stephanus*. Apud *Horatium spiritus avidus*, Carm. II. Od. 2. est idem ac *aviditas divitiarum*; *spiritus hostiles* in *Tacito* Hist. Lib. IV. c. 57. est animi adfectio hostilis. Adfinis huic significationi est ea, quâ indolem significat, ut *Luc. I, 17. spiritus Eliae*, hoc est, indoles quæ in eo fuit; & *1. Joan. IV, 3. spiritus Antichristi*. Ita & cum Christus Apostolis exprobat quod nescirent *cujus spiritus essent*, eos reprehendit quod ignorarent quænam esse deberet adfectio animi eorum, qui Evangelio inservituri erant. Sola etiam vox *רוח*, apud Hebræos, sine adjectivo, & substantivo, *iram* sonat, ut *Jud VIII, 3* de Ephraimitis, quos molli adloquio iratos placaverat Gedeon: *remisit se spiritus eorum ab eo*; hoc est, eorum lenita est ira. Ei juncta vox *רוח רב רב* *rabab*, *malus discordiæ* significationem infert, *Jud IX, 23*.

VIII. In Novo Testamento, peculiariter sumitur non pro Mente tantum, sed pro Mente opposita adfectibus, ex corporeis rebus orientibus. Paulus præsertim voce illâ hoc sensu utitur, ut cum opponit, *Rom. VII. & VIII. carnem spiritui*, & dicit *vivendum esse secundum*

*dum spiritum*, hoc est, secundum lumina Mentis adfectibus solutæ.

IX. Hebræi spiritum vocant rem quamvis, aut incorpoream, aut saltem crassiore corpore non impeditam, Es. XXXI, 3. *Ægyptii homines, non Deus; & equi eorum caro; non verò spiritus* וְרוּחַ אֱלֹהִים וְרוּחַ אֲנָשִׁים *vlo rouach*.

X. Angelos seu bonos, seu malos, vocant iidem *Spiritus*; fortè quòd crederent eos corpore indutos tenui auræ simili; neque enim putandum eos Angelos intellexisse, sine ulla corporis mistura, ut Philosophi hodierni Putabant, ut passim liquet, cerni eos posse, sed corpora eorum tenuiora censebant, ut liquet ex dicto Christi: *Spiritus non habet carnem, neque ossa*, Luc. XXIV, 37, & 39. quo ostendit Apostolis se esse hominem, non Angelum.

XI. Deum quoque ipsum *Spiritum* vocabant, *Deus est Spiritus*, Joan. IV, 24. In Veteri Testamento passim *Spiritus Dei* pro Deo ipso sumitur, si credimus Lexicographis & Interpretibus. Sed licèt id quod *Spiritus Dei* vocatur sit ipse Deus; attamen qui eâ phrasi usi sunt videntur cogitasse de aliquo adtributo divino, potiùs quàm de Deo ipso, qui *ratione*, ut loquuntur Scholastici, à suis adtributis distingui potest. Hoc liquidum erit expendenti loca, in quibus ea phrasis occurrit; etenim nullus est, qui commodiùs de potentia divina, aut vi quadam oculis non conspicua, explicari non possit.

XII. Theologi Christiani veteres & recentiores plurima horum locorum *Spiritui Sancto* aptant;

aptant; hoc est, tertiæ Sanctæ Triadis Personæ. Quo sensu, passim in Græcorum & Latinorum Patrum, hodiernorumque Theologorum occurrit Scriptis.

XIII. Sed nonnulli ex antiquioribus Christianis non hanc modo, quam tertiam diciimus; Personam *Spiritum Sanctum* vocarunt, sed etiam secundum, ut adparet ex hisce *Theophili* \* *Antiocheni ad Autolyicum* verbis, ubi πρὸ τοῦ Λόγου loquutus addit: ἔρχεται ἐν ὧν πνεῦμα Θεοῦ, & ἀρχὴ, & σοφία & δύναμις ὑψίστης κατήρχετο eis τοῖς προφῆταις: Hic ergo cum esset Spiritus Dei, & initium, & sapientia, & potentia altissimi descendit in Prophetas.

XIV. At præterea *Spiritus Sanctus* vocatur potestas miracula edendi, quorum multa in N. Testamento mentio; hoc est, divinæ potentiae effectus. Sumitur & pro *spiritu sanctitatis*, seu pro ea animi adfectione quâ sancti sumus, & sanctè officiis à Christo præscriptis fungimur. Concordantiæ & Lexica conflantur.

XV. Apud *Hermam*, Apostolicorum temporum Scriptorem, *Spiritus Sanctus* legitur pro mente humana, ut Simil. V. c. 7. *Corpus hoc tuum custodi mundum atque purum, ut Spiritus ille, qui inhabitabit in eo, testimonium referat illi, &c. Si in futurum non maculaveris corpus tuum, & Spiritum, consortes sunt enim ambo, & alterutrum sine altero non inquinatur.* In eadem similitudine, §. 5. mentem Christi vocat bis *Spiritum Sanctum*, & de quovis homine

\* Lib. II. p. 81. Ed. Oxon. in 12.

m'ne ita loquitur : *Accipiet mercedem omne corpus purum, ac sine macula repertum, in quo habitandi gratiâ constitutus fuerit Spiritus Sanctus*, hoc est mens sancta.

XVI Hæ sunt potissimæ notiones vocis *Spiritus*, prout cum variis jungitur vocibus, aut diversis occasionibus usurpatur. Contuli etiam hac de voce poterit *Sal. Glassius* Rhet. Sacr. Tr. l. c. I, 1. Ut verba perspicua rebus non notis lucem fœnerantur : ita & res notæ vocibus ignotæ, aut ambiguae significationis. Quod si res ipsa sit obscura, aut planè ignota, & vocabula quibus exprimitur ambigua; tum verò frustra simus, si nos eorum ope rem clarè intellecturos speremus. Præterea scire nos oportet quàm latè patuerit cognitio ejus, qui loquitur; alioqui periculum est maximum, ne ex nostræ notionis amplitudine de ejus cognitione judicantes in errorem delabamur. Si autem hoc etiam ignotum sit, & accedat ad ambiguitatem vocum, & obscuritatem ipsius rei; tunc planè est *admirari* intelligere quid voluerit Scriptor, quem legimus. Atque hoc sæpe in rebus, quæ sensus non adficiunt, evenit. Hinc conficiendus hic Canon: *quando Scriptor, de re obscura verba faciens, utitur vocibus ambiguis, nec aliunde nobis constat quousque ejus cognitio, in hoc negotio, porrecta fuerit, ad innotandum, tamquam ad ancoram sacram, confugiendum esse.*



C A P U T VI.

R E G U L A V.

*Significationes vocum earumdem nunc ampliores esse, nunc arctiores.*

I. **U**T notiones composita plures, aut pauciores habere possunt partes: ita etiam vocibus, quibus exprimuntur, amplior aut arctior est significatio. Id contingit cum in sermonibus omnium Gentium; tum in unius ejusdemque Scriptoris libris, atque in colloquiis quotidianis. Hinc nascitur maxima intelligendi difficultas, quæ aliter superari nequit, quam cognitione opinionum eorum qui loquuntur, undecumque tandem hauriatur; atque acri attentione, quâ consequentia cum antecedentibus, rebusque ipsis & dogmatibus loquentium diligenter comparentur. Nam cum loquela homini data sit, ad animi sensa exprimenda; Linguarum aut hominum vitio, passim fit ut ex animi sensis, aliunde notis, verba sint intelligenda; quod exemplis clarius fiet.

2. Variæ Gentes & diversarum Sectarum homines utuntur voce *Justitia* aut aliis, quæ idem significare censentur, in aliis Linguis; sed omnes æquè amplam voci non subjece-

Tom. I. N runt

runt potestatem: Cicero Justitiam \* ita describit: *Justitiæ primum munus est ut ne cui quis noceat, nisi laceffitus injuriâ; deinde ut communibus utatur pro communibus, privatis ut suis.* Alii brevius: *Justitia est, quâ unicuique suum redditur.* Ut cognoscamus penitiùs quousque pateret notio virtutis, quam Romani Justitiam vocabant, observandum eam primùm spectasse eos, quia non *laceffiverant injuriâ*, seu publicè, seu privatim. Itaque si quis laceffivisset, poterat vir justus injuriam sibi privatim illatam, privatis opibus ulcisci. Si quis pariter populus Rempublicam læsisset, omnibus civibus, post indictum per Fecialem bellum, non modò licitum, sed etiam præceptum fuit hostiles agros invadere, prædas agere hominum & pecudum, omnia igne & ferro vastare, non pro ratione injuriæ; quæ nunquam tam levis fuit, quin Populi Romani majestas graviter læsa videretur, adeoque armis etiam in vastissimarum provinciarum innocuos incolas vindicanda. Si qui socios Populi Romani, armis ab hisce impetiti, quamquam iniquè, bello persequerentur; *aquum* censebat Populus Romanus sociorum hostes injuriam acceptam sibi condonare, nisi vellent in se Romana arma convertere; quamvis ab ullo populo simile quidpiam sibi imponi non pateretur.

3. Secundò, quod dicitur *suum* unicuique reddendum, non caret obscuritate; neque enim definierunt accuratè, quid unicuique *suum* dici possit. Itaque nec privati, nec populi

\* *Officior. Lib. I. c. 27.*

puli probè norant quod ab se unicuique redditum oportuit. *Sua* videtur unicuique esse vitæ tranquillitas, & pacata facultatum truitio; certè dum aliena jura, quæcumque tandem illa sint, non invadit. Hæc non d fiteantur Romani, sed si adjicias eum, cui *juam* tranquillitatem deberi fatebantur, dum ab eo lacerati non erant, injuriam illis intulit; jam verò negabunt se ullâ justitiâ teneri, ne eam tranquillitatem turbent.

4. Tertiò, ultioni modum statuendum à viro justo aiebant, seu illa ultio fieret ex Legibus, seu iis viis, quas impunè licuit ingredi. Verum ita loquuntur, ubi sermo est de civibus Romanis aut sociis; sed ad hostes quod adinet, nihil non licitum fuit, & summa sævitia virtutum etiam nominibus velabatur: \* *auferre, trucidare, & pere falsis nominibus imperium; atque ubi solitudinem fecerant, pacem adpellabant.* Neque hæ sunt dumtaxat Romani nominis hostium querelæ, habemus reum confitentem *Sallustium*, cujus hæc sunt verba initio belli *Catilinarii*, c. ix. de priscorum Romanorum moribus, quorum laudes persequitur: *Jurgia, discordias, simultates cum HOSTIBUS exercebant: cives cum CIVIBUS de virtute certabant.* Cùm hostibus nihil condonarent, in pace (domi) beneficiis magis quàm metu, imperium agitabant; & accepta injuriâ, ignoscere quàm persequi malebant. Ejusmodi etiam erant *Lacedæmonii*, οἷς ἐν καλὸν αἰσλὸς καὶ δίκαιοι ἦν τὸ τῆς πατρίδος συμφέρον, quibus unum honestum simpliciter &

N 2

j

\* Tacitus in Vita Agricola c. XXX.

*justum erat, quod patriæ conducebat; quod illis exprobrat Anaxilaus Byzantinus, apud Plutarchum in Alcibiade p. 209. Huc facit animadversio Lactantii è Lib. V. c. 10. Apud Maronem, inquit, rex ille,*

— quo justior alter  
Nec pietate fuit, nec bello major, & armis:

*Quæ nobis justitiæ documenta protulit?*

Vinxerat & post terga manus, quos mitteret umbris

Inferias, cæso sparsurus sanguine flammæ.

*Quid potest esse hac pietate dementius, quàm mortuis humanas victimas immolare, & ignem cruore hominum, tamquam oleo pascere? Sed fortasse hoc non ipsius vitium fuerit, sed Poëtæ, qui illum insignem pietate virum, insigni scelere, sædaverit. Vide & sequentiâ, ex quibus liquet Justitiæ & Pietatis notiones, apud Ethnicos, non latè patere. Hinc meritò \* Carneades omnibus populis qui florere imperiò, & Romanis ipsis, qui totius orbis potirentur, si justî esse vellent, hoc est, si aliena restituerent, ad casus fuisse redeundum, & in necessitate ac miseriis jacendum dictirabat. Si Romani interroganti respondere candidè, de justitia voluissent, facti profectò essent, quod faciunt Athenienses apud Thucydidem Lib. V. ὅτι δίκαια μὲν ἐν τῷ ἀνδραγαθίῳ λόγῳ διὰ τῆς ἰσῆς αἰτίας*

\* Lactantius Inst. Lib. V. c. 16.

ἀνάγκης κλύεται, δυνάτὰ δὲ οἱ πρέχοντις πράττειν, καὶ οἱ ἀδυνάτοις ἐνυγχωρεῖν, *justa quidem, ex hominum estimatione, ab aequali utrimque necessitate dijudicari; superiores potentia sua uti, infirmiores verò concedere.* Ejusmodi etiam *justitia* fuit Alexandri Macedonis, qui *Musicano* bellum illaturus erat; quòd alios Indos subigenti sibi obviam non processerat, se & ditionem suam dediturus, neque per legatos amicitiam rogarat, neque dona miserat, neque quidquam ab Alexandro petierat; eique non ignovit, priusquàm cum ingentibus muneribus veniret, se & gentem dedens, καὶ ἐμολογῶν ἀδικεῖν, *fassus se injurià adfecisse Alexandrum, cui nihil debebat: ὅτις μέγιστον παρ' Ἀλεξάνδρῳ ἔν, ἵς τὸ τυχεῖν ὧν τις δίοιτο, quod maximum erat, apud Alexandrum, ad ea quæ quis petisset impetranda, hoc est, ut fateretur jure id deberi, qui nullis legibus tenebatur.* Hæc *Arrianus* Lib. V. p. 134. Ed. *H. Stephani.* \*

ε. Igitur, quotiescumque apud Romanos Scriptores legimus quempiam *justitiæ* amantem fuisse, aut simile quid; semper intelligendum erga cives, & quidem non laceffentes. Nam *justissimi* Romanorum *iniqui* semper *laceffentibus*, *iniquissimi* *Reipublicæ* hostibus fuere; quod omnibus, qui eorum *Historiam* legerunt, notissimum est. Exemplo indubi-

N 3

tato,

\* Vide in indice Auctorum ad vocem *Saliustius*, insignem locum *Plutarchi de Justitia*.

tato, hoc cernere licet in gladiatorum ludis, quibus captivos damnabant. Quid enim injulius, quàm eadē hominum innocentium gaudere? Quid crudelius, quàm cum voluptate promiscuas cades spectare? At hoc Romanorum sanctissimi iactitabant. Id spectaculi genus erat, quod omni frequentia atque omni genere hominum celebratur, & quo multitudo maximè delectabatur, ut docet Cicero in Orat. pro P. Sextio, num. 124. Verùm tamen hoc spectaculo nimium gaudere interdum vili sunt viri Principes. Druso, Tiberii Imp. F. vitio versum, quod eadē gladiatorum delectari videretur: *Edend's Gladiatoribus*, ait \* *Tacitus*, quis Germanici fratris ac suo nomine obtulerat, *Drusus praesedit*, quamquam vili sanguine nimium gaudens; quod vulgus formidolosum & pater arguisse dicebatur. Consuli potest Suetonius in Claudio & Nerone. Arbitratur, in Poëmate de Bel. Civili, inter ævi sui corruptelas, hanc recenset:

—— premit advena classes

*Tigris*, & aurata gradiens vectatur in  
aula,

Ut bibat humanum, populo plaudente, cruo-  
rem.

Vide & Senecam Ep. VII. Lib. 1. Pulchrè ille Ep. XCV. seu Lib. XV. *Homo, sacra res, homini jam per lusum & jocum occiditur, & quem erudi ad inferenda, accipiendaque vulne-*

ra

\* An. 1. c. 76.

ra nefas, is jam nudus, inermisque producitur, satisque spectaculi in homine mors est.

6. Eadem cautione utendum est, erga alias omnes Gentes, in quibus consuetudines aut leges viguerunt Justitiæ contrariæ. Quotiescumque laudatur inter eas natus, quasi justitiæ addictus, excipienda sunt semper ea, quæ consuetudine Gentis abreptus contraria Justitiæ facit. Ita, apud Parthos, abjecti animi esse putabatur Vonones Romæ educatus, quod humanior illis esset. *Prompti aditus, obvia comitas, ignotæ Parthis virtutes, nova vitia; & quia ipsorum moribus aliena, perinde odium pravis & honestis.* Verba sunt Taciti An. II, 2. Egregiè Sallustius, in Conjur. Catil. C. LVI. Catonem contra Cæsarem dicentem inducit: *\* Jam pridem equidem nos vera rerum vocabula amisimus, quia bona aliena largiri liberalitas; malarum rerum audacia fortitudo vocatur.* Pari vocum abusu humanitas dicta est, quam adulationem vocari oportuit. *Illa verò vitiosissima,* ait Quintilianus Inst. Lib. II. c. 2. *quæ jam humanitas vocatur, invicem qualiacumque laudandi, cum est indecora & theatralis — tum studiorum perniciosissima hostis.*

7. Contrà, apud Novi Testamenti Scriptores, Justitia multò latiùs patet; etenim extenditur ad omnes omnino homines, cives, peregrinos, amicos, inimicos, quibus quod suum est tribuere jubemur; suum autem est, quidquid nobis ipsi tribui vellemus, si eorum loco essemus. Idèò quotiescumque de Justitia

\* Vide ad hunc locum Jos. Waffzum.

*tia* fermo est, intelligenda est virtus multò Romana Justitià amplior & nobilior. Vide *Henr. Hammondum*, ad Matth. I, 19. Græci, nequiores alioquin in aliis quàm Romani, primum conspecta gladiatorum spectacula horruerunt. *Livius* Lib. XLI. c. 20. *Gladiatorium munus Romanæ consuetudinis primò majore cum terrore hominum insuetorum ad tale spectaculum, quàm voluptate dedit; deinde sepius dando, & modò vulneribus tenus, modò sine missione etiam, familiare oculis, gratumque id spectaculum fecit.* Ἀθηναίων σκεπτομένων τατὰ ζῆλον πρὸς Κορινθίους καταστήσασθαι θεῶν μονομάχων, προσελθὼν Δημῶνξ εἰς αὐτοὺς, μὴ πρότερον, ἔφη, ταῦτα, ὡς Ἀθηναῖοι, ψηφίσεσθε, ἂν μὴ τῷ ἐλέει τὸ βωμὸν καθελεῖτε: cū Athenienses consultarent, Corinthios imitati, de spectaculo gladiatorum constituendo, accedens ad eos Demonax: non prius, inquit, Athenienses, hæc decernetis, quàm misericordiæ aram sustuleritis. Verba sunt *Luciani*, in *Demonax*is vita. Judæi verò ne reos quidem poterant pati objici feris, cū ejusmodi spectacula edere instituisset *Herodes*, quod nos docet *Josephus* A. J. Lib. XV. c. II. ἀσεβεῖς ἐκ προδύλης κατεφαίνετο θηρίοις ἀνθρώπους ὑπορρίπτειν, ἐπὶ τέρεψι τῶν ἀνθρώπων θεῶν: manifestò enim impium videbatur objicere feris homines, ut ejusmodi spectaculo homines delectentur.

8. In iisdem libris, ἀγάπη amor, aut caritas, non minùs latè patet quàm Justitia, nec multum



tum ab ea differt. Etenim extenditur ad omnes homines, cujuscumque sint Gentis, ac Opinionis; quos *proximos* nobis esse Christus docuit, adeoque Caritatis nostræ participes esse oportere ostendit. Caritas autem non spectat modò ea quæ ad hanc vitam mortalem, aut ad corpus; sed ea etiam quæ ad animum, & alteram vitam pertinent.

9. Attamen, apud quasdam Christianorum familias, à multis sæculis, usu receptum est omnia humanitatis jura iis negare, qui audent consecratis sententiis fidem derogare; eosque exquisitis suppliciis & morte, cetera innocentissimos, plectere. Creditur illa immanitas nequaquam *Caritati* repugnare; unde colligamus oportet eas familias voci *Caritatis* tam amplam non subjecisse potestatem, ac olim Apostolos.

10. Igitur cum id genus Christiani *Sanctos*, quos vocant, nuperos laudant, ob summam Caritatem, quâ flagrabant; intelligenda est non Caritas Apostolica, quæ, in Judæos ipsos incredulos & Samaritas ferebatur; sed Caritas quæ ad *Hæreticos*, ut vocari solent, nequaquam porrigitur. Ita Caritate, at non Apostolicâ, flagrabat *Dominicus* ille novæ Monachorum familiæ Princeps, initio sæculi decimi tertii; qui ob *Caritatem* laudatur, & teste \* ejusdem familiæ Scriptore, *prædicans contra Albienſes in adjutorium sumſit quasdam ævotas personas, zelantes pro fide, quæ corporaliter illos Hæreticos gladio materiali expugnarent, quos ipse gladio verbi Dei amputare non pos-*

N 5

ſet

\* Antonin. in Chron. P. 3. tit. 23. c. 14. §. 2.

*set.* Hic satis liquet Caritatem, si quæ fuit in Dominico, multum ab Apostolica discre-  
passe.

11. Indidem colligere est diligenter esse cavendum, ne, quia intelleximus quæ sit definitio virtutis aut adfectionis animi, certo nomine adpellatæ, apud celebrem quempiam Scriptorem, putemus, quotiescumque id ipsum nomen occurreret; seu apud Scriptores alii Religioni addictos, seu etiam apud alios, qui eodem nomine censentur; idè nos scire, quâ ratione ubique sit intelligendum. Quod nisi caverimus, in gravissimas hallucinationes passim delabemur, & diversissimas notiones, ob communionem nominis, miscbimus. Possemus ostendere non rarò, in Ecclesiastica præsertim Historia, ita peccatum, & quotidie peccari.

12. Exempla adlata ex Gentibus integris, aut certè ingenti hominum numero petita sunt: sed sæpe evenit, ut Scriptor singularis vocem quampiam arctiore multò aut latiore sensu intelligat, quàm alii. Ita, apud Apostolum Jacobum, *fides* significat adsensum dogmatibus Religionis præbitum, etiam sine probis moribus; at, aliis in locis N. Testamenti, *πίστις* sonat universum præceptis divinis debitum obsequium, tam in moribus, quàm in animi persuasione situm; alibi etiam alia, ut docebunt *Hug. Grotius* in Procæmio Ep. ad Romanos & *Henr. Hammondus* in Matth. VIII, 10. ad quem etiam vide additamenta nostra.

13. Imò in uno eodémque Scriptore, interdum elegantix est vocem eandem contiguo

quo loco, sensu alio, arctiore aut latiore, ponere. Species est ea in re ἀνταιακλάσις. *Est ἀνταιακλάσις* ait Iulianus \* eloquentiæ Magister, ejusdem verbi contraria significatio. Cum Proculeus quereretur de filio, quod is mortem suam exspectaret, & ille dixisset se verò non exspectare; imò, inquit, rogo exspectes. Verum ubi manifesta est ἀνταιακλάσις, res in proclivi est; at sunt loca, in quibus obscurior multò est; aut in quibus non Rhetoricâ figurâ mutatur vocis significatio, & datâ operâ, sed consuetudine quadam minus adcuratè loquendi. Ita Rom. IV, 9 πείσις est magnifica persuasio, de potentia & constantia divina, ab Abrahamo concepta; verò verò 13. πείσις est *Evangelium*, aut obsequium Evangelio debitum, cujus ope credentes, seu filii Abrahami in omnibus Gentibus fuere; adeò ut dicere queamus, ob fidem, posteritatem spirituales Abrahami orbem terrarum possidere. Idem illâ voce significatur Cap. V, vers. 1. & alibi, in eadem Epistola. Præterea Cap. IV, 5. vox πείσις complectitur oppositionem quamdam operibus legalibus, quasi πεινῶν & ἰργάζεσθαι sint opposita. Vult eo in loco Paulus, homines salutem non consequi Mosaicæ legis observatione, sed fide Evangelicâ; quæ docet præterita omnia in Legem peccata, imò & rituum neglectum, in posterum non effectura ut quisquam damnetur, si modò Evangelio credens eidem obsequatur.

14. Hinc

14. Hinc videmus, in unius orationis contextu, vocem unam sæpe habere plures aut pauciores subiectas notiones. Manifestum enim est *πίστιν* Abrahami nihil esse, præter magnificam existimationem de Dei potentia, bonitate, & veracitate. Nec minùs perspicuum est, Paulum, ubi de Christianis loquitur, intelligere aut Evangelium, aut fidem quam Evangelio habemus; ex cuius vocis notione excludit tantùm obedientiam legalem, non Evangelicam.

15. Igitur non licet semper huiusmodi ratiocinatione uti: *Vox quæpiam significat aliquid primâ, mediâ, aut desinente oratione; ergo eadem est ejus in omnibus orationis locis, in quibus occurrit, significatio.* Scriptores enim passim aut incauti, aut datâ operâ, voci cuiuspiam, in eadem oratione, plures vel pauciores notiones subjiunt, non monitis Lectoribus; aut, quod eodem redit, vocum significationem urgent non semper totam, sed tantùm quatenus hæc aut illa complectitur, licet quàm latè pateret vocum significatus, in usu vulgari, non ignorarent. Atque hoc fieri certum est ab omnibus pænè Scriptoribus, si Geometras excipias, quibus non licet ab adlata vocis definitione latum unguem discedere. Unum ex *Hesiodo* exemplum subjiçiam, qui intra octo versus uni voci *ἄλκην* quatuor diversas potestates subjiçit. Sic ergo loquitur à vers. 246. Operum & Dierum:

Ω βασιλεῖς, ὑμεῖς ᾗ καταφράζεσθε καὶ  
αὐτοῖ

Τήνδε δίκην· ἐγγὺς γὰρ ἐν ἀνθρώποισιν  
εἶντες

Α' θάνατοι λεύσσεσιν ἔσοι σκολιῆσι δίκησι  
ἀλλήλων τριβῶσι, θεῶν ἔπιν ἔκ ἀλέγον-  
τες.

Τρις γὰρ μύριοι εἰσὶν ἐπὶ χθονὶ πελυβο-  
τείρῃ

Α' θάνατοι, Ζηνὸς φύλακες θνητῶν ἀνθρώ-  
πων.

Οἱ ῥα φυλάσσεσιν τε δίκας καὶ σχέτλια ἔρ-  
γα,

Ἡ ἴρα ἐσσάμενοι, πάντα φοιτῶντες ἐπ' αἴαν.

Ἡ δέ τε παρθένος ἔστι Δίκη Διὸς ἰγυεγαῖα.

*O Reges, vos considerate etiam ipsi justitiam hanc; prope enim inter homines versantes Dii vident quotquot pravis judiciis sese mutuo adte-  
runt, Deorum animadversionem non curantes. Triginta enim millia sunt, in terra multos pas-  
cente, immortales Jovis custodes mortalium ho-  
minum, qui sanè & judicia observant & mala  
opera, nebulâ induti passim ambulantes per ter-  
ram. Virgo autem est Justitia Jove prognata.  
Primo loco pœnas sonat, ut liquet ex antece-  
dentibus, secundò injustum judicium, tertio  
justum judicium, quartò Deam justitiæ præsidem.  
De aliis vocis significationibus diximus Sil-  
varum Philologicarum C. V.*

## CAPUT VII.

## REGULA VI.

*Propriam vocum significationem cum translaticia non esse confundendam.*

1. **P**ROPRIAM vocamus potestatem eam, quæ, ante omnes alias, est voci subiecta. *Translaticia* verò est quavis alia, licet, ad rem ipsam quod adinet, idem sonet ac propria. Vocis *mortalis* propria significatio est, quâ morti obnoxium; sed minus propria quâ *hominem* designat, quia homines morti obnoxii sunt. Sæpe tamen significat simpliciter hominem, non magis prout morti obnoxium, quàm prout ratione utentem. aut ornatum quavis aliâ dotum, quibus præditus est.

2. Exempli causâ, *Tacitus* de Nerone. *Annal.* XV, 23. *Memmio*, inquit, & *Verginio Rufo* *Coss.* natam sibi ex *Poppæa* filiam ultra mortale gaudium accepit, adpellavitque *Augustam*. Licet mortale gaudium sit adfectus hominis; attamen ita non vocatur *mortale gaudium*, quòd hominis fuerit. sed quia fuit in Natura morti subiecta. Voluit innuere *Tacitus* *Neronem* lætitiâ majorem testatum, quam quæ decuit morti obnoxium; qui non debet nimium lætari, ob natos liberos morti itidem obnoxios, quique adedò parentum non sunt proprii, sed  
iis

iis fortè in breve tempus mutui dati. Itaque incommodè Paraphraſtes Gallus nuperus interpretatus eſt hæc verba: *ultra humanam letitiam*. Hoc ſatis liquidum eſt ex ſequentibus, ubi *Tacitus* de honoribus in infantem collatis: *quæ fluxa fuere, quartum intra menſem deſunctorum infante*.

3. Eadem vox interdum humanum genus, non prout eſt morti obnoxium, ſed ſimpliciter denotat. \* *Claudius Quadrigarius* Annal. XIII. dixit concione dimiſſa, *Metellum in Capitolium veniſſe cum mortalibus multis*, quæ loquutio apud *Salluſtium* etiam aliquoties occurrit. Scio quidem ἡμᾶς quamdam in illa voce, eo in loco, quaſitam; ſed ea non ita urgetur, quaſi de morte cogitarit *Quadrigarius*.

4. Sæpe in confundendis ſignificationibus propriis & tralaticiis peccatum; cujus erroris ex celebri Pauli loco proferemus exemplum. Galatas, Cap. IV, 8. ita adloquitur: *ἐκ ἰδότης Θεῶν ἰδουλόμενοι τοῖς μὴ φύσει ἔσσι Θεοῖς*, *ignorantes Deum ſerviſtiſtis iis, qui naturâ non ſunt Dii*. *Hugo Grotius*, poſt aliquot veteres Interpretes, explicat: *qui re ipſâ Dii non erant*, quales certè fuere ii, de quibus Paulus loquitur. Verùm licet ab ipſa re non abertet, à vi propria loquutionis multùm recedit. Quod ut intelligatur, negante particulâ demtâ, quaerendum eſt quæ ſit poteſtas vocibus φύσει Θεός. Hacce Phraſi nihil ſignificari poſſet aliud, niſi is qui κατ' ἀντίθεσιν ad Ethnicorum

Nu-

\* *A. Gell. Lib. XIII. 28.*

Numina, dici à Judæis & Christianis quivit *naturâ suâ Deus*; non hominum institutione, vel opinione. Igitur ὁ φύσει Θεὸς est Numen quod hominum tantum voluntate colitur, suâ autem naturâ divinum nihil habet. Φύσις, nempe, hîc opponitur θείῳ, aded ut ὁ φύσει Θεὸς idem sit ac θείῳ Θεός. Dicebat Chrysippus in Libro περὶ καλῆς, φύσει τὸ δίκαιον εἶναι, καὶ μὴ θείῳ, *naturâ esse justum, non institutione*, ut auctor est in Zenonis vita Laërtius, §. 128. Lib. VII.

5. Ne videamur divinare, exempla hujusce phraseos proferemus, quæ rem extra dubitationis aleam collocabunt. Plato Lib. X. de Legibus, de nonnullis quos confutat: Θεὸς, inquit, εἶναι πρῶτον φασὶν ὑτοὶ τέχνη, ὁ ΦΥΣΕΙ, ἀλλὰ τισὶ νόμοις: *Deos esse primùm dicunt hi non naturâ, sed arte & legibus*. Paullò post: καὶ δὴ ἐ τὰ καλὰ φύσει μὲν ἀλλὰ εἶναι, νόμῳ δὲ ἴτερος. τὰ δὲ δὴ δίκαια εὐδ' εἶναι τὸ παρῶπιν φύσει, ἀλλ' ἀμφισβητῶντας διατελλῶν ἀλλήλοις, καὶ μεταῤῥιμίνους αἰὶ ταῦτα: ἀ δ' ὡς μετάρθονται ἐ ὅταν τότε κύρια ἕκαστα εἶναι γινόμενα τέχνη ἐ τοῖς νόμοις, ἀλλ' ὁ δὴ τινι φύσει: *Et honesta alia quidem naturâ esse, alia verò lege; sed justa nullo modo lege esse, verum homines de iis inter se semper disceptare, eâque mutare; & quæ mutarint, tum demum rata fieri arte & legibus, sed non naturâ*. Ælianus Var. Hist. Lib. II. c. 19. irridet Alexandrum, quòd.



quòd vellet, decreto Urbium Græciæ, Deus haberi: γελῶς γε, ἡ γὰρ ἀπὲρ ἐκ τῆς ΦΥΣΕΩΣ ἐκ εἶχε, ταῦτα ἐκ τῶν ἀνθρώπων αἰτῶν ἐκίωθη· ἐκείδαιιν: ridiculè, neque enim quæ à natura non habebat, ea ab hominibus petita adipiscebatur. Ethnici, qui suos nonnullos Deos contendebant naturâ ejusmodi esse, non hominum voluntate in cœlum sublato, dicebant eos esse κατὰ φύσιν, secundum naturam; Christianorum verò Deum, nempe, Christum esse παρὰ φύσιν præter naturam. Æmilianus Ægypti præfectus ita Dionysium Alexandrinum, aliòsque Christianòs, apud Eusebium Lib. VII. c. II. adloquitur. Διδάσκουσιν ἐξουσίαν ὑμῖν σωτηρίας, εἰ βέλαιοι ἐπὶ τὸ ΚΑΤΑ ΦΥΣΙΝ (Θεῶν δηλονότι) τρέψασθαι, καὶ Θεὸς τῆς σῶζοντος αὐτῶν τῆς βασιλείας προσκυνῶν, ἐπιλαθῆσθαι ἢ τῶν ΠΑΡΑ ΦΥΣΙΝ: Domini potestatem vobis fecerunt salutis vestræ consulendi; si modò velitis converti ad (Numen) quod est SECUNDUM NATURAM, & Deos qui ipsorum imperium tuentur adorare; eorum verò qui sunt PRÆTER NATURAM oblivisci. Cùm respondisset Dionysius se solum Deum omnium rerum opificem culturum, reponit Æmilianus: τίς γὰρ ὑμᾶς καλεῖ ἐ τῶν, ὑπὲρ ἐ, Θεὸς, μετὰ τῷ ΚΑΤΑ ΦΥΣΙΝ Θεῶν προσκυνῶν; Quis verò vos prohibet & hunc, si Deus est, cum iis qui NATURA sunt Dii, adorare? Eodem modo loquitur \* Hierocles, in LXXI Versuum Pythagoricorum, in hæc verba: ἑστὶν ἀθάνατος Θεὸς: ὁμοιωμένοι, αἰτ, τοῖς ἐσθ' ἑστ'.

Tom. I. O K.

χῆ τ' ἰπῶν λυχθῆεν ἀθάνατοις Θείοις, ΟΥ ΦΥΣΕΙ  
 ἀθάνατοις Θείοις: *Fies Deus immortalis, id est,*  
*similis factus iis, qui initio versuum dicti sunt*  
*immortales Dii, non naturâ Deus immortalis.*  
 Dein, paginâ sequente, docens quâ illa ἀπο-  
 θίσις fiat, ait Poëtam dixisse postmodum ἀμ-  
 βροτοῦ, ὥς ἔκ θνητὸς, *immortalis, neque am-*  
*plius morti obnoxius, iuxta κατὰ ἀφαίρεσιν τὴ θνη-*  
*τῇ ἢ διοποίησιν ὑμῶν νοῦται, ἅτι μὴ φύσει, μηδὲ κατ'*  
*ἐστίαν ἡμῶν ἐνυπαρχουσα, ἀλλ' ἐκ προκοπῆς καὶ κατ'*  
*ἐπίδοσιν ἐπινοημένη: ut, ejus quod morti obno-*  
*xium est ademptione, nos Deos fieri intelligamus;*  
*quippe cū ea Divinitas nobis neque naturâ, ne-*  
*que essentiâ insit, sed progressu & profectu ad-*  
*venticia.*

6. Non substitit error, in præpostera inter-  
 pretatione vocularum τὸ φύσει, sed posito iis  
 interdum significari *non reverâ*, eam inter-  
 pretationem aliò perperam transtulit. Paulus  
 de Judaïcâ Gente loquens Ephes. II, 3. ἡμῶν,  
 inquit, τέκνα ΦΥΣΕΙ ὀργῆς, *eramus natura fi-*  
*lii iræ, ut & reliqui, nempe, populi.* Ad  
 hunc locum vir summus, modò laudatus,  
 adfert Gal. IV, 8. ut probet Paulum hoc vel-  
 le, Judæos fuisse *revera iræ filios.* Sanè qui  
 sunt φύσει τέκνα ὀργῆς, *revera sunt iræ digni,*  
 nec ad rem ipsam quod spectat, à sensu ab-  
 errarunt ii ex Veteribus, qui, ante Grotium,  
 ita verba Pauli intelllexerunt. At non est ea  
 propria vocis significatio.

7. Ubi sermo est de Gentibus aut Societa-  
 tibus integris, ut in loco Pauli adlato, φύσις  
 significat indolem Gentis. *Josephus de Pha-*  
*risæo-*

risæorum secta, Ant. Jud. L. XIII, c. 18. φύσι πρὸς τὰς κολάσεις ἰσχυρὰς ἔχουσιν οἱ Φαρισαῖοι  
*Pharisæi naturâ clementes sunt in pœn s. Iso-*  
*crates vocat in Panegyrico Persas : αἰδρώμεναι*  
*μάλιστα τὰς φύσεις διαφθαλμίνους, homines indolis*  
*corruptissimæ. Scriptor Libri de Eloquutione,*  
*qui Demetrio Phalereo tribui solet : φύσι,*  
*inquit, ἰσοεχολόγουν οἱ Λάκωνες, naturâ paucis*  
*loquebantur Lacones, Herodianus Lib. I. c. 6.*  
*§. 25. φύσι τὸ βάρβαροι φιλοχρημάτων : naturâ*  
*barbari sunt divitiarum amantes. Lib. II.*  
*c. 6. §. 13. φύσι δὲ κῆφον τὸ Σύρον ἔδιδον :*  
*naturâ levis est Syrorum gens ; & paullo*  
*post : φιλοστοι δὲ φύσι Σύροι, naturâ fe-*  
*storum amantes. Anonymus, apud Dioge-*  
*nianum in Βαρυδάμων : Κεῖς ὑπάρχων ἐ φύσι*  
*ποικίλῳ, cùm esset Cretensis, & naturâ va-*  
*rius. Sic Cicero Lib. I. in Verrem, num. 81.*  
*ait Lampfacenos homines fuisse & NATU-*  
*RA & consuetudine, & disciplinâ lenissi-*  
*mos. Pro L. Flacco, sic de Lacedæmoniis*  
*loquitur, num. 63. Adsunt Lacedæmonii, cu-*  
*jus civitatis spectata ac nobilitata virtus, non*  
*solum NATURA corroborata, verum etiam*  
*disciplinâ putatur. Sallustius initio belli Ca-*  
*tilinarii, de priscis Romanis : Jus, bonum-*  
*que apud eos non legibus, magis quàm NA-*  
*TURA, valebat. Hirtius in Comment. de*  
*bello Alexandrino C. VII. Si mihi defenden-*  
*di essent Alexandrini, quod neque fallaces essent,*  
*neque temerarii, multa oratio frustra absume-*  
*retur. Cùm verò uno tempore & natio eorum*

& NATURA cognoscatur; aptissimum hoc  
 genus esse ad proditionem nemo dubitare potest.  
*Justinus* Lib. II. c. 2. de Riphæis: Prorsus ut  
 admirabile videatur, hoc illis naturam dare,  
 quod Græci longâ Sapientium doctrinâ præcep-  
 tisque Philosophorum, consequi nequeunt. Ita-  
 que Paulus hoc dumtaxat vult, Judaicæ Gen-  
 tis naturam, seu indolem fuisse nequissimam  
 & irâ divinâ dignam; quod verissimum esse  
 ostendit tota Historia Judaica. Qui verba hæc  
 interpretantur, de obligatione ad pœnam cui  
 naturâ suâ obnoxii sint omnes homines, &  
 quæ non mutatur, non animadvertunt in im-  
 perfecto dici ἡμεῖς eramus & nos Judæi, ut  
 alii; quod tempus ostendit agi de re quæ  
 non ampliùs erat, sed emendata fuerat; nam  
 prava indoles potest labore & studio, beni-  
 gnitate Dei adjuto, vinci. Quod adnoto,  
 quia fuere qui hanc nostram interpretationem  
 rejicerent, quòd voculam ἡμεῖς non satis ad-  
 verterent. Ex eorum sententia oporteret Pau-  
 lum dixisse ἰσμεν sumus natura filii iræ, ut di-  
 cimus: sumus natura mortales, sumus natura  
 errori obnoxii, non fuimus, aut eramus, quia  
 hæc non mutantur. Adlata exempla satis de-  
 monstrant non in singulis modò, sed etiam  
 in Gentibus integris, spectari φύσιν, seu indo-  
 lem. Hoc experientia etiam docet, quod  
 verbis *Livii* exprimemus, non ut ejus au-  
 thoritate, in re omnibus nota, utamur;  
 verùm ut Lectoris attentionem, eleganti ser-  
 mone, nobis conciliemus. \* *Tam civita-*  
tam,

\* L. XLV. c. 23. d.

tum, quàm singulorum hominum, inquit apud eum Rhodii, mores (φίους) sunt. Gentes quoque aliæ iracundæ, aliæ audaces, quædam timidæ; in vinum, in Venerem prouiores aliæ sunt. Atheniensium Populum fama est celerem, & supra vires audacem esse ad conandum; Lacedæmoniorum cunctatorem, & vix in ea, quibus fudit, ingredientem. Non negaverim & totam Asiæ regionem inaniora PARERE ingenia, & nostrorum tumidiorem sermonem esse, quòd excellere inter finitimas ciuitates videamur. Ita Judæis insita veluti erat à natura *εὐλαροκεδία*, quam illis passim exprobrant Prophetæ.

8. Ex dictis adparet vocabula quædam esse quidem *ισοδύναμα*, ad præcipuas partes notionis eis subiectæ, quod adtinet, quamvis in aliis partibus differant. Cavendum autem est ne, prætermisso discrimine, voces ejusmodi confundamus; quasi satis sit habendum, si in præcipua significatione iis conveniat. Etenim notiones aliqua in re similes, sed diversas in aliis misceremus; unde parum adcurata rerum nasceretur cognitio.

9. Tacitus, \* in Germania sua, de honore, quem Germani mulieribus exhibebant, verba faciens: *inesse quin etiam*, inquit, *sanctum quid & providum putant, nec aut consilia earum aspernantur, aut responsa negligunt*. Quæri potest quid voce *sanctus* hoc in loco significetur, & nuperus quidem Paraphrastes Pa-

\* cap. VIII.

Parisiensis interpretatur *divinum*; quæ sanè vox hoc in loco synonyma est cum voce *sanctus*, magna ex parte. Attamen quia prorsus idem non significat, sensum non adsequetur quicumque in Paraphrasi adquiescet, nec ulterius quidquam investigabit. *Sanctus* hîc significat *venerandum*, & quod *religioso quodam* *horrore prosequi par est*; nec aliud vult. *Tacitus*, nisi Germanos credidisse in mulieribus esse nescio quid veneratione religiosa dignum, & quod futura præfagiret. Ita \* eodem libro, ubi narrat Romanos Septemtrionalem Oceanum navigare non ausos, ut quærent, an aliqua Herculis vestigia iis in locis supersessent: *Sanctius*, ait, *ac reverentius visum de actis Deorum credere, quàm scire*; hoc est, visum esse majoris venerationis ac reverentiæ, si crederetur potius quod narrabatur de Diis, quàm curiosius investigaretur navigatione, ut veritas inspectione comperta esset. Paullò post † loquitur de nescio qua quorundam Germaniæ populorum Dea, quam vulgò ferebant in lacu quopiam lavari coram servis, qui postea submergebantur, subditque: *Arcanus hinc terror, sanctâque ignorantia, quid sit illud quod tantum perituri vident*. Ignorantia *sancta* est quæ ex religiosa veneratione proficiscitur. Hinc factum etiam ut *sanctus* verendum oris maiestate significaret, ut in hisce versibus *Ovidii*, *Fastorum* Lib. VI. de Carmenta responsum editura, v. 539.

*Vix*

\* Cap. XXXIV.

† Cap. XI.

*Vix illam subito posses cognoscere; tantò  
Sanctior, & tantò quàm modò major  
erat.*

De origine vocis *sanctus* à *sanciendo*, vide *Ger. Joan. Vossium* in Etymologico.

10. In Translationibus omnibus, periculum maximum est, ne proprias significationes cum tralaticiis, & synonymis misceamus, quia, ut alibi diximus, Linguis ita inter se non convenit, ut semper habeant voces planè *irreducibiles*. Hinc vel optimi Interpretes satis habent, si modò voces quàm maximè significatione suis quas vertunt adfines adhibeant; alioqui si vim vocum, quas interpretantur, adcuratè semper exprimere vellent, passim utendum esset circumloquutionibus ad voces singulas transferendas; quod esset molestissimum, & orationis seriem interturbaret. Verùm moniti Lectores caveant sibi oportet, ne nimium Interpretibus credant. Debent quidem translationes haberi quasi adminicula, ad intelligendos Veteres; sed non oracula, ex quibus de eorum sententia certò constet.

## CAPUT VIII.

## REGULA VII.

*Multis vocibus esse obscuras notiones sub-  
jectas.*

1. **I**NTELLIGENDI sermonis difficultas non ex alia re major nascitur, quàm ex vocibus quibus est obscura potestas subiecta. Hinc passim contingit, ut videamur nobis perspicuè intelligere, quod non adsequimur; aut frustra laboremus, in quærendo quæ clara notio voce quapiam designetur, cum nulla clara notio ei sit subiecta. Horum quidem exempla adferemus in II. Sectione \* hujus Partis Secundæ; verum quædam etiam hic observari queunt, quoniam res ad omnis pænè generis notiones pertinet.

2. Omnia, quæ nota nobis esse dicimus, non sunt tamen æquè nota; quædam enim penitiùs, alia tantum *ἐπιπολὺς* nota habemus. Hinc fit ut, cum de minùs notis loqui necesse nobis est, cogamur obscuris notionibus vocabula imponere. In sermonè enim idem evenit, ac in Algebra, ubi quantitati aut planè ignoratæ, aut non distinctè notæ, certum nomen imponitur, ut A, B, &c. interea dum ex regulis Artis ad ejus cognitionem contenditur. Ita quoque, in quotidiano sermone;

de

\* Cap. VII.)



de innumeris loqui cogimur, quæ obscurissima sunt; quamvis Vulgus interdum notissima esse sibi persuadeat; qua in re differt ab Algebrae cultoribus, qui nomina quidem imponunt quantitibus ignotis, sed quas ignotas sibi esse probè norunt.

3. Exempli causâ, nemo est qui non quotidie proferat voces, *Vita*, *Animal*, aliasque ex iis ortas, aut similes; at quotusquisque est, qui dicere queat quid animo sibi obversetur, cum ea vocabula profert? Negant omnes lapides *vivere*, aiunt esse *inanimatos*; contrâ plantas *vitâ* frui, & belluas *animâ* esse præditas; at si quæramus à plerisque, qui hæc in ore habent, quid sibi velint, interpretari vix ac ne vix quidem possint. Attamen si ejuscemodi vocibus uti vetarentur, vitam sæpe in silentio degere cogerentur.

4. Cum adulti innumeris vocabulis hujus generis, in sermone & usu quotidiano, mentem suam exprimant; infantes, qui primùm loqui addiscunt, aut pueri, qui paulò proveciores sunt, hancce etiam consuetudinem à teneris unguiculis incauti contrahunt. Notiones quas ex occasione sensuum, vel ratiocinatione, seu attentione animi sibi comparant, certis vocabulis, quantumvis obscuras, vocitant. Atque hoc quidem vituperandum non esset, si modò scirent ea notionum obscurarum esse nomina; sed quia ita sunt iis vocibus adsueta, ut statim ac proferruntur, adsint animo notiones quarum nomina sunt; & vicissim, ubi notiones animo obversantur, in promptu habeant vocabula quibus

bus eas vocent; ideò, inquam, existimant se intelligere optimè quæ dicant, seu claras eorum animo suo obversari notiones.

5. Hinc nobis, ubi legimus Veterum Scripta, duplex oritur labor, isque non adusuetis molestissimus. Primò, distinguenda sunt vocabula, quibus subjecerunt potestates claras, ab iis quæ obscuras tantùm subjectas habuerunt. Secundò, ea sermonis eorum comparanda est consuetudo, ut obscuræ illæ notiones non clariore, non obscuriores quàm iis obversabantur, animo nostro præstò adsint; audito vocabulorum illorum sonitu, aut conspectis characteribus, quibus exprimitur is sonitus.

6. Tum demum, eos à nobis intelligi existimare debemus, cùm, verbis eorum lectis, eadem nobis obversantur notiones, seu claræ, seu obscuræ sint; quæ illorum animo aderant, eo tempore quo ea quæ legimus scribebant. Cavendum est vel maximè, ne eum putemus esse oportere verborum, quibus usi sunt, sensum, seu id eorum dogma, quod nos maximè Rationi consentaneum putamus; sic enim sæpissimè quod sentire debuerant, si quod dicebant rectè pensitassent, confunderemus cum eo quod reapse senserunt. Debebant, quantum fieri poterat, claras potestates vocibus tribuere; sed passim hoc neglexerunt. Itaque frustra conaremur perspicuè id intelligere quod voluerunt, cùm nihil perspicui eorum menti sese objecerit.

7. In Theologia veterum Ethnicorum multa fuere, quæ verbis exprimebantur ejusmodi

di, quibus verisimile est eos nullum perspicuum adtribuisse significatum. A Tullio Hostilio dicuntur fana consecrata esse PAVORI & PALLORI, ob eam pugnam, quâ Fidenates & Veientes vicit. Cùm in media pugna desertum se audiret, ab exercitu Albanorum, \* *in re trepida duodecim vovit Salus, sanâque Pavori ac Pallori.* Quæri potest an reverâ Tullus existimaret Pavorem ac Pallorem esse Deos? an verò, illa delubra essent tantùm monumenta, non tam Numinibus, quàm memoriæ posteritatis consecrata? Non videtur posterius, quo posset defendi stultum trepidi Regis facinus, hic locum habere; quia vota in rebus trepidis concepta eo fine nuncupabantur Diis, ut adjutores essent; quod ut celerius facerent, aliquid eis promittebatur. An ergo Tullus credidit, & clarè intellexit duo Numina esse, quæ ita vocarentur, & metum hominibus injicerent? At hoc nullo alio ex loco Historiæ Romanæ, à Romanis creditum adparet, & nimis absurdum est; neque, ut opinor, adnuisset Tullus, si quis ab eo petiisset, an Pavorem & Pallorem esse Deos, seu Naturas quasdam humanâ præstantiores crederet? Quid ergo tum animo versabat, cùm votum adeò absonum conciperet? Nempe nescio quid obscuri de Deo, quicumque esset, qui metum suorum pelleret, propitiando.

8. Idem Romani habebant, in mœnibus suis, fana *Mentis, Virtutis, Honoris, Pietatis, Fidei, Spei, Pudicitiae, Concordiae, Pacis, Quietis,*

\* T. Livius Lib. 4. c. 27.

*tis, Salutis, Felicitatis, & Libertatis.* Mihi non sit verisimile totidem Deos, claro animi adsensu, à Romanis esse creditos. Videntur potissimum voluisse commendare eas virtutes, vel res sanè quàm optandas; licèt fortasse nescio quid obscuri, de Diis mentibus hominum illas virtutes ingenerantibus, aut beneficiis illis homines donantibus, animo verarent. Haud absimili modo mentem Romanorum *M. Tullius*, \* in Libris de Natura Deorum, interpretatur: *Quidquid magnam utilitatem generi adferret humano, id non sine divina bonitate erga homines fieri arbitrabantur.* Itaque tum illud quod erat à Deo natum, nomine ipsius Dei nuncupabant; ut cùm fruges Cererem adpellamus, vinum autem Liberum &c. tum autem res ipsa, in qua vis inest major aliqua, sic adpellatur ut ea ipsa vis nominetur Deus, ut Fides, ut Mens, quas in Capitolio dedicatas videmus proximè à *M. Æmilio Scauro*. Ante autem ab *Atilio Calatino* erat Fides consecrata. Vides Virtutis Templum, vides Honoris à *M. Marcello* renovatum; quod multis ante annis erat, bello Ligustico, à *Q. Maximo* dedicatum. Quid Opis, quid Salutis, quid Concordiæ, Libertatis, Victoriæ? quarum omnium rerum quia vis erat tanta, ut sine Deo regi non posset, ipsa res Deorum nomen obtinuit.

9. Credibile est priscos Romanos, nescio quid simile obscure cogitasse; & ipse Cicero fortè non parum impeditus fuisset, si ab eo quis quæsisset quid intelligeret voce *Vis*, quam  
 ait

ait Deum nominatam? Nec rectè etiam faceret, ut opinor, quicumque notiones claras subesse crederet sequentibus verbis: *Quo ex genere Cupidinis, & Voluptatis, & Lubentinae Veneris vocabula consecrata sunt; vitiosarum rerum, neque naturalium; sed tamen ea ipsa vitia naturam vehementius sæpe pulsant.*

10. In Philosophia quoque ipsa innumera sunt vocabula, quibus obscurissimam adjunctionem esse notionem nemo dubitare poterit, qui vel aliquantisper expenderit. Si quis legat *Aristotelis* præsertim scripta *Physica* & *Metaphysica*, facile animadvertet virum illum, quidquid ejus discipuli aut admiratores jactarent, non tam abscondisse datâ operâ obscuris verbis quod clarè intelligeret, quàm obscuras cogitationes obscurè expressisse. Ita initio Lib. I. φυσικῆς ἀκροάσεως, ait ita nos progredi solitos, in investigatione naturæ rerum, ut ab iis quæ sunt nobis manifestiora & clariora viam adsectemur ad ea quæ sunt naturâ clariora & manifestiora. Primò voces σαφὲς & γνώριμα sunt relative, nec umquam profertur, nisi ad aliquem, cui res est manifesta, respiciatur. Itaque nihil est quod possit propriè dici γνώριμον ἀπλῶς, ut loquitur eodem in loco *Stagirita*. Deinde, si demus absolutas eas esse voces, hæc significabunt, quæ simpliciora naturâ suâ sunt; atque eas voces, contra usum receptum, intellexisse videbitur *Aristoteles*; quo posito, hoc voluerit, nos solitos à compositis ad simplicia progredi; unde colligē

gīt, sibi etiam in Physicis ita progrediendum, adeoque à *principiis* incipiendum. Si quis ab eo quæsiuisset, an *principia* rerum naturalium sint *ἡμῶν γινώσκοντα*, quàm ipsæ res naturales? negasset sine dubio. Nam cùm omnes, qui sensibus & ratione utuntur, aliquatenus norint corpora quæ nos undequaque ambiunt; paucissimi sunt, qui de principiis quibus constant cogitent. Quare ergo ita Physicam suam exorsus est, ut videatur contrarium ei quod sentiebat dicere? Nempe, quia non satis intelligebat quid diceret, & obscuras quasdam cogitationes obscuris verbis exprimebat.

II. Atque hoc quidem exemplum non selegimus, quasi eximium, sed quòd librum aperientibus primum occurrerit. Ex mala autem Magistri consuetudine, in obscuris adquiescendi notionibus, & utendi stylo obscuro, omnes Discipulos ejus obscuritas cogitationum ac styli, quasi contagio quædam, pervasit. Cùm in Hispaniam ab Arabibus adlata esset ejus Philosophia, circa annum Christi MCCVIII indèque in Italiam ac Galliam venisset; ex ea nata est Philosophia Scholastica, quæ similem sibi Theologiam peperit; in quibus vix dixeris, resne, an verba sint obscuriora.

12. Verùm non postremis dumtaxat sæculis, Philosophia minùs adcurata innumeras voces obscuras in Theologiam Christianam invexit, ut cùm sequente Capite, tum alibi ostendemus. Præter Philosophiæ obscuritatem, multùm obfuit perspicuitati, secundo,  
ter-

tertio & quarto Ecclesiæ Christianæ sæculis, *Ψυδάνυμ* eloquentia, quam cæco amore ple-  
rique prosequabantur. Dum enim pluris fa-  
ciunt figuratam & tumidam orationem, quàm  
simplicem ac solâ perspicuæ veritatis vi niten-  
tem sermonem; innumeris vocabulis, sine  
sensu, proferendis se adsuëfecerunt. Exempli  
causâ, à tempore *Augustini*, vix ulla vox fre-  
quentior fuit voce GRATIA; ubi sermo  
est de hominis ad saniolem mentem reditu, &  
vi cui is reditus debetur. Eâ tamen voce quid  
significetur, cum ab iis quæritur, qui ea u-  
tuntur, nihil responsi perspicui ferre licet.  
Quamobrem in Gallia \* Jesuita festivi inge-  
nii, non inficetè dixit, „ *Gratiam* illam divi-  
„ nam, quæ tantum strepitum excitavit in  
„ Scholis, & tam mirabiles effectus in homi-  
„ num animis edit; *Gratiam* illam aded effi-  
„ cacem, & suavem simul; quæ de duritie  
„ cordis, illæsâ Arbitrii Libertate, trium-  
„ phat, nihil esse tandem, præter NESICIO  
„ QUID. Nec certè ea vox usquam in Scri-  
ptura eo sensu legitur, quamvis ceteroqui sit  
*ωλόσημ*. Ubi de Deo sermo est, *χάρις*, gra-  
tia, ejus misericordiam, aut beneficium quod-  
piam significat, nusquam arcanum & inelu-  
etabilem adflatum; quo sensu eam intellexit  
*Augustinus*, popularis sanè orator, sed Criticæ  
imperitus. Quidam adferunt hanc in rem  
1. Cor. III, 10. XV, 10. ubi manifestò de donis  
in Paulum collatis, ut Apostoli munere fungi  
posset, non de communi gratia conversionis,  
ut loquuntur, agitur. Ceteroquin à nobis ne-  
quaquam

\* *Bouhours* in Dialogo du je ne sai quoi.

quaquam occultæ Dei in animum actiones hæc rejiciuntur, sed ea tantum quæ pauculis concessa dicitur, prorsusque necessaria salutis cum putetur, plerisque tamen omnibus negatur; qui nihilo minus jure damnantur quod non crediderint; cum adflatu ad credendum necessario donati non fuerint. Verum & adflatus nescio quos omni lumine & ratiocinatione destitutos, & quibus homines nonnulli credunt quod volunt, nec necesse sibi putant rationem fidei suæ reddere, ut fanaticos, à prudentium omnium animis remotos putamus.

13. Itaque cum ejusmodi Scriptores legimus, & adiuæti perspicuis notionibus atque claro sermoni, nitimur definire voces quibus usi sunt; passim frustra laboramus, quia nullam claram potestatem plurimis vocabulis subjecerant. Nulla definitio vocis *Gratia*, quæ quadret in notionem *Augustini*, dari potest; præter hanc: *Est nescio quid, quo Deus, ex Augustini sententia, paucorum animos ad pietatem ineluctabili modo flectit, idque ab omnibus cum nostris ratiocinationibus, tum iis quæ extrinsecus nobis objiciuntur distinctum.* Si nitaris clariorem notionem adnectere voci *Gratia*, ea tua erit notio, non Augustiniana.

14. Optandum esset eos, qui Lexicis conficiendis operam dant, certâ notâ distinguere vocabula obscura à claris: uti distinguunt barbara aut antiquata, ab usu meliorum sæculorum receptis. Illâ enim notâ monerentur titrones, imò & sæpe provectiores, ne frustra laborarent in quærenda clara significatione vocis;



vocis, quæ numquam obtinuit; néve suam  
ipforum notionem cum Veterum notione con-  
funderent.

## CAPUT IX.

## REGULA VIII.

*Voces esse, quibus nulla subjecta est potestas.*

I. SI contingeret Polonum & Gallum, vernacularum tantum Linguarum peritos, sine interprete, colloqui, alterum Gallicè, alterum Polonicè; atque, finito sermone, utrumque adfirmare sibi eo colloquio satisfactum; non possent effugere, quin uterque infans haberetur. At ausim dicere Philosophos & Theologos Scholasticos, summa cum laude, & eximie eruditionis fama, idem non semel, aut iterum, sed *μυριάκις* fecitasse. Utuntur enim passim vocibus, quibus non tantum obscuram notionem subjiciunt, quod in antecedenti Capite ostendimus, sed etiam planè nullam; & tum quidem potissimum sese mirificè loquutos esse sperant, atque ab aliis censentur, cum ad ravim usque, instar campanarum, sonitum sine mente maximum ediderunt. Cujus rei multæ sunt causæ, sed quarum duas potissimas dumtaxat adtingemus.

2. Omnes, ut diximus, ab infantia adsue-  
scunt voces proferre, ad significanda multa,

Tom. I.

P.

quæ

quæ obscurissimè norunt. Adde & pueros tunc putare se rem intelligere, quando nomen, quo designari solet, memoriæ mandarunt. Si puer quidpiam videns, quod adpellatum coram se non meminerit, quærat quid sit, docetur rei nomen; quo audito, rem credit sibi notam esse, cum nomen tantum teneat. Exempli causâ, offeratur vas vitreum puero, quæratque quid sit? Reponitur *vas vitreum*. Memoriæ mandat hæc voces, neque quidquam ulteriùs exquirat; si verò ab eo postea quæras an sciat quid sit, illico regeret esse *vas vitreum*, & sibi rem notam esse existimabit, licet vitri intima natura ei sit penitus ignota.

3. Hinc factum ut multa, quæ nec oculis, nec aliis sensibus usurpamus, nominibus adficiamus, quamvis nusquam sint; utque propter nomina nota, cognosci à nobis putemus. Cum quidpiam contingit, cuius causa prorsus ignota est, dicimus factum id esse CASU seu FORTUNA, & rem nos acutè tetigisse arbitramur; cum tamen iis vocibus nullam subjecerimus notionem. Eleganter \* *Democritus*: ἀνθρώποι, inquit, τέχνης ἰδῶλον ἐπέτασαν, προφασίν ἰδίας ἀγνοίας: *homines finxerunt idolum Fortune, proprie ignorantie velamentum*. Cicero in Topicis c. 17. de causis: *Latent*, inquit, *quæ subjectæ sunt Fortune*, cum enim nihil sine causa fiat, hoc ipsum est Fortune eventus, obscurâ quod † latenter efficitur. Hisce tamen non Poëtarum modò, sed Orationum

\* Apud Euseb. Præp. Evang. Lib. XIV. c. 27.

† Ita lego, non quæ.

torum & Historicorum scatent Scripta; quæ proinde periodis, sensu carentibus, referta esse agnoscamus necesse est. Voce Τύχη persæpe usus est gravissimus Scriptor *Polybius*, ab ipso initio Historiæ; qui si rogatus fuisset quid esset, paucis prolatis, coactus fuisset fateri multò potiore jure de hoc nomine dici posse quod habet in nominibus locorum, quorum ignotus est situs, Lib. III. c. 36. Ἐπὶ τῷ ἀγνοεῖν οἷς τίλη ὁμοίαι ἔχουσιν τὴν δύναμιν ἢ τὸ ὀνομάτων ἐξηγήσεις ταῖς ἀδιανοήτοις & πνευματικαῖς λέξεσι: in iis quæ planè ignorantur, similem potestatem habet nominum recensio, ac voces nihil significantes, & soni percussione instrumentorum editi.

4. Ipsi Philosophi iisdem vocibus passim usi sunt, & seridò *Fortunam* & *Casum* causas esse phylicas contenderunt. *Aristoteles* \* enim; inter eas causas, seridò enumerat ΤΗΝ ΤΥΧΗΝ & ΤΟ ΑΥΤΟΜΑΤΟΝ, & hæc ita distinguit, ut dicat τύχην versari circa actiones Naturarum προαιρέσει facultate eligendi præditarum; τὸ αὐτόματον verò circa ea, quæ sunt facultate illâ destituta. Si quæras ab *Aristotele*, quid sint illæ causæ? pro definitionibus rerum, vorum definitiones profert. seu docet quâ occasione eas adhibet; nempe, se solere iis uti quando aliquid evenit inexpectatum & cujus causa ignoratur. Exempli causâ, aliquis aliquò it, quò non solet alioquin ire, atque eo in loco accipit pecuniam;

P 2

\* *Physic. Lib. II. c. 4, 5, 6.*

niam, de qua ne cogitaverat quidem. Hoc dicit *Aristoteles* fieri κατὰ τύχην. Si verò lapis cadat, à nemine homine pulsus, & frangat aliquid, hoc fieri κατ' αὐτόματον vult.

5. Ne dubitaremus hæc magnum Philosophum, ut pleraque alia, vulgari sermoni inædificasse, hoc ipse significat initio Cap. II. ubi dicit, quæ fiunt semper, vel ut plurimum, ea Fortunæ non tribui, ἀλλ' ἰπιδὴ ἐστὶ τῆς αὐτομάτου. ἔστι δὲ πάντες ταῦτά φασι εἶναι καὶ κατὰ τύχης, φανερὸν ὅτι ἐστὶ τι ἢ τύχη. ἔστι δὲ τὸ αὐτόματον : sed quoniam sunt quædam, quæ fiunt etiam præter ista, & omnes hæc dicunt esse à Fortuna, manifestum esse Fortunam & Casum esse aliquid. Naturæ Genius, ut vocitatur à Scholasticis, non animadvertit vulgari hac Phrasi nihil significari; sed inde argumentum duxit ad probandum esse nescio quas Naturas, quæ esse nequeunt; nam ipse non adfentitur iis, qui dicebant Fortunam non modò esse ἀδελον αἰθρωπίνην διανοίαν sed θείον τι & δαιμονιώτερον, divinum quidpiam, & humana natura superius. Atqui licet nescirent quid dicerent, tamen poterant videri Numen quodpiam nomine Fortunæ intelligere; quod *Aristoteles* improbat.

6. In Philosophorum adcuratiùs loquentium Scriptis, τύχη fortuna & ἰμαγκλίον fatum distinguuntur; hoc enim certa causarum series, quæ ineluctabilis est: illa inconstans & mutabilis dicitur. Attamen à multis priscis Scripto-

ptoribus confunduntur. Multa *Lucanus* hujusce rei exempla, plurima alii passim Scriptores suppeditabunt. Duo tantum, quæ instar omnium erunt; proferemus. *Lucanus* ergo sic *Thessalam* veneficam loquentem inducit Lib. V. vers. 611 ubi à se *Fata* violari posse negat:

*At simul à prima descendit origine mundi  
Causarum series, atque omnia FATA laborant,*

*Si quidquam mutare velis, ———  
———— tunc Thessala turba fatemur,  
Plus FORTUNA potest.*

*Curtius* Lib. X. c. 5. §. 35. Cum plurimum virtuti debuerit (*Alexander*) plus debuit FORTUNÆ; quam solus omnium mortalium in potestate habuit. Quoties illum à morte revocavit? quoties temerè in pericula vectum perpetua felicitate protexit? Vitæ quoque finem eundem illi, quem gloriæ, statuit. Expectavere eum FATA, dum, Oriente perdomito, aditòque Oceano, quidquid mortalitas capiebat impleret. Quàm hæ voces obscuræ sint, imò quàm nihil significant ut nobis constet, claram aut etiam aliquam notionem sub iis latentem oportet quæramus. De Fato elegans est iudicium *Maximi* Tyrii Orat. III. Καὶν πεπωρωμένην Φῶ, ὄνομα λέγω πλανώμενον ἀνθρώπων δόξαις. τίς γὰρ ἡ πεπωρωμένη; ποίας φύσεως; τίνος ἐσίας; εἰ μὲν τις Θεὸς ἐστὶ τοῦ ἔρανόν εὐρὺν ἔχουσιν. ἔδὲν τῶ δεινῶν σὺν ἔρ-

γον. ἔδ' ἐ καθ' εἰμαρμένην ἀνθρώπιναι συμ-  
φοραὶ (ὃ γὰρ θέμις ἀνάπτειν θεῶ αἰτίαν  
κακῆ) εἰ δέ τις ἐσσι βροτῶν τοὶ ἐπὶ χθονὶ  
ναιετάσσι. ψεύδεται μὲν ὁ Ἑλπήνωρ, λέγων,  
ἄσσε με Δαίμον· αἴσα κακῆ· ψεύδεται ἡ ὁ  
Ἀγαμέμνων λέγων, ἐγὼ δ' ἔκ αἰτίης εἰμι,  
ἀλλὰ Ζεὺς ἡ Μοῖρα, ἡ ἡεροφῶτις Ἑριννύς.  
ἴοικε δὲ ταυτὶ τὰ ὀνόματα εἶναι μοχθηρίας  
ἀνθρωπίνης εὐφημοὶ ἀποσροφαί, ἀναθέντων  
αὐτῆς ἢ αἰτίαν τῷ Δαιμονίῳ ἢ ταῖς Μοῖραις  
ἢ ταῖς Ἑριννύσιν: *Quid enim est Fatum? cu-*  
*jus natura? cujus essentia? Si quidem ex Diis*  
*sis, qui cælum latum habitant, opus tuum nihil*  
*habet mali, neque secundùm fatum humanæ ca-*  
*lamitates contingunt; non licet enim Deo cau-*  
*sam mali tribuere. Si verò sis aliquis mortali-*  
*um, qui in terra habitant, mentitur Elpenor*  
*cùm dicit: læsit me Dæmonis malum fatum.*  
*Mentitur & Agamemnon dicens: non ego sum*  
*causa, sed Jupiter & Parca, & Erinnyis quæ*  
*per aërem fertur. Videntur verò hæc nomina*  
*esse nequitiae humanæ averfiones, quibus ejus*  
*causa tribuitur Numini & Parcæ & Erinny-*  
*bus.*

7. Apud Aristotelem, vocibus ΥΛΗ mate-  
ria, ΦΥΣΙΣ natura, ΟΥΣΙΑ substantia,  
ΕΙΔΟΣ, forma, sæpe nulla videtur potestas  
adfixa; quod haud difficile ostensu esset, nisi  
instituti nostri ratio obstaret. Ejus sectatores  
habent etiam multas ejusmodi voces, quales  
sunt Adtractio, Antipathia, Sympathia, Anti-  
peri-

*peristasis*, aliæque similes, quæ *Qualitatum occultarum* nomine continentur. Nam quando quidpiam oriri aiunt à *qualitate occulta*, exempli causâ, quæ *Sympathia* vocatur; idem est ac si dicerent, manare id à causa, cujus nullam notionem habent.

8. Quod non ignoscitur Philosophis, id multò minùs in Religione condonandum. At Romani non dubitarunt \* templa *Fortuna*, & quidem *mala* consecrare; quamvis interrogati non ausi fuissent seriò dicere se Numen cæcum, & varium, quòdque omnia sùsque deque haberet colere, aut esse Naturam ejusmodi divinam. Quid ergo voce *Fortuna* intelligebant? Nimirum, nihil; & perinde fecissent, si NIHILO fana & aras consecrassent. Quod & Græcorum nonnulli viderunt, teste vel *Philemone*, cujus hi Senarii ex incerta Comœdia supersunt:

Οὐκ ἔστιν ἡμῖν ὑδεμία Τύχη θεός,  
Οὐκ ἔστιν, ἀλλὰ ταυτόματον, ὃ γίνεται  
Ὡς ἔτυχ' ἐκάστῳ προσαγορεύεται Τύχη.

*Profecto hominibus nulla Fortuna est Dea,  
Nulla, inquam, verùm quidquid temerè provenit*

*Fortuna à nobis accipit vocabalum.*

Pulchrè etiam hanc in rem *Plinius Hist. Nat. Lib. II. c. 7. Invenit inter has utrasque sententias* (superstitionem & impietatem) *medium*

P 4

sibi

\* Vide *Cicer. de Nat. Deor. Lib. III. c. 24. & 25. & Plinium Hist. Nat. Lib. I. c. 7.*

sibi ipsa mortalitas Numen, quo minùs etiam plana de Deo conjectatio esset. Toto quippe mundo, & locis omnibus, omnibusque horis, omnium vocibus Fortuna sola invocatur. Una nominatur, una accusatur, una agitur rea, una cogitatur, sola laudatur, sola arguitur, & cum convitiis colitur; volubilis, à plebisque verò & cæca existimata, vaga, instans, incerta, varia, indignorumque faulrix. Huic omnia expensa, huic omnia feruntur accepta; & in tota ratione mortalium, sola utramque paginam facit. Adeoque obnoxii sumus sorti, ut Sors ipsa pro Deo sit, quâ Deus probatur incertus. Vide etiam descriptionem Fortune quam habet *Pedo Albinovanus* Eleg. l. 51. & seq. 372. & seqq. & illic notata. Hinc non multum, ut opinor, abfuere, \* qui auctore *Æliano*, in Lib. de Providentia, aras erexerant Anno, Mense, Senectuti; Arti, Paupertati, imò & Morti, *ὡς γέρας τῇ κοινῇ ἀναπαύλῃ, ἔτι τῷ πλεοναίῳ ὄρεμα*, in honorem communis quietis. aut extremi portus.

9. Omne quod honestum & laudabile esse dicebant reliqui Philosophi, id Epicurei cassum quiddam, & inani vocis sono decoratum esse contendebant, ut plus semel docet † Cicero; nec multum à vero abfuisse videntur. Quid enim est τὸ καλόν, si res ipsas spectemus, in Ethnicorum plerorumque Scriptis? Nihil prorsus. Erat tantum opinio quædam, in hominibus, quâ honestum quidpiam esse existimabant, cujus rationem reddere non poterant.

\* Citatur ab *Eustathio* ad *Dionysii Periegeta* vers. 45.

† *Tusc. Quæst. Lib. V. n. 73. & 119.*



rant. At à Christianis facile *honestum* definiatur, quod est *humanae societati utile, adeoque Deo ejus conditori acceptum*. Epicuro, vicissim, exprobrabant alii Philosophi inanes voces, cum dicebat Deos (quos nomine ponebat, cum re sustulisset) habere *quasi corpus & quasi sanguinem*. Sic apud Ciceronem de Nat. Deorum Lib. I. n. 74. Cotta Velleio: *Corpus, inquit, quid sit, sanguis quid sit, intelligo; quasi corpus & quasi sanguis quid sit, nullo prorsus modo intelligo — & ne tu quidem intelligis.*

10. Ne Theologia Ethnica sola hisce vitiis laboraret, operam dedere quidam ex Christianis, qui tamen multos invenere sectatores. Eorum quæ dicunt nullam notionem habent, qui verba faciunt de corpore humano, aliquot pedes longo, quod tamen intra punctum continetur; de corpore unico quod multiplex simul est, & in variis locis unum; de corpore quod penetrat alia, ita ut eadem sit aliorum & ejus extensio, & simul diversa; de figura, pondere, colore, quæ nulli rei insunt, &c. De hisce in Scholis Hispaniæ, Italiæ, Galliæ, Germaniæ ita quotidie disputatur, quasi de re aliqua sermo esset; cum revera de nihilo loquantur, & hoc unum observent, ut illa verba, quibus nihil significatur, certo quodam situ collocent, quasi aliquid significarent.

11. Haud aliter judicandum videtur de eorum sermone, qui narrant humanam naturam Divinitatis participem factam fuisse, & Divinitatem Humanitatis; illa enim mutua

communicatio qualitatum æque intelligitur, ac intelligeretur qui diceret esse circulum, qui ita cum triangulo conjunctus sit, ut circulus quidem habeat adtributa trianguli, triangulum verò circuli.

12. Si quis quærat quâ fieri queat ut qui ita loquuntur non animadvertant se sonos sine mente emittere, sed putent se eximiè loquutos, postquam multa talia effutierunt; dæ potissimum videntur esse causæ, quarum alteram suprâ adtigimus. A teneris unguiculis, adfueti sunt ejusmodi vocabulis audiendis, & proferendis. Præterea idè falluntur, quòd voces quibus utuntur separatim intelligant; quo fit ut etiam conjunctas intelligere sibi videantur, cum tamen conjunctæ repugnantia, hoc est, nihil significant.

13. Itaque hoc est indubitatum, quicumque id proferunt quod repugnat, eos, licèt voces quas usurpant sejunctas intelligant, nullam tamen notionem, quæ toti orationis complexioni respondeat, animo obversantem habere. Atque hoc multò sæpiùs evenit, quàm vulgò existimatur; ut satis animadvertent peritiores, qui à nobis moniti aliorum sermones adtendent.

14. Manifestum est loquelâ eos abuti, qui verba proferunt sine sensu; nec quisquam sibi sermonem ejusmodi exprobrari, sine pudore, audiat. Sed quia multi in eo peccato deprehenderentur sæpissimè, si verborum quibus utuntur ab iis significatio quæreretur; hoc ne fieret, inventa sunt alia vocabula, seu loquutiones, quibus ejusmodi inquisitio velut  
pro-

propulsaretur. Philosophi Scholastici, ut jam monuimus, ubi quæritur à se, quid sit *Adtractio*, aut *Sympathia*, reponunt esse *qualitates occultas*; quibus verbis qui interrogat arcetur, ne curiosius in illa inquirat. Responsio tamen hæc eodem redit, ac si Philosophus reposuisset: *Equidem usus sum vocibus Adtractionis, & Sympathia, sed iis nullam notionem adjungo; ideòque frustra à me quæritur quid significent.*

15. Theologi, qui non minùs loqui amant quàm Philosophi, de iis quæ non intelligunt, sæpe æque verentur simplici hujusmodi oratione uti. Itaque si quis quærat interpretationem multorum vocabulorum, quibus utuntur, non eodem sensu quo alii, regerunt sermonem esse *de re incomprehensibili*, ideòque à Ratione humana non debere de ea, ut de ceteris rebus, judicium ferri. Qua sanè in re non falluntur, sed paullò simpliciùs si loquerentur, ita auditores suos compellarent: *Hactenus de nobis ignota loquuti sumus, vocèsque ideò adhibuimus quibus nullam subjecimus potestatem; itaque eas interpretari non possumus.*

16. At neque Philosophi, neque Theologi rem, ut est, profitentur; seu quia ipsi errorem suum non intelligunt, seu quia vulgaris, quod simpliciùs multò agit, indignaretur tam prolixas passim orationes ab iis haberi de rebus, quas non magis, quàm reliqui homines perspectas habent; & tanto adparatu verborum, quasi sipario, merum NIHIL tegi. Hoc si vulgò notum esset, brevi magna Philosopho-

Iosophiæ & Theologiæ Scholasticæ pars æterno damnaretur silentio, & argumentum innumerarum disputationum exaresceret; quod loquendi avidis & in illis trici<sup>9</sup> innutritis molestissimum accideret. Hanc in rem, memoratu digna sunt verba *Augustini*, \* quibus persuadere quidem Lectoribus vellet rem ἀκαταληκτὴν<sup>9</sup> intelligi, sed verba deesse Theologis, quibus quod intelligunt exprimant; fatetur tamen interea verbis eorum nihil dici: *Non audemus dicere unam Essentiam, tres Substantias; sed inquit, unam Essentiam vel Substantiam, tres autem Personas, quemadmodum multi Latini ista tractantes & digni auctoritate dixerunt; cum alium modum aptiorem non invenirent, quo enunciarent verbis QUOD SINE VERBIS intelligebant.* Reverâ enim cum Pater non sit Filius, & Filius non sit Pater, & Spiritus Sanctus ille, qui etiam donum Dei vocatur, cum nec Pater sit, nec Filius, tres utique sunt. Ideoque pluraliter dictum est: Ego & Pater unum sumus. Tamen cum quaritur quid tres? Magnâ prorsus inopiâ humanum laborat eloquium. Dictum est tamen tres Personæ, non ut ALIQUID diceretur, sed NE TACERETUR. Idem eleganter & verè, Confess. Lib. XII. C. XI, 12. Trinitatem omnipotentem quis intelligit? Et quis non loquitur eam, si tamen eam? Rara anima, quæ, cum de illa loquitur, scit quid loquitur. Et contendunt & dimicant; & nemo, sine pace, videt istam visionem.

17. Oporteret Lexicographos, qui solent  
cas

\* De Trinitate Lib. V. c. 1.

cas voces vocibus aliis sine sensu vertere, simili cautione uti, ac erga obscuras; nimirum, observare has quidem voces sensu carere, sed adhiberi certis occasionibus, quæ etiam notandæ essent. *Transsubstantiatio*, exempli causa, vox est quæ nihil significatur, sed quæ adhibetur à Pontificiis, ubi loquuntur de sententia sua circa præsentiam corporis Christi, in Eucharistia. Similia dixeris de vocibus *Consubstantiatio*, *Communicatio Idiomatum*, aliisque id genus, & multis loquutionibus, in quibus occurrunt.

## CAPUT X.

## REGULA IX.

*Loquutiones esse multas in omnibus Linguis anomalas, & parum adcuratas, quæ nimium urgendæ non sunt.*

I. OPTANDUM quidem esset Linguas omnes constantibus quibusdam Regulis adeò adstrictas esse, ut ab iis discedere numquam liceret; atque eas Regulas Rationi, & rerum naturæ semper consentaneas esse; ita ut perpetuò ea orationis structura servaretur, quæ quàm aptissima ad rem perspicuè exprimendam esset. At cum Linguæ usu & paullatim fuerint inventæ, & à plurimis usurpatæ, qui de Loquelæ fine numquam satis cogitant;

gitarant; hinc natæ sunt innumeræ Anomalix, non in vocibus tantum separatis, sed in generibus loquendi, quibus orationis perspicuitas imminuta est. Usus qui pendet, non à doctissimis & præ ceteris judicio præditis, sed à multitudine potissimum, multa consecravit; quæ non aduetis negotium facessunt, & impediunt etiam ne ii, qui Linguis utuntur, animadvertant se obscure loqui.

2. *Anomalias*, ut ne obscuritate ipsi peccemus dum eam vituperamus, hinc vocabimus non singularum vocum inflexiones, quæ præter regulas fiunt, de quibus Grammatici, nec tantum formulas, quæ generalibus Grammatices Regulis repugnant, sed quæ obstant quominus res, de qua sermo est, clarè intelligatur; quia qui loquitur obliquiore & impropria utitur oratione; & quæ ex Regulis ægrè resolvi potest. Exempli causâ, Livius Lib. II. c. 42. *Moti, inquit, irâ numinis causam nullam aliam vates canebant publicè, privatimque, nunc extis, nunc per aves CONSULTI, quàm haud ritè sacra fieri.* Vates non consuluntur extis & avibus, sed ipsi per exta & aves consulunt Deos, his enim inspectis quæ sit Deorum mens conjiciunt. Atque hoc ipsum voluit Livius, quod explicatius extulit Curtius Lib. VII. c. 8. *Qui post Darium victum ariolos & vates CONSULERE desierat, rursus ad superstitionem, humanarum gentium ludibria, revolutus Aristandrum, cui credulitatem suam addixerat, explorare eventum rerum sacrificiis jubet.* Similis est loqu-

quatio vincere bellum, πίκταμον νικᾶν, quæ cùm alibi sæpe, tum Polyæni Lib. I. C. XX. §. I. occurrit, neque enim vincitur bellum, sed homines qui bellant. Νικᾶν ἀγῶνα dicunt iidem Græci, αἰτὶ τῷ νικᾶν τὴν ἀνταγωνιστῆς. Vide *Epictetum* in *Enchir.* c. XXV. & alios passim.

3. Multa talia apud omnes Scriptores occurrunt, quæ eloquentiæ famam non minuebant apud Gentes, quæ ejusmodi loquutionibus adfuetæ erant; sed quæ nobis sæpe molesta sunt, & impediunt quominus sensum Veterum adsequamur, aut nimiam adtentionem postulant. Fateor, ubi res aliunde nota est & clara, loquutiones anomalas parum negotii facessere, ut in exemplis adlatis; sed ubi res obscurior est, ejusmodi sermonis anomalix obscuritatem, non parum augment. Quis intelligere posset φεύγειν δίκην, *fugere litem*, ut φεύγειν δίκην ἀνδροφονίας *fugere litem cædis*, & brevius φεύγειν ἀνδροφονίας, *fugere cædis*, significare simpliciter *accusari*, & *accusari cædis*; nisi ex innumeris exemplis, quæ affatim quivis præbent Lexicographi, res constaret? Sunt tamen & viri docti, qui in hac phrasi convertenda cespitarunt. Sic legem de provocatione ad Populum à Valerio Publicola latam, τὸ δῆμον λῶν τὸ ἱπάτων τῷ φεύγοντι δίκην ἱπικαλιῶσαι, vertit R. Constantinus, *crimen deprecantibus provocationem esse à consulibus ad populum*; cùm debuisset vertere *reis*, seu *accusatis*.

*cusatis.* Est locus apud *Plutarchum*, in *vita Valerii* p. 103. Edit. *Wecheliana*.

4. Postquam Linguae excoli cœperunt, institutæ quidem Analogicæ Regulæ sunt, ad quas pleraque exigi oportuit; sed eæ Regulæ numquam omnes ulûs anomalias delere potuerunt; nam in quibusdam consuetudo tam altas radices egerat, ut evelli non potuerit. Egregiè hanc in rem \* *Quintilianus*: *Non cum primùm fingerentur homines, Analogia demissa cœlo formam loquendi dedit, sed inventa est, postquam loquebantur; & notatum in sermone quid quomodo caderet. Itaque non ratione nititur, sed exemplo; nec lex est loquendi sed observatio, ut ipsam Analogiam nulla res alia fecerit, quàm consuetudo.*

5. Si ἀναλογίας urgeremus, quasi loquutiones ex Analogicis Regulis intelligendas, difficultates maximæ nascerentur, & lites inter Eruditos non parvæ; quod experientia satis superque demonstravit, ut exemplis manifestius erit. *Genes. II. 2.* in *Hebraïcis* legimus: *Et absolvit (וַיַּשְׁלֵם vajjeshal) Deus die septimo opus suum quod fecit, & quievit die septimo ab omni opere quod fecit, &c.* Cùm hoc in commate, ut & sequente, diserte adfirmetur Deus septimo die quievisse, ideòque velle ut feriæ eo die observentur; Interpretes non parum impediti fuere, in interpretandis hisce vocibus, *absolvit septimo die*, quæ videntur significare Deum septimo die aliquid operis fecisse. Inde factum videtur, ut *Samaritici Codicis* exscriptores pro שְׁבִיעִי *shebibbi* septimo, reposuerint



fuerint *שש* *schischi* sexto; quod sequuti sunt  
*ס* LXX, qui habent *סתר*, nisi ipsi Samaritis  
 facem prætulerint. Recentiores verò Inter-  
 pretes nonnulli existimarunt rem confectam  
 fore, si verbum *סתר* *vajjechal* verteretur, &  
*absolverat*. Verùm licèt hæc posterior versio  
 nihil habeat Hebraicæ Grammaticæ contra-  
 rium, attamen eò confugere opus non est,  
 quia etiamsi vertes: & *absolvit*, idem tamen  
 erit sensus. Multò etiam minùs necesse est  
 quidquam immutare; quod à LXX. Intt. &  
 Samaritis factum censemus, non ab Hebraici  
 nostri codicis exscriptoribus; quia his nulla  
 fuit causa mutandi *sextum* in *septimum diem*,  
 quandoquidem ad perspicuitatem hoc nihil fa-  
 cit; alii verò mutare potuerunt, ut occurre-  
 rent difficultati, quæ inde nasci videbatur. Re-  
 verà si proprietatem sermonis spectemus, ad-  
 curatiùs loquuntur qui *sexto die* à Deo abso-  
 luta sua opera dicunt. Sed in designatione  
 temporis, non ita semper observatur *κρίσιν*,  
 quin sæpe rem referamus ad tempus, quod  
 proximè id quo res facta sequutum est. Ita  
 Exod. XII, 15. jubentur Israëlitàe amovere,  
 primo Azymorum die, fermentum domibus  
 suis: *primo die cessare facietis fermentum, ex*  
*ædibus vestris*. Attamen hoc oportuit factum,  
 sub finem \* decimi tertii diei, ante vesperam,  
 quâ inchoabatur decimus quartus, qui fuit  
 primus Azymorum, ut patet ex vers. 18. &  
 Judæorum usu. Similis est observatio *A. Gel-*

Tom. I.

Q

lii

\* Vid. & Jean Lightfootius de Ministerio Templi c. XII.  
 2.

lii Lib. VII. c. 2. ubi ait phrasibus *quoad vi-  
vet, quoad morietur, quoad Senatus habebitur,  
quoad dimittetur*, unum idémque tempus si-  
gnificari: *tempora enim duo*, inquit, *cum in-  
ter se opposita sunt atque coheréntia, ut alte-  
rius finis cum alterius initio misceatur, non re-  
fert utrum per extremitatem prioris, aut per  
initium sequentis, locus ipse confinis demonstre-  
tur*. Hinc *ante & post* interdum, in designan-  
do tempore, idem significat. *Lactantius* In-  
stit. Divin. Lib. IV. c. 10. Christum ait *ante  
diem decimum Calendarum Aprilium* cruci ad-  
fixum. Libro verò de Mort. Persecut. c. 2.  
*cruciatus est*, inquit, *post diem decimum Ca-  
lendarum Aprilium*. Ad quem locum vide  
*Steph. Baluzii* Epistolam, p. 114. Ed. Ultra-  
jectinæ. Attamen, ut ad Geneseos locum  
redeamus, omnibus diligenter expensis, ver-  
tere *intra septimum diem*, perspicuitatis causâ  
maluimus. Vide quæ ad eum locum scrip-  
psimus.

6. Matthæus C. XXI, 7. ubi adventum  
Christi asinâ vecti Jerosolymam describit, ita  
loquitur de Apostolis cum in asinæ pullum  
subjicientibus: *Adduxerunt asinam & pullum  
& imposuerunt iis (ἰκάνω αὐτῶν) vestimenta  
sua, & insidere fecerunt eum super iis, ἰκάνω  
αὐτῶν*. Cùm non verisimile sit Jesum utri-  
que insedisse, & Evangelistæ alii *ἰκάνω* tan-  
tùm vectum esse doceant, Interpretes hîc in  
varia abierunt. *Cantabrigiensis Paraphrasis  
Græco-Latina* habet singulari numero: *ἰκάνω  
αὐτὸν ἰν' αὐτῶν* (in pullo) *τὰ ἱμάτια, & ἰκάνω  
αὐτὸν ἰν' αὐτῶν*. Syrus ita etiam legit; at  
Vul-

Vulgatus, in fine commatis, omittit αὐτῶν, vertitque *desuper*, sed in medio versu habet *imposuerunt super eos*; unde intelligimus in fine omissum αὐτῶν, propter difficultatem memoratam. Alii posterius αὐτῶν referunt ad ἱμάτια, sed obstat huic interpretationi prius αὐτῶν, quod ad afinam & pullum necessariò referendum.

7. Verùm hæ sunt παραδιορθώσεις & παραρρησίαι, cūm hīc sit mera ἀκυρολογία, quā Matthæus nihil aliud voluit dicere, quā quod alii. Similem prorsus habemus, apud *Homerum* Iliad K. 513. & 529. ubi de Diomede in unum ex equis Rhēsi se subjiciente: Καρπαλῖμος δ' ἰππῶνι ἐπιβήσατο, statim verò equos conscendit, & rursus:

Τυδείδης δὲ χαμᾶζε θορῶν ἕναρ α βροτό-  
εντα

Ἐν χεῖρεσσ' Ὀδυσσῆϊ τίθει, ἐπιβήσατο δ'  
ἰππῶν.

*Tydidēs cūm in terram defiliisset, sanguinea spolia in manibus Ulyssis posuit, conscenditque equos; cūm unum tantūm conscenderit, Ulyssēs alteri insidente.*

8 Ex Grammaticis Regulis, pronomina demonstrativa plerumque ad id nomen debent referri, quod proximè antecedit; at nullus Scriptor adēd ejusmodi Regularum observans est, ut numquam eas violet. *Homerus*, Iliad.

T. postquàm retulit lamenta Briseidis, & aliarum Captivarum, quæ flebant, vers. 302.

Πατρόκλη πρόφασιν, σφῶν δ' αὐτῶν κή-  
δε' ἐκάσῃ,

*sub prætextu deflendi Patrocli, suas ipsarum miserias; continuo subiicit vers. 303.*

Αὐτὸν δ' ἀμφὶ γέροντες Ἀχαιῶν ἡγερέ-  
θοντο,  
Δισσόμενοι Δειπνῆσαι, ὃ δ' ἡρνεῖτο σε-  
ναχίζων.

*Senes Archivorum circa eum congregati erant, orantes jentaret, sed is suspirans negabat. At αὐτὸν non refertur ad Patroclum, de quo in antecedente versu, sed ad Achillem, cujus superius mentio facta fuerat. Idem observatum est à viris doctis, in aliquot N. T. locis, ut Act. X, 6 1 Joan. V, 20. in voce ἵτε, licèt de posteriore loco sit orta controversia, quia volunt plerique inde probari Jesum Christum vocari τὸ ἀληθινὸν Θεόν; negantibus, cum H. Grotio, Unitariis, ἵτε referri ad proximè antecedentia verba. Ita usu venit, ut ea loca, quòrum verbis nihil probatur quod in controversia sit, quàm ea quibus dissidentes Christiani utuntur in rebus controversis, meliùs intelligantur.*

9. Attici phrasin habuerunt, in eorum Scriptoribus frequentissimam, quæ tamen Analoga

giæ generali Linguae Græcæ videtur repugnare. Nempe, pro δίκαιοι ἐσὶ τὸτο πράττειν, quo etiam utuntur ut reliqui Græci, dicunt δίκαιοι ἴσμεν τὸτο πράττειν, *justi sumus hoc facere*. Ita Criton, initio ejus Dialogi qui ejus nomine inscriptus est, dicit : δίκαιοι ἴσμεν σώσασθαι σε κινδυνεύον τὸτο ἢ κίχθαι, *justi sumus te servato, periclitari hoc periculum*, pro δίκαιοι ἐσὶν ἡμᾶς, &c. Qui Platonem leget multa similia reperiet, & plura etiam apud Aristophanem; qui sermone quotidiano utentes inducens, non ita Regulas observat, quæ in colloquiis ejusmodi sæpe negliguntur.

10. Interdum miscentur duæ phrasæ, aded ut initio ab unâ factò, alterius pars subjiciatur. *Homerus* \* *Iliad.* B. ita Nestorem loquentem inducit:

Φημι γὰρ ἔν κατανεῦσαι ὑπερμένεα Κρο-  
νίωνα,

Ἡματι τῷ ὅτε νηυσὶν ἐπ' αἰχμητίροισιν ἔ-  
βαινον,

Ἀργεῖοι Τρώεσσι Φόνον ἢ κῆρα φέροντες,  
Ἀστρέπτων ἐπιδίξι', ἐναίσιμα σήματα  
φαίνων.

*Dico enim verò adnuisse præpotentem Satur-  
nium, eo die quo naves celeres conscende-  
runt Argivi, eadem ἔ mortem Trojanis infe-  
rentes, fulgurans dexterâ, fausta signa osten-  
dens.*

Q 3

dens. Postremum versum concepit, quasi in primo dixisset : κατίνοσι ὑπερμένης Κρονίον , cum quo conveniret ἀτράπτων ; aut ita incepit, quasi dicturus esset ἀτράπτονα. *Eustathius* quidem vult hunc locum esse σολοικόν φανῶν, non verò σόλοικον, censetque punctum post Φίροντις collocandum esse & in quarto versu subintelligendum ἦ ; verum alia ab \* Eruditis adlata sunt ejusmodi exempla, ex quibus liquet *Eustathium* frustra vereri ne *Homero* Solæcismus tribuatur. Nec dubito tamen, si per versuum leges licuisset, Librariorum aut Criticorum intempestivam diligentiam effecturam fuisse ut *Homerus*, aliique Poëtæ, apud quos talia occurrunt, convenientiùs Regulis loquerentur. Multò rectius est, quod ad eundem locum observat doctissimus Grammaticus; Poëtam, nempe, ἢ καὶ ἀρχαίζοντα, ἢ καὶ μιμνήσκον ῥήτορα ἰαγνώσκον νόημασιν ἰκανοὺς ἀπὸ ἀνυχολῶντα, ἢ τὸ καταλλάττειν τῆς συντάξεως μὴ διόλου φροντίζοντα, aut antiquo more loquutum, aut imitatum *Rhetorem* decertantem, qui cogitationibus occupatus non prorsus curat seriem constructionis.

11. Neque hæc inter Poëticas licentias numeres, cum elegantes Profæ Scriptores haud rarò ejusmodi verborum structuris utantur. *Polyænus* Lib. I. c. 15. Θεόπομπου ——— τί, ὅτι ἄνθρωποι εἶδε, *Theopompus* urbem vacuam

C E.

\* Daniel. Heinsii Proleg. in Exercitationes Sacras p. 31. & seqq.

CEPIT; καὶ κατόπιν ἑμβάλλουσι τοῖς Μεσσηνίοις,  
 Et à tergo INVADUNT Messenios. Aut  
 erat dicendum εἰ πρὶν Θείου πομπῶν εἶλον καὶ ἑμ-  
 βάλλουσι, vel ἑμβάλλου post εἶλε. Idem Scriptor  
 Cap. XVIII. εἰ πολέμιοι τὸ λόγιον εἰδότες, κοι-  
 νῶν αὐτοῖς ἢ παράγγελμα εἰς ταῖς μάχαις, ἀπι-  
 χισθαι Κόδρυ. Hostes scientes hoc oraculum, pu-  
 blicum erat eis edictum. Pro structura Gram-  
 matica, dicendum erat τοῖς πολέμοις εἰδέναι, aut  
 post id initium Periodi, quo usus Πολυαπὺς,  
 κοινὸν εἶχον παράγγελμα, aut κοινῶς παραγγέλλαν-  
 το. Similia ex eodem Scriptore loca ad hæc  
 verba adfert *Is. Casaubonus*, qui vetat credere  
 hîc esse mendum & meritò vult esse σχῆμα  
 quoddam; licet nequaquam καινοπρεπὲς, ut  
 ait vir summus, vel *Homero* teste, sit. Idem  
 præterea verè addit in *Æliani* Scriptis, oppi-  
 dὸ quàm elegantibus, haud rarè talia obser-  
 vari. Dein duo loca *Æliani* profert, quo-  
 rum alter exstat *Var. Hist. Lib. II. c. 13.* de  
 quo tamen loco nihil dixit *Jac. Perizonius*, homo loquax, quem *socordia*, quam  
 aliis objectat, meritò hîc, ut alibi accuses.  
 Alter est *Hist. Animal. Lib. VII. c. 26.*

12. Simile quidpiam occurrit apud *Virgi-  
 lium* *Eclog. IV, 62.* ubi sic *Pollionis* filium  
 compellat Poëta:

*Incipe, parve puer, risu cognoscere matrem;*  
 &c.

*Incipe ; parve puer ; QUI non risere parentes,*  
*Nec Deus HUNC mensâ, Dea nec digna-*  
*ta cubili est.*

Oporteret aut CUI dictum, aut HOS. Nisi constaret à tempore *Quintiliani* \* ita scriptum fuisse, in Codicibus *Virgilii*, & Veteres Grammaticos circa loci sensum hæsitasse; vix etiam hic locus videtur manus Criticas evasurus fuisse. Ejus, ut & hoc obiter notemus, hic est sensus: "adride puer parentibus, quoniam inter Heroas olim futurus es; qui enim non adriserit parentibus, is neque conjugem Deam habebit, neque Dei ullius mensæ adhibebitur; quorum alterutrum priscis Heroibus contigit." Putabant enim Veteres risum præmaturum in infantibus præfagire aliquid magni. *Lucianus* in Dialogo Vulcani & Apollinis, ita Vulcanum de Mercurio recens nato loquentem inducit: *ἰώρακας, ὦ Ἄπολλον, τὸ τῆς Μαιᾶς βερίφθονόν τι ἄρτι τυχθὲν, ὡς καλὸν τί ἐστι, ἐπεσγυλαῖ πάντι, ἐδηλοῖ τι ἴδῃ ὡς μέγα ἀγαθὸν ἀποβησόμενοι; vidistine, ὁ Ἀπὸλλο, filiolum Maiæ nuper natum, ut formosus est omnibusque adridet, & jam quiddam præ se fert, quasi in magnum aliquod bonum sit evasurus.* *Plinius* Lib. VII. c. 16. inter præfagia in infantibus observata, hoc refert; *Risisse, eodem die quo genitus esset, unum, inquit, hominem accepimus Zoroastrem.* Similia quoque narrabantur de *Cyro* infante, qui à pastore regio.

\* *Inst. Orat. Lib. IX. c. 3.*



regio ad uxorem delatus veluti ad notam adulsi, ut loquitur *Justinus* Lib. I. c. 4. cujus hæc sequuntur verba: *tantusque in illo vigor, & dulcis quidam blandientis risus adparuit, ut Pastorem uxor ultrò rogaret permetteret sibi, si, ve fortunæ ipsius, sive spei suæ puerum nutrire.* Nempe, risus Cyri magnum quidpiam portendere mulieri videbatur. Mensâ suâ *Ixiomem* dignatus est *Jupiter*; quamobrem *συμπότης εἶναι θεῶν* idem est *Epicteto* c. XXI. *Enchiridii* atque ad Heroum dignitatem evehi. Hinc *Pythagorei* qui virorum præclarorum factò functorum animos in Heroum numerum referri putabant, teste *Laërtio* Lib. VIII. §. 31. suæ sectæ homines, quos ceteris omnibus haut parum antistare censebant, convivas esse post mortem aiebant *Plutonis* & *Proserpinæ*, quod falsè ridet *Aristophon*, in *Pythagorista*, *Grotianorum* Fragment. p. 843. ubi quempiam ex Inferis reducem inducit:

Ἐφ' ἣν τε καταβάς εἰς δῖαιταν ἤ κάτω,  
 Ἴδεῖν ἐκάσας, διαφέρειν ἢ πάμπαν  
 Τὸς Πυθαγορίσας ἤ νεκρῶν, μόναισι γὰρ  
 Τάτοισι ἢ Πλάτωνα συσσιτεῖν ἔφη.

Dicebat, cùm descendisset in mansionem inferorum, vidisse se singulos, multum verò differre *Pythagoreos* à mortuis, solos enim illos dicebat *Plutonis* esse convivas. Vide not. ad *Scholiam* *Luciani* T. I. p. 31. Venus verò eubisi dignata est *Anchisen*, *Adonin*, aliosque *Heroas*.

13. Lucæ C. XXI, 6. ejusmodi loquutio occurrit: ταῦτα αὖ θιμῶνται, ἰδυσσονται ἡμεῖς ἐν αἷς οὖν ἀφιδήσεται λίθος ἐπὶ λίθῳ, &c. *Hæc quæ videtis, venient dies, quibus non relinquetur lapis lapidi impositus, &c.* Ubi nominativus ταῦτα nullum habet verbum, quod sequatur. Ad quem locum consuli poterit *H. Grotius*. Sed plura ejusmodi phrasium exempla suppeditabit *Sal. Glassius* in *Phil. Sacra* Lib. III. Tract. I. Can. 28. licet in eo erret, quod putet initium phrasios absolutè poni, & vim integri membri obtinere; ut *Act. VII, 40. Moses hic, qui eduxit nos de terra Ægypti, nescimus quid factum sit ei.*

14. In numerum loquutionum mistarum referendæ hæ Plautinæ, *facere patrem ne introëat*, pro *facere ut pater ne introëat*, *Mostellar. Act. II. S. I. vers. 42. & \* absque eo fuisset, hoc fecissem, ἀντὶ τοῦ, nisi is fuisset, hoc fecissem, ἀντὶ τοῦ, nisi is fuisset, hoc fecissem, aut absque eo hoc fecissem.* Vide & *Aulular. Act. IV. S. I. vers. 1. & Interpretes*. Eodem loco habenda est hæc oratio *Hirtii* de Bello Africano C. XXV. *Dum hæc ita fierent, Rex Juba, cognitis Cæsaris difficultatibus, copiarumque paucitate, non est visum dari spatium convalescendi, augendarumque ejus opum.* Ita desinit quasi dixisset *Regi Juba*; aut ita incepit, quasi dicturus fuisset *non censuit*, aut quid simile, loco horum *non est visum*. Huc possunt referri ἀνεκάλυθα omnia, quæ in omnis

\* Vide *Intt. Plauti* ad *Menzehmos Act. V. Sc. 7, vs. 2.*

mnis generis Scriptoribus occurrunt, quorum aliquot exempla congeffit *M. Ant. Muretus* Lib. I. Ep. 33 & post eum *Philipp. Rubenius* Elect. Lib. II. p. 16.

15. Fortè & quædam fuerunt in Linguis Græca & Latina aliisque, constantis quidem usûs, sed nullarum Regularum limitibus adstricta; quale est quod in Gallica Lingua hodie cernere est, in qua nulla Regula proferri potest, quæ doceat quænam sint adjectiva substantivis præponenda, quænam postponenda. Sed illa ut plurimum nobis latent, ut si Lingua Gallica periisset ex usu quotidiano, ne cogitaremus quidem de illa re, quam nos docuit usus,

*Quem penes arbitrium est, & lex & norma loquendi.*

Simile quidpiam in Græca Lingua fuit, si veteribus credimus Grammaticis. *Photiana* excerpta ex *Helladio* Byzantino: Καλὸς ἔστι ἀγαθὸς οἱ Ἀῆτικοὶ λήγουσι, ἀγαθὸς ἔστι καλὸς ὃ λήγουσι. καὶ τοὶ λήγουσι ἀγαθὴν τύχην, λήγουσι καὶ τύχην ἀγαθὴν: *Attici dicunt καλὸς καὶ ἀγαθὸς, sed non ἀγαθὸς ἔστι καλὸς, quamquam ἀγαθὴν τύχην dicunt ἔστι τύχην ἀγαθὴν.*

16. Si quis adtentè *Herodotum* legat, multa in ejus constructione anomala occurrent. Exempli gratiâ, frequenter apud eum legas, ἰμοὶ δοκίμῳ, & ὡς ἰμοὶ δοκίμῳ *mibi videri, ut mibi videri, ἀλλ' ἔγωγε, ὡς ἰμοὶ δοκίμῳ*, ut vulgò etiam loquuntur Græci. Nec dubito quin, si semel

Lib. IV. c. 163. ubi Infinitivus est loco Imperativi: σὺ μὲν τοι ἥσυχ' εἶναι κατέλθων εἰς τὴν πατρίδα, ad verbum, *tu quidem quietus esse redux in patriam*. Sic & apud *Homerum* Iliad. I. vers. 255.

— σὺ δὲ μεγαλήτορα θυμὸν  
ἴσχειν ἐν στήθεσσι.

*Tu magnanimum animum habere in pectore.*

Vide & vers. 281. Non potest subaudiri δαί, oportet, quod alioqui subaudiri in ea phrasi solet, quia antecessit σὺ *tu*. Ne dixeris etiam subaudiendum μέμνησο *memento*; nam apud *Hesiodum* in hoc versu, ubi hæc ipsa est loquutio, verbum hoc intelligi nequit, Oper. & Dier. vers. 616.

— ἀρότῃ μεμνήμεν' εἶναι  
ὦραϊς.

*Memor esse arationis tempestivæ*, nemo enim dixerit *momento* *memor* esse. Vide vers. 623. & 641.

18. Poëtæ non rarò habent ejusmodi loquutiones. Sic *Euripides* in *Hecuba*, vers. 333.

Αἱ αἱ τὸ δῆλον ὡς κακὸν πεφυκέναι,  
Τολμᾷθ' ἂ μὴ χερὶ, τῇ βίᾳ νικώμενον.

*Ab, ab, quàm malum est esse servum! susti-*  
*nes*

net quod non oportet per vim victum. Ad quem locum, ita Scholialtes:

Ὅμοιον τῷ παρὰ Σοφοκλεῖ,

Κρεῖσσον γὰρ ἦσθα μηκέτ' ὦν, ἢ ζῶν τυ-  
φλός.

Ὡς περ γὰρ ἐκεῖ ὀφείλων θεῖναι τὸ κρεῖττον ἐπὶ τῷ ῥήματι, ἢ ἢ κρεῖττον μὴ εἶναι σὲ ἢ ζῆν τυφλόν, ὁ δὲ τίθησιν περὶ τῷ ὀνόματι. ἔτω καὶ ταῦτα, ὀφείλων τάξαι τὸ πάνυ κακὸν ἐπὶ τῷ πεφυκέναι, ὁ δὲ τίθησιν ἐπὶ τῷ ὀνόματι: *Simile illi Sophocleo: Melius eras non amplius existens, quàm vivens cæcus; Quemadmodum enim ubi debebat jungere melius cum verbo, ut esset: melius erat non esse te, quàm vivere cæcum, conjunxit cum nomine: ita ἔσθ' hic, cùm deberet construere malum cum esse, construxit cum nomine.* Talia multa ex Tragicis colligi possent.

19. In exclamatione hac quis Analogiam invenerit?

ὦ μοι ἐγὼ, κακῶν!

*Hei mihi ego malorum.*

Si detrahatur ἐγὼ, constat constructio; at ita frequenter occurrit apud Poëtas Græcos, & præsertim apud *Euripidem*, cujus hic est versiculus ex *Hippolyto*, 591. Scio posse suppleri ὦ μοι, ἐγὼ (ἄθλιός εἰμι) κακῶν (ἔσθ' ἐμε) sed  
nulla

nulla est tam anomala loquutio, quæ supplementis ejusmodi ad regulas revocari nequeat.

20. Hæc satis superque sunt, ad ostendendam loquutionum *ἀνωμαλίαν*, quæ non parum negotii faceffit iis, qui non sunt summo opere exercitati in lectione Veterum; si quid præsertim occurrat, quod suâ naturâ obscurum sit. Nec dubito quin multa sint in Veteribus Codicibus, à Librariis idèd dumtaxat emendata, quòd non satis intelligerentur, qua de re alibi videbimus.

21. Hic possemus addere ingentem copiam Anomaliarum, Linguae Hebraicæ, quæ licet Analogia sua non careat; tamen referta est Anomaliis, quæ non tantum sunt exceptiones regularum, sed quæ perpetui sunt usus; qualis est frequentissima illa mixtura numerorum, personarum, & temporum, quæ in Hebræorum sermone occurrit, præsertim in libris grandiore stylo scriptis; quales sunt qui Hagiographi dicuntur & Prophetici; quorum ne pagellam quidem legas, quin multa talia invenias. Verum ea ipsa Anomaliarum copia, cum ubique occurrant, ne ullum proferamus exemplum faciet.

## CAPUT XI.

## REGULA X.

*Ἀκυρολογία non debere cum tropicis vocibus;  
aut figurata oratione confundi; neque ex  
ea Regulas confici posse.*

I. **P**RÆTER ea, quæ Capite superiore notavimus; περί τῆς ἀκυρολογίας, alia sunt majoris momenti; quibus singulare Caput à nobis tribui oportere duximus. Primum est, viros eruditos sæpe improprium ex negligentia stylum, quasi tropicum, aut figuratum habere; ex quo errore fit ut quod per incuriam effusum est, id de industria dictum existiment, adeoque urgeant quod urgeri non debet. Ne in eundem scopulum impingamus, necesse est à nobis tropum, figuram, & ἀκυρολογία, accuratè definiri.

2. Tropus definitur à Quintiliano: *Verbi vel sermonis à propria significatione in aliam, cum virtute, mutatio.* Vocolæ cum virtute idem significant ac, οὐκ ἰμφάου; unde colligere est eam vocem tropicam esse habendam, quam selegit Scriptor, quodd haberet vim majorem, quàm propria. Qui voluptatibus corporeis sunt dediti vocantur tropicè Porci, quâ voce id vitium plenius describitur, quàm si eo infecti

70-

voluptatum corporearum nimium amantes dicerentur. Hinc etiam, *Epicuri de grege porcus*, est ἰμφατικώτερον, quàm si dicamus *Epicuri*, in voluptate corporea felicitatem collocantis, discipulum.

3 Ἀνυπερολογία, quæ & Κατὰχρησις vocatur, \* dicitur esse à Rhetoribus, quoties durius vocis alicujus significationem deflectimus ad aliam longè à propria recedentem. Ut autem durior sit deflexio, debet esse solito usui contraria; alioqui si usus vocem in alienam significationem à primigenia detorsit, id non ampliùs durissima emollire possit constans & perpetuus usus. Itaque non satis adcurati sunt Rhetores, qui exempla καταχρίσις ex usitatissimis translationibus adferunt. Hisce rationibus permoti ἀνυπερολογία definimus, prout est tropis licitis & usitatis opposita, mutationem vocis, aut sermonis, à propria significatione in aliam, sine virtute. Ex qua definitione, negamus ἀνυπερον esse tropum; quandoquidem tropus, quo quidem per Rhetoras uti liceat, nullus est contra usum, aut sine ἰμφάσει; hujusmodi verò abusus vocum hoc uno proprium sermonem superat, quodd sit obscurior; cum enim ex solo usu de significatione vocum judicemus, potestates quæ ex usu colligi nequeunt, esse obscuras necesse est. Exempli causâ, si quis velit dicere sibi esse suam domesticum mactatum & sale conditum, & pro eo adfirmet se habere aprum falsum; obscura &

Tom. I.

R

im-

\* Vid. Vossii Inst. Orator. Lib. IV. cap. 12. §. 24



impropria erit oratio, at non tropica.

4. *Schema*, seu *figura* Rhetoribus est: *Orationis forma*, quâ ea alio quopiam modo, quàm propriæ significationis in alienam commutatione, à simplici ac communi usu immutatur in elegantiores. Figurata est oratio hæc Theophrasti: ἢ φιλέῃτα δὲ κρίνειν, ἀλλὰ κρινόντα φιλεῖν, non est tum demum judicandum, cùm amaveris; sed postquàm judicaveris, amandum.

5. Est etiam Ἀκυροῦ quoddam figuræ oppositum, quo ita commutatur oratio, ut simplice sit minùs elegans & obscurior, simplex hæc esset oratio: δὲ πρότερον κρίνειν, ἔπειτα φιλεῖν, ἢ κρίσειν τῇ φιλίᾳ ἑπιδεῖν. Oportet priùs judicare, dein amare; non iudicium ferre, post amicitiam contractam. Ἀκυροῦ verò hæc esset: δὲ ἢ φιλεῖντα κρίνειν, ἀλλὰ ἀγαπᾶν κρινόντα. Hoc enim situ vocabulorum, à simplici abhorrente, & mutatione τῷ φιλεῖν in ἀγαπᾶν, fit eorum sententia tantùm obscurior, non elegantior.

6. Si quem autem contingeret adeò esse verborum suorum indigentem, ut simul voces usurparet καταχρηστικῶς, seu contra usum, & orationis ordinem perturbaret, is censeri deberet: ἀκυρολογίας summum apicem consequutus. In hoc vitium, ex nimio grandiloquentiæ studio, delapsi sunt non rarò Poëtæ Dithyrambici, quos tamen summopere ad-  
mirata

mirata est Græcia. Exemplum esse potest initium primæ Odæ Pindaricæ, in Olympionicas:

Ἀριστον μὲν ὕδωρ, ἰ δὲ  
χρύσῳ αἰθόμενον πῦρ  
ᾧ τε διαπρέπει νυ-  
κτὶ, μεγάνορ ἔξοχα πλεῖτε.

5. Εἰ δ' ἄεθλα γαρεύει  
ἔλδεαι Φίλον ἥτορ,  
μηκίθ' αἰλίσ σκίπτει  
ἄλλο θαλπνότερον.  
ἐν ἀμέρᾳ φαεινὸν ἄστρον

10. ἱρήμας δὲ αἰθέρῳ.  
μηδ' Ὀλυμπίας ἀγῶνα  
Φέρετερον αὐδάσομεν, ἢ τὰ ἐξῆς.

*Optima quidem est aqua,  
Aurum verò, ardentis ignis  
Instar, excellit noctu,  
Eximie inter superbificas divitias.  
Si verò certamina narrare  
Gestis, ô carum cor,  
Ne ampliùs sole contempleris  
Aliud soventius, aut calidius  
Interdiu lucidum astrum,  
Desertum per atherem.  
Neque Olympiæ certamine  
Præstantius dicemus &c.*

7. Primùm, verbum διαπρέπει, de igne no-  
tu fulgente, non potest dici, nisi per abusio-  
nem;

nem; nam ea vox significat tantum *excellere*; sed *Pindarus* ea hîc usus est, quod conveniat divitiis & auro, ac possit propriè dici *χρυσὶς ἔξοχα πλεῖτε διαπρίπτειν*, *aurum eximie inter divitias excellere*. Ἄστρον quidem est etiam ἀντὶ τοῦ ἀστῆρος per abusionem dictum; sed quia frequenter hoc fit, novum videri nequit. At vox θαλπνότερον est alieno loco, nam quæ stellæ die apparent præter Solem, Luna & Lucifer, nullo modo θαλπνῶσι *fovent* aut *calefaciunt*; quod sine dubio *Pindaro* ignotum non fuit.

8. Præterea ordo vocabulorum est aded conturbatus, & oratio aded hiulca, ut sine paraphrasi à tironibus intelligi nequeat Poëta. Nemo, nisi exercitatus, sentiet hic esse comparisonem, quam paraphrasi suâ rectè expressit *Benedictus*. Scio eos qui omnia mirantur, quæ admirata est Antiquitas, reposituros stylum hunc esse Dithyrambicum, qui talia ferat; quod ego quidem ultrò confiteor; sed contendo esse hæc ἀκυρολογίας, quamvis hisce Poëtis licitas, quas quo jure permiserint, aut admirati sint Græci nunc non inquirō. Nolim etiam hæc ita intelligi, quasi negarém subinde egregios sensus sub illis verbis latere, aut veræ laudi *Pindari* quidquam detractum vellem.

9. Secundum; quod hoc in Capite observatu dignum existimavi; est ex ejusmodi stylo, certas Regulas constari non posse; quibus significatio vocabulorum perspicuè definiatur, aut orationis ordo certus statuatur.

Hu-

Hujus rei ratio est, quia nemo in ἀκὺρᾳ incidit arte, sed negligentia, quæ varia est, nec quidquam constans habet; aut furore quodam poetico, qui negligentia similis est; ac proinde hæc non possunt firma certarum Regularum fundamenta præbere. Ex eo quod Pindarus hic voce διαπρίπειν utatur, de igne verba faciens, malè collegeris eâ significari fulgere, quod nulla alia significatio igni nocte accenso, de quo loquitur Poëta, adcommo- dari queat; nam non ita pensitabat voces Pindarus. Perperam etiam collegeris Lunam & Luciferum esse stellas quæ θαλάπαι dici queant, quod idem dixerit nullum esse altrum θαλαπεί- τιρον Sole, inter ea quæ interdum cernuntur; neque enim Poëta cogitavit esse quidem tres stellas θαλαπνῆς, sed nullam earum Sole θαλαπνο- τίειν. Spiritu poetico plenus vaticinatus est, non ad placidæ ratiocinationis normam, sed pro æstu furoris quo rapiebatur. *Præcipita- bat*, ut verbis utar Petronii, *liberum spiritum; ut potius furentis animi vaticinatio adpareret, quam religiosa orationis sub testibus fides*; quod fieri ille volebat à Scriptore Belli Civilis.

10. Hisce positis, si quem norimus Scrip- torem, qui in singulis verbis sæpè sit ἀκὺρ- ελόγος, & in structura orationis Regularum negligens; eum oportebit fateri difficilem es- se intellectu, nec ad certos quosdam Gram- maticos, aut Criticos Canones nimium exi- gendum. Qui studiosè Novi Testamenti li- bros legerunt, & præsertim Pauli Scripta, fa-

cile animadverterunt, ea scaterere ἀκυρολογίαις, si umquam hac de re seriò cogitarunt. Neque enim moror eos, qui non tam dicunt quod norunt; quàm quod, ex præconceptionis eorum judiciis, esse deberet; ideoque omnia ad suas detorquent opiniones. Eò confidentiùs hac de re loquor, quòd possim doctissimos quosque Patrum Græcorum, de Idiotico Apostolorum stylo loquentes, si velim, in medium adducere. Unum hîc, omnium vice, audiamus *Eusebium*, Hist. Eccles. Lib. III. c. 24. ubi ita de Apostolis: τὸ βίον ἄκρως κεκαθαρμένοι, καὶ ἀρετῇ πάση τὰς ψυχὰς κεκοσμημένοι, καὶ δὲ γλῶσσαν ἸΔΙΩΤΕΤΟΝΤΕΣ, τῇ γε μὴν πρὸς τοῦ σωτῆρος αὐτοῖς δειδωρημένη θείᾳ καὶ παραδοξοποιῷ δυνάμει θαρσύντες, τὸ μὲν ἐν περινοίᾳ καὶ τέχνῃ λόγων τὰ τοῦ Διδασκάλου μαθήματα πρεσβεύειν ἔτε ἤδεσαν, ἔτε ἐνεχείρην: interprete *H. Valesio*: cum essent vitæ quidem ac moribus castigatissimi, & omnibus virtutibus ornati, sermone autem ipso rudes atque inculti; freti divina & mirifica virtute, ipsis à Servatore concessa, artificioso verborum ornatu magistri sui præcepta exponere neque novērant, neque item conabantur. De verbis autem hîc agimus, non de rebus, quod, ne quis calumniandi ansam adripiat, monemus.

11. Hinc colligere est, non ex Rhetoribus esse explananda ejusmodi Scripta; si quæ enim occurrunt fortè figuræ, aut si qui sunt tropi,

tropi, ex calamo Scriptorum Sacrorum, de verborum delectu nequaquam cogitantium, sponte suâ fluxerunt. Toties in Artem Rhetoricam peccant, ut satis adpareat, non ex ficta quadam modestia, ut nonnulli volunt, eos se *ιδιότηας λόγων* dixisse, sed ex rei conscientia. Quin & facile esset ostendere hoc contigisse, singulari providentiâ divinâ, ne viderentur inventores esse doctrinæ quam nunciabant. Cavendum etiam est ne quia alicubi, ut sensus constet, voci cuiquam tribuenda est significatio quædam, putemus inde Canonem confici posse, eâ voce apud Paulum, *exempli causâ*, hoc solere significari. Sic 1 Cor. XII, 12. hæc verba *ἕτω ὡς ἡ κεφαλή*, ut constet comparisonis ratio, debent ita *παραφραστικῶς* explicari: *ita quoque se habet Ecclesia Christiana*. Attamen inde non poterit colligi, in stylo Pauli, solere interdum *κεφαλή* significare *Ecclesiam*; nec Paulus rogatus an ea vox id significaret, dixisset se eam potestatem illi voci subijcere solitum esse. Est, nempe, *ἄκρον*, quod eo loco vitare noluit, uti nec innumera alia; non verò vox certò animi iudicio delecta.

12. Hujusmodi sermonem ut rectè ubique adsequamur, oportet nobis aliunde res, de quibus loquuntur Scriptores, esse notas, nosque scire quantum Scriptorum illorum cognitio patuerit; præterquàm quòd etiam nobis notam esse necesse est consuetudinem ejusmodi sermonis. Hæc autem subsidia cùm nobis magna ex parte defint, non est sperandum sin-

gula quæque, apud cos, clarè posse intelligi. Generalis dumtaxat, & obscurior notio ut plurimum suppetit; in qua adquiescamus oportet, quando ulteriùs progredi non licet. Cum verò singulæ voces, aut loquutiones non sint delectæ datâ operâ, nec aliis certa de causâ prælatæ; non sunt nimium urgendæ, neque subtilioribus confectariis vexandæ. Quod si fieret, inanes multæ ex Scholastica Theologia eliminarentur opiniones, atque exitialibus controversiis finis imponeretur.

---

## CAPUT XII.

## REGULA XI.

*Multa esse propter constructionem ambigua.*

I. **N**ON uno loco, egimus de ambiguitatibus ex varia & incerta significatione vocum nascentibus; sed aliæ supersunt non minoris momenti, ex structura orationis manantes. Si votis emendari præterita possent, optaremus constantiores homines fuisse, & uni constructioni, aut unum, aut quàm paucissimos sensus adtribuuisse. Sed quoniam hîc vota non modò in præterita, sed ne in futura quidem, vim ullam habent; nihil superest, nisi ut de ea ambiguitate Antiquitatis Studiosos moneamus. Ceterùm sicuti in sermone hominis Regulas non adtendentis, mistæ loquutiones occurrunt, quales Capite X. vidimus:

mus: ita & ex simili incuria, nata est structura  
ambiguitas

2. Possimus ex variis Linguis multa exempla congerere, & præsertim ex Latina, ambiguae constructionis. Sed unicum profereamus, quod ad plerasque Linguas pertinet, & latissimè pater. Id petatum est ex conjunctione duorum Substantivorum, quorum alterum est in Genitivo, quâ constructione plerasque *Relationes* significamus; quarum aliquot partim aliis observatas, partim intactas recensēbimus.

3. Genitivo ergo exprimitur *Relatio Totius ad Partem*; ut in hisce loquutionibus, *Caput Ecclesiæ*, *Fundamenta* aut *Columnæ Ecclesiæ*. In prima loquutione, Ecclesia quasi corpus humanum consideratur, cujus membrum est caput, licet præcipuum. In duabus reliquis, Ecclesia ædificio confertur, cujus partes sunt Columnæ & Fundamenta.

4. *Partis ad Totum*, ut *Corpus Christi*, cùm de Ecclesia dicitur, nam Christus est pars, nempe, caput; quod cum reliquis membris conficit totum illud Corpus, quod Ecclesia vocatur. Observandum tamen in ea phrasi interdum *Corpus* non pro integra Ecclesia, sed pro ejus, ut ita dicam, trunco, prout distinguitur à Christo capite, ἀντιστοιχίαν sumi: quo loco Genitivus designat *Relationem* partis ad partem. Ita sumitur ad Coloss. I, 24. ὑπὲρ τοῦ σώματος αὐτοῦ pro corpore ejus, ubi corpus vocantur Christiani, excluso Christo.

5. *Partis ad Partem*, ut membrum Christi,  
R 5 nam



nam Christus est pars corporis<sup>7</sup>, cujus sunt membra Christiani. Ita Paulus prioris ad Corinth. VI, 15. *An nescitis, inquit, corpora vestra esse membra Christi?* Novi equidem eruditos viros hîc voce Christi intelligere Ecclesiam, sed ea interpretatio durior est.

6. *Subjæcti ad accidens, vel adtributum*; ut I Cor. I, 21. *μωρία τῷ νοῦματι*, stultitia prædicationis, est stulta prædicatio, seu quæ hominibus stulta videtur. Gal. IV, 4. *πλήρωμα τῷ χρίστῳ*, complementum temporis, est tempus impletum. Ephes. IV, 29. *οἰκοδομὴν ἡγέτας*, edificatio usus, est usus edificans.

7. *Vicissim, Accidentis ad subjæctum*. Proverb. XXIX, 8. *viri derisionis sunt homines derisores*. Esai. LII, 1. *urbs sanctitatis est urbs sancta*. Judæ commate 18. *ἐπιθυμίαι καὶ ἀποβουλῆς* sunt cupiditates impie. Latini sic passim dicunt *virum bonæ indolis*, &c.

8. *Causæ efficientis ad effectum*, ut *Æneis Virgili*, *Orationes Ciceronis*, &c. Esd. I, 7. *Facultas Cyri Regis Persarum*, est facultas à Cyro, Persarum Rege, concessa. Esai. LIV, 13. *למנוחיהוה* limmonde Elohim, *διδαστοὶ τῷ θεῷ*, quæ loquutio etiam occurrit Joan. VI, 45. dicuntur edocēi à Deo. Matth. XXV, 34. *εὐλογημένοι τῷ πατρὶς* sunt benedicti à patre.

9. *Effectus ad Causam*, ut *Creator mundi*. Luc. I, 69. *Κέρας σωτηρίας* est cornu, seu potentia salutem adferens. Rom. V, vers. 18. *δικαιοσύνη ζωῆς* est justitia quæ vitam parit. In eadem Epistola, Cap. XV, 5. *Deus consolatio-*

tionis & patientiæ, Deus qui utramque creat. *Anacharsis* oleum, *μαρίας φάρμακον* vocabat, quoddam uncti Athletæ insanorum instar cum amicis pugnarent, auctore *Diogene Laërtio* Lib. I. §. 104. Nisi nota esset occasio, quæ eâ voce usus est *Scytharum* sapientissimus, nemo non crederet *insaniæ remedium* vertendum, non *pharmacum*, quo ad insaniam adigerentur. Sic, apud *Lucianum* cō μακροβίος, dicitur panis hordeaceus haberi ὀξύδερκας φάρμακον, apud *Chaldæos*, medicamentum quo perspicaciores fiunt, non quo dematur perspicacia. At contrario sensu *Sotioni*, apud *Stobæum* Serm. CXIII. παραμυθία, *alloquium*, dicitur φάρμακον αἰίας μίγνυον, *maximum tristiæ remedium*.

10. *Causæ finalis ad effectum*; ut oves *maclationis*, πρόβατα σφαγῆς, *Psal. XLIV, 23. Rom VII, 36.* sunt oves ad maclandum destinatæ. Ita & *Matth. II, 8.* ἄστρον αὐτοῦ, ubi sermo est de Christo *Judæorum Rege*, est stella eo fine in cælo accensa, ut significaret eum esse natum. *Virgilius* similiter dixit, *Ecl. IX, 47.*

*Ecce Dionæi processit Cæsaris astrum;*

hoc est, stella in eum finem lucens, ut honori Cæsaris consuleretur.

11. *Objecti ad rem quæ in id fertur*; ut *Matth. X, 1.* ἐξουσία καὶ πνεύματος *potestas spirituum*, id est, in spiritus agendi. *Luc. VI,*

12. occurrunt hæc verba : *ἔ* *pernoctavit* *Jesus* *ὁ τῆ προσηυχῇ τῷ Θεῷ*, in oratione Dei; hoc est, in precibus ad Deum fufis. Aët. IV, 9. *ἰσχυρία ἀνδρῶν ἀδυνά*; est *beneficium in hominem infirmum* collatum. Marci XI, 22. *Fides Dei* est fides in Deum, Aët III, 16. *Fides nominis Jesu* est fides in Jesum. Rom. III, 22. *Fides Jesu Christi* eadem dicitur animi adfectio, ut & *Fides filii Dei* Gal. II, 20. apud *Josephum* Lib. Ant. Jud. XVI. c. 12. *διαβολαὶ παῖσιν*, sunt *calumniæ contra adolescentem*, quod *Gelenium* fugit. Potest huic Genitivi significationi addi ea, quæ designatur relatio objecti ad actiones mentis, ut *meditatio mortis*, *cogitatio belli*, &c. Plura ejusmodi exempla exstant apud *J. F. Gronovium* ad *Livii* Lib. XXIV. c. 26. Sic *virtus ulmorum*, apud *Plantum*, *Afinariæ* Aët. III. S. 2. est pro constantia in tolerandis ulmeis virgis.

12. *Rei, quæ objectum spectat, ad objectum*; ut Rom. XV, 13. *Θεὸς ἐλπίδος*, *Deus spei* dicitur, in quo spes collocata est. Ad superiorem & ad hanc significationem Genitivi pertinet animadversio *A. Gellii* Lib. IX. c. 12. *Metus æquè ἔ* *injuria, atque alia quædam idgenus, utroque versum dici possunt. Nam metus hostium rectè dicitur ἔ* *cum timent hostes, ἔ* *cum timentur. Itaque Sallustius, Historiâ primâ, metum Pompeji dixit, non quod Pompejus metueret, quod est usitatus, sed quod metueretur. Verba hæc Sallustii sunt : Id bellum excitabat metus Pompeji victoris*  
Hiem.

Hiemsaalem in regnum restituentis; *Item alio in loco*: postquam remoto metu Punico, simultates exercere vacuum fuit. *Injurias itidem dicimus tam illorum qui patiuntur, quam qui faciunt, quarum dictionum exempla sunt facilia inventu.* Illud etiam dictum à Virgilio eandem habet formam communicatæ ultro & citrò significationis:

Et vulnere, inquit, tardus Ulyxi Cùm diceret vulnus non quod accepisset Ulyxes, sed quod dedisset.

13. *Materiae ad rem quæ eâ constat*; ut vas auri. Ita sumuntur *tunicae pellis* Gen. III, 21. *Arca lignorum Gopher* Gen. VI, 14. *Nummus argenti*, *Plauti Pseudolo* A& I. Sc. 3. *Crater argenti*, apud *Persium* Sat. II. & similia passim.

14. *Possessoris ad rem possessam*; ut *pecus Melibœi*, & innumera alia. 2. Sam. XII, 8. *Dedi tibi domum Domini tui, & uxores Domini tui*, hoc est, quas possederat Dominus tuus, Huc etiam referri potest ambiguitas, quæ occurrit in titulo *Ethicorum Nicomacheorum Aristotelis*; cùm enim Ἠθικὰ Νικομαχεῖα significare possint *Ethica à Nicomacho scripta*, æquè ac *ad Nicomachum*, plurimi ea Nicomacho Aristotelis filio tribuerunt, inter quos *Cicero* Lib. V. de *Finibus*, c. 5. *Teneamus Aristotelem & ejus filium Nicomachum, cujus accurate scripti de moribus libri dicuntur illi quidem esse Aristotelis, sed non video cur non potuerit patri similis esse filius.* Est & aliud opus *Aristotelis* inscriptum Ἠθικὰ Νικομάχεια, quod similem peperit errorem. *Quintilianus* Lib. II.

Cap.

Cap. 15. *Non dissentit Theodectes, sive ipsius id opus sit, quod de Rhetorica nomine ejus inscribitur; sive, ut creditum est, Aristotelis.* Valerius Max. Lib. VIII. c. 14, 3. *Aristoteles Theodecti discipulo Oratoria artis libros, quos ederet, donaverat; molestéque postea ferens titulum eorum sic alii cessisse; proprio volumine, quibusdam rebus insistens planius sibi de his in Theodectis libris dictum esse adjecit.*

15. *Contenti ad continens; ut ἀλάστωροι μέγν, vas unguenti; Matth. XXVI, 7. aula auri, apud Plautum Aulul. Aët. IV. S. 10.*

16. *Individui ad speciem; ut fluvius Rhodani, oppidum Lugduni; ad quam phrasin etiam referendum monstrum hominis, hoc est, homo inter monstra recensendus.*

17. *Jussoris ad rem jussam; ut opera Dei, Joan. VI, 28. licet Grotius interpretetur opera grata Deo. Ita Rom. I, 17. δικαιοσύνη Θεοῦ est justitia à Deo præcepta, non verò quæ à Deo efficitur, & ut Dei opus Deo placet, uti habet idem vir summus. Paulus ait vers. 16. se non erubescere Evangelium, cum sit virtus Dei in salutem omni credenti, Judæo primum, dein Græco, & postea subdit: Justitia enim Dei in eo revelatur; hoc est, justa præcepta Dei, justæ leges à Deo latæ: ex fide, in fidem; id est, quâ cognitâ, Judæi ex fide quam habebant Prophetis, atque Ethnici majoribus suis, transferuntur ad fidem habendam Christo. Ita etiam sumitur Rom. III, 22, 23. & Jacob. I, 20. Atque inde, per translationem, obse-*

obsequium justæ Legi divinæ præstitum significat, 2 Cor. V, 21. & 2. Petr. I, 1. Si quis miretur ita nos hæc interpretari, meminerit frequentissimæ loquutionis, *præcepta Dei*; quâ aliud nihil significatur, nisi *præcepta à Deo hominibus tradita*.

18. *Similitudinis rei alicujus cum alia*; ut Esa. I, 10. *Ductores Sodomæ*, sunt proceres Sodomitis similes, & *populus Gomorræ*, est plebs similis Gomorrensi, Jerem. XXII, 19. *sepultura asini*, est ei similis quâ sepeliuntur asini. *Signum Jonæ Prophetæ* est ei simile quod Jonæ contigerat, Luc. XI, 29. & alibi.

19. *Adfinitatis aut Consanguinitatis*; ut Matth. I, 5. ἡ τῆς Οὐρίας υἱὸς Ὀυρίας *uxor Uriæ*, & apud *Virgilium*, *Hæctoris Andromache*. Plerumque, apud Græcos, in Genitivo ponitur parentum nomen, ut Πλάτων Ἀρίστωνος *Plato Aristonis filius*. Quamquam in eo non sunt constantes, etenim Ἀπολλιδωροῦ Ἀσκληπιάδου non modò *filius Asclepiadæ* explicari, sed etiam *pater, discipulus, amicus* verti potest; qua de causa, inter eruditos non satis constat quæ conjunctio *Apollodoro cum Asclepiadæ* intercefferit; qua de re videndus vir doctus *Th. Gale*, in Dissertatione *Apollodori Bibliothecæ præfixa*. Vide de hac tota re *Joan. Ger. Vossium*, *Artis Grammat. Lib. VII. c. 3.* ubi & alia exempla.

20. *Genitivus rei adfinis intendit*, apud Hebræos, *significationem*, ut Ezech. XXXIX, 4. *vulneces avium*, sunt omnis generis aves.  
2. Petr.

2. Pet. II. 17. & Jud. vers. 13. *ζόφος ὁ σκότος caligo tenebrarum* significat densissimas tenebras. Vide & Ephel. VI, 10. & summi viri *Hug. Grotii* ad eum locum adnotata. Apud eosdem Hebræos, sæpe idem substantivum repetitur, ut *vanitas vanitatum, canticum canticorum, sanctitas sanctitatum*; quibus summus gradus vanitatis, excellentia summa cantici & sanctitatis significatur. Apud eosdem, *Deorum Deus* est summus Deorum, seu eorum omnium, qui Dii vocantur; quem Platonici ἀληθινὰ Θεοῖα vocant, quodd sit excellentiore modo Deus quàm alii, ut vidimus Cap. III.

21. Observare est etiam, hoc in loco, per hypallagen transponi substantiva, aded ut id in genitivo sit quod in nominativo esse debuit. Ita Ezech. XXI, 30, 34. *Iniquitas termini* occurrit, ἀπὸ τῶ terminus iniquitatis, hoc est, dies, quâ iniquitati præstitutâ, impios Deus ulturus erat. Rom. IX, 21 νόμος δικαιοσύνης est pro *justitia legis*, ut patet ex oppositione antecedentis versûs, ubi dicuntur Gentes, *quæ non sectabantur justitiam, eam consequutæ*, cum Judæi qui *sectabantur justitiam legis, eam adsequeuti non sint*. Apoc. XXI. 24. ἱερὴ ἡ σωζομένη, sunt σωζόμενοι ἡ ἱερὰν servati ex Gentibus.

22. Interdum & adjectiva loco substantivorum genitivum regunt, ut Prov XIV, 1. *Sapientes mulierum*, pro *sapientibus mulieribus*, & apud Poëtas Græcos, *δία θεῶν divina Deorum*, pro *eximia Dea*. Ejusmodi plurima sunt, apud

apud Græcos, Hebræos, & Latinos.

23. Animadvertendum præterea est pronomen possessiva, loco horum genitivorum, passim poni. Ita Gen. XVI, 5. Sara loquitur de injuria, quæ ab *Hagara* adfecta fuerat: חַמְסִי הָאֵלֶּה hhamasi halecha, *injuria mea super te*, hoc est, injuria, quæ mihi fit, ad te etiam pertinet. Quam constructionem cum ad animum non revocarent *ai* LXX. Vulgatus & tres Chaldæi Intt. sensum loci non adsequeuti sunt, qui tamen facillimus est. Itaque quæcumque dicta sunt de substantivis in genitivo casu, intelligi debent & de Pronominibus Possessivis, quæ proinde memoratas relationes significant.

24. Hinc quantæ nascantur ambiguitates, ubi res ejusmodi phrasi expressa aliunde nota non est, facile est intellectu; præsertim accedente æstu controversiarum, quo omnia obscurantur. Ita quæsitum, inter Theologos, quid significant Coloss. I, 24. τὰ ὑπερήματα τῆ θλίψεως τοῦ Χριστοῦ; & alii quidem contenderunt, illa *supplementa perpeffionum Christi* esse satisfactiones nescio quas Sanctorum; alii verò calamitates piorum, quæ Christo, qui in iis quasi in membris suis patitur, tribuantur. Cum controversiâ de humanis satisfactionibus natâ, hic locus vexaretur, neutri videntur sensum ejus adsequeuti. Primum ergo θλίψις Χριστοῦ erant *afflictiones*, ad quas Christus Paulum Actor. IX, 16. parare se voluit nominis sui causâ ferendas. Itaque hic Genitivus designat *causam finalem*. Secundò ὑπερήματα sunt



quæ Paulo, præter ea, quæ jam passus fuerat, supererant ferenda ad mortem usque; hoc est, quæ tulit, ex quo primum in vincula conjectus Romani abductus est. Deinde *ἀνταρταξάν*, quo verbo hic utitur Paulus, significat *cessum* nunc Christi causâ *patior*: quemadmodum similia olim pati coegeram (est ea vis præpositionis *ἀντ*) alios, quos male habebam.

25. Alia haud absimilis existit controversia inter Eruditos, de sensu phraseos *justitia Dei*, quæ occurrit Rom. 1, 17. Alii volunt *justitiam Christi*, qui cum Patre *Deus est*, quæ nobis quasi nostra imputetur, intelligi; ut opponatur justitiæ hominum, quæ sita sit in observatione Legis per homines præstita. Alii *justitiam quæ à Deo efficitur*, & ut Dei opus Deo placet. Alii benignam illam Oeconomiam, quâ Deus acceptos habet ac remuneratur, quicumque fidem ac præcepta Christi amplectuntur. Alii justificationem, quæ à Deo proficiscitur, per fidem in Christum. Alii in præstandis promissis Dei fidem. Alii *justitiam in pariendo sitam*; & quid non? Quæ interpretationes ita pleræque à suis auctoribus defenduntur, ut ferre æquè verisimiles sint, nec quam, ceteris missis, amplecti te oporteat satis liqueat. Atque hoc oritur ex ambiguitate constructionis.

## CAPUT XIII.

## REGULA XII.

*Ut probè intelligatur Scriptor quivis, Consuetudines, & Opinionēs popularium ejus esse tenendas.*

I. ANTEA sæpiùs observavimus, ubi verba Scriptoris cujuscumque sunt ambigua, nisi aliunde nota sit ejus sententia, vix ea posse intelligi; si agatur res, quæ non fuerit semper omnibus æquè perspecta. Nunc rem, quia majoris est momenti, pluribus persequemur.

2. Scriptores quidem, qui suæ ætatis, suæque Gentis historiam scribunt, rarò ejus exponunt Opiniones & Consuetudines; sed ad eas passim non modò clarè, sed etiam obscurè adludant, & loquutionibus utuntur inde natis. Res adedò nota est, ut neque argumentis, neque exemplis indigeat; cum, vel aperto quovis Veteris Scriptoris Interprete, affatim se se sint præbitura. Monendum tamen duximus, ne omisisse videremur; & eadem de causa, unicum proferemus exemplum, quandoquidem alia jam P. I. C. I. §. 3. adtulimus.

3. Notum est Paulum \* sæpe ad Græcorum ludos adludere; nulli tamen Interpreti,

S 2

quem

\* Vid. 1. Cor. IX, 24. Gal. V, 7. Coloss. II, 12.

## 276 ARTIS CRITICÆ P. II. S. I. C. XIII.

quem norim, observatum est Apostolum Rom. IX, 16 ed respicere, ubi dicit: *Non est volentis, neque currentis, sed Dei misipientis.* Nempe, in ludis, ubi cursu certabatur, præmium non erat *volentis*, sed celerius aliis *currentis*; at sunt quædam, quæ neque sunt *volentis*, neque *currentis*, hoc est, nitentis, quia ab industria humana non pendent; quod videtur παροιμιώδης dictum de iis omnibus, quæ ne conatu quidem adsequi datur. Hoc comprobatur verticulo incerti Poëtæ, qui in \* Grotianis Excerptis exstat:

Ἀνὴρ ἀβουλῶς εἰς κενὸν μοχθεῖ τρέχων.

*Vir inconsultus frustra laborat currens.*

Fertur & dictum παροιμιώδης, de iis qui conantur aliquid obtinere, sed non iis artibus quibus par est: Καλῶς μὲν τρέχουσιν, ἀλλ' ἐκτὸς τῆς ὁδῆς: *bene currunt, sed extra viam.* Vult ergo Paulus, Judæos, licet maximè vellent esse populus Dei, & tales soli haberi niterentur; cupiditate, aut conatu non adsequenturos quod quærebant; quia res pendet ex arbitratu Dei, qui solus in populi sui jura, quoscumque vult, adlegere potest.

4. Ex eadem origine orta est phrasis, apud optimos Scriptores non infrequens, τρέχειν περὶ ἑαυτοῦ, ἢ περὶ ψυχῆς, & plenius τρέχειν κίνδυνον ὑπὲρ τῆς ψυχῆς, *currere periculum pro anima*; manifesta enim est ad ludos adlusio, de qua  
tamen

\* Pag. 527.

tamen si quis dubitaret, posset pertinaciâ suâ depelli; exemplo prolato ex *Dionysio Halicarnasseo*, qui dixit *ὡς τὸ ψυχῆς ἀγῶνα τρέχειν*, certamen currere de anima. Phrasedos hujusce exempla congestere *Desiderius Erasmus* in Proverbiis, ad vocem *Discrimen*, \* *Gulielmus Budens* in Comment. Græcæ Linguæ, & *Æmilius Portus* in Lexico Ionico, ex quibus peti poterunt.

5. Quod dixi modò §. 2. de Consuetudinibus, id de Opinionibus quoque dicendum; ad quas & clarè & subobscurè passim adluditur, & ex quibus etiâ variæ loquendi formulæ desuntæ sunt, ut omnibus notum est. Nec opus est ea de re quidquam adferri, præter ea quæ diximus P. 1. C. 1. §. 3.

6. Verùm hîc aliud observandum, quod ita tritum non est; nec tamen exigui est, in hoc negotio, momenti. Nempe, quivis Scriptores solent opiniones eorum, de quibus loquuntur, & res gestas exprimere, verbis & phrasibus Scriptorum ipsorum ævo usitatis & apud Gentem, cujus Linguâ utuntur, receptis; nullâ sæpe habitâ ratione sermonis eorum, de quibus scribunt. Nisi hoc ad animum revocemus, phrasés variarum Gentium, & diversorum sæculorum confundemus; dein etiâ facilè opinionem Scriptorum iis tribueremus, quorum scripserunt historiam, & qui eadem fortè non senserunt.

7. Moses in Libro Geneseos, ubique utitur nomine Dei Hebræorum *Jehovah*, vel potiùs *Jabwob*; seu ipse aliquid narret, seu inducat

S 3

Deum

Deum loquentem; licet Deus id nominis non gesserit, ante Moſis tempora, ut liquet ex Exod. III, 15. ubi vide quæ notavimus. Imò etiam, quando de Ethnicis loquitur, eodem modo rem exprimit, ac ſi ſermo de Hebræis eſſet. Ita XXXIX, 3. *de Potiphare Ægyptio: Et Dominus ejus vidit Jabwob eſſe cum illo* (nempe, Joſepho) *& omnia quæ gereret ab eo ſecundari.* Unde non ſequitur à Potiphare agnitum Joſephi Deum, ſed tantum Scriptorem Hebræum de homine Ethnico, Hebræicâ loquendi formulâ, verba feciſſe.

8. Similiter I Samuel. XXIX, 6. *Achis Philithæorum Rex inducitur jurans per Jabwob,* more Hebræo. Qua de re hæc, quæ huc transferantur digna, notavit \* *Lud. Cappellus:*  
 „ Videtur potius juraſſe per nomen Dei ali-  
 „ cujus Philithæorum, quæ jurandi ratio &  
 „ formulâ, cum tam ſancta Philithæis eſſet,  
 „ quam erat Judæis iſta, *Vivit Jehovah;* in-  
 „ ducitur propterea, in hiſtorica narratione,  
 „ quaſi uſus eſſet iſtâ formulâ. Sic ſi quis vel-  
 „ let ſtylo Terentiano, aut Plautino, hoc eſt,  
 „ merè Latino, Comœdiam ſcribere; cujus  
 „ argumentum eſſet Hiſtoria aliqua ſacra A-  
 „ brahami, Iſaaci, Jacobi, aut aliorum Vet.  
 „ Teſtamenti Patriarcharum, ſi viros illos  
 „ induceret jurantes *Mecaſtor, Ædepol,* &c. non  
 „ hoc vellet ſignificare viros illos ſanctos,  
 „ aut uſos eſſe vocibus illis, aut per Deos il-  
 „ los profanos Ethnicorum juraſſe; ſed hoc  
 „ dumtaxat vellet, uſos eos fuiſſe jurejuran-  
 do

\* *Nat. Crit. in Exod. VI. 3.*

„ do communi inter Judæos tunc temporis,  
 „ qualia fuerunt ista inter Latinos ”

9. Tacitus Hist. IV. c. 81. narrat duos ægros  
*monitu Serapidis Dei Vespasianum* adiisse, cum  
 Alexandria moraretur, ut ab eo curarentur;  
 quod quomodo factum fuerit ubi narravit,  
 ait se originem Dei Scriptoribus Romanis non-  
 dum celebratam ostensurum. Inde narrat quo-  
 modo *Ptolemæus, Lagi F.* statuam filius Dei  
 ex agro Sinopenfi, ad Pontum Euxinum, ad-  
 vehi in Ægyptum curaverit, templumque ei  
 exstruxerit, loco ubi fuerat *Serapidis & Isidis*  
 Sacellum. Igitur quod initio hunc Deum *Ser-*  
*apidem* vocavit, id fecit more ejus temporis  
 Ægyptiorum, qui antiqui apud se Numinis  
 nomen imposuerant ignoto antea in Ægypto  
 Deo; & qui, diu postquam Serapis apud  
 eos colebatur, ed advectus fuerat. Si more  
 Græco loquutus esset, ei Numinis Græci no-  
 men imposuisset; nec deerant qui ita loque-  
 rentur: Deum, inquit, \* *ipsum multi Æscu-*  
*lapium, quod medeatur corporibus agris; pleri-*  
*que Jovem, ut rerum omnium potentem; plu-*  
*rimi Ditem Patrem, insignibus quæ in eo ma-*  
*nifesta, aut per ambages conjectant.*

10. Idem Scriptor Hist. Lib. V. c. f. dicit  
 Judæos *unum Numen Intelligere, summum il-*  
*lud & æternum, neque mutabile, neque inter-*  
*iturum;* mox oblitus unitatis Dei Templum  
 Judæorum incolentis, more Romano narrat,  
 c. 13. *expaffas repente delubri fores, & audi-*  
*tam majorem humanâ vocem, excedere Deos;*

S 4

simul

\* Ibid. c. 48.

*simul ingentem motum excedentium.* Nempe, more gentili, de Judæorum Deo *παρουσιας* loquutus est. Quin & Varro, ut prodidit Augustinus de Conf. Evang. Lib. 1. c. 22. *Deum Judæorum Jovem putavit.* Quare autem? Quia, ut rectè conjicit Augustinus, nihil superius solent colere Romani, quàm Jovem, eumque Deorum omnium Regem arbitrantur; cum animadverteret Judæos summum Deum colere, nihil aliud potuit suspicari, quàm Jovem.

II. Germaniæ Cap. IX. describit Tacitus veterum Germanorum Religionem: & Deorum, inquit, maxime MERCURIUM colunt, cui certis diebus humanis quoque hostiis litari fas habent. HERCULEM ac MARTEM concessis animalibus placant; pars Suevorum & ISIDI sacrificat. Incautus Lector facile crederet, hisce animadversis, Germanos eisdem Deos, ac quos Græci colebant, habuisse; qui si nominibus quidem differrent, constituisse tamen eadem fuisse Numina. Sed in eodem Opere, idem Historicus testatur Germanos aliis nominibus usos, nec cum vicinis ulla habuisse commercia, aut exigua; nedum ut haberent cum Græcis procul à se remotis, à quibus proinde Religionem accipere non potuerant. Itaque memoratos Deos à Germanis cultos intelligendum est, *interpretatione Romanâ* \*, ut alibi loquitur, de Suevorum Religione verba faciens: Deos, inquit, *interpretatione Romanâ*, Castorem & Pollucem memorant; hoc est, Deos quosdam, quos Ro-

\* *Ibid.* cap. 43.

Romani eosdem esse, ac Castorem & Pollucem, judicant.

12. Si quis quæsierit, unde nascerentur eæ Romanorum interpretationes, sciat oportet Ethnicos confudisse Deos Regionum peculiares cum Diis Universi; ideoque faciliè credidisse, quos ipsi in patria colebant, eosdem cum aliarum Gentium præcipuis Diis, licèt nomina non convenirent; quam in opinionem delabebantur faciliùs, si viderent statuas habere quid simile, aut non absimilia, aliqua ex parte, de utrisque Diis narrari. *Tacitus*, eodem in Libro, c. IX. postquàm dixit à Suevis Ifidi sacra fieri, subjicit: *unde causa & origo peregrino Sacro parum comperi, nisi quòd signum ipsum in modum Liburnæ figuratum docet advectam Religionem.* Cicero de Nat. Deorum Lib. I. n. 81. *Jovem, Junonem, Minervam, Neptunum, Vulcanum, Apollinem, reliquos Deos eâ facie novimus, quâ pictores, fectoresque voluerunt; neque solum facie, sed etiam ornatu, atate, atque vestitu. At non Ægyptii, nec Syri, nec cuncta ferè barbaria.* Hinc tamen Numen idem esse ac IliDEM judicatum, quòd Ifidi sacrum esset *navigium*. Simili de causa, Herculem à Germanis cultum existimarunt Romani, \* eodem *Tacito* auctore, cujus hæc verba sunt de locis ad Septemtrionalem Oceanum sitis: *Ipsum quin etiam Oceanum illà tentavimus, & superesse adhuc Herculis columnas fama vulgavit; sive adiit Hercules, seu quidquid ubique magnificum est, in claritatem ejus referre consuevimus.* Quæ in

S 5

me-

\* *Ibid.* c. 34.



memoriam revocant quod de Schah-Abbâ, Persarum Rege, narrat *P. Vallensis*, in Itiner. Ep. IV Ferhabâdo datâ, cujus Italica verba sic Latinè sonant: "Is aiebat suum *Alim*, a-  
 „ pud Christianos etiam, sanctum haberi,  
 „ eundemque esse quem Hispani *Sanctum Ja-*  
 „ *cobum* vocitarent, aut quem alii Christiani  
 „ *Sanctum Georgium* adpellare solerent. Gla-  
 „ dium enim, quem Equites *S. Jacobi* è col-  
 „ lo pendentem gererent, esse invictum illum  
 „ *Alis* gladium; eos verò, apud quos *S. Geor-*  
 „ *gius* diceretur, eum pingere similiter arma-  
 „ tum gladio & lanceâ, & eum equo pu-  
 „ gnasse, strenuumque militem fuisse narrare.  
 Ex levibus indiciis, vir ceteroqui callidus ju-  
 dicium ineptum de re incomperta ferebat; sed  
 non ineptius, ac quæ de Numinibus alienis  
 solebant ferre Græci & Romani.

13 Quia, apud Græcos, Deorum sum-  
 mus Ζεύς vocabatur, idè Græcorum Histo-  
 rici, ubi loquuntur de Numine, quod apud  
 aliam Gentem summum habebatur, id etiam  
 Δία vocant. Ita \* *Herodotus* postquàm dixit  
 à Persis neque statuas, neque templa, neque  
 aras Diis consecrari, quòd non crederent eos  
 ἀνθραποφύιας, uti Græci, subjicit: οἱ δὲ νῦν ζῶσι  
 ΔΙΙ μὲν, ἐπὶ τὰ ὑψηλότερα ἢ ἑλὼν ἀναβαίνοντες  
 θυίας ἔρδιν, ἢ κύκλοι πάντα ἔργα ΔΙΑ κα-  
 λῶντες: JOVI solent sacra facere in altissima  
 montium adscendentes, ambitum omnem cœli  
 JOVEM vocantes. Nemo non crediderit,  
 his

\* Lib. I. 31.

his lectis, Persas eodem nomine summum Numen adpellasse, quo Græci utebantur; nisi aliunde notum esset Linguam Persicam nihil habuisse commune cum Græca, Persarumque ac Græcorum Religiones fuisse planè diversas, ut adparet etiam ex ipso *Herodoto*. Similiter Deum Babyloniorum summum \* vocat *Διὸς Βέλων* *Jovem Belm*, nomine Chaldaico, quasi cognomine *Διὸς* intellecto; cum *Βέλων* sit *ܒܝܠܐ Beel* Chaldaicè, id est, *Dominus*, quod fuit Dei vocabulum, ut *אדני Adonis* apud Phœnicas.

14. Idem Scriptor Lib. II. ubi Ægyptiorum Religionem describit, eorum Deos nominibus Græcis vocitat, cum debuisset Ægyptiaca edere; ea tantum de causa, quod ex quibusdam indiciis conjectaret eosdem esse Deos, qui iis vocabulis in Græcia adpellabantur. Idem facit *Xenophon* Inst. Cyri Lib. III. & alibi, *Diodorus* † *Siculus* & Scriptor libelli, qui inter opera *Luciani* exstat, de *Dea Syria*. Barbara Numina Græcis vocabulis adficiunt, quod conlicerent eadem esse ac Græca, ex similitudine Historiæ, statux, sacrorum, aut Templi. At, ut verbis *Ciceronis* utar, de N. D. Lib. I. n. 84. *quot hominum linguæ, tot nomina Deorum. Non enim ut tu Velleius* (Epicurei nomen est, quem *Stoicus Cotta* illic adloquitur & confutat) *quocumque veneris: sic idem in Italia Vulcanus, idem in Africa, idem in Hispania.*

15. Quin etiam hodierni Scriptores Christiani,

\* *Ibid.* C. CLXXXI.

† *Biblioth. Lit.* I.

stiani, qui Asiæ aut Americæ superstitiones tradunt, more Christiano de iis passim imprudentes loquuntur. Exempli causâ, aiunt à plurimis coli DIABOLUM, quod parum cautos Lectores fallit; dum persuadet eos populos, de Spiritibus quibusdam in Creatorem rebellibus, eadem ac nos sentire; quod verum non est. Adtentè enim legenti Recentiorum Asiatica Itinera, eaque cum Veterum narrationibus conferenti, liquebit plurimas Asiæ Gentes hanc etiamnum fovere opinionem, quæ Persarum, & Babyloniorum olim fuit. Credebant, nempe, duo esse *Principia*, unum Bonum, alterum Malum, utrumque summum ac æternum. \* Prius vocabant Chaldæi אורמזה *Oromazeh*, id est, *lucem fulgentem*, aiebântque immensâ luce circumfufum. Posterius adpellabant ארימן *Ariman*, id est, *hostem hominum*, aut *astutum*, illudque ne noceret colebant.

16. Scriptores Latini, simili consuetudine, ubi de aliorum rebus gestis loquuntur, munera aliarum Rerumpublicarum nominibus Romanis peculiaribus adpellant. *M. Cato* in *Originibus*, Annibalem *Dictatorem Carthaginensem* vocaverat, ut adparet ex Gellio Lib. X, 24. *Justinus* Lib. XIX, 1. *Hasdrubalem Dictaturis undecim & triumphis quatuor* ait fuisse insignem. Idem *Annibalem* vocat *Carthaginis Consulem*, Lib. XXXII. 2. ad quem locum adeundus *Jac. Bongarsius*; qui ex ejusmodi loquutionibus perperam collegit, apud Carthaginenses, similes Magistratus fuisse ac apud

\* Vide Plutarchum in Lib. de Iside & Osiride,

apud Romanos; cùm nihil inde colligi possit, nisi, propter levem fortè similitudinem, nomina Romanorum munerum Pœnis Magistratibus fuisse adtributa. Sanè patet ex Livio *Dictatorem* Pœnum non fuisse tantæ auctoritatis ac Romanum, ex Lib. XXIII, 13. ubi dicit *Dictatorem* missum esse cum Magone in Hispaniam ad conducendos milites. Idem testatur Lib. XXX. 7. Carthagine *Suffetes* velut *Consulare imperium fuisse*. Hi autem vocantur *bini Reges* à Cornelio Nepote, in *Anni-bale*; licèt id quod apud Látinos voce *Rex* significatur, ignotum esset apud Carthaginienes, quorum Respublica *Democratico-aristocratica fuit*; ut faciliè ostenderemus, si res esset hujus loci.

17. Sunt igitur adcuratè distinguendæ res ipsæ à stylo Historicorum; qui loquutionibus sui ævi, aut suæ Gentis describunt res gestas, aut opiniones temporum & populorum, quorum sermo ac dogmata diversa planè fuere. Neque temerè ducenda sunt consecraria ex stylo Scriptoris, de re prisca, aut ad aliam Gentem pertinente, loquentis; quasi ii, de quibus loquitur, aut eodem modo mentem suam expressissent, aut easdem potestates subjecissent vocabulis, quibus uti solebant.

18. Optandum quidem fuisset Historicos hæc communioribus expressisse verbis, non iis quæ fuerunt ita propria popularibus suis, ut similibus aliæ Gentes carerent; quale est verbum *Jupiter*, aut *Zeús*, quod significat hominem in Græcia tantum notum, & qualia sunt plerorumque Deorum Græciæ nomina. Sed

Sed quoniam factum id non est, Lectores oportet diligenter sibi cavere ab erroribus, in quos ejusmodi vocabula incautos conjiciunt; & si quid hodie scribere adgredimur, ita est loquendum, ut nullam errandi occasionem legentibus præbeamus.

## CAPUT XIV.

## REGULA XIII.

*Oportere Critico, qui Scriptorem interpretari adgreditur, notam esse rem de qua Scriptor agit.*

1. **SEXTUS** *Empiricus* Lib. I. adversus Mathematicos, C. XIII. ubi conatur ostendere eam partem Grammaticæ, quæ in interpretatione Poëtarum, & pedestri oratione utentium versatur, consistere non posse, cum aliis argumentis utitur, tum etiam hoc: omnia Scripta constare vocibus & rebus, quas significant, ac proinde Grammaticum; qui Scriptorem interpretatur, non verba tantum, sed res etiam nosse oportere; ei autem res minime notas esse, ac proinde frustra eum se Scriptores interpretaturum polliceri. Nec sanè quisquam à Grammatico librum de Philosophiæ parte paulò abstrusiore, de Medicina, de Jurisprudèntia, aliisque Disciplinis agentem; aut etiam locum eò respicientem, in alio

alio libro, intellectum iri dixerit; nisi ei scientiæ operam dederit, aut certè ejus peritum consulerit Grammaticus.

2. Idèd Crates, apud eundem Scriptorem Cap. III. contendit Grammaticis satis esse, si voces norint, quia Grammaticorum artem arctiore gyro includit; sed vult Criticos, quibus patientiorem multò campum aperit, omnium fermè Disciplinarum peritos esse. Τὸν μὲν Κριτικὸν πάσης φησὶ διὰ λογικῆς ἐπιστήμης ἔμπειρον εἶναι. Τὸν δὲ γραμματικὸν ἀπλῶς γλωσσῶν ἐξηγητικὸν καὶ προσῳδίας ἀποδοτικὸν καὶ τ. τέτοις παραπλησίαν εἰδύμενον· παρὸ καὶ ἰοικίναί τινα μὲν ἀρχιτέκτονι, τὸ δὲ γραμματικὸν ὑπηρέτῃ: Criticum enim dicit oportere esse peritum omnis scientiæ rationalis, (liberalis, nempe) Grammaticum verò esse tantum interpretem vocum obscurarum, & tradere prosodiam & eorum quæ his similia sunt scientem. Idèoque similem illum esse Architecto, Grammaticum verò ministro. Sed si omnium Disciplinarum peritum esse Criticum oporteret, quis tandem esset Criticus? Nec olim, nec postremis hisce sæculis ullus fortè eo nomine dignus fuisset.

3. Nemo à Critico tantam Disciplinarum omnium postularit peritiā, ut quosvis Scriptores è vestigio interpretari possit, aut omnia etiam loca ipsorum Poëtarum intelligat. Quintiliano, ut ait ipse Lib. I. c. 8. Instit. Oratoriæ, inter virtutes Grammatici habebatur aliqua ne-scire. Quam virtutem Critici etiam dixerim, ut se aliqua, imò permulta ignorare ingenuè fateatur.

fateatur. Sed auctor tamen ei sim ut nobiliorum Disciplinarum primis elementis imbuetur; ut vulgaria saltem, ad quæ Scriptores adludere solent, in numero habeat; alioquin nimis multa ei erunt ignoranda. Velim &, si Scriptorem de Disciplina quapiam agentem illustrare cupiat, cum ei Disciplina aliquamdiu operam dare; nam sæpe sunt verba, satis alioqui nota, ex singularibus ejus scientiæ notionibus aliter quàm solent, intelligenda; resque intellectæ faciunt ut verba, alioquin obscura, adsequi possimus. Certè, si ei Disciplina multum tempus tribuere nequeat, aut si de adlusione tantum agatur, peritum artis aliquem adeat oportet, qui rem ei elucidet. Sin minùs, frequenter cespitabit & doctioribus ludibrium debeat.

4. Non sum quidem in eorum sententia, qui *Homero*, aliisque Poëtarum Græcorum & Latinorum principibus omnes disciplinas perspectas fuisse putant; sed tamen ad multa adludunt, quæ non sunt cuivis nota. Exempli causâ sæpe Astronomica quædam respiciunt, quæ Astronomiæ prorsus imperiti numquam intelligant; quod multis in locis Variarum suarum Dissertationum ostendit *Dionys. Petavius*, & Astronomiæ & Humaniorum Litterarum scientissimus; cujus tamen eruditionem cum minore acerbitate conjunctam fuisse vellem.

5. Sed ne Lectorem ad alium Scriptorem amandem, nonnulla etiam exempla hîc proferam. Eumæus subulcus, apud *Homerum* Odyss.

Odyss. O, 403. Sic describit Syriam, Ægæi maris, non procul à Delo, Insulam:

Νῆσός τις Συρίη κυκλήσκειται, εἵπω ἀκδέεις,  
Ὀρτυγίης καθύπερθεν, ὅθι τροπαὶ ἡελίοιο.

Vertunt alii: *Insula quædam Syria vocatur, sicubi audis, trans Ortygiam, ubi mutationes Solis*; alii: *ubi conversiones Solis, ad obitum*; quasi dicas, quæ Sol convertitur ad occasum. Quæ quidem rationes vertendi petitæ sunt è propria significatione verbi *τρέπω*, unde *τροπή*; sed *τροπαὶ ἡλίου* constanter dicuntur, apud Græcos, *conversiones* illæ Solis, quibus à solstitio redit æquatorem versûs, unde *tropici circuli* dicti. Res est omnibus nota. Sed quia constat Insulam, quæ ab Ortygia seti Delo procul non erat, remotissimam fuisse à Tropico Cancræ; Scholiastes minor *Homeri* vult in ea fuisse *Solis speluncam*, per quam significarent *Solis conversiones*, τὸ ἡλίου σπέλαιον δὲ ἔ σημεῖται τὰς ἡλίου τροπὰς. Sed cui usui spelunca, eam in rem, esse potuerit, non intelligo; nec propterea ea spelunca vocaretur *τροπαὶ ἡλίου*. *Eustathius* interpretatur etiam πρὸς τὰ δύτικὰ μέρη, quasi occasus significetur, atque *τρέπειν* ἐπὶ τὸ δύειν κείσθαι, *ροπὴ* pro *occidere*, quod probat hac loquutione ἀπυρανόθην προτρέπεται, quæ Solis occasum significat. Sed *τροπαὶ ἡλίου*, ut dixi, simpliciter nusquam occasum sonat. Intellexerim ergo *Homeri* verba de Insula quapiam ex minori-



bus quæ sunt ad meridiem Deli, nam illinc erant τροπαὶ ἡλίου, cū mare Ægæum sit, ut pueris notum est, extra Tropicum Cancrī, procul ad Septemtriones. Optimè ergo possit describi ab *Homero* meridies his vocibus, ὅθι τροπαὶ ἡλίου, qua sunt conversiones Solis, hoc est, Tropicum versūs. Non est quidem ad manum ejusmodi exemplum, sed τροπὰς ἡλίου dici Solis conversionem ad æquatorem, eamque conversionem factam ad austrum maris Ægæi, certò constat; quod satis est.

5. Revocant hæc mihi in memoriam locum *Hesiodi*, quem in mendo cubare non viderunt Interpretes, quòd rem Astronomis notissimam, aut non adtenderint, aut etiam ignoraverint. Exstat Operum & Dierum vers. 664. & seqq. ubi Poëta tempus anni navigationi aptum sic describit:

Ἡματα πενήκοντα μετὰ τροπὰς ἡλίου,  
 Ἐς τέλει ἐλθόντες ἑρέε καματώδε  
 ὥρης,  
 Ὡραὶ πέλεται θνητοῖς πλὶ.

*Diebus quinquaginta post conversiones Solis, ad finem progressâ ætate laboriosi temporis, tempestiva est mortalibus navigatio. Ostendimus ad eum locum & ad versum 678 non nisi absurdè potuisse dici ab Hesiodo, solis quinquaginta diebus à solstitio æstivo tutam fuisse navigationem, hoc est, à III. Julii, ut docuit Petavius; cū quinquaginta diebus antè, à X. die*

X. die Maji, ad initium Julii æquè commo-  
dam esse experientia Græcos sine dubio do-  
cuisset. Astronomiæ peritus *Hesiodus*, & in  
regione navigatione florente natus, vix ac ne  
vix quidem sic ineptire potuit. Itaque suspi-  
cabar duos versus hinc abesse, & legendum  
fortè :

Ἡματα πεντήκοντα πρὸ ἡελίοιο τρωάων  
Ἀσφαλέως γλαυκὴν ἐργάσῃ· αἴθρις ἔπειτα  
Ἡματα πεντήκοντα μετὰ τρωάς ἡελίοιο  
Ἐς τέλος &c.

*Dies quinquaginta ante conversiones Solis, tutò  
mare exercebis, deinde rursus, dies quinquaginta post conversiones Solis &c.* Sic conce-  
deret *Hesiodus* tres æstivos menses & aliquan-  
tò plus navigationi; quod profectò nimium  
non est. Initium simile duorum versuum po-  
tuit efficere ut duo priores omitterentur; quod  
sæpe contigit, ut ostendimus hujus *Artis Cri-  
ticae* P. III. Sect. I. c. 5. Sed hæc Lectoris  
judicio permittimus, & quamvis omnino pu-  
temus aliquid hîc omissum, apud *Hesiodum*;  
illa ipsa verba, quorum sententiam deesse exi-  
stimamus, cuiquam propterea obtrudere no-  
limus Putidi sit hoc Critici, qui non modò  
vulnera curare, sed & resecta membra resti-  
tuere se posse speret.

6. Ostendimus etiam *Silvarum Philologica-  
rum* Cap. I, 10. *Ciceronis* duo loca à Criticis  
emendata non fuisse, alterum quidem quodd  
sermonem philosophicum non adsequeren-

tur; alterum verò, quòd Geometrix vel prima elementa non adtigissent. Nesciverunt quid vocarent Philosophi ἀρχαὶ καὶ αἰτία, *principia & causas philosophiæ*; nec quæ linea à Geometris definiretur, quemadmodum pluribus illic demonstravimus; quare utrumque locum in mendo cubantem reliquerunt, aut frustra emendare conati sunt. Rem hîc non repetemus. Locum adeant Lectores, videbuntque nihil esse verius, quàm quod dixit *Sextus* Lib. I. contra Mathematicos Cap. XIII, Δεῖ τὸν μὲν φυσικοῖς ἐπιβαλὶντα πρᾶγμασιν, εὐθὺς φυσικὸν εἶναι καὶ τὸν μουσικοῖς, μουσικὸν εἶναι καὶ τὸν μαθηματικοῖς, εὐθὺς εἶναι μαθηματικὸν, καὶ ἐπὶ τῶν ἄλλων ἰμοίως. ὁ μὲντοι γραμματικὸς ἐκ ἐστὶν ἐν τῷ αὐτῷ πάνσοφος, καὶ πάσης ἐπιστήμης δαίμων· σὺν τῷ καὶ αὐτόθεν προσπίπτειν, ἔτι καὶ τῶν ἀποτελεσμάτων ἐλέγχεται: oportet eum quidem qui adgreditur agere de rebus physicis, statim esse physicum; qui de musicis, musicum; qui de mathematicis, illico esse mathematicum; & in aliis similiter. Grammaticus autem non est eo ipso (quòd Grammaticus est) omnium peritus, & cujusvis disciplinæ sciens. Quod quidem, cum per se adpareat, etiam ex ipsis effectis arguitur. Ostendit deinde à Grammatico non posse *Heraclitum* & *Platonem* intelligi, imò ne loca quidem Poëtarum, quæ ad sublimiores Disciplinas adludunt; quæ vero veriora sunt. Πᾶς γάρ τις δύναται τῶν ὀφειζομένων γραμματικῶν Ἡράκλειτον συνεῖναι καὶ Πλάτωνα πα-

πακολεθῆσαι; Quī enim possit quispiam è superciliosis Grammaticis Heracitum intelligere, & Platonem adsequi? Itaque oportet à Grammaticis, scientiarum peritos consuli, si quid occurrat ejusmodi, quod eis negotium facessat.

7. Sed exempla, è re graviore petita, proferemus. Si quis Theologos Veteres Græcos, aut Latinos intelligere velit, non tantum Græcæ & Latinæ Linguæ operam eum dedisse oportet; sed etiam antiquæ Theologiæ & Philosophiæ, è qua multa mutuati sunt, ut Capite sequenti ostendemus. Hinc factum ut viri longè doctissimi, & memoratarum Linguarum peritissimi, qui iis scientiis non satis imbuti erant, sæpe in Patrum interpretatione offenderint; quodd duorum magnorum virorum, *Henr. Valesii*, & *Luca Holstenii* (quibus ceteroqui summæ Eruditionis laudem nemo candidius & libentius quàm ego tribuet) exemplis liquebit.

8. *Eusebius* Hist. Eccles. Lib. VI. c. 33. narrat *Beryllum*, Bostrorum in Arabia Episcopum, in opinionem incidisse, quam hisce verbis describit: τὸ σωτῆρα ἢ κύριον ἡμῶν μὴ προῤφεράναι κατ' ἰδίαν ὕψιως περιγραφὴν, πρὸ τῆς εἰς ἀνθρώπους ἐπιδημίας, μηδὲ μὴν θεότητα ἰδίαν ἔχειν, ἀλλ' ἐμπολιτευομένην αὐτῷ μόνην τὴν πατρικίην. Quæ verba sic à *Valesio* vertuntur: *Dominum ac Servatorem nostrum, antequam inter homines versaretur, non substituisse in propriæ personæ differentia, nec*

*propriam, sed paternam dumtaxat Divinitatem in se residentem habere.* Atqui ἰδίᾳ ὑσίας περιγεαφῆ non est propriæ personæ differentia, sed verbo tenus, propria essentiæ circumscriptio, seu definitio; neque enim hîc περιγεαφῆ commodè, unâ voce Latinâ, exprimi potest. Desumpta videtur ex eo quòd quæcumque seorsim sunt, in rebus corporeis, seu substantiæ corporeæ, possunt περιγράφεισθαι, lineâ quadam circumscribi aut contineri, distinguique ab omnibus aliis; aut si sermo sit de rebus incorporeis, possunt definitione essentiæ, seu περιγεαφῆ ὑσίας ab aliis naturis discriminari. Οὐσία verò essentiā aut substantiam significat non personalitatem, ut sic loquar. Nullum umquam mihi occurrit exemplum, neque ab ullo adlatum vidi, in quo ὑσία, ubi de personā quadam dicitur, eam significet, quatenus in ea spectatur personalitas, seu id quo fit ut seorsim ab omni alia re aut personā sit, & prout distinguitur ab ipsa substantia. Semper ipsam illius personæ essentiā, aut substantiam, aut naturam, significat, quæ propriè est personalitatis subiectum, ut loquuntur Scholastici. Ergo hoc volebat Beryllus, nullam aliam fuisse ὑσίαν Christi, præter humanam naturam, antequam natam, nulla ei erat; cùm nulla esset Divinitas, præter essentiā, aut Divinitatem Patris, quæ postea in Christo resedit. Eum ab ea opinione revocavit Origenes, ut docet Eusebius. Is contrā contendebat fuisse ante Christum natum ἰδίᾳ ὑσίας περιγεαφῆ πατρὶς, καὶ ἰδίᾳ ὑσίας περιγεαφῆ υἱῷ, discriminatam essentiā.

*sentiam Patris & discriminatam essentiam Filii*, & hanc quidem *ἰμπολιτισμομένην* in Christo, non verò propriam Divinitatem Patris. Hæc est *ἰδία θεία* filii, quam putabat *Beryllus* nullam fuisse.

9. Hanc fuisse *Origenis* sententiam liquet ex loco, quem ex eo protulimus, in hac ipsa Sectione, Cap. III, 10. ubi duas sententias rejicit. Altera fuit negantium *ἰδιότητα υἱῆς ἰτεράν* *ὡς τὴν τῆς πατρὸς*, proprietatem filii diversam esse à proprietate patris, & dicentium *Ἰδιότητα* esse Deum tantum nomine tenus; hoc est, esse eam vocem nomen tantum essentiae Patris. In hac sententia fuit *Beryllus*, quem ad suam revocavit *Origenes*. Alter error fuit eorum, qui *negabant divinitatem Filii, statuebantque proprietatem & essentiam ejus definitione aliam esse à paterna*, ἀρνέμεναι τὴν θείτητα τῷ υἱῷ, τινέ-  
 τας δὲ αὐτῷ τὴν ἰδιότητα καὶ τὴν ἑστίαν κατὰ περιγρα-  
 φὴν τυγχάνεσθαι ἰτεράν τῷ πατρί. Quibus verbis videtur eos significare, qui non tantum in Christo nullam naturam, præter humanam, agnoscebant; sed ne Patris quidem Divinitatem in eo *ἰμπολιτισμομένην* ei tribuebant, quæ *Pauli Samosatani* postea fuit sententia.

10. In notis ad Caput memoratum *Eusebii*, rejicit *Valesius* versionem *Musculi*, quæ sic habebat: *secundum propriæ ac separatæ essentiae circumscriptionem*. *Christophorsonus* verò vocem *separatæ* expunxit, cetera retinuit. Qui-

bus observatis, *Valesius* subdit: ἰσῖας περιγραφή nihil est aliud, quàm substantiæ differentiā; cūr ergo vertit personæ differentiā? Nimirum, æstuebat vir doctissimus, in hisce Philosophicis & Theologicis distinctiunculis, nec eas satis adlèquebatur. Prolatā definitione Hypostascos è *Gregorio Nysseno*, quā confirmatur quod diximus de voce περιγραφή, sic pergit: videtur *Beryllus* ἰσῖα accepisse pro persona, more sæculi sui, in quo ἰσῖα & ὑπόστασις confundebantur. Vera hæc posteriora sunt, sed ὑπόστασις tunc substantiam ipsam, non personalitatem, ut persona non accidens, sed substantia distincta putabatur significabat. Errabat igitur, inquit, *Beryllus*, qui Christum ante incarnationem nullam propriæ personæ differentiam habuisse dicebat. Imò verò nullam propriam substantiam, cū solus esset Pater, cūque Filius, ex sententia *Bostreni* Episcopi, ne natus quidem Divinitatem propriam haberet. Sed quod idem aiebat, ait *Valesius*, Dominum nostrum non habere propriam Deitatem, sed tantum paternam in ipso inhabitantem, in eo quidem rectè sentiebat. Viro doctissimo, in re ipsa, cum omnibus hodiernis Christianis, adfentimur; sed non ita sentiebant Veteres, ut eum docere potuisset *Dionys. Petavius*, cum quo amicè vixit. Neque enim, ait, propria est Divinitas Patris, propria Filii; sed una eademque est trium personarum Divinitas. Atqui non ita sensit *Origenes*, qui ἰδίαν θεότητα Patri & ἰδίαν θεότητα Filio esse credidit. Aliquis, inquit

inquit tandem vir doctissimus, *tres essent Dii, non unus Deus*. Negabat hoc Eusebius, quod unus Pater esset αὐτόθεος, qua de re pluribus agit in *Theologia Ecclesiastica contra Marcel- lum*. Cap. 7. Lib. II. & alibi. Similia etiam habet Origenes, in sequentibus verbis loci ante adlati. Nec qui aliter rem interpretantur, ut qui τὸ ἰμᾱντικόν admiserunt, unitatem aliam Patris & Filii agnoscebant, nisi paritatis, & consensûs. Non agitur id quod sentimus, ac sentire debemus, sed quid Patres illius ævi fenserint; qua de re Capite sequenti dice- mus.

11. Sic & in celebri illa *Alexandri Alexan- driæ*, ad *Alexandrum* Constantinopoleos Epi- scopum, quæ exstat apud *Theodorum* Hist. Eccl. Lib. I. c. 4. Epistola, ubi de contro- versia Ariana, aliquoties vacillavit *Valesius*. Pag. 11. Ed. Francof. an. 1679. ἰδιότητος αὐτῷ ὑπὲρσας ἰδέλῳ, vertit *propriam ejus hyposta- sin declaravit*. Probat illic *Alexander* ex ini- tio Evangelii Joannis Filium ante omnes res creatas fuisse, quandoquidem eas creavit; un- de sequitur eum tunc habuisse ἰδιότητος ὑπὲρσας, hoc est, *propriam substantiam*; non Pa- tris, nec creatam, ut sequentia manifestò o- stendunt. Itaque *Valesium* oportuit vertere *substantiam*, non *hypostasin*, quod apud Lati- nos *personalitatem*, potius quàm *personam*, seu substantiam, significat.

12. Nihil clarius hisce verbis quæ p. 12. le- guntur de mundo: τὸ δὲ ἐξ οὗ ὅταν δημιουργ-



γείσθαι τὸν κόσμον νεωτέραν ἔχει τῆς ὑποστάσεως ἢ πρόσφατον τὴν γένεσιν, ὑπὸ τῆ πατρὸς διὰ τῆς υἱὸς πάντων εἰληφόντων τὴν τοιαύτην ἔστίωσιν. Interprete Valesio: *ē nihilo vetō creari mundum, recentiorem indicat ac nuperam substantiæ originem cūm univērsa ejusmodi essentiā (aut essentiæ productionem) à Patre per filium accēperint.* Nec video cur paullo pōst υἱὸς ἀνεκδιήγητῳ ὑπόστασις sit *inexplicabilis subsistentia*, potiùs quàm *substantia*. Ipse Valesius inferiùs, eadem paginā hæc verba: πῶς ἂν περιεργάσαιτό τις τὴν τῆ Θεῷ Λόγῳ ὑπόστασιν, ἐκτὸς εἰ μὴ μελανχολικῇ διαθέρσει λεφθεῖς τυγχάνοι; vertit: *quomodo Divini Verbi (aut Dei qui est Ratio) essentiā curiosiùs investigare quispiam poterit, nisi atrā bile sit percitus?* Vide & initium pag. 14. ac pag. 17. mediam, ubi eadem vox adlato sensu adhibetur.

13. In ultimis Paginæ 12. versibus legimus: ὅτι ὁ μανιῶδες, τὸ ἐκ ἑκ ὄντων τὸν υἱὸν γεγενῆσθαι φρονεῖν, χρονικὴν ἔχοντα προβολήν, αὐτόθεν δείκνυται τὸ ἐξ ἑκ ὄντων: Vertit Valesius: *quod verò extremæ dementiæ sit Filium ex non exstantibus factum opinari, cūm id, quod ex non exstantibus factum est, temporalem habeat essentiā res ipsa indicat.* Atqui προβολή non est *essentia*, sed *generatio* ipsa; nam Deus dicitur *προβάλλειν*, *projicere*, vel *producere*, id quod *creat*, aut *generat*. Adeant qui hoc ignorant *Dionys. Petavium Dogm. Theol.* Tom.

Tom. II. de Trinitate Lib. VII. c. X. Sed & apud *Theodorum* eodem Lib. I. c. V. exstat Epistola *Arii*, in qua nonnullos insinuat, quod Filium dicerent ἰρυγὴν, aut προβολὴν *eructationem*, aut *projectionem*. Hic vero *Alexander* productionem creaturarum rectius προβολὴν vocat, ubi ea vox actionem ipsam creandi significat, cum in verbis *Arii* sit ipsa res creata, aut genita.

14. Pag. 15. recitatis his verbis: *Ego & Pater unum sumus*, subdit *Alexander*: ὅπερ φησὶν ὁ Κύριος, & πατέρα ἑαυτὸν ἀναγορεύων, & δὲ τὰς τῇ ὑποστάσει δύο φύσεις μίαν εἶναι σαφηνίζων: Quod sic vertit *Valesius*: *Quod quidem Dominus dicit, non quò se ipsum Patrem renunciet, nec quò duas personas unam esse demonstrat. Sed vertendum fuit, duas naturas subsistentiâ, hoc enim vult Alexander naturam Patris & naturam Filii prorsus similes ac pares fuisse, nec distinctas, nisi existentia, aut si malis subsistentia; quo sensu duæ dici debent, cum sint, ex Veterum sententia, una ad speciem, & ad communem præstantiam quod attinet. Attamen verum etiam est δύο φύσεις ὑποστάσει* esse duas personas propriè dictas, sed in talibus non sunt mutanda vocabula. Hic autem ὑπόστασιν interpretamur *existentiam*, quia ab *Alexandro* distinguitur à voce φύσις, quæ est *natura*, aut *substantia* ipsa; qua de re Capite sequente dicemus.

15. Ad hunc locum hæc adnotat *Valesius*: *duas naturas dicit Alexander, non simpliciter*  
 &

Et absolute duas, sed personaliter duas, ex eo quod in duabus personis exsistat una natura. Quare *φύσις ἐν ὑποστάσει* idem est, quod *persona*. Hæc mentem *Alexandri* exprimant, si voces intelligamus, ut ejus ævo intelligebantur; nimirum, voce *persona*, non *τεῖνον ὑπάρξεως*; aut accidens, quod *personalitas* dici solet, sed substantiam intelligentem, propriâ exsistentiâ præditam, quales tunc temporis dicebant esse personas Patris & Filii; & vocibus *una natura*, unitatem speciei, non numeri. Alioqui, si ex hodiernâ Theologia, licet veriore, interpreteris verba *Alexandri*, ut fecit *Valesius*, eam prorsus corrumpis. Vir certè eruditissimus, non videtur suspicatus esse aliter Veteres sensisse, ac nos, cùm hæc verba interpretaretur.

16. Non parum etiam exercitum habuerunt virum doctissimum *Lucam Holstenium*, cujus exercitationem de hoc loco ad calcem *Theodoriti* edidit *Lutetiæ Valesius*. Postquàm locum variè frustra versavit, ut sensum hodiernæ sententiæ consentaneum inveniat; tandem eò devenit, ut dicat verba *Græca*, uti quidem nunc vulgò leguntur, vel *Hæreticorum malitiâ vel inscitiâ librariorum corrupta*; quod probare contendit ex *Epiphanio Scholastico*, qui hæc verba sic transtulit, *Hist. Tripartitæ Lib. I. c. 14. Neque substantialiter duas naturas, quæ est una, declarans*; unde *Holstenius* colligit legendum in *Græcis*: *ἐδὲ τῇ ὑποστάσει δύο φύσεις, τὴν μίαν εἶναι σαφηνίζων*. Sed hæc est mera depravatio hominis ad sui ævi sententiam præscorum.

scorum dogma corrigen- tis. Veteres enim δι-  
φύτους & δύο εἰσας in Patre & Filio esse dice-  
bant, ut liquet ex judicio Photii Cod. CXIX.  
de Pierii Libris: πολλὰ ἡ ἑξωτῶν νῦν ἐν τῇ ἐκ-  
κλησίᾳ καθεστῆκτων, ἀρχαιοτρόπως ἴσως, ἀπο-  
φαίνεται· ἀλλὰ περὶ μὲν πατρὸς ἡ υἱὸς εὐσεβῶς  
προσθεύει· πλὴν ὅτι εἰσας δύο ἡ φύσεις δύο λέ-  
γει: Multa verò, præter ea, quæ in Ecclesiasticis  
obtinēt, tradit; sed de Patre & Filio piè lo-  
quitur, nisi quòd essentias duas & naturas duas  
dicit. Addit quidem Photius: Ἰὰ τῆς εἰσας ἡ  
φύσεως ὀνόματι, ὡς δῆλον ἐκ τε τῶν ἑπομι-  
νων, ἡ προηγουμένων ἰδὲ χωρὶς, ἀλλ' ὅτι ὑπο-  
στάσεως, ἡ ἕκ ὧς Ἀρεῖῳ προσανακείμενοι,  
χρώμεθα: vocibus essentiae & naturæ, ut  
manifestum est ex sequentibus & antecedentibus  
illius loci, pro hypostasi (personalitate) & non  
ut Ario addicēti, usus. Sed Photius Veterum  
verba & sensus ex iis, quæ ipsius avo obti-  
nebant, interpretari non debuit.

17. Veteres aliter sentiebant, ut liquet vel  
ex eo quod in sequentibus habetur, ubi Ale-  
xander ait Filium unum esse cum Patre, ὅτι  
τὴν πατρικὴν ἐμφύρειαν ἀκριβῶς πίπτουσε σώ-  
ζειν ὁ υἱὸς ἰδὲ πατὴρ, τὴν κατὰ πάντα ὁ-  
μοιότητα αὐτῶν ἐκ φύσεως ἀπομαζάμεθα:  
quoniam Patris Filius expressam Patris simi-  
litudinem exactissimè servat, quippe qui om-  
nimodam ejus similitudinem à natura impres-  
sam habeat &c. Nam naturæ quidem per-  
fectæ potest altera æquè perfecta, sed nu-  
mero

mero diversa, esse imago: sed non potest una numero natura esse simul, aut dici *πρωτότυπον* & *ἑκτότυπον*, primitivum exemplar & sui ipsius similitudo. Res est, ut quidem mihi videtur, manifesta.

18. Nihil hac de re præterea addam, nisi voces omnes, quæ in hoc negotio adhibentur, partesque singulas hujus dogmatis, prout à Veteribus Consubstantialistis exprimuntur, sensu primigenio & proprio optimè convenire sententiæ, quâ tres naturæ distinctæ & pæres in Divinitate statuuntur; nec posse nostræ (quamvis alioqui veræ) sententiæ, nisi violenter torqueantur, aptari. Non solent autem primum inveniri voces, ut iis aliquid exprimat, naturæ ipsius rei, ex usu Linguae recepto, planè contrariæ. Quæstiones etiam inde natæ, & objectiones, solutionesque omnes Veterum, hanc in rem, expositâ sententiâ optimè dilucidantur, quæ alioqui sunt Cimmeriis tenebris obscuriores. Ex hisce verò, quæ multò pluribus deduci potuissent; evidenter liquet Criticum, qui eos interpretatur Scriptores, qui de Disciplina quadam agunt, ejus Disciplina peritum esse oportere; quod demonstrare adgressi eramus.

## CAPUT XV.

## REGULA XIV.

*Diversas Sectas iisdem sæpe usas esse vocabulis, ad diversa prorsus dogmata exprimenda; Et easdem, servatis iisdem vocabulis, lapsu temporis, sententiam mutasse.*

1. QUAM necessarium sit opiniones Scriptorum quos legimus scire, ut mentem eorum usquequaque intelligamus; etiam ex hoc intelligere est, quòd homines, opinionibus planè diversis, sæpe eodem utantur sermone. Si tunc ex uno, aut altero loco de sententia eorum iudicium ferremus, existimarem eos similia sensisse, qui nihil simile cogitarunt.

2. Paulus, exempli gratià, ita loquitur Act. XVII, 27. *Deus longè non est ab unoquoque nostrum, in ipso enim vivimus, Et movemur, Et sumus, &c.* Significat, ut Deum agnoscamus, non esse procul quærenda potentiae ejus specimina, quoniam ei quidquid circa nos atque in nobis est debemus. Idem Eph. IV, 30. præter alia, monet Ephesios, *ne contristent Spiritum Sanctum Dei, in quo signati erant in diem redemptionis*; hoc est, ne peccatis suis efficerent ut, quod hospites offensi solent, eos desereret Spiritus Sanctus, quo

quo veluti sigillo Deus eos ab aliis, adservandos in diem iudicii, secreverat.

3. At si quis, lectis dumtaxat verbis Pauli; neque sensum satis attendens; legat hæc verba *Senecæ*, neque aliunde norit Stoïcorum placita, credet facillè *ἰμίδοξον* hac in re fuisse Paulo *Senecam*: \* *Non sunt*, inquit, *ad cælum elevandæ manus, nec exorandus ædituus, ut nos ad aures simulacri, quasi magis exaudiri possimus, admittat; prope est ad te Deus, tecum est, intus est. Ita dico. Lucili, SACER intra nos SPIRITUS sedet, malorum, bonorumque nostrorum observator & custos; hic, prout à nobis tractatus est, ita nos ipse tractat.*

4. Qui non legerit integram *Senecæ* Epistolam credet se legere potius verba Christiani Apostolos imitati, quàm Philosophi Etanici. Ipse *Hugo Grotius*, vir summus, at Stoïcorum Dogmatum parum memor, hæc non planè aliena à Paulinis iudicavit. At qui leget sequentia *Senecæ*, videbit sacrum istum spiritum, quem intra nos eide dictitat, esse ipsum animum humanum, partem Animæ Mundi, seu Dei Stoïcorum, ac proinde ipsum Deum; quam Stoïcorum sententiam esse rectè observavit *Just. Lipsius* in notis, & alibi etiam gravibus ostendit argumentis. Quod vel hæc verba *Senecæ*, in eadem Epistola, satis probent: *Majore sui parte (animus humanus) illic est, unde descendit. Quemadmodum radii solis contingunt quidem terram, sed ibi sunt unde mittuntur: sic animus magnus & sacer, &*  
in

\* *Epist. XLI.*

in hoc demissus, ut propius divina nossemus, conversatur quidem nobiscum, sed hæret origini suæ. Illinc pendet, illuc spectat ac nititur, nostris tamquam melior interest. Quis est ergo hic? Animus, qui nullo bono nisi suo nititur.

5. Hinc intelligere est, ut hoc obiter dicamus, non esse temerè conferenda Ethnicorum dicta, cum Sacrorum Scriptorum sermone; quandoquidem sæpe, ubi videntur eadem dicere, diversa proferunt. Atque hac in re passim peccavit *Joannes Pricæus*, qui immensam farraginem, etiam in rebus claris, locorum Veterum Scriptorum, ad Novum Testamentum illustrandum, congeffit. Nec tamen *Hugo Grotius* ejus culpæ ubique prorsus immunis est, ut ex loco laudato satis liquet. Sed tot egregiis dotibus talia παραράματα pensat, ut vix memoratu digna sint.

6. Videndam est prius quam diligentissimè, quem sensum phrasibus suis subjecerint Scriptores Ethnici, quem Hebræi ac Christiani suis; quo demum peracto, possunt invicem conferri. Adtentè rem expendenti constabit ab Ethnicis \* mutuatos esse multa Judæos, à Lagidarum & Seleucidarum temporibus, quâ occasione licebit utrorumque dicta comparare; ita tamen, ut alterius moniti memores semper simus; nempe, phrasés sæpe à primigenia significatione esse detortas, ab iis qui eas aliunde sumserunt, quod pluribus exemplis nobis illustrandum est.

Tom. I.

V

7. Olim

\* Vide Tom. 3. Ep. IX. hujus Artis Critica,



7. Olim inter Christianorum familias, etiam in iis in quibus dissentiebant & collidebantur acerrimè inter se, conveniebat tamen in eo quod utraque contendendum pars libenter loquutionibus Scripturæ uteretur, quali iis sua egregiè exprimeretur sententia. Cùm *Ariani* opinionem suam, de creata Christi Divinitate, optimè exprimi censerent verbis hîsce Pauli, *πρωτότοκος* & *πάσης κτίσεως*, *primogenitus omnis Creaturæ*: iisdem *Consubstantialistæ* haud illibenter utebantur, nec minùs contendebant τὸ *συναιδιος* iis significari, qua de re vide Epist. *Alexandri* Alexandriæ Episcopi, apud *Theodoretum* H. E. Lib. I. c. 4. Idem hodie fit inter dissidentes Christianos, qui omnes pariter opiniones suas in Scripturis esse existimant.

8. Hæc exempla metum nobis injicere deberent, ne qua in re, licèt veterum Christianorum vocabula retinuerimus, ab eorum sententia nec-opini recesserimus; nedum ut, quia phratibus iisdem utimur, idèd tantum credamus nos cum illis per omnia consentire. Loquutiones ipsæ tot libris scriptæ, characteribusque oculos percellentibus notatæ, magnam mutationem pati nequiverunt; sed cùm mentis notiones sensus non feriant, harum mutationes in hominùm animis potuerunt esse maximæ, lapsu temporis; neque vocum ambiguarum solo subsidio, notionum variam sortem cognoscere licet.

9. Mutationes illæ notionum, servatis vocabulis, irrepere potissimum potuere, ubi res quæ his significantur obscuræ sunt, vocésque am-

ambiguæ. Exemplum proferemus ex re maximi momenti, quæ olim Christianos divisit, hodièque lacerat, &, ut sunt hominum ingenia, in posterum etiam in partes distrahet. Inter Christianos, de natura, & distinctione duarum *S. Trinitatis Personarum*, ut nunc loquimur, Filii & Spiritûs Sancti, concertationes fuere, ferè ex quo Apostoli fato functi sunt. Sed & ante & post Christum, Ethnici ipsi varia de tribus *Principiis* dixerant, sono certè à dogmatibus Christianis nequaquam aliena. Verùm licet iisdem vocibus plurima sæcula usæ sint, attamen sub illis vocabulis latuit sat magna sententiarum varietas, ut singillatim ostendemus.

10. Primus omnium tria *Principia* constituit \* *Parmenides*, & post eum *Plato*; qui an consenserint non satis liquet, quòd *Parmenidis* nihil supersit, præter obscura fragmenta. † *Plato* autem dixit primum esse *ΤΟ ΟΝ*, *ΑΙΤΙΟΝ ΑΠΑΝΤΩΝ*, *Ens, causam omnium rerum*; secundum verò *ΛΟΓΟΝ*, *Rationem & Rectorem præsentium & futurorum*; tertium denique *ΨΥΧΗΝ ΚΟΣΜΟΥ* *animam, sive spiritum mundi*. Secundum quidem Principium à primo *genitum*, seu factum; tertium verò à secundo adfirmat. Liquet adtentè Platonicum *Timæum* legenti, *generationem* à *Platone* dici *creationem*, & passim confundi, γινῆσθαι, ποιεῖσθαι, τιναίμεσθαι, μηχανῆσθαι, δη-

V 2

μινῆσθαι

\* *Plotin. Ennead. V. Lib. I. c. 8.*

† *In Timæo, & Epist. II. & V. Vide & Artis hujus Critica T. 3. Ep. VII.*

μιεργῆσαι, ἀπεργάζειν, &c. atque idem haberi αἷτιος ac πατήρ, *causam ac patrem*.

II. *Philo Judæus*, ejus admirator & discipulus, similia habet; nam ait \* Λόγος esse πρῶτος αἰτίας ἢ Ἀγγέλων, & τὸ ὄντος πρωτότοκος Υἱός, *antiquissimum Angelorum, & pr.ogenitum Entis*. Platonici verò Ethnici *Plotinus*, sermone eodem usus est, præsertim Enneade IX. Lib. V. à Cap. III. ad VIII. ubi hac de re copiosè agit. Unum esse summum Deum, *Causam primam omnium*; deinde duos alios inferiores Deos, à summo illo creatos, minusque primâ Causâ perfectos, crediderunt.

12. Joannes porrò Apostolus, Platonica usus voce, Λόγος vocat Divinitatem quæ in Christo habitavit, eique similia tribuit ac *Philo*; creationem, scilicet, universi. Meminit etiam Πνεύματος *Spiritus*, quem illi conjungit, ut ille secundo Principio subjunxit *Animam* mundi. Paulus vocat quoque eum, per quem omnia sunt facta, πρωτότοκος πάσης κτίσεως *pr.ogenitum omnis Creaturæ*. Denique occurrunt alia similia Platonici loquutionibus, in Novo Testamento, quæ non memorabimus.

13. Quæritur nunc an Joannes voce Λόγος idem planè intellexerit, ac *Plato*, ejusque discipuli? anve Paulus πρωτότοκος intellexerit quemadmodum *Philo*? Si quis adfirmet, eun-

\* Vid. supra adlatum locum C. III. §. 9. Vitam Eusebii Cæsariensis, & Tom. 3. Ep. VIII. *Artis hujus Critica*.

eundemerit in castra Arianorum; qui Divinitatem, quæ Christo adfuit, creatam è nihilo contendebant. Si neges, agnoscendum erit, quod volumus, sub iisdem phrasibus, diversas sæpe latere sententias. Nec dubium est quin posterius hoc verius sit, quod ostendimus Epp. VII. VIII, & IX. T. 3. *Artis Criticæ*.

14. Attamen propter rei difficultatem, & ambiguitatem vocum, æstuentes sequentium sæculorum Christiani in varias opiniones abierunt. Plerique tamen cum *Platone* loquuti sunt, & cum eo se sentire dixerunt; dum secundum Principium faciunt priori \* *συμῆδον*, *coæternum*, & quo non magis carere potest primum, quàm Sol luce; quod tamen videtur contrarium esse *Platoni*, qui à primo creatum vult. Interea iidem, ex Judaïco loquendi more, unum esse Deum passim adfirmant, quod etiam à Platónico dogmate, quo tres summi Dii statuuntur, abhorret. Attamen haud absimilia dixerat etiam *Plotinus*, etiamsi *Platonis* interpretem agit.

15. Scripsit idem Platonicus τρεῖς esse ὑποστάσεις ἀρχικάς tres esse hypostases, quæ rerum omnium sunt principia, & variâ ratione in iis posse considerari ταυτότητα identitatem & ἰδιότητα diversitatem. Christiani quoque similia dixerunt, licet fuerint controversiæ de voce ὑπόστασις; quæ significat nunc *accidens*, seu πρόπῳν ὑπάρξεως, *modum existendi*: nunc *substantiam*, seu rem ipsam, quæ certo modo

V 3

est

\* Vide G, Bulli *Defensionem Nicænæ Synodi*. Sect. III.

est, vel cui tamquam subiecto inest modus existendi. Tandem inter Græcos quidem convenit, ut dicerent τρεῖς εἶναι ὑποστάσεις *tres esse modos existendi*, μίαν ὁσίαν *unam essentiam*; inter Latinos verò, τρεῖς *personas*, *unicam substantiam*, seu *essentiam*; quâ ratione loquendi etiamnum hodie utimur.

16. Platonici, in hisce rebus, usi etiam fuerant voce \* ὁμοούσιος, quæ apud eos significat ὁμοφύς, ὁμογενής, seu *eiusdem speciei*, aut *simillimæ naturæ*. Eam distinctionem adhibuit Nicæna Synodus, quæ definivit ἵδιον εἶναι ὁμοούσιον τῷ Πατρὶ, *filium esse consubstantialem Patri*. Hodie etiam plerique cum Synodo Nicæna se sentire profitentur, & eandem usurpant vocem.

17. Loquutiones autem, quas adtulimus §. 14, 15, 16. non uni inservire possunt dogmati exprimendo; quare dubium sit an qui iis olim usi sunt idem omnes sentirent, quamvis, omissis Platoniciis, Christiani soli spectentur. Imò Hugo Grotius eò processit, ut diceret ‡ *sibi constare Patres in explicatione harum rerum plurimum dissensisse, etiamsi vocum quarundam sono inter se conveniunt*. Profectò videntur Veteres inter se discrepasse, in multis, & Christiani omnes hodie multum abesse à sententia Synodi Nicænæ; licèt plerique cum ea sentire se putent, quodd voces ab ea consecratas admittant.

18. Hæc

\* Vid. Vir. Eusebii Casariensis, G. Bulli Defens. Synodi Nicænæ Sect. II. c. I. §. 2. & Epist. 2. T. 3. Artis Criticæ.

‡ Epp. ad Fratrem Ep. CLII.

18. Hæc ne temerè adfirmasse videamur, primò observandum vocem αἰδιος æternus admodum esse ambiguam apud Veteres, in hoc negotio. Αἰδιος enim potest significare propriè dictam æternitatem, quæ omni, quomodocumque intelligatur, principio caruit; quâ ratione, ex omnium consensu, Pater dicitur αἰδιος. Sed alteram \* habet ea vox significationem, quâ denotat quod fuit, antequam mundus ac proinde tempus esset, quod vocant etiam Veteres ἀχρονος & πᾶνταχρον, *sine tempore*, & *supra tempus*. Jam dubium est an Veteres, qui τὸ πᾶνταχρον dixerunt esse æternam, priore aut posteriore intelligendi sint sensu; an, nimirum, eam æternam, non minùs ac Patris πᾶνταχρον, esse voluerint; an verò ita eam vocent, quòd ante mundum fuerit? Atque hac in sententia videtur fuisse Tertullianus, qui contra Hermogenem Cap. III. & XVIII. ait *Filium semper non fuisse*, nec *sine initio esse*. Idem videntur sensisse multi Patres Ante-Nicæni, qui paullò ante mundum genitum Filium volunt, licèt αἰδιος adbellent. Altera etiam est ambiguitas vocis αἰδιος, in hac re. Dici, nempe, potest Divinitas Christi, quod ad *substantiam*, seu *essentiam* adinet, αἰδιος, non minùs ac Pater; aut quod ad *modum existendi* ejus essentiæ spectat, propter quem Filius vocatur. Quidam ex Veteribus † scripserant *substantiam* ipsam Di-

V +

vinitatis

\* Vid. Epistolam Alexandri Alexandria Episcopi apud Theodorum Lib. I. c. 4. & Basilium Casariensem Hom. I. in Hermæmonem.

† Vid. Ep. Eusebii apud Theodor. Lib. I. c. 12.

vinitatis Filii, ἀγνητῶς in Patre existentem, esse illi συναίδιον; quod de *subsistentia* non adfirmabant. Quæ fuit Nicænæ Synodi sententia, unde factum ut damnarit eos qui dicerent *Filium non fuisse antequam genitus esset*, licet definierit Filium esse Patri συναίδιον, quod ad *substantiam*; erat, nimirum, ab omni æternitate, Filius ἀγνητῶς in Patre, antequam generaretur; sed cœpit γνητῶς existere paullò ante creationem mundi, cum *hypothesin* seu *existentiam* distinctam à Patre accepit, ut Veteres putabant.

19. Secundò, cum dicebant Patrem & Filium *Unum* esse, latebat etiam in illa voce non levis ambiguitas. Aliquid enim dicitur esse *Unum*, quemadmodum Philosophi loquuntur, vel *Unitate numericâ*, vel *Unitate specificâ*. Ita Petrus est unus, *unitate numericâ*; Petrus, Joannes, & Paulus unus sunt, *unitate specificâ*. † Adparet autem ex Veteribus eos credidisse tres esse Naturas divinas, numero quidem diversas, sed unius speciei. Reverà in sermone quotidiano, & apud Philosophos etiam, unum dicuntur quæ specie conveniunt; ut liquet vel ex *Aristotele*, cujus observationes sæpe vulgari sermone nituntur, qui docet ‡ λέγεσθαι ἓν ὡς ἡ ὕψια μία, μία δὲ ἡ συνεχεία, ἢ ἰδίῃ, ἢ λόγῳ, dici unum, quorum essentia una est, una autem continuitate, aut specie, aut ratione.

20. Tertiò, ut Plotinus τρεῖς ὑποστάσεις agnovit,

† Vide St. Curcellai *Quatern. Diss.* I. §. 74. & seqq. & Vit. Enobii ac Gregorii Nazianzeni.

‡ *Metaphys.* Lib. IV. c. 6.

vit, numero distinctas, hoc est, tres *substantias* cum distinctis proprietatibus, licet alioqui conjunctissimas: ita Christiani Veteres, eodem sermone usi, non nobiscum, sed cum *Plotino* hac in re consenserunt. Qui unam *ύπάρ* dicunt, *τρεῖς τρεῖς ὑπάρξεις*, id ipsum hisce verbis expresserunt; ut enim Humanitas, quæ est separatim in Joanne, Petro & Paulo, est una; nec in Paulo differt ab eo quod est in Petro & Joanne, nisi *τρεῖς ὑπάρξεις*: ita tres Naturæ divinæ numero diversæ, sed specie eadem, differunt tantummodo *existendi*.

21. Quartò, cùm vox *ἰσότης*, ex Platoniorum usu, significaret *ejusdem speciei*, & Synodus Chalcedonensis, in suo Symbolo, statuerit Filium esse nobis *ἰσότης κατ' αἰθερά πύρρα*, ut est *ἰσότης* Patri κατὰ θεότητα; nulla est ratio existimandi hac voce significatum fuisse esse *unicam numero Essentiam* Patris, & Filii. Nihil tanè occurrit in Disputationibus *Consubstantialistarum*, quod suadere possit alia in re controversiam Arianam sitam fuisse, nisi quòd Ariani *Essentiam* filii parem non esse *Essentiæ* Patris contenderent: *Consubstantialistæ* verò *Essentiarum* paritatem propugnarent; \* quod Viri Doctissimi copiosè ostenderunt, nec ignorari potest, quin eadem operâ densissimæ tenebræ offundantur Veterum hac de re Scripta legentibus; in quibus contrà omnia sunt clara, si memorata teneamus, ut jam diximus Cap. superioris §. 18.

22. Si

V 5

\* St. Cuvillæus in *Quatern. Dis. I.* & R. Cudworthus in libro Anglico inscripto; *The true System intellectual of the Universe* Lib. I. c. IV. pag. 606. & seqq.



22. Si quis quærat cur in re tanti momenti tot ambiguis loquendi generibus uti sustinuerint Veteres; responsum accipiat jam, apud Philosophos usitatas eas ambiguitates fuisse, quæ in sermonem Theologorum, ut fit, sunt transfusæ: quemadmodum antea jam ostendimus. Præterea nolebant Theologi fateri, ex eorum sententia, si cum vulgo loquerentur, tres esse pares Deos, non unum, cum unum esse passim doceat Scriptura Sacra. Quare ne à Scriptura discedere viderentur, néve πολυθεϊσιν insimularentur, ita ut ostendimus loquuti sunt. Quod non omnino dissimulat *Augustinus* de Civitate Dei Lib. X. c. 23. *Liberris*, inquit, *verbis loquuntur Philosophi, nec in rebus, ad intelligendum difficillimis, offensionem piarum aurium pertimescunt. Nobis autem ad certam regulam loqui fas est, ne verborum licentia etiam in rebus, quæ in his significantur, impiam gignat opinionem. Nos itaque non dicimus duo vel tria Principia, cum de Deo loquimur; sicut nec duos Deos, vel tres nobis licitum est dicere: quamvis de unoquoque loquentes, vel de Patre, vel de Filio, vel de Spiritu Sancto, etiam singulum quemque Deum esse fateamur; nec dicemus tamen, quod Heretici Sabelliani, eundem esse Patrem, qui est & Filius, & eundem Spiritum Sanctum, qui est & Pater & Filius; sed Patrem esse Filii Patrem & Filium Patris Filium, & Patris & Filii Spiritum Sanctum; nec Patrem esse, nec Filium. Ita loquitur Augustinus, quod probè animadvertendum, postquam egit de doctrina Platonica*

nica, de tribus Principiis, aut *principalibus substantiis*, prout à Porphyrio & Plotino exposita fuerat.

23 Ex hac vocum ambiguitate, colligere est potuisse faciliè fieri, quod credidit *Hugo Grotius*, ut qui verbis consentire olim inter se videbantur, re ipsa dissentirent; utque, servatis iisdem vocabulis, paullatim substituta alia fuerit potestas. Atque hoc eò faciliùs factum, in negotio de *Unitate Dei*, quòd persuaserit sibi posteritas consensisse Patres Ecclesiæ cum veteribus Hebræis, liqueret autem Hebræos *unitatem* Essentiæ divinæ *numericam* credidisse. Verùm uti *Consubstantialistæ* sub iisdem verbis, quibus antiqui Hebræi utebantur, aliam abscondebant sententiam, cum non auderent ab iis discedere: ita nostri hodie Theologi verba quidem à Patribus consecrata retinent, sed alias iis subiecere potestates. Animadvertit hoc, in aliquot aliis vocabulis, *Joan. Dallæus* de Ufu Patrum Lib. I. c. 5. sub finem, quod vellem copiosius diduxisset. Rectius multò fecissent si in Scripturæ Sacræ verbis adquiescissent, nec nos venia digni simus, si loquutionibus Scriptorum Sacrorum, tam ambigua & tam incommoda loquendi genera, præsertim ad sententiam veram exprimendam, præferamus. Sed monitum hoc Theologicum est, non Criticum.

## CAPUT XVI.

## REGULA XV.

*Difficultatem intelligendi maximam interdum oriri ex Rhetorico stylo.*

I. GRAMMATICI & Rhetores voces proprias vocant, ut omnes norunt, eas, quæ usurpantur pro nativa significatione, quæ est illis usu adtributa; tropicas verò, quæ ex nativa significatione in aliam translatae sunt. *Moveri* propriè dicuntur *corpora*, quorum mutatur situs; translataè *animi*, cum quispiam in iis excitatur adfectus. Cum autem nulli Linguae tot suppetant voces & loquutiones propriæ, quot suppetere oporteret, ut omnia propriè exprimi quirent; est enim rerum infinitus numerus, vocum finitus; necessariò confugiendum fuit ad voces tropicas. Digna sunt, quæ huc transferantur, verba *Ciceronis* de Translationibus ex Lib. III. de Oratore c. 28. *Modus transferendi verbi latè patet, quem necessitas genuit inopiâ coacta, & angustis; post autem delectatio, jucunditasque celebravit. Nam ut vestis, frigoris depellendi causâ reperta primò, post adhiberi coëpta est, ad ornatum etiam corporis: sic verbi translatio instituta est, inopiæ causâ; frequentata delectationis* ——— *Translationes quasi mutationes sunt,*

*sunt, cum, quod non habeas, aliunde sumas.* Exempli causâ, ad res ad animum pertinentes exprimendas, paucissimæ sunt voces, nativâ significatione adhibendæ; quia populus, à quo potissimum paullatim Linguae auctæ, & ornatæ, de rebus ipiritualibus plerumque securus, de corporeis tantum sermones ferit, aut spiritus corporibus similes putat. Hinc qui de rebus incorporeis verba faciunt, è corporeis petitas voces passim usurpare coguntur.

2. Inde nascitur magna intelligendi difficultas, in rebus per se obscuris, quales sunt quæ ad spiritus pertinent. Cum enim *efflare animum* legimus, in Scriptore, cujus de animo sententiam aliunde cognoscere non possumus; quî scire liceat, utrum re ipsâ crediderit animum esse flatum, an verò tropicè ita loquatur? Hodieque, cum multi negent in animo quidquam esse corporei; omnes tamen, Latine scribentes, ejusmodi loquutionibus usu consecratis utuntur, non minus ac qui mentem esse tenui auræ similem credunt.

3. Verum cum Cap. V. egerimus de difficultate dignoscendi quod usque metaphorica loquutio urgenda sit, hac de re iterum non agemus, ne repetendum sit quod jam dictum est. Observabimus potius, præter usum necessarium Troporum, propter Linguarum paupertatem, esse alios quosdam eorundem usus Rhetoricos, ut ex *Cicerone* vidimus, unde non exigua nascitur obscuritas. Scilicet, non modò ad mentem exprimendam,  
non

non occurrente aliâ voce, adhibentur, sed & ad ornatum orationis; ut notio vividior, aut elegantior, aut amplior in audientium aut legentium mente excitetur. Ita *Horatius* fulmen tropicè describit, hisce verbis: \* *tremendo Jup.ter ipse ruens tumultu*, ut excitet majorem fulminis notionem; nam aliquid amplius est intelligere *Jovem ipsum ruentem*, quàm telum ejus manu emissum.

4. Si sola Veritas esset docenda, isque esset unus loquentium finis, uti par esset, universa eorum cura in eo sita esset, ut perspicuè loquerentur; quam in rem, quantum possent, vocibus uterentur propriis; sed ornatus orationis adhibetur ad delectandos auditores, vel legentes, aut eorum movendos adfectus; eumque in finem non tropica modò, sed & figurata oratio inventa est. Quo fit ut *Rhetores* doceant non ubique adhibendum esse sermonem proprium, sed in iis dumtaxat Orationis partibus, ubi adfectus non moventur. *In exordienda causa, servandum est ut lenis sit sermo, & usitata verborum consuetudo, ut non adparata oratio esse videatur.* † in ‡ *Rhetorica Scholica Curii Fortunatiani*, parum quidem Latini Scriptoris, sed nequaquam inepti, pro tempore quo vixit, est hæc quæstio: *Propria verba, quæ partes orationis magis desiderant?* cui ita respondetur: *Principia & narrationes*; quia, nempe, neque in principiis, neque in narrationibus, moveri solent adfectus.

5. Non

\* *Lib. I. Od. 16.*

† *Scriptor ad Herenn., Lib. I. c. 7.*

‡ *Lib. III. p. 71. Ed. Paris.*

5. Non est nostri instituti in originem adfectuum inquirere, aut eorum naturam explicare. Paucula tantum indicabimus indubitata, quibus nititur quod de difficultate intelligendæ figuratæ orationis dicemus. Cum ab iis qui nos educant, à prima infantia, excitentur & foveantur in nobis adfectus; paulatim fit ut his nimium indulgere adfueti, nullâ re fermè commoveamur, aut delectemur, nisi iis quæ adfectibus blandiuntur. Cetera omnia nobis tædiosa & insulsa videntur; nec ea, nisi inviti, patimur. Hinc fit ut somnus nobis obrepat, ubi audimus paullo copiosius rem exponentes; quæ per se apta non est ad creandam nobis admirationem, vel spem, vel metum, aut similem adfectum ingenerandum. Imò veritatem ipsam, quâ naturâ nostrâ percelli deberemus, eamque non exigui momenti, immoti sæpe audimus; nisi ita describatur, ut aliunde petitis ornamentis in nobis commoveantur adfectus. Quantumvis sit periculum, nisi quasi imminens à nobis spectetur, eo non percellimur, etiam moniti; si ea admonitio concepta sit verbis propriis. Oportet describi periculum figuratâ oratione, quâ adfectus, re commoveri interdum nescii, verbis vehementius cieantur. Exemplum in Orationibus sacris cernere est, quæ licet admonitionibus summi momenti refertæ sint, somnum multis conciliant, nisi Rhetorum pigmentis ornatæ prodeant.

6. Si porrò quæramus rationem, ob quam figuris ita adficimur, comperiemus eam ejusmodi esse, ut obscuritatem necessariò pariat.

Fi-

Figuræ tantam vim argumento, quod iis exornatur, addunt, quia audienti, aut legenti eam tantum ejus partem ostendunt, quæ est omnium aptissima ad eum commovendum; amotis iis omnibus, aut potius rectis, quæ commotionem illam sistere possent. Si miles sit ad pugnam cohortandus, alto premuntur silentio horror mortis, qui naturâ omnibus inest, summa cautio quæ debet adhiberi, ubi de effundendo sanguine humano agitur, aliâque quæ viro sapienti tunc seriò pensitanda essent. Ab infaustris ejusmodi vocibus abstinetur, gloria militi proponitur è victoria colligenda, divitiæ è spoliis conficiendæ, præmia, honores, &c. quibus fit ut à prioribus illis animum avertat, & in hæc intentus, alacris, rem per se omnium fœdissimam, deterrimi carnificis munus obire in innocentes adgrediatur. Exemplo esse potest oratio Cæcinæ, apud *Tacitum Ann. Lib. I. c. 67.* ubi territis militibus difficultate itinerum, adverso prælio, jam èturâ impedimentorum, metu imminentis hostis, ostendit *unam esse in armis salutem, manendum intra vallum, dein erumpendum, illâ eruptione ad Rhenum perveniri; quod si fugerent, plures silvas, profundas magis paludes, sevitiam hostium superesse; at victoribus decus, gloriam, quæ domi cara, quæ in castris honesta.* Subdit Tacitus eum reticuisse de adversis aut præsentibus, aut futuris; ne nempe terror augeretur imagine præteritæ cladis, similisque in futurum timeretur.

7. Huic negotio aptare possumus, quod *Cicero de Inventionem Lib. I. n. 24.* ait observandum,

dum, si pro re turpi dicendum sit. Si *causæ turpitudō*, inquit, *contrahet offensionem*; aut pro *homine*, *quī offenditur*, *aliū hominē*, *qui diligitur*, *interponi oportet*; aut pro re, in qua offenditur, *aliā rem*, *quæ probatur*; aut pro re *hominem*, aut pro *homine rem*; ut ab eo quod odit, ad id quod diligit auditoris animus traducatur. Hac enim arte fit ut auditor id tantum animo verlet, quod non est turpe, cum de re turpi cogitare eum oportet. Ideo, verbis honestis res nequaquam honesta velatur.

7. Hac in re, situm est universum pænē orationis figuratæ artificium. Dum autem is, qui ejusmodi oratione utitur, conatur animum legentium, vel audientium ad certam argumenti sui partem convertere, & utitur loquutionibus ex parte dumtaxat veris; ægrè ut plurimum intelligitur. Notiones enim rerum, quæ nobis obversantur, comparamus cum ejus verbis, & cum videamus ea verba nonnisi partim notionibus convenire, hæremus dubii an rectè mentem Scriptoris intelligamus; seu an modum illum, quo nobis videntur vocabula convenire notionibus, urgere voluerit is quem legimus, vel audimus, an verò aliud quidpiam, quod nescimus.

9. Exempli gratiā, Hæctor, Iliad. γ, 371. ita loquitur de Achille, quem formidabant Trojani, quod neminem cum eo congregiendi parem censerent:



Τὸ δ' ἐγὼ ἄντιός εἰμι, καὶ εἰ πυρὶ χεῖρας  
 ἔοικεν,  
 Εἰ πυρὶ χεῖρας ἔοικε, μέντοι δ' αἰθρῶν  
 σιδήρεω:

*Huic ego occurro, licet manibus igni simili,  
 Licet manibus igni simili, robore vero splen-*  
*denti ferro.*

Intelligimus quidem summatim hoc velle  
 Hectorem, se obviam iturum Achilli, quam-  
 vis strenuo; quod volebat Hector à Trojanis  
 intelligi. Sed præterea si singula verba excu-  
 tiamus, ut adcuratè norimus, quas notiones  
 illis subjecerit Poëta, deprehendemus non le-  
 vem esse difficultatem. 1. ἄντιος ἴσθαι an sim-  
 pliciter significat *contrà ire*, an verò eâ loquu-  
 tione continetur *resistendi*, aut *adgrediendi* ani-  
 mus? 2. ἄντιός εἰμι estne, solitus sum contra  
 eum consistere, antehac contrà constitui, vel  
 illico hoc faciam, si necesse sit; vel decrevi  
 facere, & certò faciam? 3. Quid est *πυρὶ χεῖ-  
 ρας ἔοικεν*; estne manuum motu, celeritatem  
 ignis æquare; an manu id præstare, quod ignis  
 facit; an manus habere æquè formidandas, ac  
 ignem? Alibi Poëta *Meneleum* inducit de He-  
 ctore dicentem: Ἐκταρ πῦρ ἐς αἶνός ἔχει μιν, *He-*  
*ctor gravem vim habet ignis*. Iliad. P. vers.  
 565. Passim etiam prælium incendio confert.  
 4. An Hector vult dicere re verà Achillem  
*πυρὶ χεῖρας ἔοικεν*, an verò quamvis mani-  
 bus

bus ignem æquaret, se non detrectaturum pugnam; nedum ut eum, qualis erat, fugeret? 5. Μίϑη αἶϑαν σιδῆρα simile, quam in re est? an in gravitate ictuum, an in amoliendis illatis plagis, aut resistendo ictibus duritie suorum armorum? Denique αἶϑαν σιδῆρα est ne splens gladius, aut quodlibet ferrum; aded ut αἶϑαν sit epithetum otiosum; an verò est *candens ferrum*, cui similis sit aliqua in re Achillis? Quis dicet an *Homerus* omnes hæc σχῆμα in animo habuerit, an aliquot tantum, & quænam eæ sint? Certe vix ipsum, si revivisceret, dicturum putem, ob rationes quas postea adferam. At tamen nemo est, qui non adficiatur hisce duobus versiculis, & vim eorum non laudet; si modo Poëtarum Græcorum stylo nonnihil adfectus sit. Obversantur; nempe, animo ferrum & ignis, duæ res efficacissimæ, quibus conferebatur Achilles, & illa ἀναδιπλωσις, ἢ πύρρῃ χεῖρὶς ἵστανε, quâ Hector significat se, licet probe intelligat periculum, audacter tamen id subiturum, ita animum legentium percellunt; ut in obscura fortitudinis notione, ne cogitantes quidem de notionibus singulis vocibus adnexis, adquiescant.

9. Secundò, figurata oratio nos tantopere adficit, quod rem exornando augeat; non ita quidem ut illico adpareat eam augeri, occultius enim hoc fit; sed tamen ut ingerat animo nostro majorem quamdam imaginem, quàm ea esset quæ ex simplici sermone nasceretur. Quoniam autem limites illius aug-

menti, ut ita loquar, vocabulis perspicuè non signantur; obscurum est quàm latè loquentis notio pateat. Ceterùm *augmentum* intelligo, tam in seciorem, quàm in meliorem partem; & quod complectitur extenuationem, non minus quàm exaggerationem.

10. Exempli gratiâ, *facere Deos* habet vim aliquam *εὐχριστῆς*, in hoc Epigrammate *Martialis*, Lib. VIII. c. 24.

*Qui fingit sacros auro, vel marmore vultus,  
Non facit ille Deos, qui colit ille facit.*

Propriè si loquamur, *facere Deum* est efficere, ut qui Deus antea non erat Deus evadat; quod non potest dici de statua, quæ non est Deus, postquàm coli cœpit. Attamen videtur *Martialis* tropicè statuam vocare *Deum*; deinde *facere eam Deum*, esse ei statuæ honorem exhibere, qui solebat signis Deorum; vel consecratione efficere ut Deus, cui dedicata est, eam infideat; nam & \* hoc, de statu is Deorum ritè consecratis, credebant Ethnici. Patet quidem phrasi *facere Deum* plus dici, quàm reverà fieri credebat *Martialis*; sed dubium est utra ex memoratis significationibus ei loquendi generi conveniat, & quousque pateat *ἱοίκης Θεῷ*, *inhabitatio Dei*, si ad posteriorem respexit.

11. Eadem occurrit difficultas, in loquutionibus metaphoricis Scripturæ, ubi Dii Ethnico-

\* *Arnob. cont. Gentes Lib. VI. p. 254. Ed. Par. 8. 1605, ubi vide notas Des. Heraldi.*

nicorum dicuntur \* esse meræ statuæ, sine sensu ullo. Nam Gentes omnes Idololatriæ deditæ aut animos mortuorum hominum, aut dæmonas, aut sidera colebant, quorum vim nescio quam inesse statuis existimabant; non statuas ipsas, quasi eas solas Numina sua esse censuissent. Itaque oportet in ea figura Scriptorum Sacrorum esse aliquam *αἰθερίαν*, nec facile est scitu, quàm latè pateat; & utrum voluerint dicere, eos qui Numina in consecratis statuis colebant, æque insanivisse, ac qui meros lapides coluissent; an verò vim illam divinam, quam somniabant Idololatræ inesse statuis, nullam fuisse, ideoque universum eorum cultum in statua substituisse; an aliud quidpiam, cujus nobis in mentem non venit? Quidquid id est, phrasin hancce ex Idololatrarum ipsorum usu desumserunt Hebræi, ut adparet ex oratione Labanis Gen. XXX, 30. ubi statuas sibi subreptas *Deus suos* vocat. Ita & cùm Ap. Herdonius Capitolium, cum servorum & exsulum manu, occupasset, dixit in concione P. Valerius Consul: *Jovem Opt. Max. Junonem Reginam, alios Deos, Deasque obsideri*, Livio narrante, Lib. III. c. 17. Ambracienses apud eundem queruntur, sublati à M. Fulvio Cos. Deorum signis: *simulacra Deum, Deos imò ipsos, convulsos ex sedibus suis ablatos esse, parietes, postesque nudatos. Quos adorent, ad quos precentur & supplicent Ambraciensibus non superesse*. Idem de Atalo, qui Romanis Idææ Matris simulacrum avehendum tradidit: *Is legatos comiter exceptos*

X 3

Pessi-

\* Psalm. CXV. &amp; CXXXIV.

*Pessinuntem in Phrygiam deduxit, sacrumque  
eis lapidem, quem MATREM DEUM  
incolæ esse dicebant, tradidit, ac deportare Ro-  
mam iussit* Lib. XXIX. cap. II. Hinc ma-  
gnam invidiam subiit Stilpo Philosophus Athe-  
nis, unde & migrare iussus est, quòd Minervam  
Phidiæ *Deum esse* negasset, quam histo-  
riolam habet *Diogenes Laërtius* Lib. II. §. 116.

12. Tertiò, cum multa sint quæ, si peni-  
tius introspectantur, non apta sunt ad com-  
movendos adfectus, non modò eorum par-  
tem aliquam Auditoribus suis Oratores osten-  
dunt dumtaxat, aliis silentio velatis; nec mo-  
dò augent eam, quam spectari volunt, prout  
necesse esse judicant; sed quibusdã præter-  
ea vocibus generalibus, seu præstantiorem, seu  
terluiozem notionem adjunctam habentibus,  
exprimunt; ne animus audientium, illo vel-  
uti phantasmate occupatus, rem adcuratiùs  
expendat. Cùm sub Tiberii principatu de co-  
hibendo luxu ageretur, \* *Gallus Asinius* ora-  
tionem habuit, quã ostendit, dum Imperium  
augetur, auctas etiam esse privatorum opes;  
adeoque mirum videri non debere, si sumtus  
maiores tolerarent. Eã oratione factum ne  
Senatûs-Consultum ullum fieret, hac de re,  
adsentientibus ei Senatoribus: *Facilem adsen-  
sum Gallo*, ait Tacitus, sub NOMINIBUS  
HONESTIS, *confessio vitiorum, & simi-  
litudo audientium dedit.*

13. *Augustinus* Hipponensis Episcopus, &  
qui ejus de *Gratia* sententiam sequuti sunt, non  
modò

\* Tacitus Ann. II. 36

modò quantum possunt impediunt, ne Lectoribus obversetur imago iniquitatis; quæ est in ferendis legibus, iis à quibus Deus scit eas non posse obervari, non ipsorum culpâ, sed primi hominis, ob cuius peccatum destituti sunt omni virtute; deinde in eis æterno exitio damnandis, quod numquam potuerunt vitare, quia necessario auxilio in eam rem carent, ob Adami culpam; nec modò verbis amplificant gratiam Dei erga pauculos Electos, quos salute donat; sed ubi contingit difficultates, quæ in eorum doctrina sunt, urgeri, tum verò omnia velant generalibus dictis, *non posse nimis deprimi hominem, & Deum contrà extolli, Deum nemini debere gratiam, ejus judicia esse ἀκαταληπτά*, aliisque similibus. Qui generalium ejuscemodi responsionum involucra excutiant, vix ac ne vix quidem intelligere possunt quid sibi velint. Si enim responsa illa urgeant, sequetur, ut deprimatur homo, omnes ejus actiones Deo esse tribuendas; aded ut sit *subjectum*, ut loquuntur Scholastici, merè *passivum*, in quod Deus quasi in lapidem agat; quod illi acerrimè negant. Si verò non sint nimium illa urgenda, sequetur, sine divinæ gloriæ imminutione, posse dici hominem aliquid agere, ac proinde non à Deo tantum moveri, sed aliquid viribus suis seu à Deo quibusvis datis, nec vitio in ullo prorsus fractis (ne quis calumniatur) efficere; quod illi pariter negant. Atque hinc fit, ut quid sibi velint, generalibus illis loquutionibus, vix intelligi queat.

14. Certè Deus *nemini debet gratiam*, ut  
 X 4 aiunt,

aiunt, sed hocceine significat Deum, in peccatam peccati Adami, omnes homines spoliare innocentiam, quâ alioquin ornatî essent, & propterea eos damnare? Sanè Deus etiâ sibi, ut ita dicam, debet æquitatem, seu naturâ suâ est æquus; ideoque tale quidquam facere nequit.

15. Multa quidem sunt, in humanarum rerum administratione, ἀκαταληπτά, seu quorum rationem adsequi non possumus; sed hocceine ejusmodi est, ut ideo liceat quasvis iniquitates Deo tribuere, & postea se tueri frigida exclamatione? Si res ita se haberet, nullum non delirium, è Scriptura detorta deductum, defendi posset; quod *Augustini* tamen Discipuli ægrè ferrent.

16. Hinc Rhetores docent diligenter cavendum ne tropi ex re humili nimium, aut audientium aures offendente petantur. Cum addere debeant orationi majestatem, eam contrâ minuerent, si essent desumpti è rebus humilioribus iis, à quibus petuntur voces propriæ. Efficerent ut res per se magnæ minores viderentur, earum loco substitutis minoribus imaginibus, quod scopo Oratoris adversatur; nisi in contrariam partem vellet res magnas deprimere. *Quoniam*, ait summus & Orator & dicendi magister, *hæc vel summa laus est verbi transferendi, ut sensum feriat id quod translatum sit, fugienda est omnis turpitudine earum rerum, ad quas eorum animos qui audient trahet similitudo. Nolo morte dici Africani, castratam esse Rempublicam; nolo steræ Curia dici Glauciam. Quamvis sit simile,*  
tamen

*tamen est in utroque deformis cogitatio similitudinis.* Vide & G. J. Vossium Inst. Orat. Lib. IV. c. VI. §. 9. & seqq

17. Quartò, ope figuratæ dictionis ubi semel commoti sunt adfectus; non severè is, qui eloquentiâ dicentis perculsus est, ejus dicta expendit. Obversantur ejus animo, non plenæ & distinctæ loquentis notiones, sed earum dumtaxat partes aptiores ad eum commovendum; eæque sunt quibusdam additis imaginibus ornatae, quibus augentur; ac præterea accedunt generales quædam notiones, quibus connectuntur; unde fit ut occupatus animus, atque adfectu impeditus, in phantasmatibus illis adquiescat, & indignetur etiam iis, qui perspicuam explicationem eorum quæ admiratur flagitant.

18 Quando contingit ab homine, qui nunquam rem diligenter animo versavit, audiri Oratorem dicentem *rem esse nullam, quæcumque tandem sit, quæ à Deo non creetur, quandoquidem summa Dei perfectio postulat, ut solus sit summa omnium rerum causa*; is Orator facilè in adsensum trahit audientem; cujus cerebrum variis commovit tropis aut figuris, & cujus animo phantasma quoddam, quod significatur hisce generalibus vocibus: CAUSA OMNIUM RERUM, objecit, quo occupatus aliò convertere animi oculos nequit.

19. At sub iis vocibus latet interdum hæc sententia, ipsarum etiam cogitationum humanarum, quæ inter Entia à Philosophis recen-



sentur, Deum esse auctorem; adeoque ipsam mentem humanam nihil quidquam agere, sed tantum agi, instar machinæ quæ nervis alienis movetur. Cum verò obicitur; Deum, hoc posito, malas etiam cogitationes injicere hominibus, denuo delabuntur ad *abstractas* & generales loquutiones. Aiunt posse spectari in cogitatione qualibet aliquid *physicum*, atque aliquid *morale*; prioris Deum esse auctorem, posterius, ubi sermo est de malo, esse nihil. Sic parum cautos occupant, notione *abstractâ cogitationis*, quæ potest sine vitio ac virtute esse, & *defectus* cujuscumque seorsim spectati, in quo cogitationis vitium situm esse aiunt. Accedente dein figurato sermone, à *Deo omnia pendere*; *ejus infinitæ varietatis perfectionem esse*, ut omnia ejus ope fiant; nihil sine eo esse, *alioqui creaturam ejus regimini eripi*, & similibus; ita commovetur cerebrum auditorum, ut non videant Religionem omnem & Societatem ipsam Civilem radicitus evelli, fictâ illâ Numinis reverentiâ; utque monentes, etiam cum indignatione, excipiant.

20. Qui sunt ejuscemodi sermonibus adfecti non modò audientibus fucum faciunt, ne possint intelligere quid velint; sed semet ipsi sæpe deludunt. Hinc fit ut cum monentur, de sensu quem illæ loquutiones re ipsâ fundunt, negent se eum sensum agnoscere, si aliis verbis sit conceptus, licet sit prorsus idem. Quisquis adfirmat Deum esse cogitationum omnium nostrarum auctorem; adeo ut, sine ejus interventu, eoque, ut loquuntur,  
*præ-*

*predeterminante*, nihil possumus cogitare, & vice versâ eo *predeterminante* non possumus non cogitare quod vult; quisquis, inquam, talia affirmat, idem Deum esse vitii, non minus quàm virtutis, auctorem contendit. Attamen qui ita loquantur hoc à se admitti confectarium præcisè negant; &, ut puto, bonâ fide negant, quia rei perspicuè expressæ non adsentiuntur; licèt sub involucris *abstractarum* quarundam notionum, figuratis vocibus vestitarum, idem planè amplectantur.

21. Si quis dubitaret, an qui figuratâ oratione tantopere delectantur, adfectibus præpediti sint; essent dumtaxat rogandi, ut vocibus propriis, quoad ejus fieri potest, mentem suam exprimerent. Tum ex illorum inanibus conatibus, & in figuram semper desinentibus adpareret illos, præ commotione cerebri, nescire quid sibi velint. Nempe, de omnibus, qui nimium pigmenta Rhetorica deamant, idem dici potest quod ingeniosissimè de Poëtis Socrates in Apologia, apud Platonem, habet: ἢ σοφία ποιεῖσι, ἀλλὰ φύσει τῇ καὶ ἰδιουσίᾳ ζοῦσι, ὥσπερ οἱ θιομαῖτις καὶ οἱ χρησμάδοι: *non arte, sed naturâ quadam & veluti aâflatu faciunt ut divini & vates.* Καὶ γὰρ ἔτοι λίγυσι μὲν πολλὰ καὶ καλὰ, ἸΣΑΞΙ δὲ εὖτε ἂν λίγυσι: *etenim hi dicunt multa & egregia quidem, sed nesciunt quid dicant.* Reverâ orationes valde figuratæ non conscribuntur, sine commotione animi, parum apta ad investigationem veri, sed ad grandiloquentiam adcommodata; ut experti sunt quicumque, furore illo Rhetorico

co defervescente, seriò cogitationes suas expenderunt.

22. Quinto, ejusmodi sunt nonnullæ figuræ, aut aliunde notum loquentis animum esse oporteat, si intelligi velit. Ad hæc pertinet *λιτότης*, quâ plus significatur quàm dicitur. *Livius*, de *Polybio* verba faciens, *Syphacem*, inquit, *in triumpho ductum Polybius, haudquam spernendus auctor, tradit*. Lib. XXX, 45. *Fulvius Ursinus* censet tam tenue elogium ab invidia profectum, cum *Livius* pænè integros ejus exscribat libros. At *Isaacus Casaubonus* \* *λιτότητα* esse acerrimè contendit, & ejus figuræ profert aliquot exempla. Plura etiam habent *Joan Ruwaldus* ad *Plutarchi* Elog. IV. & G. 7. *Vossius* Instit. Oratoriæ Lib. IV. c. X. §. 8. Sed res vix potest exemplis liquidior fieri, quia cum *λιτότητα* frequentem esse constet figuram, non perinde constat de candore *Livii*; qui Romanos fortè ab lectione *Polybii*, ne ejus retegerentur furta, frigido elogio detertere voluit.

23. Ejusdem generis *Ironia* est, quæ est oratio, quâ contrarium ejus quod volumus adfirmamus, datâ operâ, sed non seriò. At quomodo intelliget Lector, vel auditor nos figuratè loqui, non simplici uti & seria adfirmatione? Respondet quidem *Quintilianus*; ‡ aut pronuntiatione, aut personâ, aut rei naturâ. Nam si qua earum verbis dissentit, adparet

\* Ad Fragmenta *Polybii* ex *Livio*.

‡ Instit. Orat. Lib. VIII. c. 6.

paret diversam esse orationi voluntatem. Sed pronuntiatio ad auditorem tantum pertinet, nos verò de Lectore hinc agimus. Non diffitemur personam, aut rem, aut denique aliam circumstantiam persæpe clara esse ironiæ indicia; sed loca sunt, in quibus nec personâ, nec ullâ aliâ circumstantiâ, ironiâ sit manifesta.

24. Exempli causâ, Æneidos I, 41. Juno ita loquens inducitur:

—— Méne incepto desistere victam?  
Nec posse Italiâ Teucrorum avertere Regem?

Quippe vetor fatis! Pallásne exurere classem

Argivum, atque ipsos potuit submergere ponto

Unius ob noxam, &c.

Ast ego, quæ divum incedo Regina, Jovisque

Et soror & conjux, una cum Gente tot annos

Bella gero, &c.

Innuit Servius verba, quippe vetor fatis, ironiam esse, quia dicere non possumus à Junone ignoratam vim fatorum. Gerardus verò Joannes Vossius \* hoc exemplum profert, ex quo constat in hac parte summos etiam viros decipi; aitque neminem negaturum eum falli, qui naturam Junonis & Virgiliani loci con-

\* Inst. Orat. Lib. IV. c. IX. §. 2.

consideret. At ego utroque probè considerata, ironiam hîc esse omnino credo, & hoc Junonem velle: fatis, quæ sibi à Jove objiciebantur, cùm de funditus perdenda Trojana gente loquebatur; vetari nequissè, ne quod cupiebat effectum daret. Nemo nescit Poëtas, postquàm fata mutari non posse dixerunt; tamen *præter fatum*, *ὕπὲρ μέγας*, dicere multa contingere. Itaque *Virgilius* Junonem inducit, ita loquentem, quasi ei objici nequeat fatum, ne faciat quod cupit. Vide versum 22.

25. Sed ut exemplum; ex re majoris momenti, proferam, verba sunt Dei Gen. III. vs. 22. *En Adamus instar unius nostrum factus est, nunc autem, ne manum suam injiciat & sumat ex arbore vitæ, vivatque in perpetuum; cavendum.* Quærunt Interpretes, utrum hæc sine figura intelligenda sint, an verò ironia; vel sarcasmus hîc lateat. Posterius nobis vero similis videtur, ut in Commentario ad eum locum ostendimus. Non defuerunt tamen, qui aliter sentirent, quos consulere poterunt qui abundant otio; nam nobis satis est exemplum proposuisse, ex quo liqueret non semper ironias à viris doctis intelligi. Quæ de re, adeundus etiam *Ger. Joan. Vossius*, loco quem antea indicavimus.

26. Sextò, huc quoque facit, quod adfert \* *Cicero*, ut ostendat quid sit, quòd omnes translatis & alienis magis delectantur, quàm propriis & suis; nempe, *quod singulis verbis res;*

\* *De Oratore Lib. III. c. 40.*

res, ac totum simile conficitur, hoc est, integra uno verbo similitudo continetur; cujus proinde partes omnes cognoscere dilucidè non possumus, ut antea diximus. Præterea, eodem iudice, delectatio illa oritur quod omnis translatio, quæ quidem summâ ratione est, ad sensus ipsos admovetur, maximè oculorum, qui est sensus acerrimus. Hoc ipsum rem intellectu difficiliorem facit; nam dum nobis Orator in conspectu ponere nititur, quæ videre non possumus, res diversissimi generis inter se confert; ac proinde inter quas non nisi tenuis & obscura est similitudo.

27. Profert ex veteri Poëta hæc verba:

——— *Vive, Ulysses, dum licet,  
Oculis postremum lumen radiatum rape.*

Quibus Ulysses quàm primùm vita uti, quæ ei brevis futura erat, hortatur nescio quis. In iis hoc meritò observat Crassus, aut Cicero potius, non dixisse Poëtam *cape*, non *pete*, quia haberet moram sperantis diutius sese victurum; sed *rape*; quod verbum est ad id aptatum quod ante dixerat, *dum licet*. At homini brevi morituro quid faciendum, ut *vitam rapiat*? Quid Ulysses, hac auditâ voce, in animo habuit? Scio equidem quid responderi possit, sed nihil hîc obscurum, ac perturbatum admitto. Novi quoque Horatium, hæc fortè imitantem, dixisse Od. XI. Lib. I.

——— *Sapias, vina liques, & spatio brevi*

*Spem longam refeces, dum loquimur, fuerit*  
*invida*  
*Ætas; CARPE diem, quam minimùm cre-*  
*dula postero.*

Hoc sensu, *rapere radiatum lumen* solis erit bibere & lætari, quarum rerum modus non indicatur. Hi fructus sunt vitæ, qui *carpendi*, imo *rapiendi*, dum licet, nobis sunt; sed quâ ratione & quo numero? Imitatus etiam est, ut hoc obiter dicam, veterem a Cicerone laudatum Poëtam Petronius in Satirico ‡; qui naufragium facturum amatorem ita cum amasio colloquentem inducit: *da oscula, dum licet, & ultimum hoc gaudium, fatis prope-*  
*rantibus, rape.* Similia quædam ad locum habet Gonsalvus de Salas, sed loci Ciceronis non meminit: uti nec alii locorum similium collectores parum diligentes, quamvis sibi plaudant. Sic & Thalmudici, harum elegantiarum alioqui negligentiores: חטוף ואכיל חטוף ואישתי דעלמא דאוליגן מניה כהילולא דמי & comede, rape & bike, nam mundus hic, ex quo imus, nuptiali convivio similis est. Vide Joan. Buxtorfium in Lex. Rabb. ad radicem יהלל.

‡ Cap. CXIV.

C A P U T XVII.

*Brevis Historia studiorum Rhetoricorum, quibus difficillimum cognitu factum est, quid cogitarint de multis rebus celeberrimi Scriptores.*

1. **P**OSTQUAM ostendimus quantas tenebras sermoni Rhetorica offuderit, ut constet etiam, quàm multi Scriptores figuratam dictionem simplici prætulerint, ac proinde quanta sit difficultas in intelligendis Veteribus; hinc paucis studiorum Rhetoricorum, apud Græcos & Romanos, historiam texemus.

2. Initio quidem, quo Græci habebant tractum, cui nomen fecerunt, cum durior adhuc vita esset, non videntur Rhetoricen couisse. Fatendum tamen, apud eam Gentem, antiquissimam esse artem dicendi; quoniam *Homerus*, cujus ætas propter antiquitatem, à bis mille annis ignoratur, summâ fuit eloquentiâ; ex quo constat, etiam ante eum, excellentiam dicendi artem fuisse. Verè *Cicero*, \* *jam temperibus Troicis, inquit. tantum laudis in dicendo Ulyssi non tribuisset Homerus & Nestori (quorum alterum vim habere voluit, alterum suavitatem) nisi jam tum esset honos eloquentiæ; neque ipse Poëta hic tam idem (lego, item) ornatus in dicendo, ac planè*  
 Tom. I. Y ora-

\* In Bruto c. 10.



*orator fuisset.* Cùm autem ejus artis tanta esset vis, ut qui eâ valebant ii innumera impetrare possent, quæ minus eloquentes non adsequebantur; tum in Reipublicæ administratione, ubi consensu Populi opus erat; tum apud Judices, ubi causa fuit dicenda; tum etiam apud quosvis alios, in quotidianis vitæ negotiis; plures eam excolere cœperunt, & *Corax* quidem \* ac *Tisias* Siculi primi artis præcepta collegerunt & scriptis mandarunt, ut ex *Aristotele* nos docet *Cicero*. Neque existimandum est postea à bonis tantum esse traditam, virtus enim sola eloquentiam non parit; sed à malis etiam, quibus neque veritas, neque æquitas cordi erant. Atque hinc factum ut *Rhetorica* complecteretur, non modò artem defendendæ veritatis, aut tuendi juris; sed etiam cujusvis & veritatis, & juris oppugnandi. *Tantum quisque Orator sapiebat, quantum erranti populo persuaderi poterat.* Sunt verba Scriptoris Lib. de Oratoribus, Cap. XXXVI. ubi multa hanc in rem, cæque lectu dignissima.

3. Circa tempora Peloponnesiaci belli, quibus præstantissimi Rhetores apud Græcos floruerunt, vivebant † *Leontinus Gorgias*, *Thrasimachus Chalcedonius*, *Protagoras Abderites*, *Prodicus Cejus*, *Hippias Eleus*, aliique multi, qui docere se profitebantur, adrogantibus fanè verbis, quemadmodum causa inferior dicendo fieri superior posset; ita enim loquebantur.

\* *Cicer. de Orat. Lib. I. c. 20. & in Bruto c. XII.*

† *Ex Cicerone de Claris Orat. §. 8. Vide & Quintilianum, Pr. Inst. Lib. III, c. 1.*

banur. *Protagoræ* potissimum, qui volebat omnia esse vera, hoc est, id verum vocari quod unicuique videretur, fallacissimæ artis tribuitur inventio. Πρῶτον ἔφη, verba sunt \* *Laërtii Diogenis*, δύο λόγος εἶναι περὶ πάντων πραγμάτων ἀντικειμένους ἀλλήλοις: primus dixit duas esse de omni re rationes contrarias. *Gorgias* quoque se ad omnia, de quibus quisque audire vellet, esse paratum denunciabat. Postea verò vulgò hoc facere cœperunt, hodieque, ait † *Cicero*, faciunt; ut nulla sit res neque tanta, neque tam improvisa, neque tam nota, de qua se non omnia quæ dici possunt, profiteamur esse dicturos. Contra hosce *Rhetoras*, licet immeritò *Socratem* iis adgreget, imò eorum principem faciat, aculeatissimam *Satiram* edidit *Aristophanes*, in *Nubibus*. Eodem in numero erant *Sophistæ*, de quorum argumentis scripsit *Aristoteles* libros duos, & quorum ingenium † hisce verbis describit: ἰσχυροὶ δὲ ἐστὶν τοῖς μᾶλλον πρὸς ἔργον τὸ δοκεῖν εἶναι σοφοῖς, ἢ τὸ εἶναι καὶ μὴ δοκεῖν (ἔστι γὰρ ἡ σοφιστικὴ φαινομένη σοφία, ἔστι δὲ μὴ. Ἐὖ οὖν σοφιστὴς χρηματιστὴς διὰ φαινομένης σοφίας, ἀλλ' οὐκ ἔστι) ὁ δὲ ἄλλος ὅτι ἀναγκαῖοι τέτοις ἔστι τὸ σοφὸν ἔργον μᾶλλον δοκεῖν ποιεῖν, ἢ ποιεῖν ἔστι μὴ δοκεῖν: quoniam quibusdam operæ pretium majus est, si videantur sapientes, quam si sint, nec tamen vidcantur (Est enim sophisticè adparens sapientia, sed quæ reipsâ non est; &c)

Y 2

So-

\* Lib. IX. §. 51.

† De Oratore c. 22. Lib. I.

‡ Cap. 2. Lib. I.

*Sophista is qui lucram quærit ex adparente, non ex vera sapientia) perspicuum est necesse esse hos videri munere sapientis fungi potius, quam eo fungi, nec tamen videri.*

4. Iis, ut rectè \* *Cicroni* observatum, sese *Socrates* opposuit, qui subtilitate quadam disceptandi, retellere eorum instituta solebat. Habemus quatuor *Dialogos Platonis* elegantissimos; nempe, *Gorgiam*, *Hippiam*, *Protagoram* & *Euthydemum*; quos *Plato* ex ore *Socratis* aut ejus nomine edidit, & quibus ii *Rhetores* pro merito suo ridentur. Verùm & *Socrates* & *Plato* frustra facere, quandoquidem ab eo tempore Græcia id genus *Rhetoribus* semper abundavit. ‡ *Isocrates* ipse, cujus indolem alioqui probabat *Plato*, orationes aliquot, ad exemplum *Gorgiæ*, fecit; ubi summo vituperio dignos *Helenam* & *Busiridem*, ostentandi ingenii gratiâ, ad cælum laudibus tollit. Certè cum ob dicendi facultatem sæpe par, nonnumquam etiam superior videretur qui injustam causam defendebat, atque inde magna emolumenta, & salus interdum rei penderet; cœperunt boni, ut se quoque suosque defenderent, ejusmodi artem discere; mali verò utilitatis causâ, ut prava facinora tuerentur, eidem totis viribus incumbere; denique tota Græcia, ipsique *Philosophi*, qui veritatis investigationem profitebantur, certum ad eloquentiam eniti.

5. Plerique hoc unum spectabant, ut facultatem

\* *Loco laud. & de Orat. Lib. III, c. 16.*

‡ *Sub finem Phadri.*

statem acquirerent eleganter de quovis argumento, in utramvis partem, dicendi. Cum autem hoc multo magis ex consuetudine atque exercitatione penderet, quàm ex rerum ipsarum cognitione, & veritatis indagatione; non tantopere defudabant in acuendo iudicio, & cognoscendis disciplinis, quàm in scribendis ac recitandis Orationibus. Si quam Philosophiæ operam darent, eo animo non faciebant, ut veritatem, si quæ ei inesset, cognoscerent; sed ut docti viderentur, & Philosophiæ spoliis ornarent Orationes, apud Iudices, aut apud Populum habendas. Addiscebant potissimum *Dialecticam*, quæ ars fuit disceptandi, & quidvis oppugnandi, aut defendendi, non minùs ac Rhetorica, ipso fatente \* *Aristotele*, cujus hæc verba sunt: ἡ Διλεκτικὴ ἐς Ῥητορικὴν μόναι πάντῃσι συλλογίζονται, ὁμοίως γὰρ εἶπιν ἀμφοτέραι τῷ ἱκανίῳ: *Dialectica* & *Rhetorica* solæ contraria concludunt, est enim utraque pariter contrariorum.

6. Non existimabant in Orationibus nihil oportere proferri, quod verum non confectur, & validis non niteretur argumentis; satis habebant adferre verisimilia, nec eâ quidem verisimilitudine, quæ per se audientium animos percellit; sed quæ non esset perspicuæ ac manifestæ veritati palam contraria. Modò ne absurdis rationibus, & quarum infirmitas cuivis illico adpareret, uterentur, satis pulchrè

Y 3

dice-

\* *Rhetor. Lib. I. c. 1.*

dicere se putabant. Hinc \* *Aristotelis* libri *duplicem scopum* habere dicuntur, διττὴς σκοπός, τὸ πιθανόν & τὸ ἀληθές, *probabile & verum*. Δύο δέ, ait *Laërtius*, πρὸς ἑκάτερον δυνάμεισιν ἐχρήσατο, Διαλεκτικῇ μὲν & Ῥητορικῇ πρὸς τὸ πιθανόν: *duabus ad utrumque facultatibus usus est, Dialecticâ quidem, & Rhetoricâ ad probabile: Ἀναλυτικῇ δὲ & Φιλοσοφίᾳ πρὸς τὸ ἀληθές: Analyticâ & Philosophiâ, ad verum*.

7. Quicumque veteres Rhetoras legerit, non disimbebitur eos tantum τὸ πιθανόν spectasse; & sanè si quis paullò severius Orationes Veterum quæ superiunt expendat, ubique ferè deprehendet eos usos argumentis πιθανοῖς, hoc est, levi verisimilitudine tinctis; eadem fiduciâ, ac si comperta proloquuti essent. Ipsi cordatiores Sophistis Philosophi fatebantur sua esse tantum probabilia, quam in rem notatu digna sunt ‡ *Platonis* in *Timæo* verba: *ἰὰν μὴδὲν ἔττοι παρεχόμεθα εἰκότας λόγους, ἀγαπᾶν χρὴ, μεμνημένον ὡς ὁ λίγων, ὑμῖς τε οἱ κριταὶ φύσιν ἀνθρωπίνην ἔχομεν* *Contentum te esse oportet, si non minùs probabiles, quàm quivis alius, sermones protulero; memorem, & me dicentem, & vos, qui judicabitis, naturâ humanâ esse præditos*. Aliud esse judicabatur Rhetoris, aliud boni viri officium, diversissimamque utriusque orationem esse oportere. *Titus Castricius*,  
apud

\* *Diog. Laërt. de Vita Arist.* p. 319. Ed. H. Steph. Amst. L. V. n. 18.

‡ *Ed. Ficin.* p. 526.

apud *A. Gellium* Lib. I. c. 6. sic defendit Metellum Censorem, qui in concione ad populum aliquid dixerat, quod eum potuisset abstergere ab eo quod idem Metellus persuadere ei conabatur. *Aliter*, inquit, *Censor loqui debet, aliter Rhetor. Rhetori concessum est sententiis uti falsis, audacibus, subdolis, captiosis; si modo verisimiles sunt, & possunt ad movendos animos qualicumque astu irrepere. Præterea turpe esse Rhetori, ait, si quid in causa mala, destitutum atque impugnatum relinquat. Sed enim Metellum, inquit, sanctum virum, illâ gravitate, & fide præditum, cum tanta honorum, atque vitæ dignitate, apud Populum Romanum loquentem, nihil decuit aliud dicere, quàm quod verum sibi esse atque omnibus videbatur.*

8. Ea consuetudo acuendæ linguæ, ex quo semel radices inter Græcos egit, numquam ex eorum animis evelli potuit. Semper fuere postea Doctores, qui artem loquendi profiterentur; licèt eadem docendi viâ, omnes semper usi non sint. \* *Quintilianus* auctor est fîctas ad imitationem fori materias, apud Græcos, dicere, circa Demetrium Phalerea, institutum. *Cicero* verò, se puero, *L. Plotium* primum Romæ Latinè docere cœpisse prodidit; sed antea permulti fuerant, apud Romanos, eloquentiæ studiosi, ut liquet ex ejus libro *de Claris Oratoribus*, qui à Græcis magistris instituti fuerant. At ex illo perpetuò fuere Romæ dicendi magistri, & universa Ju-

Y 4

ven-

\* *Lib. II. c. 4.*

ventus Romana certatim eloquentiæ operam dabat.

9. Erant autem variæ studioforum eloquentiæ exercitationes. 1. Quædam versabantur circa \* Ethica argumenta, & vocabantur *ῥήγεις*. Laudabatur virtus, vituperabatur vitium, aut contrà; unde natæ ἀνακρίναι & κατακρίναι, sic enim vocabant, *defensiones* & *confutationes*. 2. Seligebatur † interdum argumentum ex historiis veteribus, aut ex re, si quæ fortè recens accidisset, laudandum, vel vituperandum; aut ubi quid suadendum, vel dissuadendum erat. Hæ exercitationes, *Ciceronis* tempore, *causæ* vocabantur. Ipse testatur se multum temporis ‡ in *declamitatione causarum* posuisse, quandoquidem id à se *quotidie* factum ait. Etiam cum Cæsar rerum potiretur, apud Ciceronem § *Hirtius* & *Dolabella* declamabant, licèt Senatoriâ dudum ætate. 3. Hæc exercitia postea §§ *Controversiæ* dicta sunt, sed immutatâ materiâ; cum enim antea ex vero eventu desumeretur, tempore *Senecæ* Rhetoris, ficta argumenta electa sunt; quæ præberent occasionem dicendi mirabiliora, quàm quæ usu veniebant, quæ, quasi nimis communia, fastidiebantur. Atque hæc, non modestâ eloquentiâ, sed tragicè o pænè tumore, tractabantur.

10. „ Tunc nihil ex iis quæ in usu erant  
„ audiebatur, sed piratæ, exempli causâ,  
„ cum

\* *Suetonius de Clar. Rhetor. c. 1.* † *Id. Ibid. & Auctor Dial. de Corrupta Eloquent. c. 14.* ‡ *In Bruto. Vid. & Ep. ad Fam. Lib. XVI. Ep. 21.* § *Ep. ad Fam. Lib. IX. Ep. 16.* §§ *Seneca in Pras. Controvers.*

„ cum catenis in littore stantes ; & tyranni  
 „ edicta scribentes, quibus imperent filiis ut  
 „ patrum capita præcidant ; sed responsa in  
 „ pestilentia data , ut virgines tres aut plures  
 „ immolentur ; sed melliti verborum globu-  
 „ li , & omnia dicta factaque , quasi papave-  
 „ re & sesamo sparsa. Hinc meritò non obe-  
 „ scæ naris \* Scriptor, ex quo antecedentia ver-  
 „ ba desumpta sunt , aiebat adolescentulos , qui  
 „ ejusmodi nugis imbiberentur , stultissimos in  
 „ Scholis fieri. Quicumque exempla ejusmodi  
 „ ineptiarum videre auebit , *Senecæ & Quinti-*  
 „ *liani* Suasorias & Controversias , *Dionisque* ,  
 „ *Aristidis & Libanii* Declamationes adeat oportet.  
 „ Temporibus Trajani , *Scholastici* voca-  
 „ bantur Rhetores , qui causas fictas perorare  
 „ docebant , & ex tempore de rebus ejusmodi  
 „ dicere semper parati erant. *Isæum* sic descri-  
 „ bit *Plinius* Lib. II. Ep. 3. *Dicit semper ex*  
 „ *tempore , sed tamquam diu scripserit , &c.*  
 „ *Poscit Controversias plures , electionem Audi-*  
 „ *toribus permittit , sæpe etiam partes. Surgit ,*  
 „ *amicitur , incipit.* Postea : *annum , inquit ,*  
 „ *sexagesimum excessit , & adhuc Scholasticus*  
 „ *tantum est , quo genere hominum nihil aut sim-*  
 „ *plicius , aut sincerius , aut melius.* Nos enim  
 „ qui in foro , verisque litibus terimur , multum  
 „ malitiæ , quævis nolumus , addiscimus. Vide  
 „ etiam notulas , ad *Hieroclis Scholastici* ræce-  
 „ tias.

II. Hæ erant Juventutis potissimæ exerci-  
 tationes , & jam sub Nerone adeò erant om-  
 nes tumidâ illâ eloquentiâ veluti fascinati ,

Y 5

ut

\* *Petronius* , initio *Satirici*.



ut in rebus seriis eodem modo agerent, quod liquet ex prima *Perſii* Satira; ubi præpoſterum eloquentiæ ſtudioſum reprehendit, & hæc habet in *Pedium Blæſum*, ſacrilegii & pecuniatus à Cyrenenſibus accuſatum:

\* *Nilne pudet capiti non poſſe pericula cano  
Pellere, quin trepidum hoc optes audire de-  
center,*  
*Fur es, ait Pedit. Pedius quid? Crimina  
raſis*  
*Librat in antithetiſ, doctas poſuiſſe figuras,*  
*Laudatur, bellum hoc.*

12. Vel hi verſus *Perſii* oſtendunt, illam eloquentiam à ſapientioribus non fuiſſe laudatam. Idem colligere eſt ex † *M. Antonini* Imp. verbis, quibus ſibi gratulatur, quod à *Ruſſico* didiciſſet τὸ μὴ ἐκτραπῆναι εἰς ζῆλον σοφιστικὸν, μηδὲ τῷ ſυγγράφειν περὶ τῶν θεωρημάτων, ἢ προτεταπικὰ λογάρια διαλέγεσθαι: non deſlectere ad ambitionem ſophiſticam, neque ad ſcribendum de theorematibus, neque ad ſuaſorias orationuculas habendas. Sed ii ipſi, qui meritò tumidam eloquentiam ſui ſæculi reprehendebant, immeritò fanè ſtylum figuris tropisque ſcatentem, durum & difficilem intellectu adſectarunt. Si alii ſtudioſius æquo figuras & molliorem elegantiam captabant: hi non melius horridam nescio quam Rhetoricam inducebant, quâ veritas non magis innotefcebat.

13. Hæc

\* *Sat. I. 83.*

† *De Scipio Lib. I. 4.*

13. Hæc cùm fuerint perpetua Græcorum & Romanorum studia, Scriptores Ecclesiastici primorum sæculorum, qui eadem ratione ac Ethnici studia sua instituerant, eodem modo scripserunt ac Ethnici, & figurato stylo, plus quàm par erat, indulserunt. Cùm crederent quæ in rebus humanis hyperbolica forent & nimia, ea rerum ad Religionem pertinentium momentum & majestatem vix satis exprimere; consuetudinem contraxerunt perpetuâ quadam declamatione, ubi de Theologicis rebus agunt, utendi; adeò ut rarò ad se redeant, & simpliciter id quod volunt exprimant. Atque hinc, ut ex superiore Capite constat, non levis intelligendi nascitur difficultas.

14. Quamvis exemplorum nimia occurrat copia, quicunvis ex Veteribus *Tractatoribus*, ut tunc loquebantur, aperienti, unum hîc apponemus ex \* *Theophilo Antiocheno*, quod Scriptorem illum legentibus nuper admodum occurrit. Hanc ergo rationem reddit, ob quam Deus conspicuus non est oculis nostris:

„ Quemadmodum malum Punicum cortice involutum habet intus oculos complures pelliculis distinctos, & multa grana inclusa: ita universa creatura à Spiritu Dei ambitur (περιχεται ὑπὸ πνύματος Θεοῦ) & ipse Spiritus ambiens, unâ cum Creatura, circumdatur manu Dei (περιχεται ὑπὸ χειρὸς Θεοῦ.) Quemadmodum itaque granum

„ ma-

\* Lib. I. ad Antolycum. p. 15. Ed. Oxoniensis.

„ mali Punici, quod cortice exteriori includi-  
 „ tur, quæ extra corticem sunt cernere baud  
 „ potest: sic nec homo, quem unâ cum univer-  
 „ sa Creatura manus Dei ambit, potest videre  
 „ Deum. „ Qui potuit Ethnicus ejusmodi  
 ratiocinationi adfentiri, qui nescivit quid sit  
*Spiritus*, aut *manus Dei*, & ambiri horum al-  
 terutro? Imò credibile est ipsum *Theophilum*  
 non satis quid sibi vellet, illo nimium figura-  
 to sermone, intellexisse. Et ejusmodi qui-  
 dem loquutionibus scatent Scriptores Eccle-  
 siastici.

15. Interdum etiam ipsi Patres, vel maxi-  
 mè declamationi dediti, invehuntur in illam  
 consuetudinem, ut *Hieronymus*. Ad alios  
 enim Concionatores non respicit, quàm ad  
 Christianos, cùm dicit in \* *Lib. de Vita Cle-*  
*ricorum ad Nepotianum: Ne quæras pueriles*  
*declamationes, sententiarum flosculos, verbo-*  
*rum lenocinia, & per fines capitulorum singu-*  
*lorum acuta quædam breviterque conclusa, quæ*  
*plausus & clamores excitent audientium.* Si  
 quis tamen dubitaret an hæc sit Christianorum  
 eloquentiæ descriptio, eximeretur dubium,  
 hisce ex eadem Epistola verbis: † *Docente te,*  
*non clamor populi, sed gemitus suscitetur, &c.*  
*Nolo te declamatorem esse & rabulam, garru-*  
*lūque sine ratione, sed mysteriorum peritum,*  
*& sacramentorum Dei tui eruditissimum. Ver-*  
*ba volvere & celeritate dicendi, apud imperi-*  
*tum vulgus, admirationem sui facere indocto-*  
*rum hominum est.* Adtrita frons interpretatur  
 sape

\* P. 12. Ed. Gryph. T. IV. c. 259. Par. † Ib. p. 14. Par. Ib. c. 252.

sepe quod nescit, & cum aliis persuaserit, sibi quoque usurpat scientiam. Præceptor quondam meus Gregorius Nazianzenus rogatus à me, ut exponeret quid sibi vellet in Luca Sabbathum divitiarum, eleganter lufit; docebo te, inquit, super hac re in Ecclesia: in qua, mihi omni populo adclamante, cogeris invitus scire quod nescis. Aut certè si solus tacueris, solus ab omnibus stultitiæ condemnaberis. Qui fuerint antea plausus, aut potiùs tumultus in foro Romano, vide describentem Plinium Ep. XXXVIII. ubi postquàm ostendit, signo dato, coortos esse plausus: Opus est enim signo, apud non intelligentes, ne audientes quidem: nam plerique non audiunt; nec ulli magis laudant.

16. Ex nimia in *ῥητορικῇ* illa eloquentia exercitatione, idem quoque faciebant in suis disceptationibus Christiani, quod in *Pedio* reprehensum vidimus; nempe, pro rationibus, candidisque responsis, figuras adversariis opponebant \* *Legimus*, ait alibi idem Hieronymus, o eruditissimi viri, in scholis pariter, & *Aristotelea* illa, de *Gorgiæ* fontibus manantia; simul didicimus plura esse videlicet genera dicendi, & inter cetera aliud esse *ῥητορικῶς* scribere, aliud *δογματικῶς*. In prior vagam esse responsionem, & adversario respondentem nunc hac, nunc illa proponere; argumentari, ut libet, aliud loqui, aliud agere, panem, ut dicitur, ostendere, lapidem

tene-

\* In *Apolo.* contra *Jovinian.* pag. 106, Ed. Gryph. vol. 235, par. T. IV.

*tenere. In sequenti autem aperta frons, & , ut ita dicam, ingenuitas necessaria est, &c. Origenes, Methodius, Eusebius, Apollinaris multis versuum millibus scribunt adversus Celsum & Porphyrium. Considerate quibus argumentis, & quàm lubricis problematibus Diaboli spiritu contexta subvertant. Et quia interdum coguntur loqui non quod sentiunt, sed quod necesse est, dicunt adversus ea quæ dicunt Gentiles. Taceo de Latinis Scriptoribus Terulliano, Cypriano, Minutio, Victorino, Lactantio, Hilario; ne non tam me defendisse, quàm accusasse alios videar. Tam apertè Sophisticen se adhibere profitetur, ut non modò à celeberrimis eloquentiâ & eruditione Scriptoribus factum id esse dicat; sed etiam, quæ est hominis confidentia, idem Paulo Apostolo tribuat: Paulum Apostolum, inquit, proferam, &c. Legite Epistolas ejus & maxime ad Romanos, ad Galatas, ad Ephesios, in quibus totus in certamine positus est; & videbitis eum in testimoniis, quæ sumit de Vetere Testamento, quàm artifex, quàm prudens, quàm dissimulator sit ejus quod agit, &c. Hæret in causa, capit omne quod tetigerit; tergum vertit, ut superet; fugam simulat, ut occidat.*

17. Hinc fit ut, cùm in Scriptis Patrum quærimus quid senserint de dogmatibus obscuris, aut in controversiam vocatis, difficillimè interdum invenire liceat quod ambiguitate careat, aut quod hyperbolicis loquutionibus non sit præter modum actum. Hinc etiam

etiam factum ut simplicissimi & sapientissimè instituti primævi Christianismi ritus, fallaci pompâ verborum ornati, aut potius obruti, nescio quid *μυστηριῶδες*, & quod superaret naturæ ordinem, ab initio à Deo constitutum, habere primùm visi sint, & tandem in arcanas & absconditas cærimonias mutati; unde absurda consecratoria deducta sunt, quibus haud parum corrupta est species Christianismi, primùm nativâ pulcritudine longè gratissima. Omnes satis intelligunt me loqui de Baptismo, & Cæna Dominica, nec opus est ut in Theologicam disputationem hîc digrediar. Varia habet, de stylo Patrum nimis rhetorico, *Joannes Dallæus* in eruditi Operis *de vero usu Patrum* Lib. 1. c. 5. quæ legisse non pœnitebit.

18. Indidem fiebat ut ipsi olim Martyres, ejusmodi Ecclesiastarum orationibus adfueti, ita apud Ethnicos loquerentur, ut intelligi non possent, & pænè interdum insanire viderentur. Colligimus hoc ex *M. Antonino Imp.* qui Lib. xi. §. 3. docet virum fortem oportere paratum esse mori, *μη̄ κατὰ ψιλὴν παράταξιν, ὡς οἱ Χριστιανοί, ἀλλὰ λογιζομένως, καὶ σιμῶς, καὶ ὥς καὶ ἄλλοι πῦσαι, ἀτραγῶδως; non ex simplici, quod Christiani faciunt, perturbatione, sed ex ratiocinatione, & graviter, & ut alios persuadere possis, sine tragico verborum adparatu.*

19 Hoc ipsum exprobravit Christianorum Scriptoribus *Porphyrus*, superstitiosus quidem

dem homo, & Christianæ Religioni infensissimus, sed longè doctissimus. Querebatur Scripturæ interpretes, αἰνύματα τὰ φανερῶς λεγόμενα κομπάσαιτας, καὶ ἐπιβιάσαιτας ὡς διαπίστρωτα πλήρη κρυφίων μυστηρίων, διὰ τὴν τύφον τὸ κριτικὸν τῆς ψυχῆς καταγοητεύσαιτας ἐπάγων ἐξηγήσεις: postquam ea quæ aperte dicta sunt ænigmata esse jactarant, & quasi oracula plenis occultis mysteriis veluti numine adflati dixerant, timore orationis judicio fascinato, explicationes suas protulisse. Certè (Ethnici non exaudient) fatendum Allegoricos Interpretes Scripturæ non immeritò ab eo carpi; neque hoc parum Religioni olim nocuit, & etiamnum nocet. Vide *Eusebium* Hist. Eccles. Lib. VI. cap. 19.

20. Posterioribus sæculis, nulla fuit major scribentibus cura, quàm imitandi SS. Patres; unde factum ut quò quisque ingenio magis valeret, eò plures adhiberet figuras, nec umquam quidquam seriò scriberet; quin quàm maximè, seu in disceptando, seu in docendo, Declamatorem ageret. Ne ipsi quidem horridiores Scholastici, in sua barbarie, Rhetoricis pigmentis, pro modulo styli sui, carent. Nemo ferè videtur cogitasse de animi sui sententia quàm simplicissimè exponenda, ut solâ luce veritatis legentes in adfensum traheret: phaleras semper, & quæsitum aliunde ornatum in præteritorum proximè sæculorum Scriptis videas, non minùs  
ac

ac in antiquioris ævi monumentis. Verùm hoc inter ea discrimen est, quòd sæculorum antiquiorum eloquentia modestior sit, & majorem sermoni lucem affundat. Facilius multò *Ciceronem* intelligas, quam *Hieronimum*; *Hieronimum* verò facilius, quàm *Bernardum*, aut alium sequentium sæculorum Scriptorem.

21. Hinc jam patet quanti momenti sint ea quæ de Rhetorico sermone, in antecedente Capite, diximus; quoniam ad omnia sæcula porriguntur, nec aut Veteres, aut Recentiores satis tutò legere licet, nisi ea animo adtentè versaverimus. Unum superest nobis monendum, ne dictis tribuatur sensus à mente nostra alienus. Nempe, colligere inde fortè quis possit omnem Rhetoricam à nobis damnari; eò quòd obsit perspicuitati. Verùm eos tantùm reprehendimus, qui nunquam simpliciter efferunt quod volunt, sed perpetuà quadam declamatione utuntur. Licetum credimus, postquàm Orator aut Scriptor rem sine figuris ac ornamentis clarè exposuit, ut meritò se à Lectoribus, vel Auditoribus intellectum existimare queat; si putet eos non satis commoveri simplici sermone, tum demum artem Rhetoricam adhibere. Commoveantur adfectus ornatà oratione, per nos licet; sed priùs luce veritatis perfundatur animus Auditorum, ut perspicuè intelligant quid agatur, & quare moveantur sentiant; non cæco motu perculsi sint, neque

*Tom. I.* Z sciant



sciant qua de causa, ut passim contingit. Miratur enim plebs quotidie orationes sacras, quas non intelligit; & quo mirùs intelligit, sæpe eò magis miratur.

*II. Partis Sectionis I. Finis.*



## ARTIS CRITICÆ

## P A R S II.

De Vocum & Loquutionum Signi-  
ficatione.

---


## S E C T I O II.

In qua particulatim expenduntur Vocum  
& Loquutionum significationes.

---

## C A P U T I.

*De significatione vocum, quæ Simplicium  
Notionum signa sunt.*

I.  OSTQUAM ea monuimus quæ  
summatim, de omnium vocum  
& loquutionum generibus, mo-  
neri potissimum posse videbantur;  
deveniendum nobis est ad singula  
earum genera, ut quæ de singulis observatu  
digna occurrent tradamus. Non necesse erit  
repetere hoc loco quæ de Notionum & Vo-  
cum generali divisione diximus, superioris Se-  
ctioni Cap. I. nec etiam singula genera phi-

Iosophicâ subtilitate excutiemus, cùm id à nobis jam factum sit, in *Logicæ* nostræ Parte I. Eò Lectores, si quid fortè hîc obscuri erit, amandamus, ne inutili repetitione sit hoc augendum volumen.

2. Nomina *notionum simplicium*, ut ab hisce initium faciamus, sunt dictiones omnes, quibus exprimere nitimur id quod sit in nobis, cùm sensus nostri re quapiam quæ illis objecta est, sunt adfecti. Cavendum ergo ne confundamus hæc nomina cum nominibus rerum, extra nos positarum; cùm sint tantum cogitationum nostrarum vocabula. Scio quidem transferri ea ad res ipsas, sed ortum hoc ex errore vulgari; quo rebus inesse putamus id quod nobis tantum inest, ut recentiores Philosophi liquidò ostenderunt. *Colores*, seu singulorum colorum nomina, *albus*, *niger*, *ruber*, *cæruleus*, *viridis*, &c. sunt ejusmodi vocabula. Quam in rem, dudum animadverterunt Philosophi nobis non posse constare, an alios de illis loquentes intelligamus. Nam convenit quidem nobis de nominibus, sed an sensa eadem animis nostris insint ignoramus. Exempli causâ, omnes qui Latinè scîunt, cùm intuentur herbam, aut arborum folia, in hoc consentiunt ut dicant esse *viridia*. Sed Cajus non potest scire, an Titius eodem planè modo adficiatur, cùm intuetur id quod *viride* vocat, ac ipse adficitur; nam quamvis idem sensibus utriusque objiciatur, non sequitur utriusque animum eodem modo adfici. Fortasse id quod obversatur menti Titii, cùm herbas aut folia adspicit, id ipsum est quod sentit

tū Cajus, quando nivem intuetur, licet uterque dicat illa esse *viridia*. Sæpe contigit unum eundemque virum ita adfectos habere oculos, ut res eadem objecta aliter dextrum, aliter sinistrum percelleret oculum; unde intelligere licet posse fieri diversitate organorum, ut non eodem modo adficiamur rebus coloratis, quamvis iisdem nominibus utamur.

3. Si quis à nobis quærat quis sit color *cæruleus*, non possumus describere quid sentiamus, cum res, quæ hoc colore tincta, nobis obversantur; aut efficere ut sentiat idem plane ac nos, ita ut id à nobis effectum esse sciamus. Hoc unum possumus, nimirum, ei digito ostendere serenum cælum, aut mare placidum, aut quidvis aliud quod *cæruleum* vocare solemus; hoc est, quo præsentē & oculos nostros feriente, sensu adficiamur coloris cui *cæruleo* nomen fecimus. Quod si colorem cuiuspiam rei singularem, quam soli viderimus, & quæ ad manum non sit, exprimere conemur; quanta in difficultate versemur & ipsi per nos sentimus, & ex questionibus audientium facile animadvertimus. Tunc enim rerum nomina, quibus rebus inspectis, eodem modo adfici solemus, coacervamus; nec nobis ipsi, nec audientibus satisfacimus.

4. Præter hæc quæ hominibus eadem Lingua utentibus, eodemque ævo & loco viventibus, quotidie contingunt, unde intelligere possunt, se nominibus quidem consentire, sed scire non posse an sibi de re conveniat;

observatu dignum est, in libris Veterum, maximam in hoc negotio aliquando difficultatem intelligendi quid velint occurrere; non modò ob causam memoratam, sed quòd unum idemque nomen coloribus rerum, quibus diversissimè adficimur, imposuerint. *Levis* aliqua adfinitas satis gravis causa eis fuit, cur eodem vocabulo illos adpellarint; & cum definire non possint sensa hæc animi sui, illa nomina nunc quidem distinguunt, nunc verò miscent.

5. Exempli causa, 1. *cælum cœruleum* vulgò vocant Latini, ut in *Ennii* verbis: *cæli cœrula templa*, & alibi passim. Quin & dici *cœruleum*, quasi *cœluleum* volunt Grammatici. 2. At iidem vocant *angues cœruleos*. *Silius Italicus* Lib. II. vers. 585.

*Cœruleus maculis auro squalentibus anguis.*

3. *Virgilius* Lib. III. *Æneidos*, vers. 63. *vitæ funebres* vocat *cœruleas*.

—— *Stant manibus aræ*  
*Cœruleis mæstæ vittis* ——

4. Idem vers. 194. ejusdem libri *imbrem cœruleum* his verbis describit:

*Tunc mihi cœruleus supra caput adstitit imber,*  
*Noctem, hiememque ferens.*

5. At vers. 208. de mari:

*Ad-*

*Adnixi torquent spumas & cœrula verrunt.*

6. *Æneïdos* Lib. V. vers. 123. *Scylla*, navis *Cloanthi*, dicitur *cœrulea*. 7. Libro verò VIII. ita describitur *Deus*, qui *Tiberi* præesse credebatur, vers. 33.

— *Eum tenuis glauco velabat amictu  
Carbasus.*

Et vers. 64.

*Cœruleus Tiberis*, cœlo gratissimus amnis.  
8. Idem in *Ciri*, vers. 215. *umbras noctis* ita vocat:

— *Demtæ, subita in formidine, vires  
Cœruleas sua furta prius. testantur ad umbras.*

9. *Horatius* verò *Epod. XVI*, 8. *cœruleam Germanorum pubem* dicit:

*Nec fera cœrulea domuit Germania pube.*

10. *Cicero*, in *Arateis*, vocavit *Astra cœrula*,  
*Ed. Grotianæ* vers. 386.

*Cœrula vestigat finita in partibus astra*,  
si credimus nonnullis editionibus, nam aliæ,  
ut *Grotiana*, habent *austri*. 11. *Propertius*  
Lib. IV. *Eleg. 2. vs. 43.* *Cucumerem* vocavit *cœruleum*:

*Cœruleus cucumis, tumidoque cucurbita  
ventre.*

12. *Pedo Albinovanus* El. I. de morte Drusi, vers. 93. eo Epitheto mortem adficit, moribundi describens,

*Lumina cœruleâ jam jam natantia morte.*

13. *Plinius* de Heliotropio verba faciens, ait ejus noctu velut desiderio (Solis) contrahi cœruleum florem. Lib. XXII. c. 21.

6. Intelligimus 1. quare cœlum cœruleum dicatur, quia etsi non adficit omnium oculos eodem modo; tamen est idem, & ab omnibus potest adspici. Hinc à multis Gentibus dicitur hodie *blavum*, sic enim cœruleum vertere possumus. 2. At quare cœruleum serpentes dixit *Silius*? Voluitne *atrum*? An coloris, ut more nostro loquar, *blavi*, vel *blavastri*? Nemo profectò dixerit. 3. Cujus coloris fuerint cœruleæ vittæ, quibus erat cincta ara, in honorem Polydori structa, ambigunt, simili de causa, docti viri. Hæc *Servius* ad eum locum: *Cato* ait depositâ veste purpureâ, foeminas usus cœrulea, cum lugerent. Veteres sanè cœruleum nigrum accipiebant. Vittæ autem cœruleæ in acerbo funere, præcipuè filiorum familias, adhiberi solebant. At *Ant. Thylesius* in Lib. de Coloribus Cap. I. Quoniam cœrulei, inquit, species est pænè nigra, ut quod *Indicum* dicitur, eoque olim vestitu Græcæ mulieres amictæ producebant eorum funera, quorum

rum in cœlum migrasse animas cœruleum existimabant; idcirco pro tristi nonnumquam capitur, ut apud Virgilium puppis cœrulea Charontis. Nunc non expendam ultra sententia vero similior sit, satis est ad difficultatem digitorum intendisse. 4. Imber cœruleus videtur esse *nubes obscura*, quales *χρῆναι* à Græcis dicuntur; at color ille multum diversus, à colore cœli sereni. 5. Cœrula æquora dixit Virgilius & alii, innumeris locis, quo fit ut Neptunus ab Ovidio Met. Lib. I. in descriptione Diluvii, dicatur cœruleus, vers. 275.

*Cœruleus frater juvat auxiliaribus undis.*

Cui etiam oculi cœruleo colore pingebantur, ut docet Cicero Lib. I. de Nat. Deor. cap. 30. Nemo non crediderit colorem maris propriè cœruleum posse dici, si attendat ingentem copiam locorum, in quibus ita vocatur. Non potest tamen, si propriè loquutus est Cornel. Celsus Lib. VII. Cap. VII. §. 14. ubi de suffusione: *Si exigua suffusio est, si immobilis, colorem verò habet MARINÆ AQUÆ, vel ferri nitentis — spes superest. Si magna est, si nigra pars oculi, amissâ naturali figurâ, in aliam se vertit, si suffusioni color COERULEUS est, — vix umquam succurritur.* Hic cœruleus color manifestò distinguitur à colore marinæ aquæ. Non dissimulandum tamen Hier. Mercurialem Var. Lect. Lib. V. c. 5. pro cœruleus legere *cereus*. Eum vide, si vacat. Si quæras à Servio, quare mare dictum fuerit à Virgilio Æn. Lib. VII. vers. 198, *Vada cœru-*  
Z 5 la,



la, respondebit *cœrulum esse viride cum nigro, ut est mare*. Sed navis Cloanthi quare *cœrula* dicitur? An *blavo* erat colore picta? *Servius: aut nigra, aut alta carina. Omne enim altum nigrum est, ut serupea tuta lacu nigro, nemorūmque tenebris. Inepta est, sine dubio, posterior interpretatio; prior potest ferri, quia idem Charon, qui*

— *ferrugineâ subvectat corpora cymbâ,*

*Æn. VI. vers. 303. paullò post, vers. 410.*

*Cœruleam advertit puppem, ripæque propinquat.*

Certè esse nigram navim necesse est, quia pice obducitur; nisi imponatur alius color, qualis est *cumatilis*, ut undas marinas colore referat. *Homerus* ambiguo similiter Epitheto vocat naves *κυανοπρώρες*, quæ habent proram *cyaneam*. Nam *κυάνειον* *blavum* & *nigrum* ex æquo sonat. 7. Si *Tiberinus* diceretur aut *glaucus* tantum, aut *cœruleus*, nihil mirum esset; at mirum colores misceri, qui distinguuntur ab aliis: ut à *Celfo* vidimus distingui eos, qui misceri solent. *Glaucus* enim idem est ac *cœsius*, quandoquidem *Minerva*, quæ perpetuo Epitheto *γλαυκῶπις* dicitur, *cœsiis* oculis pingebatur, ut auctor est *Cicero* de Nat. Deor. Lib. I. c. 30. *Dicere licebit cœsius esse oculos Minervæ, cœruleos Neptuni. Glaucus* autem aut *cœsius* est color, quem *viridastrum* nunc vocamus. 8. *Umbras nocturnas* *Jos. Scaliger*

ger existimat dici *cæruleas*, more Græcorum, qui *κυανίας ὀφθαλμοὺς* dicunt. Ac sanè tenebræ non omni luce destitutæ, non multò aliter nos adficiunt, quàm quæ *cæruleo* colore ad nigrum accedente tincta sunt. 6. *Cærulea* Germanorum pubes dicitur, ut volunt Interpretes ob oculos cæruleos, frequentiores apud Germanos, quàm apud Italos. 10. Si *Cicero* non dixit *astræ cæruleæ*, at à *Virgilio* in *Ciri*, vers. 38. Sol & Luna dicuntur

*Sidera cæruleis orbem pulsantia bigis,*

ob colorem cœli, per quod feruntur. 11. Fateor me nescire quî *Propertius cæruleum* dicat cucumerem, seu cucumerem propriè dictum, seu melopeponem intelligamus; omnes enim, quos umquam vidi, sunt *virides*, aut *viridastri*, ut loquar hodierno more, vel *flavi*, vel misti his coloribus. *Blavos* verò numquam adspexi. Fortè intelligi *cæsios*, hoc est, *viridastros*. 12. In *Conf. ad Liviam* mors dici videtur *cærulea*, quòd morientium color soleat esse lividus, hoc est, *blavus moriens*, ut nunc loquimur, vel *plumbeus*. 13. Si *Plinius* vertit *Dioscoridem*, *cæruleum* vocaverit subrubrum, *Dioscorides* enim vocavit floris *Heliotropii* colorem aut *ὑπερπύρον*, aut *ὑποπύρον*, Lib. IV. c. 193. Vide utriusque Interpretes & *Claud. Salmasium*, de Homonymis Hyles latrices Cap. XXI.

7. Alterum de coloribus exemplum addam, ex *Homero*; quod etiam ostendet, idè quòd de-

definiri nequeant, maximam ambiguitatem & obscuritatem in vocibus, quibus significantur, nasci. Princeps Poëtarum vinum passim vocat αἴθωπα οἶνον quod possemus vertere *nigrum* vel *rubrum vinum*, quia, nempe, id vinum est \* ἰπικικαυμένοι τῇν ὄψιν, ἤτοι μέλαν, ἢ ἐρυθρὸν, *specie ambusta, vel nigrum, vel rubrum*. Sic vocat æs lucidum αἴθωπα χαλκὸν, Iliad. Δ. 495. & alibi. At quo sensu mare vocavit † οἶνοπα πόντον? *Nigrum*, nempe, dicit, inquiunt Grammatici. Esto, sed nigror ille maris non accedit ad nigrorem vini rubro colore saturiore tincti; sed potius ad nigrorem, de cœruleo colore multum trahentem. Præterea vocat etiam boves οἶνοπας, cujus rei duplicem causam reddit Eustathius, † ὅτι οἶνοπις εἶας οἱ μέλανες, διὰ τὸ μέλαινα καὶ τὸ οἶνον λέγεσθαι, ἢ οἱ πυρροὶ διὰ τὸ εἶναι τινα ἐρυθροὺς εἶναι: *nigri boves quia vinum nigrum dicitur, vel rubri, quia vinum quoddam rubrum est*. Sic videmus non levem hinc nasci ambiguitatem, in nomine coloris; quia nec boum, nec vini, nec maris semper idem est color, eaque difficulter inter se possunt conferri.

8. Quod si possent *colores*, ut & ceteræ simplices notiones, definiri, more Philosophico; eorum semel definitione certâ constitutâ, nulla amplius occurreret ambiguitas; quia idem vocabulum semper esset ejusdem notionis animi

\* Eustathius in Iliad. p. 131. Ed. Rom.

† Iliad. A. vers. 750. & passim.

‡ Pag. 1732. Ed. Rom.

nimi! signum. Similia possemus observare de variis rationibus, quibus adficiuntur auditus, olfactus, gustus, & tactus; quas omnes quidem sentimus, at aliis describere non possumus; quo fit ut nesciamus, an, iisdem nominibus, idem alii ac nos significant. Sed quod diximus de colorum nominibus, ea erunt instar omnium, quæ hanc in rem adferri possent; quia eodem modo de ceteris omnibus, quæ sentimus, est judicandum.

9. Hinc quoque sequitur ut nesciamus, quid sit quod ab aliis, præsertim si eorum mores nobis sint ignoti, *bonum, gratum, jucundum, pulcrum*, in hoc rerum genere, vocatur. Ne enim repetam quod dixi de ratione, quâ quisque adficitur, quæ diversa esse potest, quamvis eodem nomine ab omnibus adpelletur; pro consuetudinibus Gentium, magna est in significatione earum vocum varietas; quam vix adsequimur, quia definiri nequeunt ea quæ sentimus. Musicam, sive Symphoniam laudant nonnulli populi, quæ aliis summopere displicet. Seres dicuntur delectari genere Musicæ, planè diverso à Musica Europæorum, & egregiam \* *Symphoniam* vocitare, quam nos *absõnam* esse diceremus. Igitur si quis Seras de ea loquentes audiret, nec umquam eorum Symphonias audivisset, cùm laudaretur Symphonia quædam; non intelligeret quid significarent voces, quibus eam in rem Seres uterentur; easque si ex usu & consuetudine suæ Gentis interpretaretur, gravissimè falleretur.

Ve.

\* Vide Isaac. Vossius de Poëmatum cantu & viribus rhythmici.

Verùm missis Scribis, quotus quisque est qui legit scripta Græcorum & Latinorum, ubi passim occurrunt Symphoniarum laudes, vel conjunctus legitur tiliarum sonitus cum recitatione versuum in Comædiis, & Tragædiis, qui intelligat quid illa sibi velint? Profectò perpauci, vel subobscurè, suspicantur quæ fuerit illa Musica, & viri doctissimi, qui multum operæ ac temporis impenderunt in illa indaganda, permulta se fatentur ignorare. Nimirum, quomodocumque soni describantur, non possunt satis intelligi, nili ab iis qui eos, aut similes aliquando audiverint.

10. Nemo non legit quæ *Cicero* sub finem libri, quem *Oratorem* inscripsit, habet de *Nu-mero* illo oratorio; ausim tamen dicere innumeros esse, quibus inane videatur quod habet, ideò tantum quòd non audiverint umquam quemquam aut Poëtam, aut Oratorem, observatâ ratione numeri, legentem; aut quòd in *Linguis* hodiernis, sive numeris adstrictam, sive solutam orationem spectes, nullum ejusmodi numerum habeamus. At qui syllabarum singularum quantitatem (quæ eadem omnino est in prosa, ac in versibus) diligenter observabant, & alios observantes audiebant, dispositione vocum, pro quantitate syllabarum, vehementer adiciebantur. *Cicero* \* orationis numerosæ hoc exemplum C. Carbonis profert, qui in concione dixit: *O Marce Druse, patrem adpello, tu dicere solebas, sacram esse Rempublicam; quicumque eam violavissent, ab omnibus esse ei pœnas persolutas.* Patris dictum

\* In *Orat. c. LXIII.*

*Etum sapiens temeritas filii comprobavit. Ut cetera omittam, ait Cicero hoc dichoreo (ultimæ vocis) tantum clamorem concionis excitatum esse, ut admirabile esset. Tum subjicit: Quæro nonne id numerus effecerit? verborum ordinem immuta, fac sic: comprobavit filii temeritas: jam nihil erit, etsi temeritas ex tribus brevibus & longa est. Testor aures Lectorum, an tantum discrimen animadvertant in his compositionibus verborum; ut propter priorem exclamare debuisse intelligant Populum Romanum, posteriorem tacitum audire? Nec scio an per omnia Ciceroni adsentendum sit, cum à præstantissimis Scriptoribus, ut à Livio, aliisque, numerum illum sperni constet. Vide & Quintilianum Lib. IX. cap. 4.*

II. At fortè dixerit quispiam, plerosque saltem adfici numero versuum Græcorum & Latinorum. Verùm hunc quoque numerum plerisque ignotum esse ostendit ratio recitationis, quæ ubique ferè nunc obtinet. Versuum enim *numerus*, cum sine dubio in quantitate syllabarum situs sit, à plerisque planè negligitur; quandoquidem voces, pro syllabarum quantitate non efferuntur. Græci versus si legantur, aut memoriter recitentur, ratio quidem habetur accentuum, qui ad versuum numerum nihil faciunt; negligitur verò quantitas syllabarum, quâ solâ versus constant. Quod cum omnes planè corrumpat, Iambicorum potissimum & Trochaicorum versuum numeris ita noxium est, ut nihil differant à prosa, quando ita, ut dixi, leguntur. Eadem

dem est ratio Latinorum versuum, nam licet in Latina Lingua accentus à nobis non pingantur, attamen constanter pronunciantur; nam omnes voces dissyllabas ita pronunciamus, quasi esset acutus in prima, quæcumque ceteroqui sit ejus quantitas. Sic *dábit*, cujus prima syllaba est brevis, non aliter pronunciat ac *lávít*, cujus prima est longa. In trissyllabis verò vocibus, quarum duæ priores sunt breves, semper prima acuitur; ut, *cápere*, cujus primæ non minùs insistimus, quàm primæ verbi *cárpere*. Præterea ita nunc pronunciamus ultimam syllabam nominum primæ declinationis, ut in recto non sit minus longa quàm in sexto casu, ut *Musá*, &c. O productum & O breve, in ultima syllaba, longum facimus. Addendæ sunt hiisce elisiones, quas nullo modo observamus; & quibus neglectis, æquè absurdi sunt versus Latini, ac si in hodiernis Gallicis syllaba, quæ elidi debet, plenè pronuncietur. Quæ regulæ perpetuæ sunt, nec ullâ exceptione laborant. At iis observatis, in lectione versuum planè corrumpitur numerus, quemadmodum perit, in Græcis versibus, si accentuum rationem habeas.

12. Hinc fit ut multæ syllabæ breves videantur longæ, & quidem iis locis ubi necessariò breves esse oportet; utque duo versus, ejusdem generis, diversum planè numerum habere videantur. Exempla quid velim ostendent. Itaque adponam versus *Catulli*, in quibus eas syllabas notabo accentu, quæ, cum sint naturâ suâ breves, & tales sint

ne-

neceſſe eſt in verſu , tamen legendo produ-  
cuntur .

*Eſſi me adſiduo conſectum cura dolore ,  
Sevocat à doctis , Ortale , virginibus ;  
Nec potis eſt dulces Muſarum expromere fœ-  
tus ,  
Mens animi , tantis fluctuat ipſa malis .*

In primo verſu ultima ſyllaba vocis *curá* , quæ  
brevis eſt , producitur pronounciatione : in ul-  
timo verò ultima vocis *ipſa* , & prima vocis  
*malis* ; quo fit ut ultimus verſus videatur eſſe  
alius generis ac ſecundus , in quo penultima  
vocis *virginibus* corripitur , & in quo tamen  
peccatur quòd antepenultima producat . In  
Jambicis verſibus lectis , prout nunc legi ſo-  
lent , idem uſu venit . *Phaſelum* Catullianum  
ſi quis legat , poſtquàm legerit :

*Ait fuiſſe navium celerrimus ,*

Correptâ , ut par eſt , penultimâ , ſequentem  
verſum legens eandem ſyllabam producet :

*Neque ullius natantis impetum trabis .*

Quo fiet ut videantur eſſe verſus diverſi gene-  
ris . Atque ex his facile eſt intellectu , pleros-  
que dudum nescire quid ſit numerus .

13. Igitur hinc ſequitur non idem significa-  
re rectam pronounciationem , & numerum , cùm  
oratorium , tum poëticum , in ore noſtro , ac  
in Scriptis Veterum . Quod nos plauſu coho-



nestamus, illi pastoritiâ fistulâ exciperent; & vicissim nobis alii pronounciationi adsuētis, quamvis absonæ, ludibrium deberet quisquis, prisco more, recitaret. Unde verò hoc factum? Nempe, quia, Linguarum hodiernarum consuetudine ita postulante, mutavimus pronounciationem Linguæ Latinæ, aut potiùs sensim mutatam à Majoribus nostris accepimus; quâ mutatione admissâ, necesse est ut *nummerum*, de quo tam multa Veteres, planè ignoremus. Nomen est ejus quod sentimus, cùm modulata ex arte oratio pronounciatur; cujus nominis significationem meliùs, auditâ rectâ recitatione; quàm vel amplissimâ rei quam significat descriptione, adsequimur.

14. Cùm legimus *tetrum* aut *gratum* odorem, nisi addatur ex quam re ille odor manaret, scire nullo modo possumus quis sit; quia ignoramus sæpe cujus rei odore homines delectentur. Idem de *sapore* dixeris, qui pro gustuum varietate laudatur, aut vituperatur. Exempli causâ, finge Hollandum & Siamensem in forum piscarium ire, Hollandumque incidere in pisces fluviatiles, per aliquot dies servatos; illico dicet eos foetere, & deterrimi saporis esse. Adsit hoc dicenti Siamensis, olfaciâtque pisces; negabit esse *tetrum* odorem, & *grati* saporis esse, si coquantur, contendet. Adsuetus cibus, multo pipere & sale conditis, *insipida* vocabit, quæ alius sat sapida esse dicet, qui tanto pipere & sale in cibus uti non solet. Hic vicissim, aromatibus præter modum condita contendet, quæ probè temperata illi videbuntur.

15. Finge tibi delicatam mulierem, carpen-  
tōque vehi solitam, incedentem pedibus, &  
quidem tenuibus calceis indutis, per viam  
pauillō lapidosiorem; continuō *asperrimam* &  
*molestissimam* esse viam dicet. Tum eandem  
calcet rusticus, qui soleat non modō pedibus  
incedere, sed & loca aspera ac lapidosa pedi-  
bus nudis peragrarē, negabit eam viam esse  
*asperam*, aut *molestam*; imō verō sat *planam*  
& *commodam* judicabit. Quod si uterque de-  
scriberet iter quod fecisset, neque quidquam  
de alterutrius sorte, & ratione vivendi scire-  
mus, quo modo possemus intelligere quid si-  
bi vellent? Eadem diversis vocibus significa-  
rent, atque iisdem vocibus diversa. Nec du-  
bium est, quin multa talia occurrant in Ve-  
terum Scriptis, quæ moniti Litterarum stu-  
diosi posthac animadvertent.

16. Ex hisce etiam colligere licet, nos non  
fatis clarē intelligere posse quid significant vo-  
ces, *pulcritudo*, *pulcher*, aliæque similes;  
quia sunt nomina notionum simplicium; quæ  
per sensus ad nos adpellunt; aut notionum  
compositarum, quæ ejusmodi notionibus sim-  
plicibus constant. Didicimus usu quid iis aut  
similibus nominibus vocetur, apud eos inter  
quos nati atque alti sumus, cū videremus  
ea quæ pulcra vocarentur; non verō ex de-  
scriptionibus pulcritudinis. Quid verō alii iis-  
dem adpellationibus signare soleant vix intel-  
ligere possumus, nisi apud eos versemur; un-  
de necesse est nos non satis intelligere quid  
velint Scriptores, temporum aut locorum in-  
tervallis à nobis remoti, vocibus quæ iis quas

protulimus verti solent. Ac sane constat experientiâ, non eandem formam omnibus Gentibus admirationi esse, & laudari. Quam in rem, ita *Sextus Empiricus*, contra Mathematicos, Ed. Genevensis pag. 446. Ἀδραποὶ συμφαινῆτες, εἰ τύχοι, περὶ τοῦ εἶναι τινα σωματικὴν εὐμορφίαν, περὶ τῆς εὐμόρφου καλῆς γυναικὸς πασιᾶζουσιν. *Homines consentientes quidem fortè esse quampiam corpoream pulcritudinem, de formosa verò ἔστι pulchra muliere dissentiunt.* Τῷ μὲν Αἰθιοπῷ τὴν σιμοτάτην καὶ μελαιτοτάτην προκρίνει. τῷ δὲ Πέρσῃ τὴν γρυποτάτην καὶ λευκοτάτην ἀποδεχομένον. ἄλλοι δὲ τὴν μίσην κατὰ τι τὸ χαρακτῆρα καὶ κατὰ τὴν χεῖρα πασῶν καλλίστην λέγουσι: *præferente Æthiope eam quæ maximè sima ἔστι nigerrima est; Persâ verò eam probante, quæ est maximè adunco naso ἔστι candidissima; alio verò mediam, ἔστι ad figuram quod adinet ἔστι ad colorem, pulcherrimam omnium esse dicente.* Alia exempla proferre possemus, sed hoc satis erit, ut quid velimus intelligatur, nec adtendenti deerunt.

## C A P U T II.

### *De nominibus Nationum Compositarum.*

- I. **C**UM notiones *compositæ* dicantur omnes, in quibus varias partes distinguimus;

mus; ut perfectè adsequamur quid significant nomina ejusmodi notionum, oportet nos ita pervidere omnes partes quibus constant, ut eas ad unam enumerare possimus. Alioqui si quæ pars nos fugiat, non possumus dicere à nobis plenè intelligi quid ejusmodi nominibus significetur. Si in pyxide, aut in sacco varia essent clausa, nobis insciis, ac nos tenere diceremus quæ iis clauderentur; tum verò iis apertis, & oculis expositis omnibus quæ inerant, liqueret fuisse varia, de quibus ne suspicati quidem fueramus; nemo non diceret, nos frustra jactasse nobis notum fuisse quidquid sacco, aut pyxidi inerat. Eadem est ratio nominum, quibus compositæ notiones adpellantur. Verùm quàm facile est scitu quidquid pyxide, vel sacco clauditur; tam difficile est investigare omnes partes notionis compositæ, quæ verbo quopiam significatur.

2. Omnes notiones, quæ animo nostro observantur, aut per sensus ad eum adpulerunt, seu id semel contigerit, seu repetitis experimentis; aut meditatione, & commentatione ab animo nostro formantur. Itaque ad hæc duo genera omnes compositæ notiones, adeoque nomina quibus significantur referri possunt. Corpora, eorumque qualitates videmus, aliisque sensibus percipimus; ceteræ verò incorporearum rerum notiones à nobis meditando sunt effictæ. Igitur sunt nomina corporum, & nomina rerum incorporearum, quibus significantur notiones compositæ.

3. In quolibet corpore, duo animadvertuntur; quorum alia ei corpori sunt communia cum omnibus aliis corporibus: alia qualitates, ei corpori peculiares. Itaque quisquis nomen corporis profert, eo nomine completitur varia illa, quæ in corpore cernuntur. Verum hoc in negotio magna occurrit difficultas; neque enim ex eo quod novi in quopiam corpore certum numerum qualitatum, sive communium, sive ei propriarum; idè sequitur omnes, qui nomen ejus corporis proferunt, notionem ejus habere æquè amplam, aut æquè arctam, ac mea est. Fortasse non novi quidquid illi animadverterunt, aut vidisse se putant in corpore, de quo loquuntur; aut etiam plura in eo animadverti, aut existimo me deprehendisse, quàm illi. Igitur cum eodem nomine utamur, idè tamen eandem notionem eo nomine non significamus; & dum ignoramus quàm latè pateat, aut quàm arcta sit aliorum notio, nescimus an adsequamur quid velint, anve ab iis probè intelligamur. Idem fit inter nos, ac si nummis quidem ejusdem nominis duo mercatores uterentur, eosque inter se permutarent; sed interea neuter sciret an metallum, quo conflarent, anve eorum pondera essent æqualia. Ut periculosum esset ejusmodi commercium, quia unus posset multum pecuniæ amittere, dum lucraretur alter: sic & non leve periculum est, ne fallamur, dum de notionibus aliorum judicamus ex nostris, similisque prorsus eas censemus, dumtaxat quia eodem nomine adpellantur. Hoc autem si verum sit de  
iis,

iis, qui colloquuntur; multò verius est de Scriptis Veterum, iisque qui ea nunc intelligere nituntur.

4. Exemplo ut rem illustremus, ab antiquissimis temporibus notus fuit *Magnes*, ut nos docet *Aristoteles* de Anima Lib. I. cap. 2. Εἰς ἃ Θάλῃς κινητικόν τι τῇ ψυχῇ ὑπολαμβάνειν, ὅτι τῷ λίθῳ ἔφη ψυχὴν ἔχειν, ὅτι τὸ σιδηρὸν κινεῖ: videtur *Thales* statuisse animam esse aliquid, cui vis movendi inest, quandoquidem dixit lapidem animam habere, eo quòd ferrum movet. Pluribus etiam hunc lapidem descripsit *Plinius*, Histor. Naturalis Lib. XXXVI. Cap. 16. Si quis misceret notionem hujus lapidis, qualem nunc habent Philosophi, cum notione Veterum, existimaret Veteribus etiam notam fuisse qualitatem quâ Polos suos ita dirigit, ut alterum semper Septemtrioni, alterum constanter Meridiei obvertat. Quam tamen Veteribus ignotam fuisse constat.

5. Quia Veteres non modò eadem genera animalium viderant ac nos, sed & de iis ingentia volumina scripserunt, ut *Aristoteles*; quia plantas diligenter lustrarant, ut liquet ex libris *Theophrasti*, & *Dioscoridis*, ne jam *Plinium* adpellem; idè tamen existimandum non est, iis eandem notionem obversatam esse corporis animalium, & partium quibus plantæ constant; quæ nobis, post Recentiorum pulcherrima inventa, obversatur. Ne singillatim loquar de iis quæ ignota antehac fuerant, certum est hæc eorum notiones ob-

scuriffimas & imperfectiffimas fuisse, si cum nostris conferantur, vel ad solam rationem nutritionis animalium & plantarum quod adinet. Igitur quamvis iisdem vocibus hac in re utamur iis, cum loquimur, subiecta est potestas multò amplior, & clarior; quàm in Veterum Scriptis.

6. Si quis legerit & expenderit quæ Recentiores Physici de rerum universitate scripserunt, de magnitudine & distantia stellarum, deque amplitudine totius rerum naturæ; is demum intellexerit, si modò intelligi potest, magnitudinem operum Dei; deque iis sentiet, prout tanto artifice dignum est, si humana imbecillitas nos umquam patitur digna Numine cogitare. At idem, si postea legat quæ Veteres plurimi de finibus *Mundi* scripserunt, mirabitur quò potuerit fieri ut sapientes viri in tam absurdis conjecturis adquiescerent. Videbuntur ei viri acutissimi pænè, hoc in negotio, delirasse. Exempli causa, *Aristoteles*, de cœlo Lib. II. cap. 4. ita loquitur de *Mundo*. Σφαιροειδής ἐστὶν ὁ κόσμος — καὶ κατὰ ἀκρίβειαν ἵστορεῖται ὅτι μὴδὲν μὲντε χειρότερον ἔχειν παραπλησίως, μὴτε ἄλλο μὴδὲν ἢ παρ' ἡμῖν ἐν ὀφθαλμοῖς φαινομένων: *sphaericus est mundus & usque adeò rotundus, ut nihil illi conferri queat eorum, quæ manu facta sint, neque aliud quidquam quod in oculis nostris versetur.* Facile esset talia multa congerere.

7. Qui, dum hæc legunt, subjiunt voci κόσμος, *mundus*, eandem notionem, quam recentiores

recentiores Astronomi, non possunt non ridere Veteres, qui similia adfirmarunt. At meminisse eos oporteret Veteres, *Mundum* vocasse spatium illud, quod hinc ad stellas porrectum est, neque stellas admodum remotas existimasse. Cum autem hæc in orbem circa terram sita viderent, idè crediderunt *Mundum* esse rotundum. Sed qui norunt Solem esse centrum, non quidem totius Universi, sed vorticis nostri, circa quod hæc nostra Terra, cum ceteris Planetis, in orbem agitur; stellasque alias totidem esse Soles, qui non magis moventur quàm hic noster, & immensâ distantia inter se divisi sunt; nec ullam esse rationem, cur putemus nos hinc profectos ad ultimum operum divinatorum pervenire posse, si per totam æternitatem rectâ lineâ ad ulteriora feramur; qui, inquam, hæc norunt, non possunt capere quî *Mundus* hic, quem animo ita contemplantur, rotundus dici queat. At, ut dixi, idem non intelligebant Veteres, voce *Mundus*. Igitur cavere debemus ne notiones nostras mutuas Veteribus demus; deinde, ex notionibus illis, de eorum sermone judicemus, ut passim fieri solet.

8. Si velimus eorum mentem adsequi, oportet nos veluti nostrarum opinionum oblivisci, & ad eos, ut ita dicam, rudes atque integros discipulos adferre; qui quærant quid Magistri illi veteres senserint, non quod sentire debuisse videntur, ut saperent. Non debemus eorum dicta cum ipsa rerum, de quibus loquuntur, natura conferre, quatenus nobis



nota est; nam, ut diximus, eorum cognitio amplior, aut tenuior esse potuit, quàm nostra; sed eorum mentem ex ipsis eorum verbis, quantum licet, interpretari. Si ex eorum oratione non possimus colligere, quæ fuerint omnes partes, quibus notiones eorum compositæ constabant, de ceteris nihil est pronuntiandum; fatendum potius nos non planè adsequi quid sibi voluerint.

9. Manifesta hæc mihi esse videntur, cum ex re ipsa, tum ex superioribus exemplis; quibus similia innumera harum rerum studiosi observabunt, si adtendant, dum Veterum Scripta legent. Attamen contrarium planè fit, nam ad lectionem Veterum accedimus ita animo adfecti, ut parati simus iis omnia nostra dogmata, si vel minimùm per eorum verba licet, adtribuere. Si quid omittunt, quod videatur pertinere ad perfectionem notionis, quam in eorum libris quærimus, id ex nostris observationibus, aut opinionibus supplemus. Quo modo pro sententiis Veterum, postea Systema quoddam doctrinæ habemus, quod partim eorum opinionibus, partim nostris constat additamentis.

10. Constitutis verò nonnullis dogmatibus, cum ex lectione Veterum, tum ex nostris supplementis, hîc non consistimus; sed consecraria innumera, cum proxima, tum remotiora; cum necessaria, tum verisimilia ex iis deducimus. Quæ omnia Veteribus tribuimus, quasi eorum notiones æquè latè patuissent ac nostræ, & consecraria illa infinita, quæ ex iis deducimus, pro suis agnitiuri essent, si reviviscerent.

11. Vis-

11. Visne exempla ejus rei, in negotio maximi momenti, atque ad notiones præsertim incorporeas pertinentia? Veteres Christiani, qui per aliquot sæcula Platonici fuerunt, cum legerent Scripturam, ut ex ea Religionis Christianæ Systema quoddam colligerent; Platonicas suas notiones Scripturæ notionibus ubique miscuerunt, & quod in Scriptura non legebatur, quodque credi volebant, ex ea deduxerunt confectariis, non ex uno fonte derivatis, sed ex *Platone*, æquè ac ex Prophetis. Cum verò Occidentales Christiani *Aristotelis* Scripta terere, & admirari cœpissent; tum quoque cœperunt Peripatetica dogmata miscere cum Scripturæ decretis, atque ex illa mistura infinita confectaria deducere, quibus conficta est Scholastica Theologia. At nunc, variis in locis, ubi in pretio est *Ren. Cartesii* Systema Philosophicum, miscentur ejus opiniones cum iis quæ ex Prophetis & Apostolis discere licet; atque inde corpus ipsum Theologiæ, quasi ex sola Scriptura collectum, conficitur.

12. Quod Scriptura de Deo, ejusque natura, nos docet ex *Platone* interpretati erant Veteres, ex *Aristotele* verò Scholastici, nunc ex *Cartesio* multi interpretantur; & ut præterita sæcula, pro ibrida illa Theologia, pugnarunt Scriptis, anathematibus, legibus, editis, quasi pro meris oraculis divinis: inveniuntur fortè olim qui pro Cartesiano Christianismo, ut sic loquar, quasi pro aris & focis, decertent. Imò verò jam inventi sunt, in perspicacissimi hujus sæculi luce, qui inviam

diam facere nequissimè conentur iis, qui Apostolos ex *Cartesio* interpretari nolunt; eosque traducant, quasi negarent dogmata, quorum Cartesianas interpretationes repudiant.

13. Duo tantùm alicujus momenti huic nostræ doctrinæ, de omnibus partibus notionis compositæ inveniendis in Scriptore, cui eam tribuere volumus, objici queant. Nimirum, 1. quando sermo est de rebus, quæ Veteribus æquè videntur notæ fuisse, ac nobis, nullam satis gravem esse rationem, cur nominibus, quibus utuntur, non æquè amplam significationem subjectam fuisse suspicemur, ac nostris; sive cur non putemus totidem partes fuisse, in notionibus illis compositis Veterum, ac in nostris. Unde sequi videtur, eos de iis rebus ratiocinari, quemadmodum hodie solemus, atque ex iisdem notionibus eadem, ac nos, confectaria ducere debuissent.

14. Profectò si spectentur res, quæ ex quotidiana hominum omnium vita necessariò cognoscuntur, & quæ semper eadem, per omnia sæcula, fuerunt; non dubitarim Veteribus eandem eorum ac nobis tribuere cognitionem, quæ ex quotidianis experimentis hauritur. Talia sunt *cibus, vestitus, mors, vita*, & alia innumera. Verùm ubi opus est ratiocinatione, ut notio quæpiam formetur, præsertim si paullò plures enunciationes completatur ratiocinatio; non puto tutum esse, Veteribus ea de re silentibus tribuere eandem notionem ac nobis; quia facillimè fieri potest ut illà ratiocinatione usi non sint, adeoque eam

eam notionem non formarint. Potuerunt Veteres de confectariis, quæ deducimus ex iis quæ perspecta habebant, non cogitare; quod non intelligo dumtaxat de confectariis verisimilibus, sed & de prorsus necessariis. Neque hoc potuit tantum fieri, sed etiam persæpe factum est, in rebus manifestis. Exempli causâ, norant & Veteres & proximè elapsa sæcula; norant, inquam, sanguinem esse liquorem, qui perpetuò è corde fluit ad extremos artus; sciebant, ut sanguis è vena commodè emittatur, vincendum esse artum, inter cor & artuum extremitatem. Hinc, ut alia omittam, necessariò, nisi mens læva fuisset, debuissent colligere esse in corpore nostro vasâ quædam, per quæ sanguis ad extremos artus feratur; alia, per quæ ad cor resluo æstu redeat. Si res in se spectetur, sique argumenta, quibus à *Guil. Harveio* confirmata est, expendantur; non tam videbitur fuisse perspicacis ingenii motum sanguinis in orbem invenire, quàm stupidi non vidisse. Attamen res ab omnibus adhuc ignorata fuerat. Non multò majoris negotii erat invenire *Antipodas*, positâ eâ cognitione Navigationis & Astronomiæ, quæ fuit à multis sæculis, apud varias Gentes, quam sanguinis reciprocum æstum; & cum primùm nonnulli Philosophi, aut Nautæ mentionem ejus rei injecerunt, omnes debuissent illico rem quasi verissimam agnoscere, & pudore suffundi, quòd citius eam non animadvertissent. Contrà omnino accidit, ut sannis, & probris, imò etiam anathematibus exciperentur, non à stultis, sed

\* ab

\* ab acutissimis ac eloquentissimis sui sæculi viris, qui Antipodas primùm in lucem, per hoc nostrum Hemisphærium, proferre ausi sunt.

15. Hisce exemplis, manifestò liquet iis, qui *principia* ex quotidianis experimentis norunt, non satis tutò adtribui cognitionem *consecratorum* necessariorum. Quod si in rebus sensus percellentibus, clara & facilia consecratoria homines non vident; quid erit de rebus incorporeis dicendum? Cautiùs erit agendum, neque quidquam adfirmandum, de quo manifestò non constet. Quæ ratiocinatione colligimus ex enunciationibus, quæ apud Veteres leguntur, non sunt continuò illis tribuenda; quamvis firmæ sint, & faciles ratiocinationes. Animus humanus non modò omnia non videt simul, sed persæpe etiam ea quæ videre posset non intuetur. Interdum ante pedes posita negligimus, ut remotiora festemur. Amplissimus hîc mihi sese aperit campus, in quem digredi possem, si vellem. Sed in arctiorem gyrum coercenda oratio, & Lectoribus satius est relinquere quærenda quæ omittimus, quàm eos nimîa exemplorum copîâ obruere.

16. II. Objici præterea possit, si admittatur quod diximus, de non tribuenda ulla parte notionis compositæ Veteribus, cujus clara non sint in eorum Scriptis vestigia; præsertim in re paulò difficiliore; inde sequi pauca eorum verba perfectè à nobis intelligi posse, cùm ple-

\* Vide inter alios Augustinum de C. D. Lib. XVI. cap. 9. & Lactantium Lib. III. c. 24.

pleraque ejusmodi cogitationes significant, nec proinde *adequatas* notiones, eorum quæ docent, comparari. Unde iterum sequetur, multa, quæ credi vulgò solent, ex contraria ratione interpretandi, dubia videri oportere; quod si verum esset, multò minor utilitas nasceretur ex Veterum lectione, quàm à plerisque adhuc existimatum est.

17. Respondemus 1. verissimum esse multò pauciora intelligi, quàm Vulgus putat: 2. innumerarum opinionum, quæ apud Veteres viguerunt, *inadequatas* tantùm notiones posse comparari: 3. ideoque frustra sæpe in eorum Scriptis solutiones controversiarum, quæ nunc exercent viros eruditos, quæri. Verùm tanti nostrâ non interest adcuratissimè scire, quid per omnia voluerint Veteres; cùm ex potissimorum capitum cognitione colligere possimus omnia, quæ necessaria sunt ad bene, beatèque vivendum. Si tanta utilitas ex Veterum Scriptis non colligatur, quanta colligeretur, si quæcumque dicunt non obscurius intelligeremus, quàm ipsi intellexerunt; at iis utendum quàm maximè licet, sine errandi periculo; sat magna enim utilitas ea erit, ut gratulari nobis debeamus, quòd eorum tot monumenta ad nos pervenerint. Multa fortasse, neque enim dissimulabo, comperiemus nos nescire, quæ scire nos antea falsò putabamus; sed quid? an præstat opinari sibi esse nota, quæ re ipsâ nota non sunt, quàm intelligere suam ignorantiam? Non opinor; imò verò, si Socrati credimus, humanæ sapientiæ apex in eo situs est, ut quàm igna-  
ri

ri simus, probè cognoscamus; cui viro si quis adsenserit, iudicio suo meum etiam adscribat.

18. Si hæc probè intelligeretur interpretandi ratio, & in animum, ut par esset, dmitteretur; non parum conferre posset, ad trium gravissimorum Reipublicæ Litterariæ, imò & Christianæ malorum emendationem. Retunderetur primùm superbia nonnullorum Criticorum, nata ex eo quòd putent se scire quod nesciunt, & quâ sæpe bonis litteris aut invidiam, aut contemptum crearunt. Deinde mitigaretur ferox ingenium non paucorum Theologorum, qui intelligerent sæpe, si ad hanc normam ratiocinationes suas exigerent, ex Scriptura nullo modo posse probari, quod in ea clarè haberi, ob Critices ignorantiam, existimant. Parc'us uterentur anathematibus, & dissentientes faciliùs ferrent. Denique errores orti ex temerariis confectariis deductis ex Scriptura, contra adlatas Regulas explicata, agnoscerentur, atque ex Christianorum Theologia eliminarentur; quod optare adhuc licuit, sed nescio an sperare umquam licebit. Verùm res est tanti momenti, ut Eruditi omnes operam conferre debeant, non modò ad augendam aliarum rerum, sed præsertim nostri ipsius, hoc est, nostræ ignorantie cognitionem. Nec hoc munus est dumtaxat Theologorum, sed etiam Philosophorum & Criticorum; qui artes quas profitentur, non dicis causâ, colunt; sed, ut quoad licet, humano generi prosint, dimittantque proinde discipulos, non modo doctiores, sed  
&

& modestiores ac mitiores, contrà quàm vulgo fieri videmus.

---

C A P U T III.

*De Nominibus Substantiarum & Modorum.*

1. **L**OGICÆ nostræ P. II. c. 3. ostendimus quàm sit obscura notio *Substantiarum* omnium, quæ quasi reverà sint spectantur; unde sequitur, earum nominibus notiones obscurissimas significari. Nomine *Substantiæ* intelligimus naturam, quæ per se est, & cui insunt variæ qualitates, quas *Modos* solemus vocare. Sed quæ sit illa natura ignoramus, nisi quodd certas qualitates in ea simul esse ceramus.

2. Igitur quotiescumque occurrit nomen Substantiæ, apud veterem Scriptorem, ante omnia intelligamus necesse est, illi ignotum fuisse obscurum illud *subjectum*, ut loquuntur Physici, cui insunt notæ aliquot qualitates. Deinde quot in illo nosset, vel esse putaret (nam hîc, ubi de animi notionibus agimus, perinde est an sint, anve esse putemus) qualitates, plerumque nobis ignotum esse; ac proinde an voci quam legimus eandem subijciamus potestatem, quam subjecit is qui eâ olim usus est. Exceptis enim Substantiis nonnullis, quæ omnibus ex æquo notæ, quotidianâ experientiâ; nec notiores sunt nunc



quàm olim, aut fuerunt olim quàm nunc, dicere nemo queat, an Scriptor, quem legit, idem prorsus intellexerit ac quod legentis animo obversatur. Quam in rem, in memoriam revocandum est quod Capite superiore dicebamus, de nominibus notionum compositarum; nam Substantiæ quoque notio composita est, ut ex adlata ejus definitione liquet.

3. Exempli causâ, *Deus* est nomen Substantiæ, quæ licet singularis prorsus naturæ, nec cum ulla alia conferenda, spectatur tamen à nobis quasi subiectum quoddam, ornatum qualitatibus, quæ ejus *adtributa* vocari solent. Quæcumque formetur Dei notio, est illa à *posteriore*, ut loquuntur Scholastici; nempe, si ex usu, nunc inter Christianos recepto, describatur, collectio præstantissimarum quarumque qualitarum, quæ nullo defectu finire intelliguntur. At quamvis singulas illas qualitates, animo à ceteris sejunctas, & *abstractè*, ut loqui solent, ac seorsim spectatas aliquo modo intelligere possimus; attamen subiectum, cui insunt, adsequi non possumus, adeoque nomen Dei nomen est notionis obscurissimæ, etiam inter Christianos. Sed apud Ethnicos multo obscurior est, quippe apud quos, ut antea \* ostendimus, nomen est Naturæ humanæ præstantioris, sed cujus quàm latè pateat præstantia non liquet. Erant enim illis varii ordines Deorum, quorum aliis alii superiores esse credebantur. Invocabantur

\* P. 2. S. 1. c. 3.

— di, deæque, superi, atque inferi &  
mediorum,

ut ille loquitur aquæ *Plantum*, Cistellariâ A&.  
II. S. I. vers. 36. ad quem vide Interpretes, &  
eos qui de Diis scribere. Colebantur & Dii  
*mali*, ne nocerent, qui, ut docebat \* *Labeo*,  
propitiabantur cædibus & tristibus supplicationi-  
bus; unde adparet interdum, non diffidenti-  
bus ipsis Ethnicis, voces *Deus* & *Numen* signi-  
ficare Naturam hominibus quidem potentio-  
rem, sed nequaquam meliorem. Igitur non  
erat certa potestas hic vocibus subiecta, &  
cùm sermo sit de Naturis inconspicuis, diffi-  
cillimè scire licet quid sit earum nominibus  
pro locis, in quibus occurrunt, intelligen-  
dum. Quousque enim porrigebatur præstania  
Deorum inferiorum, mediorum, & supe-  
riorum? Nemo certè dixerit, nec Ethnici ipsi  
figmentis illis suis certos limites constitue-  
rant. Si quis agat de rebus, quæ oculis usur-  
pari possunt, quæ de illis dicuntur compara-  
mus cum iis quæ cernimus; atque ex illa  
comparatione, colligimus quid voluerit is, cu-  
jus verba intelligere conamur. At rem in-  
conspicuam, qualis est Divina Natura, non  
possumus conferre cum nominibus, quibus  
vocari solebat. Itaque nihil obscurius est illis  
vocibus.

4. Possunt duorum ejusdem temporis, &  
gentis hominum comparari sermones, qui  
B b 2 pla-

\* Vide Augustinum de C. D. Lib. I. c. 11. & alibi. Adi &  
Plutarchum de Superstis.

planè contrarii erunt, de una eademque illa Natura, à qua omnia regi consentient. De eadem tabula picta ita dissentire nequeunt, ut alter in ea Elephantem esse pictum, alter Hominem contendat; at de Deo, quia inconspicuus est, æquè repugnantia adfirmare possunt. Alter describet tibi Deum quasi hominum patrem, qui numquam eis benefacere desinat, & peccantibus facilè parcat, nec libenter pœnas infligat. Sic de Deo loquitur Philosophus, sic Christianus, ut omnes norunt. Contrà superstitiosus describet tibi Deum αἰεταίον, ἐμμετάστολον, εὐχιστὴν πρὸς ὅλην, ἐπὶ τοῖς τυχεῖσι τιμωρητικὸν, μικροῦτοι: *inconstantem, mutabilem, pronum ad iram, vindictæ levibus de causis cupidum, de minimis indignantem.* Quæ verba sunt *Plutarchi*, è libro de superstitione. Itaque licèt ejusmodi homines consentiant de voce *Deus*, & nonnullis *Dei adtributis*; in ceteris multùm dissentiunt, nec idem vox *Deus* in utriusque ore sonat. Si superstitiosus ex sua notione vocem *Deus* interpretetur, in viri sapientis oratione, toto cœlo errabit; si sapiens, vicissim, ex suo sensu in superstitiosi verbis eam intelligat, non minùs fallitur. Igitur in hisce potissimùm rebus cavendum est, ne ex nostris notionibus verba Ethnicorum interpretemur.

5. Ad Christianos Scriptores ut redeamus, multi multa de creatione, ceterisque actionibus Dei scripserunt; sed fatendum est, ut nobis omnino constat, rerum universitatis initium ad Deum auctorem referendum esse: ita

ra-

rationis, quâ è nihilo creavit, seu actûs illius, qui *creatio* dicitur, nullam à nobis claram notionem formari posse. Sunt & alia *περὶ αὐτῆς*, quæ à Theologis dicuntur de Deo, & quæ haud magis intelliguntur, ut facîle possemus ostendere. Quando quispiam loquitur de actione conspicua rei corporeæ, in aliud corpus, illâ conspecta intelligimus quid velit; sed quî possumus intelligere eos, qui de actibus quibusdam divinis verba faciunt, quos nec nos, nec illi vidimus? Cùm sermo est de homine nobis simili, in cujus animo vel corpore quidpiam contigisse dicitur; ex nostra ipsorum experientia, quadamtenus saltem, suspicari possumus quid significetur. At quid intelligere possumus, ubi sermo est de Natura nobis dissimillima; & de qua ea dicuntur, quibus similia in nobis numquam experti sumus? Attamen si proferantur verba, ex Scriptoribus divinitus adflatis deprompta; non difficulter credimus iis subesse sensum quempiam, quem ignoramus, quia spiritus divinus res divinas novit. Verùm cùm homines, sine adflatu, de ejusmodi rebus loquuntur; non modò non intelligimus quod dicunt, sed ne ipsi quidem satis sciunt quid sibi velint.

6 Vocabula Substantiarum creatarum esse pariter rerum obscurissimarum nomina, ex ipsarum consideratione ostendimus, loco *Logicæ* nostræ memorato; neque hîc quod illic diximus repetere necesse est. Ipsas Substantias non videmus, nec quid intelligant earum nominibus prolatis alii, præsertim quos inter-

rogare non licet, scire possumus. Qualitates, ut dixi, quot in iis esse putent nescimus. Cavendum ergo est, in interpretatione Veterum, ubi de hisce loquuntur, ne iis tribuamus quod ipsi intelligimus, pro eo quod illorum animis obversabatur.

7. Verùm non singulares dumtaxat Substantiæ considerantur, sed Substantiarum collectiones; quæ quò ampliores sunt, & latiùs patent, eò habent nomina obscuriora. Nomina sunt collectionum Substantiarum similia, ut *exercitus*, qui significat cœtum militum; *classis*, quæ est collectio navium; *urbs*, quæ est multitudo domuum, & similia innu-mera. Sunt quoque nomina collectionum Substantiarum dissimilia, ut *navis*, *domus*, &c. In hisce autem animadvertendum est spectari non nudas tantùm Substantias, sed innumeros etiam Modos, qui iis inesse intelliguntur; quo fiunt notiones ampliores, eadẽque operâ obscuriores.

8. Si vel ea nomina expendamus collectionum Substantiarum, quæ, exempli causâ, adtulimus, quàm obscurâ sint ejusmodi vocabula faciliẽ animadvertemus. Scimus quidem *exercitum* esse multitudinem militum, qui sunt sub signis, & duci aut ducibus parent; satisque clara est ea notio, si ita *abstractè* consideretur. At si agamus de exercitu, non qui esse potest, sed qui est, ut claram ejus notionem habeamus; qualis necessaria est, ut de rebus ab eo gestis, aut gerendis judicare possimus; plura sunt cognoscenda, quorum ferè semper maxima pars omittitur à Scriptori-  
bus,

bus, qui ea voce utuntur. Scire, exempli gratiâ, nos oporteret 1. quot sint milites: 2. an sint veterani, an tirones; equitêsne, an pedites; seu quot fuerint utriusque generis; quo armorum genere instructi, & cui pugnæ rationi adsueti: 3. cujus sint gentis, & quomodo exercitati: 4. quàm animosi, aut quàm timidi: 5. an ducibus dicto audientes sint, an iis confidant, vel diffidant: 6. quis sit animus, quæ peritia, quæ potestas ducum: 7. quos habeant belli adparatus, & unde omnia exercitui & bello gerendo necessaria comparare queant: 8. qui sint iis socii, & quæ auxilia ab iis accipere possint, &c. Attamen plerique Historici, qui aut Rerum publicarum generales Historias, aut excellentium Imperatorum vitas scripserunt, ne quartam quidem partem earum rerum, ut par erat, memorant; seu eas ipsi rescire non potuerint, seu cùm scirent, imperitiâ scribendi, dicere neglexerint; unde consequens est ut de præliis, victoriis, expeditionibus, itineribusque exercituum, & universè de eorum rebus gestis, non satis exploratò judicare possimus. Lege mihi Historicos omnes, quotquot sunt, Græcos ac Latinos; & comperies plerosque ea omissione gravissimè peccasse, atque densissimas tenebras toti narrationi offudisse. Dicemus iterum aliquid hac de re, in Sect. 3. Part. III. hujus Opusculi, ubi de *Curio* agemus. Atqui solet conferri Historia Picturæ, quasi, nimirum, res gestas populorum & virorum insignium oratione nobis pingeret, & spectandas posteris daret. Quis verò ferret in

vultu hominis pingi dumtaxat oculos & nasum, omiſſis ceteris partibus? An judicium ullum poſſet fieri de pulcritudine totius vultûs, ex tabula, quæ dimidiam tantum ejus partem ſpectandam præberet? Attamen ita ſe gerunt plerique omnes Hiſtorici; ut ex iis, quæ modò dicebamus, liquet, & volumus de eventibus, quos eorum Hiſtoriæ complectuntur, certa judicia ferre! Verum, ſi ſapimus, ex imperfectis ejusmodi deſcriptionibus, conjecturas tantum faciemus; quas nec adcuratas, nec *adequatas* eſſe fatebimur, nec pertinentius æquo defendemus. Stultum certè eſſet ex tabula imperfecta, de tota re quæ pingitur, ſine provocatione ad ampliorem cognitionem, judicare velle.

9. Omnes putant ſe ſcire quid ſit *claffis*, & ſæpe Hiſtorici maritimas copias eâ ſolâ voce deſcribunt; omiſſis numero, magnitudine, & formâ navium, numero claffiariorum & militum, aliſſque circumſtantiis, quas memoravimus, cùm de *exercitu* loqueremur. Attamen ſine adcuratiore cognitione eorum omnium, quibus conſtat claffis; *adequatum* nulum judicium de ea ferre nobis licet. Idem dicendum de voce *urbs*, cujus domuum numerus & amplitudo reticetur, & quæ quot incolas habuerit, quâſve munitiones, aut divitias ignoramus; quod frequentiffimè, inter legendum, contingit. *Urbs* aut *oppidum*, id plerumque dicitur quod deſcripſimus, ſi mœnia & foſſam addideris, quibus muniſi ſolet. At qui eas voces ex hac deſcriptione intelligeret in Hiſtoria Veterum Britannorum, is  
vehe-

vehementer falleretur, si credimus *Cæsari*, qui Lib. V. cap. 21. ita eorum oppida pingit: *Oppidum*, inquit, *Britanni vocant, cum sylvas impeditas vallo & fossâ munierunt, quò incursionis hostium vitandæ causâ, convenire consueverunt.* Vide not. à nobis ad Gen. III, 17. Utebantur voce *Caer*, quæ eadem est ac Phœnicia קרתא *Kirtha*, hoc est, *urbs*, à verbo קרא quod sæpe *convocare* sonat; quia eò convocati ex agris conveniebant.

9. Quod si nomen collectionis Substantiarum proferatur, quæ complectatur diversi generis Substantias, innumeris *Modis* ornatas, nec aliter describatur; oportebit nos in obscurissima notione adquiescere. Exempli causâ, *navem* adduximus, quod nomen est machinæ lignæ ingenti numero partium, inter se compactarum, constantis; in qua sunt clavi, mali, funes, & cetera armamenta. Quia in Scriptis Veterum nulla est navis, præsertim longæ, quæ pluribus remorum versibus ageretur, descriptio adcurata; permulta sunt in descriptione classium, & navalium præliorum, quæ nullo modo possimus adsequi. \* *Florus* nos docet magnas classes à Populo Romano, brevissimo tempore instructas fuisse, esseque impositos & transvectos maximos exercitus; quod vix ac ne vix quidem, ob causam memoratam, intelligere possumus. Scio esse permultos, qui Romanam Historiam legant, atque illa, veloci lectione, prætervolent, quasi nihil esset difficultatis; sed hoc ipsum ostendit Lectores persæpe adquiescere in obscurissi-

B b 5

ma

\* Lib. II. c. 2. quem confer cum Polybio Lib. I.



ma notione eorum, quæ maximè intererat probè scire; nec eo faciùs de aliis judicare, quàm si adcuratissimè omnia perlustrassent. Qui non satis intelligent quid velim, ii adeant \* eos, qui de re nautica Veterum scripserunt; rem enim copiosius exponere, per institutam brevitatem, non licet.

11. Hisce de notionibus Substantiarum demonstratis, non opus erit, ut multis agamus de Modorum notionibus; quia, ut monui, omnes Substantiæ spectantur, quasi Modis variis præditæ. Tria ergo dumtaxat animadversione digna proferemus. I. Si modum unum *abstractè* consideremus, exempli causâ, figuram quamlibet, notio ejus nobis obversatur summæ perspicuitatis, atque ejusmodi notionum nominibus utuntur Geometriæ; sed de his intelligendis hoc loco non laboramus, nec ulla est certior via, quâ perveniatur ad intelligentiam Veterum, qui de Geometria scripserunt, aut eam alicubi adtulerunt, quàm si ei disciplinæ operam demus.

12. II. Sunt etiam nomina Modorum, non minùs perspicua adtendentibus, sed quæ usu Vulgi ita ambigua facta sunt, ut recentiores demum Physici eam ambiguitatem animadverterint. Nomina qualitaturn, quæ *sensiles* vocantur, duo significant, quæ non possunt sine maximo errore misceri, & tamen à Vulgo miscentur. Exempli causâ, *lux*, *sonus*, *odor*, *sapor*, *calor*, &c. sunt ejusmodi nomina, quibus significatur cùm id quod sentimus, quando animadvertimus *lucem*, *sonum*, *odorem*, *sapo-*

\* Præsertim Joan. Schefferum & Marc. Meibomium.

*saporem*, *calorem*, &c. tum id quod est in corporibus lucidis, sonoris, odoratis, sapidis, & calidis. Quod quidem sentimus est Modus nostræ Mentis, quod verò est in illis corporibus eorum corporum Modus, isque planè diversus ab eo qui est in nobis. Verùm de his solent agere Physici, & nos diximus quod satis sit, *Physicæ* nostræ Libro Quinto. Itaque nihil ea de re addemus, cùm præsertim non soleant Critici in tam subtilem notionum divisionem, & considerationem descendere. Satis iis est, si modò possint Veteres interpretari, æquè clarè ac intelligitur vulgò sermo hominum, vernaculâ Linguâ utentium; nec id ipsum semper adsequuntur.

12. III. Innumera sunt vocabula, quæ significant non unum Modum, qui rebus extra nos positis, aut Menti nostræ insit, quales sunt ii de quibus modò dicebamus, sed plurium Modorum collectionem; eaque vocabula difficilia sunt intellectu, quòd non sit facile omnes Modos, quos significatione suâ complectuntur, invenire; quia ii qui iis vocabulis usi sunt, ea numquam aut rarò sat accuratè definierunt, nec possunt nunc à nobis interrogari. Talia sunt nomina adfectuum, vitiorum, & virtutum. Hæc enim sunt dumtaxat varii Modi, qui nobis insunt, aut inesse possunt, & quorum certis collectionibus certa nomina imposita sunt. Ut ergo accuratè intelligamus quid significant ea nomina, oportet nos scire quot varios Modos complectantur, quorum si vel unus nos fugerit, dici

dici non possumus ea nomina intelligere. Exemplis res liquidior fiet.

14. *Amor & Odium* adfectus sunt, qui in historia humani generis, omnibusque ferè omnium Scriptorum libris, utramque paginam faciunt. *Amor* vix potest ita definiri, ut una definitio conveniat omnibus adfectibus, qui eo nomine vocantur, propter maximam eorum varietatem. Constat quidem quidquid eo nomine adpellatur oriri ex re quapiam, quæ nobis est voluptati, & in eam ferri; sed sunt diversissima ea, quæ nobis voluptatem creant, & diffidentes prorsus circumstantiæ adfectuum, qui eo nomine continentur. Quæcumque nobis voluptatem creant ea *bona* vocamus, suntque aut corporis, aut animi, aut externa. Itaque hæc omnia bona amare dicimur; & pro variis circumstantiis, *amor* diversissimorum adfectuum, sive diversis Modis constantium nomen est. Qui nisi diligenter distinguantur, eos qui iis vocibus utuntur, non intelligimus.

15. I. *Amor* significat eum adfectum, quo duo sexus junguntur, matrimonii, aut etiam voluptatis causâ. Nihil frequentius, apud omnes Scriptores, & artem satisfaciendi huic amori scripsit nequitiae magister *Ovidius*. Si sermo sit de amore licito juvenum, qui matrimonium spectant, in eo hæc animadverti possunt: 1. est totius sanguinis quidam fervor: 2. voluptas animi in adpectu ejus qui amatur, & in sermonibus cum eo cædendis: 3. cupiditas eo potiundi, atque unâ vitæ transigendæ: 4. vota, quibus amans optat omnia  
ci

ei quem amat secunda accidere ; & si quâ possit adjuvare, alacre, promptum ac profusum auxilium : 5. lætitia aut dolor , prout rebus secundis , aut adversis utitur : 6. egregia de eo opinio , sive corporis , sive animi dotes spectentur : 7. animus ad quævis obsequia paratissimus. Ad hæc omnia accedit amoris vehementia ; quæ , pro temporum , rerum ac personarum circumstantiis , major aut minor est. Jam autem quis est , qui , lectâ hac voce *Amor*, quomodo omnia illa se habeant adcuratissimè norit ? Nemo profectò ; idcircoque fateamur necesse est nos non plenè adsequi narrationes , in quibus hæc vox occurrit ; etiam si summatim scimus , adfectum quem descripsimus significari. Atqui sæpe , ut de historiis rectè judicare possimus , multùm interest quàm adcuratissimè omnia illa , si fieri possit , cognoscere. Si quis legat historiam belli , quod *Cæsar* Octavianus gessit cum *M. Antonio* , videatque hujus cladis causam referri ad amorem , quo *Antonius* *Cleopatram* deperibat ; non satis intelliget , quâ amor cladis causa esse potuerit , nisi vehementiam ejus ex aliis circumstantiis historiæ cognoverit.

16. II. *Amor* passim etiam sumitur pro amicitia , quæ intercedit inter viros , qualis fuit inter *Ciceronem* , & *Atticum* ; cujus gravissima indicia videmus , in illius ad hunc *Epistolis* , atque in vita *Attici* à *Corn. Nepote* conscripta. Nihil est in amicitia , quod non sit in amore antea descripto ; à quo si abstuleris ea quæ ad corpoream voluptatèm pertinent , plenam habebis descriptionem amicitiae.

Ita-

Itaque non opus eam pluribus à nobis describi. Nisi hæc omnia adtendamus, non intelligemus cur omnes, qui de Amicitia scripserunt, tantas laudes ei tribuerint; quorum omnium instar esse potest Cicero, qui, in libro de Amicitia, negat \* *se scire, an, exceptâ sapientiâ, quidquam sit homini amicitia melius à Diis immortalibus datum*; contenditque eos † *solem è mundo tollere videri, qui amicitiam è vita tollunt*.

17. III. Amor est parentum erga liberos, & liberorum erga parentes; qui amor, præter omnia quæ sunt in arctissima amicitia, conjunctionem sanguinis habet; quâ fit vehementior inter eos amicitia, ita ut parentes liberos, liberi parentes omnibus aliis amicis longè anteponant. Qui non animadverterint quanta sit, & quàm iusta conjunctio in hac amicitia, præsertim si, ut par est, mutua sit; numquam capere poterunt, cur tam multi parentes commodis liberorum, magis quàm suis, studeant; cûve exstent exempla liberorum, qui libentissimè parentibus quæcumque ab iis acceperant, etiam vitam reddiderint. Qui cœlibes vitam egerunt non capiunt, cur parentes mortem liberorum usque adedò lugere soleant; cur verò? Quia numquam voluptatem illam senserunt, quæ amicitia inter parentes & liberos longè jucundissimus est fructus; & quam sibi in æternum eripi sentire non possunt parentes, sine gravissimo dolore. Numquam omnes illas notiones, quas *paternæ amicitia* nomen complectitur, adtenderunt; un-

\* *Lib. de Amic. C. VI.* † *Ib. C. XIII.*

unde etiam sequitur, ut non satis intelligant quæ de hisce rebus à Veteribus scripta sunt.

18. IV. *Amor* denique sumitur pro quavis cupiditate, ut *amor regni*, *amor pecuniæ*, &c. quæ sunt circumloquutiones ambitionis, avaritiæ & aliorum adfectuum; quibus homines permoti in bonum quoddam, aut quod bonum putant, ferantur. Eos non adgrediar describere, uti nec *odium*, cujus natura ex descriptione contrarii facillè intelligi potest. De omnibus summatim observandum eos solos, qui eorum naturam diligenter investigarunt, & varias partes, ut ita dicam, quibus constant, discriminare possunt, adsequi quæ de illis passim dicuntur, & rationem effectuum, qui illis tribuuntur, nosse.

19. Similia dicenda de nominibus *virtutum* & *vitiorum*. Sunt enim habitus animi, quibus homines convenienter rationi & naturæ suæ vivunt; aut contrà leges, ex ratione & natura humana petitas, perfringunt; quibus in habitibus, varia continentur. Nullus non Ethicæ scriptor hoc ostenderit, si audeatur. Attamen exemplum hîc addam, ut res manifestior fiat. *Justitia* à \* Jurisconsultis definitur: *constans & perpetua voluntas jus suum cuique tribuendi*. Igitur in *Justitia* hæc sunt 1. cognitio juris, quod est, aut naturæ, aut institutionis hominum: 2. peritia, quâ regulæ generales juris singularibus factis aptantur: 3. voluntas, quâ illæ regulæ non modò in se spectatæ probantur, sed & in usum, quotiescumque se dat

\* *Inst. Lib. I. Tit. I. §. 2.*

dat occasio, revocantur : 4. animus ita temperatus , ut perturbatione nullâ sibi excutiam cognitionem ac voluntatem patiatur. Hisce continetur Justitia, quod ut melius intelligatur , sciendum. *jus naturæ* vocari quidquid consentaneum est ac utile humanæ Societati, in quocumque sit statu ; aded ut eo posito atque observato , melius se habeant homines ; contrâ verò neglecto , aut violato , deterius. *Jus* verò *institutionis* est quod nittur legibus singularibus Reipublicæ, in qua vivimus ; quæ tamen leges non debent observari , si contingat *juri naturæ* esse contrarias ; quod contingit, quando imperantes utilitatem Societatis sibi per omnia non proponunt. Igitur *Justitiâ* præditus is dicitur , qui legum omnium Reipublicæ , cum jure naturæ consentientium observans est , & præterea facit quidquid *jus naturæ* ab omnibus hominibus exigit.

20. Ejusmodi est justitia universalis, de qua dixit *Theognis*:

Εἷς ὁ δίκαιοσύνην συλλέγοντι πάρ' ἀρετῆς ἑ

Πᾶς δὲ τ' ἀνὴρ ἀγαθὸς , Κύνει , δίκαιος ἰών.

*Justitia una alias virtutes continet omnes,  
Et quisquis justus, vir bonus ille fuit.*

Ea est Justitia Evangelica , de qua egimus superiore Sectione, Cap. VI ubi nonnulla observavimus , quæ hîc dicenda essent, nisi alio loco

loco proponi debuissent. Nimirum, non apud omnes Scriptores, & omnibus in locis, æquè latè patet vox *justitia*, ut illic ostendimus.

21. Descriptiones vitiorum multas suppediabit *Theophrastus*, in Characteribus Ethicis; ex quibus liquebit, si quis cupiat scire quid eorum nominibus significetur, diligenter considerandas esse omnes partes, quibus potestates eis subjæctæ constant. *Theophrastus* enim non satis habet ea definire paucis verbis, sed præterea mores ejus, qui iis vitiis inquinatus est, singulatim describit. Exempli causâ, non modò definit *ἀρίσκειν*, ἡτιυξιν ἐκ ἐπὶ τῷ βιλτίῳ ἡδονῆς παρασκευαστικῇ: *congregationem quæ voluptatem creat, non in optimum finem*; sed & copiosè describit, iis adlatis quæ facit *ἀρίσκω*, sine quibus vix intelligeremus quis sit; nam parum adcurata est definitio, ut multæ aliæ, quibus utitur *Theophrastus*. Hoc exemplum profero, non quòd singula Capita ejus libelli non suppeditent clara ejus, quod dixi, exempla; sed ut animadvertat Lector quod, in hoc negotio, maximi est momenti; nimirum, varias Gentes in hujusmodi nominibus varios Modos, ut loquuntur Metaphysici, unâ junxisse, esque collectioni certum nomen imposuisse; cui apud alias Gentes simile nullum est, quòd notionem collectione eorundem Modorum constantem non formarint. Sic *ἀρίσκειν* non potest dici Latinè, unâ voce; significat enim *id animi vitium, quo quis omnibus placere studet*,



etiam malis artibus; quo vitio qui laborat dicitur ἀπρως. Isaacus quidem Casaubonus vertit blandum, & ἀπρωςιαν blanditiam; quæ sanè voces non multùm à significatione Græcarum absunt, & significant vitium, quo laborat ἀπρως, nam cum Theophrastus omnibus adblandientem describit; sed amplitudine suâ totam earum significationem non æquant. Etenim primò propriam potestatem vocis ἀπρως non exprimunt, quæ tamen exprimenda est; cum ex ea adpareat quis sit scopus ejus qui hoc vitio laborat, & ea facit, quæ eum facientem describit Theophrastus. Hanc esse vim vocis, quam diximus, intelligere licet ex verbis Pauli, Rom. XV, 1, 2, 3. & 1 Cor. X, 33. ubi ἀπρως in bonam partem sumitur, significatque nihil eorum omittere, quæ per virtutem facere liceat, ut omnibus placeamus, seu ut eorum benevolentiam nobis conciliemus. Secundò, ex ea descriptione liquet τὴν ἀπρως ἔργον non esse tantùm ut aliis blandiatur, seu ut lautioris fortunæ, & liberalioris atque elegantioris ingenii videatur; quod dimidiâ parte Capitis docet Theophrastus. Ἀπρως ergo sic descriperis: hominem qui omnibus placere studet, verborum comitate, obsequio, cultûs elegantia, liberalitate, & sumptibus; quibus verbis quæcumque habet Theophrastus complecti queas. Hinc in Onomastico veteri: Ἀπρωςιαν, hic placor, venustas. Ἀπρως, placitus, participium.

22. Sunt & alia nomina vitiorum, apud cum-

eundem *Theophrastum* ; quæ unâ voce Latinâ exprimi nequeunt. I. Ἀδολισχία , quæ *Garrulitas* à *Casaubono* vertitur , est propriè , ut ex ipsius *Casauboni* commentario intelligere est , id vitium quo laborant homines otiosi , qui ἐν λίσχῃ ἡμῶν , *sedentes in taberna* de rebus nihili per totos dies colloquuntur. Non diffiteor homines illos esse *garrulos* , sed hæc vox non satis latè patet ; nam ἀδολισχία est inanis , atque otiosa garrulitas. II. Βδελυρία ille vertit *obscœnitatem* , aut *impuritatem* , quas tamen voces non satis commodas esse fatetur. Ac sanè βδελυρία vox est , quæ ambitu significatûs sui multò plura complectitur , quàm voces Latinæ ; describitque hominem *Theophrastus* , qui nullâ ratione ducitur existimationis suæ , qui nihil pensi habet decorûmne an indecorum sit quod agit , aut dicit. Hæc autem latissimè patent , ut & nomina multorum conviciorum ; quibus subjectas notiones enumerare difficillimum est. Hinc videre licet ipsum *Theophrastum* , postquàm hanc , & similes voces definivit , in sequentibus ea dicentem , quæ definitione nequaquam complexus erat. Caput περὶ βδελυρίας inchoat hisce verbis : *non est difficile βδελυρίαν definire* , atque esse παιδιὰν ἐπιφανῆ καὶ ἐπονιδίαν , hoc est , ut habet *Casaubonus* , *jocum* , *ludicrumve evidentem nimis* , ac *flagitiosum*. Dimidiâ verò parte Capitis , describit hominem fraudulentum , nec quidquam turpe ducentem. Nec rarum est hoc , in hisce Characteribus.

diutulè tacitus in cogitando fuisset, respondi tandem non videri mihi significari eam rem posse, uno nomine; & idcirco junctâ oratione quid vellet Græcum id verbum pararam dicere. Ad multas igitur res adgressio earumque omnium rerum actio, πολυπραγμοσύνη, inquam, Græcè dicitur, &c. Exin ita pergit: Tum ille opicus verbis meis inchoatis & inconditis adductus virtutem esse πολυπραγμοσύνην: hortatur, inquit, nos profectò nescio quis hic Plutarchus ad negotia capeffenda & ad res obeundas plurimas; cum industria & celeritate; noménque ipsius virtutis, de qua loquuturus esset, libro ipsi, sicuti dicis, non incommodè præscripsit. Minimè, inquam, verò; neque enim ista omnino virtus est, cujus Græco nomine argumentum hoc libri demonstratur; neque id quod tu opinare aut ego me dicere sentio, aut Plutarchus facit. Deterret enim nos, hoc quidem in libro, quàm potest maximè, à varia, promiscuâque & non necessaria rerum cujuscumque plurimarum, & cogitatione & petitione. Sed hujus, inquam, tui erroris culpam esse intelligo, in mea, scilicet, infacundia, qui ne pluribus quidem verbis potuerim non obscurissimè dicere, quod à Græcis perfectissimè uno verbo, & planissimè dicitur. Miror Gellium ex ipso Plutarcho potiùs non desumfisse definitionem hujus vitii, quæ sic habet: φιλομαθία τις ἐστὶν ἀλλοτρίων κακῶν, ὅτε φθόνου δυνάμει κατὰ φύσιν νόσος, ὥς κακονδύλιος: cupiditas quædam cognoscendi aliena mala, morbus qui non videtur invidia

*invidia ac malignitate esse vacuus.* Hinc in Veteribus Glossis πολυπραγμων vertitur, *scrutator, sciscitator, ardelio, curiosus.*

24. Inde colligere est, non esse facile non modò invenire voces aptas ad vertenda alià Linguà nomina collectionum Modorum, sed ne Modos quidem omnes enumerare, qui continentur in ejusmodi collectionibus. Attamen ex iis vocibus sæpe pendet totius orationis sententia. Quare decet Litterarum studiosos diligenter ea, quæ antea dicta sunt, attendere; ne intelligere sibi videantur quod non intelligunt, utque integras vocum notiones eruere addiscant, ne in obscuris aut imperfectis, quemadmodum vulgò fieri solet, adquiescant, si modò ad planiorem & clariorem cognitionem umquam pervenire possint.

## C A P U T IV.

### *De Nominibus Relationum.*

1. **N**ON repetam hîc quod dixi *Logicæ* Part. I. c. 4. de *Relationibus*; addam tantùm exempla, quibus probabo Veterum auctoritatibus quæ illic rationibus philosophicis ostendi. Dixi nomina Modorum omnium, qui augeri & minui possunt, esse nomina Relationum; quæ cùm sint innumera, diligenter cavendum ne *absolutè* dici credantur, quæ tantùm *relatè* dicta sunt. Hoc autem obser-  
van-

vandum, cū in nominibus adjectivis, tum etiam in substantivis & in verbis, integrisque enunciationibus; quæ veræ dumtaxat sunt *relatè*, ut sic loquar, ad nonnulla, non universè & *absolutè*. Exemplis res clara fiet.

2. Dicebat Plato \* τὰ πρὸς τι προσδίδουσι τινὲς ἑρμηνείας. οἷον τὸ μῖζον τινὲς, καὶ τὸ θαττόν τι. καὶ τὸ κάλλιον καὶ τὰ τοιαῦτα. τό τι γὰρ μῖζον ἰλάττοις ἐστὶ μῖζον, καὶ τὸ θαττόν τινὲς ἐστὶ. *Hæc ad aliquid dicuntur* (hoc est, quæ ad aliquid referuntur) *aliquâ interpretatione indigere*, quale est majus aliquo & celerius aliquo, & pulcrus, & similia. Nam majus est majus minore, & celerius est aliquo celerius, &c. Pro comparativis, positivâ μῖζας, ταχὺς, καλὸς, potuit adferre; hæc enim non minùs sunt ἢ πρὸς τι, quàm comparativa. Magistri sententiam meritò sequutus est Aristoteles, in libro de Categorijs, ubi egit περὶ πένου, de quanto. Cujus dogma sic exposuit Scriptor libri de decem Categorijs, qui Augustino tribui solebat, Cap. X. Nihil multum vel exiguum dicitur, nisi alteri fuerit comparatum. Cū enim dicimus montem brevem, grandiore esse alterum, cui comparatus est, indicamus. Vel cū dicimus grande milii granum, comparatione sui generis, in quo brevius aliquid invenitur, illud esse grandius monstramus. Ac propterea manifestum est multum & exiguum, grande & breve, cum

Cc 4

ali-

\* Diog. Laërti, Lib. III, §. 109.

*aliquo comparata sui vocabulum reperire. Hinc maxima obscuritas in sermone, cum nesciamus quâ mensura, ut ita dicam, utatur is, qui ejusmodi voces adhibet; quis autem non innumeris in locis eas usurpat, cujusve opiniones omnes tam adcuratè novimus, ut ex iis quæ sit illi mensura ejusmodi Relationum perspicuè scire possimus? Ideò hoc argumento utebatur junior Academia, ut nihil percipi posse ostenderet. Rerum natura, ait Cicero \*, nulla nobis dedit cognitionem finium, ut ulla in re statuere possimus quatenus — Nulla omnino in re minutatim interroganti, dives, pauper; clarus, obscurus; multa, pauca; magna, parva; longa, brevia; lata, angusta; quanto aut addito, aut demto, certum respondeamus non habemus. Sextus Empiricus Pyrrh. Hypoth. Lib. I. de octavo modo, quo cohibendum judicium ostendebant Academici: Ὅ γδοὺς ἐστὶ τρεῖς (ἰσοχῆς δὲ λεγόμεν) ὁ ἀπὸ τῆ πρὸς τι, καὶ ἐν συνάγῳμεν, ὅτι ἐπὶ πάντα ἐστὶ πρὸς τι, περὶ τῆ τίνος ἐστὶν ἀπλῶς καὶ ὡς πρὸς τὴν φύσιν, ἰφίξομεν: ἄλλαντος ἐστὶν ὁδὸς (cohibitionis judicii) ex relatis, secundum quem colligimus, cum omnia sint relata, quanam sint simpliciter & secundum naturam, nos ad sensum retenturos. † Verum hinc non sequitur nihil esse absolutè & in se, sed tantum Modis, qui capiunt plus aut minus, nullam esse in animis hominum, certam mensuram constitutam.*

3. Idem

\* Acad. Quest. Lib. IV. n. 92. † Vide etiam qua idem habet contra Mathematicas. pag. 303. & seqq.

3. Idem aliis testimoniis probare pergemus.  
*Lucretius Lib. VI. p. 808. Ed. Lamb.*

*Scilicet, & fluvius quis visus maximus eji,  
 Qui non ante aliquem majorem vidit, & in-  
 gens  
 Arbor homóque videtur; & omnia de genere  
 omni,  
 Maxima quæ vidit quisque, hæc ingentia  
 fingit;  
 Cum tamen omnia cum cælo, terræque, ma-  
 rique  
 Nil sint ad summam summæ totius omnem.*

Ea de re egit iterum Cicero Tuscul. Quæst. Lib. I. n. 94. Quia ultra nihil habemus, hoc longum ducimus; omnia ista, perinde ut cuique data sunt, pro rata parte à vita, aut brevita, aut longa dicuntur. Apud Hypanim fluvium, qui ab Europæ parte in Pontum influit, Aristoteles ait bestiolas quasdam nasci, quæ unum diem vivant. Ex his igitur quæ horâ octavâ mortua est, propectâ atate mortua est; quæ verò occidente sole, decrepita; eo magis, si etiam solstitiali die. Confer nostram longissimam vitam cum æternitate, in eadem propemodum brevitate, quâ istæ bestiolæ, reperiemur. Imò verò nostræ vita, si cum æternitate contendatur, nihil pænè erit.

4. Dignus etiam est auditu, hanc in rem, Seneca Ep. XLIII. sive Lib. V. Ep. 8. Quid quid inter vicina eminet, magnum est illic ubi eminet. Nam magnitudo non habet certum modum; comparatio illam aut tollit, aut depri-

*mit. Navis, quæ in flumine magna est, in mari parvula est; gubernaculum, quod navi alteri magnum, alteri exiguum est. Idem, aut alter Seneca, in Troade vers. 1014. idem ferè expressit, hisce verbis:*

*Ferre, quam sortem patiuntur omnes,  
Nemo recusat.*

*Nemo se credit miserum, licèt sit.  
Tolle felices, removeto multo  
Divites auro, removeto centum  
Rura qui scindunt opulenta bubus;  
Pauperi surgent animi jacentes.  
Est miser nemo, nisi comparatus.*

In Dialogo de Causis Corruptæ Eloquentiæ, cum Messalla antiquos recentioribus præferret, Cap. XVI. *Hoc primum, inquit Aper, interrogabo, quos vocetis antiquos, quam oratorum ætatem signatione istâ determinetis?*

5. Hinc perspicuè intelligere est omnes planè voces, quibus significantur Modi, qui augentur, aut minuuntur, esse *relativas*; quod & pluribus exemplis ostendimus, in Logica. Igitur quotiescumque nobis occurrunt eæ voces, oportet illico in animum revocare quis sit qui iis utitur, quo tempore, & apud quam Gentem vixerit. Quod nisi fiat, in similem errorem incideremus, ac qui audito certo *pedum* numero; quis agri modus esset, & indicaretur à viro, qui non diceret quo *pedum* genere esset usus; illico arreptâ *pedis* mensurâ, quam apud se haberet, yellet ad eum *pedem* alterius dicta exigere; licèt breviorẽ aut



aut longiorem pedis mensuram, prout apud varias Gentes varia est, adhibuisset. Paria faciunt, qui ex notionibus suis *relativas* voces, ab aliis usurpatas, interpretantur.

6. Igitur quando laudatur, aut vituperatur quispiam, ante omnia quærendum, quis laudet aut vituperet, & quantum licet, investigandum quid de virtutibus, aut dotibus quas extollit, deque vitiis in quæ invehitur, senserit. Si enim magnam, atque amplam notionem habeat virtutum, laudes illæ multò majores erunt: ut contrà, si de iis tenuius & exilius sentiat, multò erunt minores. De vitiis paria, in contrariam partem, sunt animadvertenda. Quærendum etiam quo tempore, & apud quos vixerint qui laudantur, aut vituperantur; nam pro temporibus & locis, crescunt & minuuntur probra & laudationes.

7. Exempli causâ, si quis apud Ethnicos, Græcos aut Romanos, dicatur *optimus*, *sanctissimus*, *innocentissimus*, atque *integerrimus* vir vixisse, quod apud utriusque Linguae Scriptores non rarò occurrit; intelligendum id erit, pro modulo illius ævi & illarum Gentium. Si Christiano more ejusmodi vocabula tunc interpretaremur, planè alios viros illos fuisse fingeremus, ac reverâ fuerunt. Quamvis enim nolim, quod nonnulli faciunt, nimium spernere virtutes Ethnicorum, aut etiam eas vitiis accensere; attamen *bonitas*, *sanctitas*, *innocentia* & *integritas* Christiana, multo latius patent, quàm apud Ethnicos patebant.

8. Hoc vel ex eo liquet, quòd laudatissimi  
illi

illi viri, apud Ethnicos, eas virtutes dumtaxat erga cives, aut summum adversus socios exercerent; sed erga populos nullam amicitiam secum conjunctos, aut etiam hostes, omnia sibi licita esse putarent, ut ex eorum historiis intelligere est. Horum virtus tanto tenuior est Christianam virtute, quanto toto orbe terrarum arctiores erant fines eorum patriæ, aut tractuum quos amici ac vicini iis populi infidebant; nam Christiana virtus plane ad omnes omnium terrarum homines porrigitur. Scio Stoicos \* haud absimilia dixisse iis, quæ de Christianæ virtutis amplitudine docemur; sed ex eorum formula nemo olim vixit, & virtutis naturam falsis aliis dogmatibus corrumpebant. Quin & ipsi Ethnici profitentur *bonos aut malos cives dictos non ex virtutibus, sed ex potentia.* Sallustius Lib. I. Hist. *Dum pauci potentes, quorum in gratia plerique concesserant, sub honesto Patrum aut plebis nomine, dominationes adfectabant, bonique & mali cives adpellati, non ob merita in Rempublicam, sed uti quisque locupletissimus, & injuriâ validior; quia præsentia defendebat, pro* BONO *ducebatur.*

9. Ut majoris momenti exempla proferam, quod monuimus in memoriam etiam revocandum est, ubi laudantur qui sub Vetere Testamento vixerunt. Sic cum David dicitur *homo secundum cor Dei* 1 Sam. XIII, 14. præterquam quod illic sermo est de Rege, regiæque adeo virtutes potissimum spectantur; id non ita intelligendum est, quemadmodum in-

\* Vide Ciceronem Offic. Lib. III. c. 7.

intelligeretur de Christiano, qui ad Evangelii normam vitam exegisset. Militaris enim vita Davidis, cum juvenis & natu etiam grandior esset; multitudo deinde uxorum, & concubinarum; adulterium denique & homicidium, consistere non possent cum moribus viri, qui sub Evangelio diceretur esse *secundum cor Dei*. Non judicaretur hodie vir, qui Davidis instar vixisset, *praecepta Dei observasse, sequutus eum esse toto corde, ut id tantum fecisset quod in oculis ejus rectum est*, quod legimus 1. Reg. XIV, 8. Sed illic potissimum ratio habetur Idololatriæ, quam certè David diligentissimè vitavit; estque intelligendum encomium, pro modulo illius ætatis.

10. Similiter cum præteritorum proximè sæculorum, aut etiam paullò antiquiorum Scriptores promiscuè *αγιωτάτους καὶ σοφωτάτους* sanctissimos & sapientissimos vocant Ecclesiarum Christianarum Rectores, cum singulos, tum etiam in Concilia coactos, id est intelligendum pro captu sæculorum, & hominum; non interpretandum ex divino illo sanctitatis & sapientiæ exemplari, quod nobis præbuit Christus, & quod in Scriptis suis descripserunt Apostoli. Quicumque Historiam Ecclesiasticam legerunt, dictaque & facta *sanctissimorum & sapientissimorum* virorum exegerunt ad normam Evangelii & rectæ Rationis, satis norunt quantum ab hac recesserint eorum sanctitas & sapientia. At qui non perpetuò ante oculos habent exemplar illud unicum, ad quod omnia sunt componenda, decepti ejusmodi vocibus eos venerantur, atque imitari

tari per omnia conantur; qui certè neque veneratione, neque imitatione digni sunt, nisi quatenus cum Evangelii, Rationisque rectæ æterno virtutis exemplari consentiunt. Plura non addam, nam ferè præstat ea de re tacere, quàm nimis pauca scribere.

11. *Relativa* etiam sunt cùm nomina substantiva, tum etiam verba omnia, quibus notiones significantur, quæ augmentum aut diminutionem capiunt. Ejusmodi sunt nomina virtutum & vitiorum, & verba quibus vita ad virtutes exacta, aut vitiis contaminata signari solet. Ejusmodi sunt & omnia alia, in quorum significato varii veluti gradus distingui possunt. Exempli causâ, à Veteribus Romanis Oratores & Poëtæ, quos illi primos habuerunt, aut qui non multò post primos floruerunt, summopere sunt laudati, quia nihil melius norant; qui tamen postea, melioribus exortis, meritò sprete sunt. *Ennium* non modò laudavit ætas quæ eum vidit, sed & *Cicero* passim extollit; at ejus poëmata, si cum Virgilianis, aliisque ejusdem ævi conferantur, quid sunt, præter *sterquilinia*? Verùm *Cicero* nihil Latinè legerat, quod *Ennium*, ad poësin Heroicam quod adtinet, superaret. Quos plausus consequutus est *Plautus*, ab hominibus sui ævi? *Horatius* tamen, acerrimus harum rerum judex, hoc judicium de iis plausibus tulit:

\* *At nostri proavi Plautinos & numeros & Lau-*

\* *In Arte Poët.*

*Laudavere sales ; nimium patienter utrumque ,  
Ne d. cam stultè , mirati.*

De similibus laudibus , in priscum oratorem congettis , audiamus ipsum \* *Ciceronem* in *Bruto* : *Carbonem in summis oratoribus habitum scio ; sed , CUM in ceteris rebus , tum in dicendo , semper quo nihil est melius , id laudari , quaecumque est , solet.* Exempla alia non proferemus , quia quæ de nominibus adjectivis diximus , ea facillimè substantivis & verbis aptari possunt.

12. Unum præterea monebimus , quod ad omnis generis loquutiones pertinet. Nempe , innumeras Enunciationes , quæ generales & absolutæ primo intuitu videntur , esse tantum relatè veras , adeoque ex tota sua amplitudine urgeri non posse. Iis passim utuntur Scriptores omnes , exceptis solis Geometris , sive Mathematicarum rerum Scriptoribus ; qui nulla proferunt axiomata , quæ non debeant universè de omnibus quæ complectuntur intelligi , atque urgeri pro tota significatione quam verba , quibus constant , apud Geometras obtinent. Sciunt quid velim quicumque , vel ab ipso limine , Mathematicas disciplinas salutarunt. Ex aliis dumtaxat Scriptoribus , relativarum Enunciationum exempla aliquot sunt nobis proferenda.

13. *Moses* Gen. VI, 5. ita loquitur : *videbat jehova vitia hominum in terris augeri , nec quidquam eorum animum , præter malum , cogitando*

\* In *Bruto* Cap. 86.

*gitando quotidie effingere.* Hæc verba ita solent à nonnullis proferri, quasi hoc ils inesset axioma: *NIHIL* quidquam hominum animus, præter malum, cogitando quotidie effingit; quo perdita totius humani generis nequitia significetur. At ne quid dicam de hyperbole, quæ est in hisce verbis, ut in Commentario ad eum locum ostendi; loquitur Moses *relatè* ad ante-diluvianos homines, non ad omnes omnium ætatum mortales. Itaque quod *relatè* dicitur non est *absolutè* intelligendum, quo sensu falsum esset; certum enim est innumeros pios quotidie multas sanctas cogitationes animo versare.

14. Psaltes Ps. XIV, 2. hæc habet: *Jehova è cælo despexit in homines, ut videret an sit sapiens, qui quærat Deum. Omnes defecerunt, unà corrupti sunt, nemo facit bonum, ne unus quidem.* Hinc à nonnullis totius humani generis depravatio colligitur; quasi neque temporum, neque locorum rationem ullam habuisset Psaltes. Non diffiteor gentem humanam universam, excepto uno ejus Redemptore, prolapsam esse & prolapsuram in peccatum. At Psaltes hæc non dicit; in humani generis concione, sed apud Judæos, in Chaldæa exsultantes; loquiturque de iis qui injusto jugo Gentem suam premebant, nimirum, de Chaldæis; ut sequentia manifestò ostendunt, quod aliquando ad eum locum demonstrabimus. Nec certè ita quisquam loquatur, de quavis ætate, sine maxima hyperbole.

15. Esaias Cap. LXIV, 6. *Omnes, inquit, fui-*

*fuimus instar immundi, & omnia nostra iusta facinora instar vestis sordidæ, aut menstruatæ, ut habet Hieronymus. Hinc quidem colligunt ipsa piorum omnium κατεσθµατα esse peccato inquinatissima; cùm Elías tantummodò de Judæis sui ævi loquatur, qui iusta facinora tortasse scelera vocabant. Nam licèt primâ personâ utatur, liquet eum non nomine suo, sed maximæ partis Gentis Hebrææ, loqui.*

16. Paulus 2 Cor. III, 5. ita loquitur de eo quod antea dixerat, de Apostolatu suo: *Fiduciam autem huiusmodi habemus, per Christum, apud Deum; non quòd idonei simus per nos ipsos, ad cogitandum quidquam velut ex nobis ipsis; sed quòd idonei sumus id ex Deo est, qui etiam fecit, ut idonei essemus ministri novi Testamenti.* Manifestum est Paulum dicere se non potuisse per se fieri Apostolum, sine revelatione & donis cœlestibus, quæ prædicationi suæ pondus adderent. Hoc Chrysostomus, hoc Oecumenius & Theophylactus, in hunc locum, animadverterunt, & res ipsa clamat. At nullâ ratione habitâ seriei orationis loci, in quo hæc verba exstant, universale axioma hinc colligitur; quo significant nonnulli Theologi, post Adami peccatum, neminem hominem ullam cogitationem rectam animo versasse; nisi ope inusitatæ Gratiae, quam Deus, præter ordinem Naturæ, nonnullis largitur. Quod dogma, ut verum statuatur, certè ex his verbis Pauli probari nequit, quæ dicuntur relatè ad Apostolatam, cui idoneus à Deo factus erat, non à se.

17. Sexcenta possent proferri talia, quæ cùm *relatè* intelligantur, divulgata ab orationis contextu urgentur, quasi *absolutè* intelligenda. Veteres Patres regularum Criticarum aut imperiti, aut negligentes, passim ita Scripturam laudant, habueruntque multos postea sequaces; ea, opinor, de causa, quod multò facilius sit ejusmodi axiomata excerpere, quàm omnes omnium locorum circumstantias diligenter adtendere, antequàm ex iis quidquam probare adgrediamur. Sciunt me verum dicere, quicumque Veteres *Tractatores*, ut loquebantur, non prorsus oscitanter legerunt.

18. Hic etiam advertendum est, innumeras ubique occurrere loquutiones, quas, ut rectæ sint, satis est *κατά τι*, hoc est, *relatè* ad quamdam significationem esse veras. Igitur nisi Scriptoris scopus, & doctrina aliunde nota postulent phrasin, pro tota nativæ significationis amplitudine, urgeri; non faciliè ii sunt erroris incusandi, qui *ex iis* dumtaxat aliquam, pro rei quæ agitur natura, urgendam censent. Non omnis sermo, ut jam diximus, est Geometricus; satis habent plerique, si nihil dixerint quod non sit aliquo sensu verum. Huc faciunt quæ diximus, superioris Sectionis Cap. V. §. 5. & seqq. ubi egimus de tralaticiis vocibus & loquutionibus non nimium urgendis; ut necesse non sit nova nos huc exempla congerere.

19. In omnium Scriptorum interpretatione, pluries in hæc regulas est peccatum; at  
cùm



cùm nullum esse oporteret librum ; ad cujus interpretationem adhiberetur par *aristotelicus* *regimen*, ac ad explanandos Libros Sacros ; nescio quì factum sit , ut in his illustrandis certissimi quique Criticorum canones conculcarentur. Ex qua re innumeræ *magnum* *magnum* *magnum* natæ sunt , easque sequuta numerosissima errorum & controversiarum propago. Eruditos & veri amantes viros decet hisce malis remedium quærere , & laboranti Christianismo sedulò atque animosè medicinam facere.

## C A P U T V.

### *De rerum Concretarum & Abstractarum nominibus.*

1. QUÆNAM *Concretæ* & *Abstractæ* notionnes dicantur , non opus est ut doceamus ; nam præterquàm quòd res vulgò nota est , de ea egimus *Logicæ* nostræ P. I. C. 6. Haud magis necesse est de nominibus Concretarum notionum nos agere , cùm huc pertineat quidquid antea de nominibus Substantiarum diximus. Sed sunt , de nominibus Abstractarum notionum , nonnulla observatu digna.

2. Nomina notionum Abstractarum ferè sunt substantiva , formata ex adjectivis. Sic à *divinus* fit *divinitas* , ab *humanus* *humanitas* , à *pius* *pietas* , à *sanctus* *sanctitas* , &c. Nomi-

na enim hæc sunt Abstractarum notionum, cum in se spectantur; notione *subjectorum*, quibus inhæreant, nullâ admistâ. Usqueadè usitata sunt ejusmodi vocabula, ut vix ulla frequentius, in omni sermonis genere, celebrentur.

3. Hinc factum ut antiquissimi Græcorum Poetæ, cum sæpissimè viderent adhiberi nomina Abstracta, nec aliter aliquando homines loqui, ac si credidissent esse Naturas quasdam, quæ seorsim essent, quæ iis nominibus designarentur; occasionem adripuerint earum notionum in personas mutandarum. *Hesiodus* in *Theogonia*, vers. 120. inter antiquissimos Deos, proximè post Chaos & Terram, memorat *Amorem*.

Ἡδὲ Ἔρῳ ὁς κάλλιστος ἐν ἀθανάτοις θεοῖσι.

*Et amor qui pulcherrimus est inter immortales Deos, &c.*

Sic & *Aristophanes*, in \* *Avibus*, facit *Amorem* patrem *Deorum*.

Πρότερος δ' ἐκ τῆς γένεως ἀθανάτων, πρὶν  
ἔχειν συνίμixin ἅπαντα.

*Prius non erat genus immortalium, quàm Amor omnia misceisset. Indidem prognatæ sunt* Θίμης, *Justitia*, Μνημόνιον, *Memoria*, Ἴμψ, *Cupido*, Θάνατος, *Mors*, Μήρ, *Fa-*

\* P. 574. Ed. Gen. Am. Porti.

*Fatum*, κῆρ, *Parca*, & alia idgenus Numina, quæ in sequentibus memorat *Hesiodus*. Postea ad imitationem ejus Poëtæ & aliorum, non rarò, apud Ethnicos, nomina notionum Abstractarum facta sunt nomina Deorum. Exempli sat multa congeffimus, quamvis in aliam rem, superioris Sectionis Cap. VIII.

4. Sic, cùm antiquissimi Philosophi agerent de *Ideis*, quo nomine significabant, ut videtur, Abstractas omnium rerum notions, \* quæ divino intellectui obversabantur, antequàm quidquam crearet; ita interdum loquebantur, quati ejusmodi notionēs naturæ quædam seorsim existentes fuissent. Quo factum ut *Plato*, aliisque eum sequuti *Ideas* existimarent esse, ex eorum sententia, substantias quasdam.

5. Mentem quidem *Platoniorum* ita expressit *Cicero*, in † *Oratore*: *Phidias cum faceret Jovis formam, aut Minervæ, non contemplabatur aliquem è quo similitudinem duceret; sed ipsius in mente insidebat species pulchritudinis* (ἰδέα τῆ καλλυς) *eximia quædam, quam intuens, in eaque defixus, ad illius similitudinem artem & manum dirigebat. Ut igitur in formis & figuris est aliquid perfectum & excellens, cujus ad cogitatam speciem imitando referuntur ea, quæ sub oculos ipsa cadunt: sic perfectæ eloquentiæ speciem animo videmus, effigiem auribus quarimus. Has rerum formas*

Dd 3

ad-

\* Vide *Epicharmum* ap. *Diogenem Laërt.* Lib. II. §. 14. & 15. & *Platonem* in *Phædro* p. 346. & *Timæo* p. 526. Ed. Gen. *Favini* & *Philonem* περὶ κοσμοποιίας. † *Capp.* 2. 3.

adpellat IDEAS ille non intelligendi solum, sed etiam dicendi gravissimus auctor & magister, Plato; easque gigni negat & ait semper esse, ac ratione & intelligentiâ contineri. Debuisset tamen addere Cicero eas ideas perpetuò Dei intellectui obversari, & ad earum exemplar omnia fuisse à Deo formata. Similiter Plutarchus, in \* Quæstionibus Platoniceis, ait Platonem παραδείγματα καὶ ἰδέας, τὰ νοητὰ καὶ αἰσθητῶν, ὥσπερ εἰκότων, ἢ ἱμφάσεων ὑποτιθεσθαι: intelligibilia esse sensilium exemplaria & ideas, quasi imaginum, aut expressionum.

6. At quia contendebant δημιουργὸν sive creatorem mundi ad idearum exemplar omnia formasse, hasque esse essentias omnium rerum, quæ, ut etiamnum sentiunt Philosophorum scholæ, sint æternæ & immutabiles; Substantias esse, à Deo sejunctas, voluerunt. Quod confutare adgreditur Aristoteles Metaphys. Lib. XII. c. 5. ubi vult eos, qui defendunt ideas, πωρολογεῖν καὶ μεταφορὰς λίγην ποιητικὰς, inania loqui, & figuras poeticas proferre. Rationibus autem variis eas oppugnat, & inter alia hæc habet: δὲξιν αἰ ἀδύνατον χωρὶς εἶναι τὴν οὐσίαν, καὶ ὃ ἡ οὐσία, ὥς τε πῶς αἰ αἱ ἰδέαι τῶν πραγμάτων εἶναι χωρὶς αὐτῶν: videatur etiam fieri non posse, ut seorsim sit essentia & id cuius est essentia. Igitur quomodo ideae, quæ sunt essentiae rerum, seorsim essent? Sed & alii ita intellexerunt Platonem.

Plu-

\* P. 1007,

*Plutarchus*, de placitis Philosophorum Lib. I. c. 3. de Principiis : Σωκράτης Σωφρονίσκου Ἀθηναίου, καὶ Πλάτων Ἀριστωνος Ἀθηναίου. αἱ γὰρ περὶ πάντων ἑκατέρωθεν δέχαι. τρεῖς ἀρχαί, τὸν Θεόν, τὴν ὕλην, τὴν ἰδίαν (λέγουσι.) Ἐστὶ δὲ Θεὸς ὁ ἑὺς, ὃς ὁ τὸ ὑποκείμενον πρῶτον γένεσι καὶ φθορᾷ, ἰδέα δὲ ἑστὶ ἀσώματος ἐν τοῖς νοήμασι καὶ ταῖς φαντασίαις τῷ Θεῷ. *Socrates Sophronisci F. Atheniensis, Plato Aristonis F. Atheniensis (eadem enim utriusque sunt de Universo sententia) tria principia, Deum, Materiam & Ideas esse dicunt. Est autem Deus mens, materia vero subjectum primum generationis & corruptionis, idea denique essentia incorporea in intellectiōibus & imaginationibus Dei.* Capite verò X. ubi de Ideis : Ἰδέα, inquit ex *Platonis* sententia, ἐστὶν ἑστὶ ἀσώματος, αὐτὴ μὲν ὑφιστάσα καθ' αὐτὴν, ἐκκοιζούσα δὲ τὰς ἀμόρφους ὕλας, καθ' αἰτία γινομένη τῶν τούτων διαίξεως. Σωκράτης καὶ Πλάτων χαριστὰς τῆς ὕλης ἑστίας τὰς ἰδίας ὑπολαμβάνειν, ἐν τῇς νοήμασι καὶ ἐν ταῖς φαντασίαις τῷ Θεῷ, τέτις τῇ ὕλῃ, ὑφιστάσας : *Idea est essentia incorporea, per se ipsa subsistens, informans materias formā destitutas, & causa cur hæc adpareant. Socrates & Plato sejunctas à materia essentias statuunt, in intellectiōibus, & imaginationibus Dei, hoc est, mentis subsistentes.* Vide & quæ hanc in rem habet *Dionysius Petavius*, Dogm. Theol. T. I. Lib. iv. c. 9. & quæ diximus *Epist. viii. Tomi 3. hujus Artis Criticæ.*

7. *Platonici* tamen recentiores queruntur *Platonis* mentem in alienum sensum torque-

ri, contenduntque \* aliud nihil Magistrum voluisse, nisi Deum apud se intellexisse quid esset facturus, antequam facere adgrederetur id quod creavit. Si hæc ejus fuit sententia, nec ipse, nec ejus discipuli adfectatæ obscuritatis, in rebus magni momenti excusari possunt. Ex hujusmodi etiam sermone factum, ut *Ideæ*, aut notiones Abstractæ tractu temporis in personas mutatæ sint, etiam apud alias Sectas. Dum res vulgò notas exprimunt vocibus & loquutionibus planè insolitis, aut etiam somnia mera oraculorum ritu profundunt, incautos Lectores fallunt; ceteris bilem, aut risum movent.

8. Hoc tamen fatendum, etiam in aliis rebus, usu receptum esse, ut res ipsæ abstractè spectatæ, à rebus ipsis quæ reverà sunt, veluti distinguantur in sermone. Passim dicimus *essentias*, aut *naturas rerum*, nec aliter nos loqui patitur usus; attamen fallacia sunt ejusmodi loquendi genera, quia *naturæ*, aut *essentiæ rerum* sunt *res ipsæ*; ita ut *naturam rei* dicere perinde ferè sit, ac si dixeris *rem rei*; si sensum, potius quàm sonum verborum, attendas. Scio Metaphysicos solere dicere hæc inter se distingui *ratione*; sed est perinde ac si dixeris non distingui, nisi *relatione* quadam, quam fingit animus distinguentis, sed quæ nullam rei mutationem adfert, aut diversitatem statuit.

9. Abstractæ notionis nomina sunt *Fortuna*,  
*Sors*,

\* Proclus Comment. I. in Parmenidem.

*Sors*, *Meipa*, attamen vulgò quasi persona quædam habebatur, cum ei vota nuncuparentur, & sacra fierent. Unde verò hoc ortum? Nimirum, Poëtæ & Philosophi ita de ea loquebantur, quasi de persona quadam, ut passim videre est. Exempla peti poterunt ex iis, quæ adtulimus superioris Sectionis Cap. IX.

10. Ex hujusmodi loquutione, quâ res veluti à se ipsa, mutatione nominis, distinguitur, natus est jocularis error viri alioqui doctissimi, & multæ lectionis, *Gasp. Barthii*, qui in *Animadversionibus in Rutilii Numantiani Itinerarium*, vers. 328. *Numen Junonis* distinxit ab ipsa *Junone*. Totum locum adscribere non pigebit, & particulatim ad examen revocare. „Diis etiam ipsis, inquit, „peculiaribus *Numina* & *Genios* quosdam adscripsisse Idololatrias, de eorum libris, etsi „vulgò non cognitum, disci tamen potest. „Sic in priscis Inscriptionibus, *Genius Plutonis* deprehenditur. Sic *Jovialem Genium* „legimus, apud *Arnobium* Lib. III. quem „ille mirificâ urbanitate, ut est talium doctissimus, *villicum Jovis* adpellat. Sic de „aliis Diis, alii.

11. I. Debuisset vir eruditus proferre Inscriptionem, in qua *Genius Plutonis* ab ipso distingueretur, quasi Numen quod colitur à Plutone oporteret, non quasi Genius à Plutone missus; neque enim hoc illi facile adcredimus, qui in sequentibus locis usque admodum hallucinatus est. Est inscriptio, in *Gruteriana collectione*, p. MLXXIII, 8. ubi est GE-

NIO PLUT. S. ubi tam *Plutonio* quàm *Plutonis* legere possimus. II. *Genius Jovialis* non est, apud *Arnobium*, Numen quod Jovi esset Genii loco, sed nomen Laris domestici ideò sic dicti, quòd à Jove datus familiæ crederetur. *Arnobius*, sub finem Lib. III. memorat sententias Theologorum Ethnicorum de Penatibus, atque inter alia hæc habet. *Idem* (Nigidius) in *Libro sexto exponit* & *decimo, disciplinas Etruscas sequens*, genera esse *Penatum quatuor*, & esse *Jovis ex his alios*, alios *Neptuni*, *inferorum tertios*, *mortalium hominum quartos*, inexplicabile nescio quid dicens. Hinc liquet *Genium Joviale* posse dici *Genium* à Jove progenitum, aut missum, qui enim alii sunt *Genii Jovis*, quàm à Jove aut orti, aut venientes? Ita verò pergit *Arnobius*: *Cæsius* & ipse adsequens *Fortunam arbitratur*, & *Cererem*, *Genium Joviale*, ac *Palem*, sed non illam sœminam, quam vulgaritas accipit, sed masculini nescio quem generis, *ministerium Jovis*, ac *villicum*. Hic *Pales*, non *Genius Jovialis*, dicitur *Jovis villicus*.

12. „ Numina autem, ait *Barthius*, Diis „ quædam singularia, & ab reliqua eorum „ essentia velut separata, adscripta nos nunc „ demonstrabimus. Sic non de se, sed de „ suo *Numine*, loquitur *Juno*, in *Æneide* „ septima :

„ — Quòd si mea Numina non sunt  
 „ Magna satis, dubitem haud equidem implorare quod usquam est.

„ *Apz-*



„ *Apuleius* Lib. VI. de Venere : totum per  
 „ orbem anxiam disquisitione tuum vestigium su-  
 „ rens animi requirit , teque ad extremum  
 „ supplicium expetit , & totis Numinis sui vi-  
 „ ribus ultionem flagitat. Ut sit Numen quæ-  
 „ dam veluti anima Deorum illorum. Eo-  
 „ dem libro , idem Scriptor : ad istum mo-  
 „ dum supplicanti , statim sese Juno , cum to-  
 „ tius Numinis sui augusta dignitate , presen-  
 „ tat. Hinc eruditè inter Deos , & Numina  
 „ eorum , distinctionem facit *Arnobius* Lib.  
 „ VII in *Protopopœia* bovis ad Jovem : Num-  
 „ quid aliquando tuos ludos minus sanctè , di-  
 „ ligenterque perfeci ? Numquid aliquem præ-  
 „ sulem , tuum Numen qui offenderit , aut te  
 „ traduxi ? Aut te , aut Numen tuum.

13. At , mi *Barthi* , Numina Junonis sunt  
 ipsa Juno , Numen Veneris ipsa Venus ; quem-  
 admodum natura aëris est ipse aër , quamvis  
 distingui verbis videatur. Talia innumera  
 sunt , in omnibus Linguis , ubi res , per ab-  
 stractionem spectata , à se ipsa veluti distingui-  
 tur. Sic manifestò intelligendi *Virgilius* &  
*Apuleius*. *Arnobii* pravam editionem sequu-  
 tus es , sic enim \* in melioribus leguntur ejus  
 verba : numquid aliquem præsulem , tuum nu-  
 men qui offenderet , ante traduxi ? Sig. *Gele-  
 ninus* , vir eruditus , sed infelix Criticus , hunc  
 locum corruerat , quia non intelligebat ; at  
 tuum erat , *Barthi* , ei non credere.

14. Pergis tamen , & , „ Dii ipsi , inquis ,  
 „ suis aliquando Numinibus aras instituerunt.  
 „ *Solinus* Cap. II. suo quoque Numini idem  
 Her-

\* P. 272. *Heraldina* Editionis *Parisiensis* an. 1605.

„ *Hercules instituit aram, quæ maxima, apud*  
 „ *Pontifices, habetur.* Locus est Capite I.  
 nec procul ab initio, sed suo Numini idem est  
 ac sibi. Sic de Caligula Suetonius Cap. XXI.  
 paria faciente; *Templum etiam Numini suo*  
*proprium*, inquit, & *Sacerdotes*, & *excogi-*  
*tatissimas victimas instituit.* Cetera non sunt  
 digna, quæ pluribus confutentur.

15. Cavendum est igitur ne, quia Abstra-  
 ctæ notiones nominibus substantivis exprimun-  
 tur, & interdum de iis ita loquimur, quasi  
 seorsim essent à rebus, à quibus sunt animo  
 sejunctæ, eas putemus esse aliquid à rebus il-  
 lis diversum. Nec ea cautio inutilis debet  
 censerī, quòd nemo peccet in ejusmodi re-  
 bus. Adlata enim exempla sæpe in iis pecca-  
 tum ostendunt, quibus alia etiam multa pos-  
 semus addere, & copiosius, prout digna for-  
 tè essent, explanare; at brevitati studentes  
 aliquot indicabimus paucis, & explicabimus.  
 Nomina notionum Abstractarum sunt *Pa-*  
*tria*, *Senatus*, *Synodus*, *Ecclesia* & similia;  
 quando distinguuntur ab ipsis hominibus, qui-  
 bus constantur *Patria*, *Senatus*, *Synodus*,  
*Ecclesia*, ut sæpe fit in omnibus Scriptoribus.  
 Sumus autem usque aded illis nominibus ad-  
 sucti, ut videamur nescio quas Naturas, cum  
 ea vocabula proferuntur, distinctas ab homi-  
 nibus, animo intueri.

16. *Mori pro patria* pulcrum erat, quia eā  
 voce intelligebant nescio quid, quod sanctum  
 habere, & revereri decebat. Sed re ipsā quid  
 erat patria Atheniensi, exempli causā, aut  
 Romano? Si solum intelligas, Italia, & At-  
 ti-

tica ; pro quibus cur pulcrum sit mori , nulla ratio est , potiusquàm pro Africa , aut pro Asia. Non magis enim ad te pertinet gleba , in qua natus sis , quàm alia quævis in qua commodè vitam degere queas ; stultumque adedè est mori pro agello in occasum , aut in septemtriones spectante , potiusquàm vivas in alio , qui magis ad orientem solem , aut ad meridiem verget. Si homines malis , quæ fuerunt Respublicæ Atheniensis & Romana , præter societates latronum , si eas probè introspiciamus ? Itaque qui pro iis moriebatur , latro erat , qui pro latronum globo vilem animam profundeabat. At notio Abstracta , cui detracta sunt quæcumque offendere possent , nescio quid amabile & reverendum animo offerebat. Huc facit *Lactantii* locus insignis ex *Inst. Divin. Lib. VI. c. 6.* *Sublatâ hominum concordia , Virtus nihil est omnino. Quæ sunt enim patriæ commoda , nisi alterius civitatis aut gentis incommoda ? id est , fines propagare , aliis violenter ejectis , augere imperium , vectigalia facere majora. Quæ omnia non utique Virtutes , sed Virtutum sunt eversiones. In primis enim tollitur humanæ societatis conjunctio , tollitur alieni abstinentia , tollitur denique ipsa Justitia ; quæ dissidium generis humani ferre non potest & ubicumque arma fulserint , hinc eam fugari & exterminari necesse est. Verum est enim Ciceronis illud :* \* Qui autem civium rationem dicunt habendam , externorum negant , dirimunt hi communem humani generis societatem ; quâ sub-

la-

\* *Officior. Lib. III. c. 6.*

latâ, beneficentia, liberalitas, bonitas, justitia funditus tollitur. *Nam quomodo potest justus esse, qui nocet, qui odit, qui spoliât, qui occidit? Quæ omnia faciunt, qui patriæ prodesse nituntur.*

17. Si civem Romanum audiamus dicentem \* *Senatum, esse principem salutis, mentisque publicæ; † summum Populi Romani; populorumque & gentium omnium ac Regum concilium, ‡ orbi terrarum præsidens*; quis non, ex ejusmodi descriptione, magnificè de Senatu Romano judicet? Quis non credat Senatores Semi-deos fuisse æthereis sedibus delapsos, ut fessis humanæ gentis rebus subvenirent, pacemque & otium, unâ cum justitia, per omnes terras confirmarent, ac bonis ubique contra improbos auxilio essent? At si Censores sedeamus, atque, ad eam animo conceptam notionem, Senatum legere velimus; vix unum atque alterum Senatorem reperiemus, in quem magnifica illa notio quadret. Homines sunt aut ambitione occæcati, aut libidinosi, aut avari; aut tribus illis vitiis simul laborantes; aut ignavi, aut timidi, aut imprudentes, aut iniqui, aut superbi; uno verbo pænè totus Senatus nequissimorum hominum cœtus. Verùm à re ipsâ, nomine Abstractæ notionis prolato, avertitur animus, convertiturque ad imaginem inanem, inter Ideas Platonicas volitantem, quam stultè miratur.

18. Si aurem præbeamus viris; quorum alio-

\* Cicero de Har. Resp. c. 27. † pro Demo. c. 28.

‡ 2 Philip. c. 7.

alloquin auctoritatem spernere nequaquam possumus, de *Synodis* veteribus loquentibus, nobis magnificā oratione describent *ἀγίας καὶ οἰκουμενικὰς συνόδους* *διοφύρων πατρίων, συναθροισθείσας ἐπὶ τῆς βασιλείας τῆ μεγάλης βασιλείας, καὶ ἱσαποστόλων*: *sanctos & œcumenicos cœtus adflatorum divinitus patrum, congregatos in regno magni Regis, & Apostolis æquiparandi*. Quis, auditis his & similibus verbis, religioso quodam horrore & corpore & animo non contremiscat, ac paratus non sit oracula ejusmodi cœtus avidis auribus excipere, haud aliter ac si cœlo ipso emitterentur? Verùm hæc est (quis crederet?) Abstracta notio Synodorum, quæ in inconspicua Idearum Republica coguntur; non imago earum, quæ inter miseros mortales olim congregatæ fuere. Reges ignari, (non legent hæc Mohammedani, nec Ethnici, sed ii quorum scire interest, quo fiet ut verum apertè proloquar) Reges, inquam, ignari nec inter bonos principes numerandi, convocarunt Græculos, qui linguæ acuendæ per totam vitam operam dederant, rerum ipsarum ignaros, contendendi studiosos, perpetuis rixis inter se divisos; & bardos aliquot homines ex occidente, rudiores quidem illos, sed non meliores; isque post pudendas contentiones, obscurissima quædam dogmata, verbis sæpe parum aptis, auctoritate suâ firman; quæ stûpidi populi sine examine adorent, quasi divinitus accepta. Non ficta me loqui norunt quæ Synodorum histo-

rias

rias legerunt ; nec certè vanus erat \* qui dixit :

Οὐδέ τί περ συνδιδασκῶν ὁμῶς ἐσομε' ἔγωγε ,

Χρητὼν ἢ γυράτων ἄκριτα μαρτυμένων.

Ἐνθ' ἔρις, ἔνθα μέθ' τι καὶ αἰσχία κρυπλὰ πά-  
ροιθεν ,

Εἰς ἓνα δυσμνίων χῶρος ἀγνρίμυνα.

*Numquam ego sedebo in Synodis anserum aut gruum, temerè pugnantium. Illic contentio, illic rixa, & probra antea latentia sævorum hominum in unum locum collecta.*

19. Vísne aliam notionem Abstractam? Lege quæ de *Ecclesia representativa*, ut solet vocari, à plurimis olim & nuper scripta sunt; illà nihil sanctius, nihil doctius, nihil amantius veri excogitari potest. Sed cave ne Abstractæ notioni similem ullam in rerum natura quæras, nisi frustra esse velis. Si rem in qua reperiri oporteret, quod tantis laudibus ornatur, inspicias; delabêris fortè ad opinionem *Gasp. Scioppii*, insignis Grammatici, qui *Ecclesiam representativam* definiebat *mandram, sive gregem, aut multitudinem jumentorum, sive asinorum*; & benignè atque amicè loquutum esse judicabis, quodd ferarum non dixerit. Nec aliter de iis sensit *Jos. Scaliger*, cujus est hoc insigne judicium, in *Scaligeranis*; *Christianis Orientalibus Græcis, Syris, hodie*

\* *Gregorius Nazianz. Carm. X. cujus vide etiam Ep. LV, LXV, LXXI, LXXII, & LXXIV.*

*hodie nihil pejus; & olim Episcopi Græci fuerunt nequissimi & superbissimi. Eorum Concilia fuerunt merae conspirationes. Latina Ecclesia longè honestiùs se gessit, quamvis intus multa & clam pessimè fecerint.*

20. Sed vereor ne à Criticis investigationibus ad graviora sensum deflectere videar. Itaque hic gradum sisto, Lectorémque, monitum ne notionibus Abstractis facillè credat, dimitto. Hæ nobis res, non quales sunt, sed quales esse deberent describunt; neque sine stultitia, statuere possumus res ita se habere, ut eas animo fingimus, quia ejusmodi esse par esset.

---

## C A P U T VI.

### *De Notionum Singularium, Particularium & Universalium nominibus.*

1. **A**NTE omnia, Lectori nostro notum esse statuimus quod docent Dialectici, de Enunciationibus *Singularibus, Particularibus, & Universalibus*; alioquin esset repetendum quod de iis in *Logica* diximus. Quamvis autem tria genera sint Enunciationum, prout *Subjectum* est Singulare, Particulare, aut Universale, Logici de Enunciationibus Singularibus eadem tradunt ac de Universalibus, eò quod perinde sit, quæcumque sit amplitudo *subjecti*, modò universum intelligatur. At Critici necesse habent de nomini-

bus trium harum notionum seorsim agere, quia non habent eadem de omnibus monenda.

2. *Singularium* notionum nomina sunt, quæ res singulares significant, ut Socrates, Alexander, &c. At in significatione horum nominum, aliquando magna est difficultas, cum ea nomina notiones compositas significant. Idem enim nomen nunc complectitur quidquid est in re quam significat, nunc partem dumtaxat, nec semper eandem. Exempli causâ, ubi sermo est de homine quopiam, triplici illo sensu nomen ejus sumitur. Dicimus *Socratem* primum Athenienses docuisse verè philosophari; qua in loquutione intelligimus integrum Socratem, animo & corpore constantem. At dicimus *Socratem* esse mortuum, ad corpus, nimirum, quod adtinet; quem, si de ejus animo cogitemus, negamus esse mortuum, immortalémque esse contendimus; quemadmodum ipse de se loquebatur morti proximus. Cum enim \* Crito eum rogasset, quâ vellet sepeliri: ἔπειθ' ὁ Κρίτων ἀς ἰγὼ εἶμι ἐτὶ ὁ Σωκράτης ὁ νυνὶ διαλεγόμενος, καὶ διατάττει ἕκαστα τῶν λεγομένων, ἀλλ' οἶσται μὲ ἐκείνον εἶναι ὃ ὄψεται ἕλκον ὕστερον πρὶν: non persuadeo, inquit, Critoni me esse hunc Socratem, qui nunc disputo, & singula dicta dispono; sed opinatur me illud esse, quod paullo post videbit, cada-ver. Itaque Crito rogare debuisset, ex sententia Socratis: θάπτοιμεν δὲ τίνα τρέποι τό σῶ

\* In Phædono p. 401. Ed. Gen. Ficini.



*ἔπος*; quomodo sepeliemus cadaver tuum? nam Socratem volebat ille animum suum vocari, at vulgus aliter loquebatur.

3. Quam in rem, hoc quoque observandum, si velimus ejusmodi loquutiones, cum apud Veteres occurrunt, intelligere, sciendum esse quæ sit eorum de immortalitate animi sententia. Si enim Platonius dicat *mortuum esse Socratem*, de corpore, ejusque conjunctione cum animo loquetur, atque ita intelligi se volet. Si verò Epicureus eadem loquutione utatur, integrum hominem intelliget. Quod monitum ad omnia pertinet, quæ pluribus partibus constant, & de quibus non consentiunt homines.

4. I. Enunciationes *particulares*, vel nomina notionum particularium, eadem ferè de ratione, sunt obscura. Nam *quidam*, *aliqui*, *plurimi*, *multi*, & similia, quæ indicia haberi solent hujusmodi notionum, hoc unum certò significant, id quod dicitur non posse omnibus tribui, de quibus sermo est; at de quibus & de quanto numero dicatur, nullo modo docent. Si dicam, exempli causâ: *multi Ethnicorum olim intellexerunt Religionem populorum, inter quos nati, educatique fuerant, falsas fuisse*; propterea nemo intelliget quos Ethnicorum designare velim, nec sciet quantum esse putem ita sentientium numerum.

5. II. Vox *multus*, aliæque id genus, quæ non certum numerum significant, cum per se obscuræ sunt, quia nescimus quibus limitibus contineantur notiones quas significant;

E c a

tunt

tum etiam quia sunt *relative*, & relationem signant plerumque ignotam. Hoc inde liquet, quòd de una eadèmq; re possint contrariæ voces adhiberi. Exempli causâ, dixi *multos Ethnicorum scivisse Religiones suas patrias fuisse falsas*; nunc verò dicam, *paucos Ethnicorum intellexisse Religionum suarum errores*, neque hæc Enunciatio minùs vera habebitur. Nempe, *paucos* eos dico, cùm eos confero cum ingenti multitudine eorum, qui cæco errore abducti Religiones illas verissimas esse crediderunt; *multos* verò, si comparentur cum pauculis, quales essent aliquot decades.

6. Passim autem ejusmodi Propositiones particulares occurrunt, quas adcuratè intelligere non licet; quia quas & quot particulares notiones complectantur, scire non possumus. His etiam ita adfecti sumus, ut libenter in obscura illa notione adquiescamus, nec quidquam ultra quæramus; quamvis interdum quærendo adcuratiùs rem cognoscere possemus. Quod idèd fieri videtur, quòd plerumque numerorum, qui vocibus *pauci* & *multi* designantur, proportionem rescire non liceat. Vide, si vacat, quæ scripsimus ad Gen. XXXVII, 12. Idem dicetur de vocibus *major* & *minor*, quæ invicem referuntur, & quæ incertissimæ sunt significationis; quia plerumque nescimus, quantò pars quæpiam dicatur major, aut minor; nec quantus sit numerus partium, quæ inter se conferuntur. In Tit. de Verborum significatione §. 156. hæc leguntur: *majori parte anni possedisse quis in-*  
tel-

telligitur, etiam si duobus mensibus possederit ; si modò adversarius ejus, aut paucioribus diebus, aut nullis possederit. Nimirum, major pars non refertur ad reliquas anni partes, sed ad tempus, quo possedit adversarius ; quod nemo possit ex iis verbis divinare, nisi rem aliunde norit.

7. III. Verùm major etiam nascitur obscuritas ex Enunciationibus, in quibus vox *multi* non modò obscuritate quam diximus laborat, sed & novâ ambiguitate, nam videtur sumi *ἀντὶ τῶν* omnes. Exempli causâ, ita loquitur Christus Matth. XXVI, 28. *Hic est sanguis meus Novi Testamenti, qui pro multis effundetur, in remissione peccatorum.* Qui nolunt Christam mortuum esse pro omnibus hominibus, verba *ἀντὶ πολλῶν* urgent, quæ non possunt concoquere explicari hisce, *ἀντὶ πάντων*. At alii observant eundem, qui sanguinem suum effudit *pro omnibus*, rectè dici sanguinem effudisse *pro multis*, quia omnes complectuntur multos ; atque in hoc quidem loco, H. Grotius intelligit eos cùm ex Judæis, tum ex Gentibus, qui pæderis conditiones amplectuntur. Crediderim potius multos dici, ut opponatur multitudo ingens totius humani generis, paucitati Judæorum. Verùm hoc, non ex hoc loco, sed ex aliis colligendum est.

8. Ac sanè videmus aliquando omnes & multos promiscuè sumi, sed posterius adhiberi, quando respicitur paucitas, prius in absoluta loquutione : *Igitur*. ait Paulus, Rom.

V, 18. *sicut per unius delictum, venit peccatum in OMNES (ὡς ΠΑΝΤΑΣ) in condemnationem: sic & per unius iustitiam, iustitia venit in OMNES (ὡς ΠΑΝΤΑΣ) homines, in justificationem vitæ. Sicut enim per inobedientiam unius hominis, peccatores constituti sunt MULTI (ΠΟΛΛΟΙ) ita & per unius obedientiam, iusti constituentur MULTI, ΠΟΛΛΟΙ. Manifestum est multos & omnes, hoc in loco, ex παραλλήλῳ poni, quasi idem significantia. Similia in Græcorum sermone animadverterat Aristoteles, cujus hæc sunt verba, in Lib. de Poëtica Cap. XXV. τὸ πάντις ἀπὸ τῆ πολλοῖ, κατὰ μεταφορὰν εἰρηται, τὸ γὰρ πᾶν πολὺ τι; omnes pro multi per metaphoram dici queat, nam omne complectitur multitudinem.*

9 Hinc intelligere possumus inania esse varia, quæ Interpretes nonnulli, cum Judæi, tum Christiani, colligunt ex Dan. XII, 2, nisi aliunde comprobentur. MULTI (רבים rabbim) ex dormientibus in pulvere terræ, excitabuntur; hi ad vitam æternam, illi verò ad opprobria & contemptum æternum. Judæi, qui credebant bonos duntaxat resurrecturos, voce multi sententiam suam defendere conabantur. Dixerunt, ait R. David Kimchi ad Es. XXVI, 19. Magistri nostri quorum memoria sit benedicta, mortuorum resurrectionem esse iustorum, non impiorum; idque adparet ex hoc versu Esaie, ubi dicitur מְתֵיחָא mortui tui, scilicet, vivent. Similiter ex Da-

niē-

*nielis prophetia, qui dixit ורבים & multi; nempe, evigilabunt. At posito hîc de resurrectione, ex grammatico sensu, agi; vox multi opposita quidem est paucis, sed non omnibus. Eadem de ratione, frustra etiam sunt, \* qui hinc probari statuerunt, inter eos qui resurgent in vitam æternam, eosque qui excitabuntur ut pœnas dent, esse mediam quamdam conditionem; ideò tantùm quòd multi dicantur, non omnes.*

10. IV. Igitur diligenter distinguendæ sunt Enunciationes, quæ particulares videntur, ob nomen quod particularem notionem significare solet; ab iis, quæ verè & naturâ suâ sunt particulares. Sæpe enim, sub particularis notionis signo, latet notio universalis, ut ex adlatis exemplis satis liquet. Verùm sunt quoque particulares Enunciationes, sine ullo signo, ex quo de earum amplitudine judicare liceat. Exempli causâ, vitia frequentia in quapiam Gente ita ei tribuuntur ut, si verba sola spectemus, scire nequeamus qui & quot ex ea Gente incusentur. Dixit *Epimenides* de Cretensibus, quod dignatus est Paulus repetere, Tit. I, 12.

Κῆντις αὖτ' ὕμνηται, κακὰ δὴπὺν, γαστέρες ἀργαί.

*Cretenses semper mendaces, malæ belluæ, ventres pigri.* Si omnes planè Cretenses, sine exceptione, eâ indole fuissent, res posset etiam

E e 4

eo

\* Vide Rob. Bellarmin. de A. G. & S. P. Lib. VI. cap. 1. & 3.

eo modo exprimi. At in tota Gente, non est credibile ne unum quidem eorum vitiorum fuisse immunem. Itaque est particularis Enunciatio, quæ significabat *Epimenides* vitia illa frequentissima fuisse inter Cretenses, aut plerisque iis inquinatos. Talia multa possent proferri, qualia aliud agentes congeessimus superioris Sectionis Cap. VII. §. 6.

11. Ut ad notiones *universales* veniamus, in Enunciationibus universalibus probè conceptis nulla est, ad verba quod adinet, obscuritas; qui enim de omnibus rebus, de quibus loquitur, quidpiam adfirmat, sine exceptione ulla, si modò verbis utatur perspicuis, facillimè intelligitur; cùm exceptiones, ut vidimus, obscuritatem parere soleant. Ejusmodi sunt axiomata Geometrarum, quæ nullis planè exceptionibus laborant; ejusmodi hoc quoque est, *omnes homines esse mortales*, & similia.

12. Sed præter illas Enunciationes, aliæ sunt quæ, licèt universalibus prorsus verbis conceptæ sint; tamen universales non possunt dici, nisi certo sensu, & quæ Interpretibus negotium facessere solent. I. \* *Integrè loquimur*, ait Augustinus, *cùm de aliquo litterarum magistro, dicimus*: omnes iste hîc litteras docet; *non quia omnes discunt, sed quia nemo nisi ab illo discit, quicumque ibi litteras discit*. Igitur subaudiendum, *qui hîc litteras discunt*. Sic Psal. CXLV, 14 *Sustentat Deus omnes cadentes & erigit omnes incurvos*; nempe, qui ad ejus auxilium, ut par est, confugiunt.

13. Ubi

\* De Prædest. Sanct. c. VIII.

13. Ubi sermo est de re clara, facile videmus, quid Enunciationi desit, & in ea suppleri oporteat; at in re obscura, aut quæ in controversiam venit, rei obscuritas, aut Interpretum adfectus, magnas concertationes sæpe creat. Exempli gratia, postquam in partes itum est, inter Theologos, de Divinæ misericordiæ amplitudine, dum alii volunt Deum omnibus suppeditare quæ ad salutem consequendam necessaria sunt, paratūque esse omnibus ignoscere, si modò talentis cœlestibus rectè utantur; alii verò contendunt Deum nonnisi paucis velle ignoscere, quibus solis suppeditavit ea, sine quibus ad meliorem frugem nemo potest redire; postquam, inquam, ea de re disceptari cœpit, Enunciatio-  
num universalium sensus in controversiam quoque est vocatus.

14. Locus est vexatus à Theologis 1 Tim. II, 4. *Deus OMNES homines salvos fieri vult, & ad cognitionem veritatis venire*; de quo ita *Augustinus*, Enchir. ad Laurentium Cap. 103. *Cum audimus, inquit, & in sacris litteris legimus, quod Deus velit omnes homines salvos fieri, quamvis certum sit nobis non omnes homines salvos fieri, non tamen ideo debemus omnipotentissimæ Dei voluntati aliquid derogare; sed intelligere quod scriptum est, qui vult omnes homines salvos fieri; tamquam diceretur, nullum hominum fieri salvum, nisi quem ipse salvum fieri velit. Non quod nullus sit hominum, nisi quem salvum fieri velit; sed quod nullus fiat, nisi quem velit, & ideo sit rogandus, ut velit, quia necesse est fieri si*

*voluerit. De orando quippe Deo agebat Apostolus, ut hoc diceret. Sic enim intelligimus id, quod in Evangelio scriptum est: qui illuminavit omnem hominem; non quia nullus est hominum, qui non illuminetur; sed quia nisi ab illo, nullus illuminatur. Similia & alibi habet.*

15. Dubium certè non est, quin Enunciationes universales interdum ita intelligi debeant; sed circumstantiæ loci ostendunt, Propositionem Pauli planè esse universalem. Cùm enim Apostolus hortetur Christianos, ut pro *omnibus* hominibus precentur, & præsertim pro magistratibus, quia gratum hoc est Deo, qui *omnes homines vult salvos fieri*; necessariò hîc vox *omnes* eodem sensu sumi debet ac in superioribus, hoc est, prorsus universaliter. Absurda alioquin esset hæc ratiocinatio: orate Deum servari omnes omnino homines, nam quicumque servantur, illi non sine Deo servantur. Præterea certum est adfirmantem Pauli Propositionem posse in negantem converti, quæ sit ejusmodi: *Deus non vult ullos perire, sed omnes venire ad cognitionem veritatis*; nam hæc Enunciatio est Petri 2 Ep. III, 9. nisi quòd, pro cognitione veritatis, habet *pœnitentiam*. Negans autem Propositio non potest ita explicari, ut ab *Augustino* est explicata adfirmans. Itaque & apud Paulum debet esse Enunciatio, quæ sit prorsus universalis.

16. II. Sunt præterea Enunciationes universales, si verba adtendas, quæ ad rem ipsam quod adtinet, particulares sunt; quia,  
ni-



nimirum, hyperbolicæ cùm sint, pro parte totum dicere videntur. Exempla ejusmodi loquutionum adtulimus ad Genes. VI, 5. ubi vide à nobis dicta. Sed & nonnulla alia non abs re erit addere. Sic Joan. III, 32. *Testimonium ejus*, ait Christus de se, *nemo admisit*, hoc est, perpauci. Apostolus verò Philip. II, 21. *Omnes*, inquit, *querunt quæ suæ sunt, non quæ sunt Christi Jesu*, hoc est, plerique. Quò facit regula Juris: *Refertur ad universos quod publicè fit, per majorem partem.* De div. Regg. Juris §. CLX.

17. Similiter omnes homines, totùmque orbem vocant frequentissimè Scriptores Ethnici, Gentes aliquot vicinas, aut intra Imperii Romani fines degentes. Sic *Isocrates*, non procul ab initio Panegyrici: *ὁμολογῶνται*, inquit de Atheniensibus verba faciens, *τὴν πόλιν ἡμῶν πάντιν ἀνθρώποις εἶναι ὀνομασσομένην*: *in confesso est urbem nostram esse, apud omnes homines, celeberrimam.* Fragmentum Petronianum, de bello Civili:

*Orbem jam totum victor Romanus habebat.*

Vide Luc. II, 1. & ad eum locum Intt. Possent & ex Linguis hodiernis exempla adjici, nisi res manifesta esset.

18. III. Aliæ sunt Enunciationes universales, quæ potiùs omnia aut pleraque genera rerum, de quibus sermo est, quàm singulas significant. Sic Matth. IV, 23. Christus dicitur *sanasse omnem morbum & omnem languorem*

*guorem in populo* ; hoc est , omnis generis morbos. Ita Actor. X , 13. memoratur lin-  
teum cœlo demissum , *in quo erant omnia quadrupedia & serpentina terræ & volucra cœ-  
li* ; hoc est , omnis generis animalia. Sic & *Virgilius* :

\* *Nec verò terræ ferre omnes omnia pos-  
sunt ,*

Qualia innumera possent proferri.

19. Hinc *Theod. Beza* , ὑποτίθω δυνάμειν , ut solet , in versione suâ , ita transtulit locum Pauli 1 Tim. II , 1. *Adhortor ut fiant deprecationes pro* — quibusvis hominibus , *pro Regibus & quibusvis in eminentia constitutis* ; nam hoc — *acceptum est Deo , qui vult quosvis homines servari*. Debuisset eodem jure vertere 2 Pet. III , 3. *nolens quosvis homines perire , sed quoslibet ad pœnitentiam venire* : quod cùm fieri nequeat , nec illud factum oportuit. In hac ratione Critica hîc adquiescimus , nec ad Theologicas delabemur.

20. IV. Denique videntur esse loquutiones universales , quæ nonnisi cum exceptione sunt intelligendæ , quamvis non exprimatur. Sic Matth. XVII , 11. Christus aptat Joanni Baptistæ vaticinium Malachiæ , deque eo dicit , ἀποκαταστήσει πάντα , *omnia restitutum fuisse* ; quâ voce non intelligit quæcumque restitutione indigebant in humano genere , aut etiam apud Judæos , sed quæ pertinebant ad munus Joannis ; de quibus adeundi interpre-  
tes ,

I \* *Georg. Lib. III. vers. 110.*

tes, atque inter alios *Henr. Hammondus*, cum  
iis quæ adjecimus ejus Adnotationibus. 1. Joan.  
II, 20. ita adloquitur Christianos Apostolus :  
*vos unctionem habetis à Sancto, & nostis omnia*;  
quæ, nimirum, Christianos scire oportet,  
& præsertim quæ de Antichristis antea  
dixerat.

21. Ex hac observatione, intelligendus lo-  
cus Rom. XI. 36. *Ex ipso, per ipsum & in  
ipsum sunt omnia*; nempe, omnia dona, quæ  
huic aut illi pro arbitrio largitur, non quæ-  
cumque eveniunt; quis enim ausit dicere vi-  
tia, & scelera *ex Deo, per Deum, & in Deum  
esse*? Profectò nemo, qui non desipiat. Sic  
& Eph. I, 11. *Operatur*, inquit Paulus, *om-  
nia, secundum consilium voluntatis suæ*; &  
ejusdem Cap. vers. 23. *omnia in omnibus ad-  
implet*; hoc est, omnia quæ facere in negotio  
salutis Dei est; neque enim aut malum ope-  
ratur, aut credit loco nostro, aut judicat in  
nobis.

22. Hæc de Enunciationibus *Singularibus*,  
*Particularibus*, & *Universalibus* animadver-  
tenda habebamus, magni, nisi fallor, momen-  
ti, ad intelligenda ejusmodi notionum nomi-  
na; aut minimùm ad vitandos errores, qui  
ex perperam intellectis oriri solent. Ubi non  
licet fugientem veritatem adsequi, errorem  
certè vitare licet; quod tunc temporis loco  
inventæ veritatis nobis esse debet.

## CAPUT VII.

*De Notionum Clararum & Obscurarum nominibus.*

1. **D**UO ad hoc Caput pertinentia, cùm jam alibi sint à nobis pertractata, non necesse erit hîc repeti. *Logicæ* nostræ P. I. c. 9. egimus de notionibus *claris* & *obscuris*, eadêmque operâ ostendimus quæ sint clararum, quæ obscuriorum notionum nomina. Hujus verò *Criticæ* superiore Sectione, Cap. VIII, & IX. multa exempla congestimus vocum obscurarum, aut etiam nullam subjectam notionem habentium. Hinc possumus colligere clara esse nomina omnium simplicium notionum; earûmque ex compositis, quarum omnes partes enumerare possumus. Contrà verò obscura sunt nomina, quibus aut nulla est subjecta potestas, aut cujus singulas partes non possumus ordine recensere. De claris, nihil est quod hîc animadvertamus, ubi nec memorabimus, quæ *Dialecticus* de notionum obscuritate dicere posset; qui hoc in loco, non de rebus, sed de rerum nominibus agere instituimus. Verùm cùm maximi sit momenti, ut probè intelligantur Veteres, fecerere posse voces obscuræ significationis, ab iis quæ claras habent subjectas notiones, rem hîc novis exemplis illustrabimus, ex quibus liquebit maximas, excultissimas atque antiquissimas.

quissimas Gentes vocibus nonnullis frequentissimè esse usas; quarum obscurissima fuit, & fortè etiam aliquando nulla planè significatio.

2. Vix ullæ voces frequentius occurrunt in Græcorum & Romanorum monumentis, iis quæ *munditiam*, ac *immunditiam*, easque variorum, ut postea videbimus, generum significant. Græci passim loquuntur περί τῆ κοινῶν καὶ βεβήλων, & περί τῆ μολύνειν ἥτοι μισαίνειν, multasque adhibent voces ex hisce derivatas, aut compositas. Latini similiter habent quæ subinde narrent de rebus, aut hominibus *impuris*, vel *immundis*, vel *profanis*, deque *pollutionibus*, aut *profanationibus*, aliisque similibus. Utrique sæpissimè verba faciunt de *sordibus*, quibus contaminari censentur quæcumque eas tangunt. Si contraria significantes voces spectes, utramque etiam apud illos paginam faciunt voces ἀγνός, & καθαρός, earumque derivata, apud Græcos: ut nomina *purus* & *mundus*, vocēsque adfines, apud Latinos. Atqui omnium horum vocabulorum non solum ambiguus, sed & non rarò obscurissimus est, aut nullus significatus.

3. I. *Mundities* aut *immundities*, proprio, & nativo significatu, ad res corporeas spectat. Nonnulla enim sunt, quæ *immunda* dicuntur, ob singularem naturam, quæ iis inesse creditur. Exempli causâ, pleraque quæ foetent, eò quòd sint corrupta, *immunda* vocantur. Fimus dicitur *immundus*, ejusque

contactu *foedari* dicimur. Si ejusmodi vocibus ea dumtaxat, quibus læduntur sensus hominum, intelligerent qui iis olim usi sunt, aut qui eas etiamnum usurpant (nam & nos ita loquimur) nihil esset quod de ejusmodi loquutionibus diceremus, præter ea quæ antea de nominibus notionum simplicium observavimus. Sed hodie, cum de rebus eo sensu *immundis* loquimur (credibile autem est Veteres similia cogitasse) de sensibus nostris non cogitamus, sed de nescio qua *immunditie*; quam quasi *absolutam* qualitatem spectamus, & quam credimus inesse rebus *immundis*, à quibus propterea abhorremus. Sumat quisque experimentum hujus rei, & si in se ipse descendere nolit, ab alio petat quid ejusmodi vocibus intelligat, eumque eò adigat ut eas clarè definiat. Tum demum intelliget plerisque homines nescire quid dicant, cum de *immunditie* loquuntur. Imò verò multi sunt, qui ferinam foetentem in deliciis habent, atque avidissimè comedunt; quam alii si vel digito tetigissent, foedatos se, & ablutione indigere judicarent.

4. Contrà *munda* & *pura* dicuntur, quæ neque ipsa sensus offendunt, neque sunt contaminata, ad tactu eorum quæ per se *immunda* esse existimamus. Vestes, exempli causâ, *mundæ* aut *puræ* sunt, quæ nullâ re, postquam à fullone adlatæ sunt, contaminatæ fuerunt. *Sordere* verò dicuntur, atque *immundæ* esse eæ, quibus contrarium quidpiam accidit. Scimus quid hæc sibi velint, cum intelligimus quid sit *immundities*, de qua antea dixi-

diximus ; alioqui priore ignorato , posterius etiam ignoremus necesse est.

5. II. A rebus corporeis eæ voces ad animum sunt translatae , animusque *purus* dictus , qui non est vitio ullo , aut singulari quopiam scelere , de quo sermo sit , contaminatus ; contra *impurus* quisquis est aut vitiis , aut peccato quodam inquinatus. Hinc Latini *impurum* & *impuratum* hominem nequam & improbum vocant , quemadmodum Græci *μιαρὸς* , *ἀκάθαρτος*. Hæ harum vocum significationes claræ sunt , si modò perspicuum est quid sit Vitium & Virtus ; quod certè clarum esse potest , sed omnibus sine dubio non erat olim , uti nec est hodie :

6. III. Verùm quidquid est obscuritatis , in memoratis significatibus vocum , quibus *mundities* , aut *immundities* signatur , id nihil est ; præ eo quod nunc dicam. Veteres , nimirum , passim neque corporis propriè , neque animi ratione habitâ , *impurum* , aut *pollutum* dicebant in sacris , eum quem sacra adtrektare aut iis adesse nefas erat ; eo quod *impuratus* haberetur. Quod si sacra faceret ; hoc in statu , ea Numini displicere arbitrabantur. Exempli causâ , manibus illotis , quamvis ceteroqui nullæ sordes iis adhærent , immolare victimam non licebat , imò ne ingredi quidem templa. Immundi similiter erant , qui cadaver attigerant , aut etiam propius ei adfuerant , qui puerperam inviserant , qui surgebant e lecto , antequàm se abluissent , qui *μυρμυρῆς* passi erant , qui cum uxore con-

cubuerant. Immundæ erant mulieres omnes, tempore καθαριῶν, aut λοχίων. Hæc omnia singillatim probari necesse non est, cum partim sint notissima, & partim à nobis in *Commentario in Pentateuchum* probata, ubi primùm de ejuscemodi pollutionibus sermo fuit. Sunt præterea qui hæc de re datâ operâ scripserunt, qui, si necesse sit, \* adiri poterunt.

7. Jam quæro, quid menti eorum obverfaretur, qui dicebant hominem esse pollutum, nec sine purificatione posse ad sacra accedere, qui cadaver humanum adtreffasset, aut etiam homini morienti adfuisset; quòd si, pollutione illâ neglectâ, è vestigio Templum adiisset, aut rem divinam fecisset, nec preces, nec victimam Deo placere potuisse; imò verò fuisse ingratisissimas, quæcumque ceteroquin hominis virtus esset. An ex eorum sententia adhærebat aliquid corpori, aut animo ejusmodi hominis, ex tacto, aut conspecto cadavere, quod, licèt ignoraret, ea vitia-  
ret? Non puto, nec, ut opinor, credebant qui hominem funestatum purè sacra facere posse negabant. Certè apud illos pollui non censebantur Sacerdotes, qui non modò contrectabant cadavera victimarum, sed etiam intestina, & sterçora, ad sanctissima altaria, è ventre extrahebant. Quid ergo è conspecto cadavere humano potuit in spectatores subito transire, quod eos impuraret? Quid etiam fuit in rebus merè naturalibus, & in quibus  
ni-

\* Vide Joan. Lamejerum, de Lustrationibus Veterum. C. XVI. & seqq.



nihil est quod hominem deteriore aut meliorem reddat ; quo quisquam Deo , naturæ rerum auctori , minùs acceptus fieret ? Cur Templum à funestato , si id illico ingrederetur , *βιολῶσθαι* , *κοινῶσθαι* , *profanari* , ac *pollui* credebatur ? Cur redeunti è macello patuere Sacraia , quæ claudebantur homini , in cuius gremio homo , dum ei vulnerato , aut ægrotanti , aut subito casu perculso opem , ut par est , ferre nititur , mortuus fuerat ? Non quæro hîc quæ esse potuerit ratio hæc primùm instituentibus , cur ejusmodi doctrinam de *pollutionibus* & *purgationibus* , animis hominum inferere cuperent ; anve aliud quidpiam significarent , quàm quod primo intuitu videtur . Hoc unum scire velim quid deinceps cogitarent populi , qui ad tactu cadaveris hominis , non vituli , aut agni *pollui* se putabant , & discitabant ? Quam vim ei voci , similibusque subiciebant ? Profectò nullam ; nec aliud respondere potuissent , nisi se à Majoribus ita accepisse , hominem funestatum tactu , aut conspectu cadaveris humani esse *pollutum* ; hoc est , se à teneris hanc opinionem imbibisse , ad sacra accedere non debere , & dici solitos ejusmodi homines *pollutos* ; sed rationem rei , ac significationem ejus vocis & similium sibi esse ignotas . *Iosephus* quidem aliquid hac de re dicere tentavit Lib. II. contra Apionem pag. 1074. sed ejus verba intelligi nequeunt , fortasse quidem quoddam mendo laborent , sed potissimùm , ut puto , quoddam nesciret ipse quid sibi vellet . *Εἰ τις* , inquit ,

ἐπὶ λίχῃ ἢ φθορὰν παρέλθοι, καθαρὸς εἶναι εὐδυνα-  
ται, εἰ (sic lego, non ἦ) καὶ μετὰ τὴν νόμιμον  
συνεστίας αἰδρὸς καὶ γυναικὸς ἀπολῆσθαι κελύει ὁ νό-  
μος. Ψυχῆς τε καὶ σώματος ἐγείρεται μολυσμὸς ὡς  
πρὸς ἄλλαν χάραϊ ὑποβάλλονται. καὶ γὰρ ἐμφυομένη  
σώματι κακοπαθεῖ ἡ ψυχὴ, καὶ τέτοιαι αὐτῇ πάλιν ὡς  
θαινατὰ διακριθεῖσα. A vocibus ψυχῆς τε &c.  
tanta inest hisce verbis obscuritas, ut Oedipo  
indigeant, quem nondum, ut opinor, in-  
venerunt; nam sunt perabsurdè à *Sigism. Ge-  
lenio* versa, nec quid velint scio.

8. Attamen hac positâ opinione, quasi cœra-  
tissimâ, & re admittâ quasi perspicuâ, innu-  
meri ritus erant quibus homines hoc, aut aliis  
similibus modis *polluti* purgabantur, aut ex-  
piabantur, & multi quidem ludicrî. Non  
modò aquâ, eâque purâ abluebantur, sed  
ceterorum elementorum ope, aut etiam ani-  
malium, plantarum, & fossilium lustraban-  
tur; quorum lustrationum exempla congesse-  
runt \* viri eruditi, quorum labore effectum  
est, ne nobis necesse sit ulla huc convehere.

9 Quid verò erat *purgare*, aut *lustrare*,  
hoc mystico significatu? Quæ intelligebatur  
mutatio fieri in hominē, qui è domo funesta  
egressus manus abluebat, aut aquâ lustrali ad-  
spargebatur, aut simile quid faciebat? Cor-  
pus mundius non fiebat, quod foedatum ne-  
mō dixerit, eò quod accessisset ad cadaver;  
nec animus etiam, qui cadavere nequaquam  
pol-

\* Vide *Lomejerum* Cap. XVIII. & seqq.

pollutus fuisse cenferi potest, purgabatur. Quid ergo significabatur voce *purgare*, aut *lustrare*? Ritum celebrare, cui, si verum quæras, cur hoc nomen esset inpositum nesciebant.

10. Horum meminisse oportet fidum Interpretem, qui non Judicem agit Veterum, aut indagatorem Veri, sed tantum fungitur interpretandi munere; quod totum in eo situm est, ut doceat quæ cogitarint Veteres, seu falsa ea sint, seu vera; obscura, seu clara; non quæ cogitare debuerint, ut ne fallerentur, aut quid dicerent intelligerent. Hoc verò neglecto, sæpe videmus viros doctos omnes ingenii nervos intendere, atque omnem lapidem movere, ut sub verbis nihil significantibus, aut obscurissimas notiones exprimentibus, perspicuas & firmas ratiocinationes inveniant. Adtendant hæc studiosi, & multò plura exempla harum rerum, inter legendum, invenient, quàm vulgò persuasum est.

11. Hæc cum sint manifesta, nihil, quod in ratiocinatione nostra carpi possit, video. At unum hoc objici queat, nostrum esse ostendere quod factum fuerit, ut judæi veri Dei cultores ita etiam loquuti fuerint, & similes ritus habuerint. Hoc verò paucis verbis potest expediri; nempe, inanes per se ritus à Deo nequaquam primum esse institutos, sed cum populus Hebræus esset illis dudum adfectus, Deum leges suas ejus ingenio adtemperasse; quod cum alli, tum etiam nos ostendimus, in *Commentario nostro in Pentateuchum*. Ac sanè hoc liquebit, si reputemus, apud Ægyptios,

tios, quorum Regnum Hebraicâ Republicâ multò antiquius fuit, talia usitata fuisse, diu antequàm nasceretur Moses; ut nos ipse docet, cùm ait jam à tempore Josephi Ægyptios non sustinuisse convivari cum peregrinis, ne, nimirum, polluerentur. Vide Gen. XLIII, 31. & quæ illic notavimus. Græci etiam & Romani, antequàm noti essent illis Judæi, ejusmodi opinionibus credulitatem suam addixerant. Nec certè incommocos & inutiles, cùm ad vitam, tum ad virtutem quod adinet, ritus instituisset umquam Deus; nisi invenisset Judæos iis adedò addictos, ut ex eorum animis nullis novis legibus evelli possent. Possumus ergo, sine ulla vel minima divinæ majestatis imminutione, dicere Deum cum pueris, ut ita dicam, balbutiisse; quando de pollutionibus, ex more recepto, loquutus est. Possumus proinde institutores primos ejusmodi rituum ridere, & ostendere eos inanibus verbis plebi imposuisse.

12. Certè plerique Patres, qui adversus Ethnicos scripserunt, ita eorum ritus oppugnarunt, ut simul ostenderint, si Judæis Deus eos imposuit, id nequaquam factum fuisse, ob eorum rituum præstantiam; sed propter Judæorum perversam indolem, qui meliora repudiaturi erant. Earn in rem, multa habet Scriptor *Constitutionum Apostolicarum*, qui certè in multis laudari potuisset, si suo ipsius nomine proferre ea maluisset, quæ Apostolis; non excusandâ fraude, tribuere conatus est. Pauca tantùm, de *pollutionibus*, excerpemus. Ita ergo, apud eum, Apostoli  
Lib.

Lib. VI. c. 27. quod inscribitur *de observationibus Judaicis & Ethnicis*, mulieres & viros adloquuntur: μελέτα τὰς αὐτὰ νόμους, μηδὲν παρατηρημένα, μὴ κάθαρσιν φυσικὴν, μὴ μίξιν νόμιμον, μὴ τοκετὸν, ἢ ἀποβολὴν, μὴ μῶμον σώματος. ἐπειπερ τὰ τοιαῦτα παρατηρήματα ΜΩΡΩΝ ΑΝΘΡΩΠΩΝ ΕΦΕΥΡΕΜΑΤΑ ΜΑΤΑΙΑ, καὶ οὐκ ἔχοντα. ἔτι ἢ κτεῖν ἀνθρώπων, ἔτι ὁσίων νεκρῶν, ἔτι μύημα, ἔτι τοιοῦδε βεῶμα, ἔτι ὀνειρωγμὸς μιᾶται δύναται ἀνθρώπων ψυχὴν. ἀλλὰ μόνῃ ἀτίβεια ἢ εἰς Θεὸν, καὶ παραιομία, καὶ εἰς τὸ πλησίον ἀδικία: *meditare etiam leges illius, nihil observans, non purgationem naturalem, non copulationem legitimam non partum aut abortionem, non corporis maculam; siquidem huiusmodi observationes sunt HOMINUM STULTORUM INVENTA INANIA, & ratione carentia. Neque verò hominis funus, atque ossa mortui, neque sepulcrum, neque certus quidam cibus, neque nocturnum seminis profluvium polluere animum hominis possunt; verum sola impietas in Deum & iniquitas, & erga proximum injustitia. Vide & Cap. XXX.*

## CAPUT VIII.

*De Notionum Adæquatarum & Inadæquatarum nominibus,*

1. OMNES, ut rectè summus Orator, *trahimur & ducimur ad cognitionis & scientiæ cupiditatem, in qua excellere pulcrum putamus.* Cognitionis autem est duplicis generis, alia enim est adcurata, omnesque rei cognitæ complectitur partes; alia verò minùs perfecta, & quæ ad nonnullas dumtaxat pertinet. Cùm innumera sint, quæ nonnisi posteriore modo cognoscimus, nec etiam aliter cognoscere possumus; attamen perpetuâ quadam siti perspicendarum rerum, quas natura ipsa nobis occulit, laboramus.

2. Sæpe etiam, quæ est humani ingenii aut cæcitas aut superbia, nobis ea penitus non esse putamus, quæ partim dumtaxat novimus. Tum verò, cùm de iis rebus loquimur, vocibus utimur, quæ sæpe plus significant, quàm intelligimus; & aliorum etiam Scripta legentes eorum dictis sententiam multò ampliore ac pleniorē, quàm umquam eorum animis obversata est, tribuimus. Hinc fit ut eorum sententia aut penitus aberremus, aut partim deflectamus; dum vocibus, quæ *adæquatis* notiones significant, usos eos esse perperam credimus. Igitur interest eorum, qui  
Ve-

Veterum Scripta intelligere cupiunt, probè distinguere nomina *adæquatarum* notionum à nominibus, quibus *inadæquatæ* tantùm rerum notiones subiectæ sunt.

3. I. Docuimus, *Logicæ* P. I. c. 10. adæquatas esse omnes notiones simplices; itæque harum nominibus subesse adæquatas notiones. Adæquatæ pariter sunt notiones Modorum *abstracte* spectatorum, cùm simplices sunt, aut etiam compositi, si omnes eorum partes norimus; & vocabula, quibus significantur, nomina sunt notionum adæquatarum. Fingimus etiam ipsi varias notiones, quibus animus addit, aut detrahit quidquid vult; quòd non sint inagines rerum, quæ extra nos sunt, sed mera nostra figmenta; quibus in notionibus cùm sit nihil, nisi quod volumus, non mirum si sint adæquatæ, ac proinde si idem de earum nominibus, ac de superioribus feratur iudicium. Notionum ergo adæquatarum nomina sunt *calor, frigus, dolor, voluptas, &c. rotunditas, triangularis, quadratà figura*, aut ex iis mista, &c. *Centaurus, Chimæra, &c.*

4. II. At si deveniamus ad Substantias, quas spectamus ut re ipsa existentes, tum demum scire non possumus an nobis obversentur notiones earum adæquatæ; imò verò, si rem paulò diligentius expendamus, nobis constabit inadæquatas esse, \* quod alibi demonstravimus. Igitur quotiescumque occurrant nomina Substantiarum, aut rerum quarum partes sunt Substantiæ, certum hoc ha-

F f 5

peri

\* *Logicæ* P. I. c. 10.

beri debet, ea esse nomina notionum inadæquatarum. *Deus, homines, corpus, spiritus, animal, planta, lapis, metallum, &c.* nomina sunt ejusmodi.

5. III. Præterea ipsi Modi, cùm sermo est de Modis re verâ existentibus in Substantiis, aut qui fuisse statuuntur, si præsertim res agatur in qua multæ sint circumstantiæ; ipsi, inquam, illi modi hominibus numquam omnes innotescunt, ideoque, nomina & loquutiones, quibus describuntur eventus, sermones, aut alia quæ narrantur, sunt notionum inadæquatarum adpellationes. Exempli causâ, *vic-toria Cæsaris de Pompeio, sermones Socratis in carcere*, vocabula sunt rerum inadæquatè notarum.

6. Hinc varia maximi momenti confectaria deducere licet. Primùm enim hinc tequitur, cùm Scriptorem legimus de Substantia quadam aut de eventu multiplicibus Modis constante, loquentem, nos non posse plenam notionem rei, de qua agit, ei tribuere. Secundò, si integram notionem ejus rei non habet; non posse ex ejus dictis ea colligi, quæ ut colligi queant, necesse est rem penitus esse notam. Tertiò, ex notione nequaquam perfectâ sæpe nasci maximas difficultates, quæ ex eo Scriptore neutiquam solvi possunt. Denique nihil tutius esse, in ejusmodi rebus, quàm cohibere judicium, cùm de re ipsa, tum de sententia Scriptoris, quem legimus. Verùm hæc sunt paullò pluribus illustranda.

7. I. Prima omnium Substantiarum est  
*Deus,*



*Deus*, ad quem id nominis singulari quodam sensu pertinet. Scimus à *posteriore*, ut Philosophi loquuntur, nihil perfectionis inesse creaturis, quòd illi non inest; nam à fonte nihil potest manare, quod in eo antea non fuerit. At nemo mortalium adæquatam notionem ejus perfectionum numquam sibi effinxit. Itaque quæcumque sit Scriptorum, qui de divina natura scripserunt, sapientia; nihil adæquati de æterna illa Substantia ab iis expectandum est. Quotiescumque occurrit vox **DEUS**, tenendum semper est nomen esse notionis, quæ, pro Scriptoris ingenio, aut sapientia, plura aut pauciora complectitur attributa; sed quæ Archetypum ipsum neutiquam æquat, aut æquare potest.

8. Imò verò, cùm sermo est de aliis Substantiis, seu spirituales illæ sint, seu corporeæ; nomina, quibus adpellantur, sunt vocabula parum integrarum notionum. *Mens* humana quid sit nescimus; *Corporis* intima natura, & humani quidem singularis dispositio; exceptis iis quæ oculos aut solos, aut instrumentis adjutos percellunt; nobis ignota est. Minus novimus ceteros spiritus, ceteraque corpora. Itaque quoties de illis agunt Veteres, toties fatendum est eos uti nominibus inadæquatarum notionum.

9. Quòd si sermo sit de actionibus Dei, animaliumque intelligentium Naturarum; aut si res, de quibus loquuntur, multiplices circumstantias. interventumque variarum causarum complectantur; tum verò rerum compositarum inadæquatas dumtaxat notiones, singulis

galis fermè vocabulis, significant. Similis est eorum sermo tenuissimis illis picturis, quæ quasi in recessu cernuntur, & offerunt quidem nobis varia spectanda, sed propter tenuitatem, ac distantiam imperfecta, ac evanida rerum majorum vestigia. Qui loquuntur *πρὶ τῶ θουὶ ὑπεράνω*, *πρὶ τῶ γυνήτιος τῶ υἱῶ*, & *πρὶ τῶ ἱεροῦτιος τῶ πνεύματος ἁγίου*, & de aliis id genus, multùm abest ut adæquatas notiones verbis suis subjiciant. Qui Historias narrant, quamvis copiosè omnia persequantur, quatenus licet, innumeras circumstantias, aut notas, aut arcanas necessariò prætermittunt, ex quibus sæpe eventus penderunt. Hæc non dico, quasi vitio veram Theologis aut Historicis, quòd pleniores iis non fuerint notiones; multa enim sunt, quæ plenius nosse non poterant; at ii digni sunt, qui reprehendantur, qui imperfectas notiones cum adæquatis miscent, volùntque in Veterum Scriptis ea reperire, de quibus illi numquam cogitarunt; aut, quod pejus est, credenda ea, gravibus propositis pœnis, aliis imponunt.

10. Si eà, quæ per est, adtentione & reverentiâ expendamus quæ Apostoli habent de Jesu-Christo, facilè intelligemus eos non putasse *merum* esse *hominem*, quandoquidem ei mundi \* creationem tribuunt; eosque errare, qui similia sentiunt; sed de ratione, quâ æternum Numen cum Jesu homine conjunctum sit, tacent; quo credibile sit arcanum illud iis, in terris agentibus, nondum revelatum fuisse.

\* *Ipse C. I, 10, 14, ubi vide à nobis notata.*

fuisse. Sciverunt Christum esse Deum & Hominem, atque ita de eo loquuti sunt; sed modum rei ignorasse videntur, certè nusquam explicant, adedò ut merito suspicari inadæquatam eis hujus rei fuisse notionem possimus. At Religionis Christianæ, sequentibus sæculis, Interpretes temerè statuentes ex verbis Apostolorum pleniorē rei notionem colligi posse; quàm reverà potest; modum ejus conjunctionis definire adgressi sunt, & singulare nomen ei imponere; unde natæ olim *Euty-  
chianorum*, *Nestorianorumque* & aliorum concertationes; quæ nec hodie sopitæ sunt, nec potuerunt, aut possunt ex solis Apostolorum Scriptis componi; quia Theologi nesciunt in notionibus inadæquatis adquiescere, quamvis pleniores ex Scriptura colligere nequeant. At si quod obscurius docent Apostoli, obscurè intelligere satis habuissent, nec ulterius progredi voluissent; nulla fortè umquam diffidia hac de re orta fuissent, aut facilè saltem composita.

10. Nec quisquam nos nimis temeritatis arguat, quòd Apostolis ipsis nonnullarum sublimiorum rerum fuisse notionēs inadæquatas dicere ausimus. Difertè hoc de se profitetur Paulus, in eximio illo Capite XIII. prioris ad Corinthios, in quo postquàm longè prætulit caritatem cognitioni omnium mysteriorum, ita pergit versu 8. *Ὡς ἡ ἀγάπη ἐδέχεται ἐκπύλαι.*  
*εἴτε ὁ προφητείας καταργηθήσονται, εἴτε γλώσσαι*  
*παύσονται, εἴτε γνώσεις καταργηθήσονται. ἐν ΜΕ-*  
*ΡΟΥΣ ὁ γινώσκω, καὶ ἐν ΜΕΡΟΥΣ προφητεύω.*  
μψ.

μιν· ὅταν ᾖ ἔλθῃ τὸ ΤΕΛΕΙΟΝ, τότε τὸ ἐκ μέ-  
 ρους καταργηθήσεται· ὅτι ἤμην ἡπίσι, ὡς ἡπίσι  
 ἱελεῖν, ὡς ἡπίσι ἰφροῖναι, ὡς ἡπίσι ἰλογιζέσθαι·  
 ὅτι ᾖ γίγνασθαι ἀνὴρ, καὶ κερύκεα ταῦτα ὑπὲρ. βλέπο-  
 μιν γὰρ ἄρτι δι' ἐσόπτρου ἐν αἰνίγματι, τότε ᾖ πρόσω-  
 πον πρὸς πρόσωπον· ἀεὶ. ᾖ γινώσκω ἐκ ΜΕΡΟΥΣ,  
 τότε ᾖ ἐπιγινώσκειν, καθὼς καὶ ἐπιγινώσκειν: *caritas*  
*numquam excidit, sive prophetie, evacuabun-*  
*tur; sive Lingue, cessabunt; sive scientia, de-*  
*structur. Ex PARTE enim cognoscimus,*  
*et ex PARTE prophetamus. Cum autem*  
*venerit quod PERFECTUM est, evacuabitur*  
*quod ex parte est. Cum essem parvulus, loque-*  
*bar ut parvulus, cogitabam ut parvulus. Quan-*  
*do autem factus sum vir, evacuavi quæ erant*  
*parvuli. Videmus nunc per speculum, in enig-*  
*mate, tunc autem facie ad faciem. Nunc cog-*  
*nosco ex PARTE, tunc autem cognoscam, si-*  
*cut et cognitus sum.*

II. Tam insignis est hic Apostoli locus, & usque aded ad rem nostram facit, ut nonnihil ei immorari operæ pretium videatur. Itaque singulas hujus orationis partes considera-  
 bo. I. Observat Paulus prophetiarum, Lin-  
 guarum exoticarum, & eruditionis Theolo-  
 gicæ, qualis hisce in terris floret, omnem  
 usum sublatum iri in altera vita; sed caritatis  
 mutuæ, quâ beati Deum & se invicem pro-  
 sequentur, usum numquam abolendum; un-  
 de sequitur ut caritatem pluris faciamus, quàm  
 omnem illam eruditionem nostram, cujus  
 brevissimus est in hac vita usus, quamlibet ve-  
 ra sit. II. Tum rationem subjicit, quòd cog-  
 nitio

nitio nostra, adeoque ipsius Apostoli, sit *inadequata*, sive, quod perinde est, *ex parte* tantum norimus, quæ novimus; nimirum, in iis quæ ad Deum, & Theologiam spectant, de quibus solis hîc sermo est, non de ceteris disciplinis, nisi quatenus cum illis sunt conjunctæ. Inadequata autem notio nullius est ampliùs usûs, postquàm plenior est comparata. Exempli causâ, si conferatur Theologia Judæorum, qualis erat antequàm Christus & Apostoli Evangelium prædicassent, cum ea quam consequuti sunt ex revelatione Evangelii, erat tantum *in minus*. Quamobrem, patefacto Evangelio, omnis illa legalis eruditio Judæorum *κατηργηθη*, *inutilis facta est*: haud aliter ac lumen lucernæ, exorto sole, inutile est. Si quis ergo Judæus, ante notum Christum, vel post notum & rejectum, sibi ipse usque adedò blanditus est, ut existimarit sibi Theologiæ adæquatam esse cognitionem, quod sine dubio multi crediderunt; vehementer erravit, quamvis se minimè errare consideret. Sic & nos hodie graviter hallucinaremur, si omnia nobis *adæquatè* nota esse existimaremus, ut nos docet hîc Paulus, utque tenebris hujus vitæ crepti ipsi tandem experiemur. Tunc demum, *cum venerit quod perfectum est*, *evacuabitur quod ex parte est*. Ut Judæos, antequàm venisset Christus, sibi eruditionis causâ placentes, puduit suæ inscitiae à Christo edoctos: sic & nos, qui hodie fortè superbimus ob eruditionem longo tempore, &  
mā-

maximis laboribus vigiliisque comparatam, pudebit olim nostræ ignorantiae, cum Deus nos beaverit. Quanto ergo satius esset hîc non superbire, definiendo quæ non nisi partim novimus, quali nobis essent perspecta; sed ad ampliorem alterius vitæ cognitionem iudicium dî ferre, & interea fateri nobis per omnia *non liquere?*

12. Egregiè hoc nos docet III Paulus, comparatione ex puerili & virili atate deductâ; ex qua intelligimus minimùm tantum fore discrimen inter hodiernam hanc nostram eruditionem, quæcumque sit, & eam quæ futura est in cœlo; quantum est inter opiniones puerorum & peritiam virorum, quod adtinet ad res hujus vitæ. Igitur quamvis tumeamus, oportet nos fateri vastissimam eruditionem Theologicam mortalium in hisce terris, collatam cum Angelica, aut cum eâ quæ olim erit beatorum hominum, puerilem planè esse. Rideremus puerum, qui, ne de majoribus erroribus pueritiæ agam, existimaret sibi perspecta esse quæ videremus eum imperfectissimè nosse, & propterea sibi ipsè plauderet: sic & nos; si ita loqui fas sit, rident beatæ illæ Mentes, quæ multò præstantiores sunt nobis, quàm nos sumus puerulis, cum audiunt nos audacter & superciliosè loquentes, de iis quæ non novimus, nisi instar ejus *qui videt, aut vidisse putat per nubila lunam.* Certè eos nostræ cæcitatæ & ridiculæ superbiæ, in tanta ignorantia, miseret. Si videamus fortè pueros inter se de puerilibus opi-  
nioni-

mus fortè pueros inter se de puerilibus opinionibus primùm disceptantes, deinde ad verbera devenientes, quàm acerrimo queunt pugilatu certare; non possumus illis non irasci quòd, propter id quod neutri sciunt, ita inter se, pro ætate, pugnent. Quid verò putamus cogitare Angelos, cùm vident viros adultos, aut senes, jam non pugnis, sed legibus, edictis, exiliis, pœnisque omnis generis in se invicem, propter multa, quæ iis aut penitus, aut partim ignota sunt, sævire? Profectò non modò pueros, sed & nequam pueros, ac flagris dignos esse censent. Cùm animadvertunt inconspicui illi factorum nostrorum speculatores, viros, qui graves haberi volunt, dies, noctesque garrientes de iis quæ nesciunt; disceptantes inter se primùm privatim, deinde palam; tum scriptitantes, ac infesto stylo digladiantes; postea coitiones facientes, ut numerum secum consentientium cognoscant, videántque ne quid factionis opinio capiat detrimenti, in eo terrarum angulo in quo plurimùm possunt; ac tandem aliis (virisne dicam, an pueris?) sollemniolem in modum convocatis, leges condere de iis quæ ignorant, quasi divinas aliis sui similibus obtrudere, & omnibus rationibus dissentientes vexare; cùm animadvertunt, inquam, hæc Angeli, quid illis animi esse putamus? Parum abest quin non jam ludos, sed tragœdias nostras perturbent, malè illico mulctatis cæcis illis qui in alios cæcos sæviunt; & facerent, nisi summus *αγαθός* juberet eos

exspectare, donec iudicium ipse sit de hisce omnibus laturus, & superbos ac immites à modestis ac mansuetis separaturus. Interea fortè beati illi Spiritus, isdemque generis nostri amantes, non voce quidem, quæ aures verberet, sed tacitis, ut ita dicam, in animum nostrum insusurrationibus, nos monent ut memores nostræ ignorantie paullisper cohibeamus iudicium, donec intra pauculos annos rem pernoscamus; cùm nos Deus ex hac vita evocaverit, ostenderitque in clara luce, quam nunc frustra in tenebris quærimus, Veritatem.

13. Quodd si arcanos hosce susurros adfectuum tumultus ac strepitus nos audire non sinit, at oculi nostri feriantur necesse est, sententiâ hacce Pauli, qui atramento, quod nulla delebit ætas, scripsit IV. *nos videre nunc per speculum, in enigmate, nos cognoscere ex parte; sed postea facie ad faciem visuros, cogniturósque ut ipsi cogniti sumus.* Non tantum ergo partim novimus, sed & obscurè atque ænigmatice: ita ut, si partes quasdam ænigmati nobis propositi adsequamur, supersint aliæ, quas nequaquam intelligimus. Quod si Paulus, post tam sublimes revelationes, de se ipse fassus est, quis nunc audebit apud nos de se negare?

14. II. Geometræ, qui omnia sua deducunt ex abstractis, adæquatísque notionibus, in quibus nulla est obscuritas, facil-



cillimè à Lectoribus adtentis intelliguntur. Nihil illis tribuitur, quod non agnoscant, & cujus omnia necessaria consecraria amplecti pro suis parati non sint. At cum res, de qua incidit sermo, *inadequate* nota est, nec vocabulis signatur, quæ totam ejus naturam complectantur, cavendum ne contrarium statuamus, ut sit, atque hinc inania consecraria deducamus. Hinc exstiterunt tot controversiæ de Veterum sententia, ad res divinas, spirituumque & mentis humanæ naturam quod adtinet. Plenas, nimirum, notiones earum rerum illis tribuimus, quas plenè nullus mortalium umquam novit. Igitur, si sapimus, nihil ex eorum dictis colligemus, quod ampliùs quàm eorum *inadequate* notiones pateat. Si velimus eorum esse discipuli, in ejusmodi notionibus est nobis adquiescendum, nec ulteriùs quidquam quærendum. Alioqui si ope consecratorum pleniores, quàm illi, adipisci notiones nitamur; dum statuimus eos *adequatam* notionum nomina protulisse; ab eorum sententia sensim recedemus, nec minùs peccabimus, ac si quis ex summa non integra rationem integram inire institueret.

15. III. Maximæ difficultates in hisce rebus necessariò nascuntur ex imperfectis notionibus, præsertim si eas perfectas judicemus: quemadmodum innumeræ oriuntur, in calculo summarum, quas non-

nisi ex parte nosceremus. Rationes varias in concordiam numquam redigere possemus, quæ fortè tamen consentirent; ut facilitè animadverteremus, si integræ summæ nobis essent notæ. Nomina inadæquatarum notionum, quibus usi sunt Veteres, occasionem suppeditant innumeris questionibus; quas ipsi Scriptores non adtigerunt, nec licet nobis ex ejusmodi nominibus solvere. Quot possunt quæri de sententiis Veterum, cum rectè, tum secus de rebus divinis sentientium, quæ ex illorum verbis solvi nequeunt? Quas tenebras nobis ipsi offundunt, cum volunt id quod sentiunt efferre? Norunt quàm verum sit quod dico qui legerunt quæ, de *Nicænis* controversiis, scripta sunt à viris doctissimis *Dionys. Petavio*, *Steph. Curcellæo*, *Pet. Dan. Huëtio*, *Rod. Cudwortho* & nuper à *Georg. Bullo*. Ad finem hujus Opusculi properantibus non licet accuratius rem explicare, & nonnulla hac de re dicta sunt, superioris Sectionis Capp. XIV. & XV. quæ id quod volumus in aperta luce collocarunt. Similia possumus dicere de plerisque Historiis, ex quarum narratione oboriuntur aliquando tenebræ, nullâ luce ingenii discutiendæ; quia, ab Historicis, licet vera dicentibus, quidquid oportebat dici non est Scriptis mandatum; quodd eos fugerit longè maxima pars rerum, quarum historiam scribere adgressi sunt. Exemplo *Q. Curtii*, sequentis Criticæ nostræ

Par-

Partis Sectione tertiâ , rem comprobatam dabimus. Interea cavendum à peccato nimis quàm frequente , quo de eventibus ex imperfectissimis historiis judicamus ; quasi omnia essent complexæ , quæ ad rationes & causas eventuum pertinent. Peccatum hoc committitur præsertim ab Historiarum Ecclesiasticarum Interpretibus , qui passim ex mutilis ac mancis narrationibus , conjectaria colligunt ; quasi nihil esset omissum , aut quasi perspicuum esset id jure factum quod probant , injuriâ verò quod ipsis displicet. Hinc postea miræ exoriuntur repugnantix , quas frustra tollere nituntur.


16. IV. Manifestum est ex antecedentibus , in retexenda Veterum de rebus , quas ex parte tantum norant , sententia , eos occurrere nodos , qui vix ac ne vix quidem solvi à nobis possint. Quid ergo superest faciendum , nisi ut in obscuris & ἀλύτοις cohibeamus judicium ? aut , si judicemus , ut nostra judicia niti obscuris nominibus aut descriptionibus inadæquatarum notionum ; ideoque conjecturas potius esse , quàm res compertas ; nec proinde invitis aliis obtrudendas , nec temerè damnandos aliter sentientes , aut acerbius traducendos meminerimus. Res sunt per se obscuræ , nec nisi partim notæ , eæque verbis nequaquam claris expressæ. Neque verba , rebus collata , clariora fieri possunt ; neque ex verbis , interdum parum aptis ,  
lux

470 ARTIS CRITICÆ. P. II. S. II. C. VIII.

lux ulla rebus adfertur. Mirum esset, nisi quis in tantis tenebris subinde erraret; at quò majus est errandi periculum, eò nos errandi oportet esse æquiores.

II. PARTIS CRITICÆ

F I N I S.



"MAG 2019234

